


F

IENTIA S




I U S S. H

2107









Thomæ Smithi
Angli


DE REPUBLICA
ANGLORVM
Libri tres.

QVIBVS ACCESSERVNT
*Chorographica illius descrip-
tio, aliq̃ue politici
tractatus.*



LVG. BATAVORVM
Ex officina Elzeviriana
c15 l3c xxx.

CVM PRIVILEGIO



*Nobilissimo, Amplissimo, Cla-
rissimoque Viro,*

D. THOMÆ GLEMHAMO,
Equiti aurato fortissimo,
Affini suo plurimum
honorando:

*Hunc commentariolum de Regno An-
glia, in debita observantia & sin-
cera amicitia testimonium*

Dedicat

IOANNES de LAET,
Antverpianus.

SVMMA PRIVILEGII.

Illuſtrium & Prapotentium D. D. Ordinum fœderatarum Belgia provinciarum decreto cautum eſt Bonaventuræ & Abrahamo Elzeviriis, Academia Leydenſis typographis, Ne quis præter illorum aut heredum voluntatem toto decennio proximo, his in regionibus excudat, aut alibi extra provincias excuſum inferat vendatve librum hunc, cui titulus, Thomæ Smithi Angli DE REPUBLICA ANGLORVM, &c. Quod ſi quis contempta auctoritate, directe vel indirecte, librum hunc, totum, vel partem ejus, hoc ſive alio modo, extra dictum temporis intervallum typis mandare, vel impreſſum alibi in has oras inferre & vendere præſumpſerit; conſiſcatione exemplarium, mulcta que inſuper ſexcentorum florenorum damnas eſto; uti latius patet in ipſo privilegio, dato Hagæ in conventu D. D. Ordinum Generalium, XV Maji, MDCXXVI.

G. V. HERTEVELT V^t.

Ad mandatum Prapotentium D. D. Ordinum General. ſſ.

I. van GOCH.



INDICVLVS SVMMO-
rum capitum quæ hoc libel-
lo continentur.

I.



Angliæ chorographi-
ca descriptio com-
pendiosa, è Camde-
no, Speedo & aliis.

Pag. i.

II.

Cœli solique ratio in gene-
re atque in singulis provin-
ciis.

85

III.

De moribus incolarum tam
in communi quam particula-
ti.

98.

* 3

IV. Tho-

xxiv. De quarta hominum specie qui non præsunt.	165
Lib. II. cap. I. Leges Regni An- glicani definiuntur in genere, & dividuntur.	167
II. De Parlamento eiusque pote- state.	168
III. De Parlamento habendo mo- dus.	171
IV. De Monarcha, Rege Regina- ve Anglia.	183
V. Quibus in rebus respubl. à se in vicem maxime distent.	189
VI. Tres esse iudicii formas in An- glia.	190
VII. Iudicium Parlamentarium. ibid.	
VIII. Iudicium ex duello.	191
IX. Iudicium inquisitionis sive Duodecemviratus: deque tri- bus ad iudicii constitutionem pertinentibus.	192
X. De actionibus.	192
XI. De præcipuis tribunalibus & curiis.	195
XII. De temporibus in quibus iur.	

ius dicitur: de Cancellario Anglia & Cancellaria. 196

XIII. *De Indicibus, formaque ius dicendi reddendique apud Anglos usitata.* 200

XIV. *De subselliis regiis.* 201

XV. *De curia actionum civilium.* 202

XVI. *De questione duplici, facti & iuris.* 202

XVII. *De Vicecomite & fisci sive ararii curia.* 205

XVIII. *De duodecem-viris.* 210

XIX. *De Centuriis aliisque Comitatus partibus.* 212

XX. *De Curia Baronis.* 214

XXI. *De die (quem appellant) legitimo.* 217

XXII. *Quemadmodum in causis capitalibus iudicium instituitur, deque Eirenarchis.* 218

XXIII. *De Sontis insecutione.* 223

XXIV. *De Homicidii Quaestore.* 225

XXV. *De Constabulariis.* 226

XXVI. *De conventuum iuridicorum*
* 5 rum

rum celebratione, & quemadmodum in causis criminalibus procedatur.	228
XXVII. Peculiares suppliciorum forma fontibus irrogata, nullibi praterquam in Anglia cognita.	240
XXVIII. De crimine laesa maiestatis, & qua ratione maior nobilitas diiudicetur.	243
Lib. III. Cap. I. De appellatione provocationeq; qua sententiam super causis criminalibus inique latam rescindit.	244
II. In causis civilibus quis sit remedio locus, si prater leges pronuntiatum fuerit.	247
III. De accusatione.	250
IV. De Curia Camera stellata.	253
V. De Curia pupillorum & emancipationis.	258
VI. De Curia Ducatus.	265
VII. De Curia libellorum supplicum.	266
VIII. De uxoribus & nuptiis.	267
IX. De liberis.	274
X. De	

- x. De servitute & servis. 275
xi. De foro spirituali & Ecclesiastico, quod Curia Christianitatis appellatur. 287

V.

De opulentia & potentia Regni Angliæ. pag. 291

VI.

Dere Monetaria & computandi ratione. 297

VII.

Regni redditus quibus rebus consistunt. 300

VIII.

Familia Regia. 307

IX.

Sylloge Ducum, Marchionum, Comitum, Vicecomitum & Baronum, qui Comitibus parliamentariis interfuerunt anno c10 10c xxvii, & quidem secundum ordinem quo confederunt. 311.

X. Se-

X.

Series Regum Angliæ , ex
Henrico Savillo , & Ioanne
Speedo. 318

Digressio de dissidiis inter
Lancastrensem & Eboracen-
sem familias , ex Wilhelmo
Lambardo. 331

XI.

Nobiliorum familiarum syl-
loge, ex Camdeno, & aliis. 338

XII.

Relatio de regno Britanni-
co, Veneti legati , uti videtur,
quæ extat apud Honorium.

XIII.

De Præsulibus Angliæ , se-
cundum Franciscum Godvvi-
num. 400



I.

ANGLIÆ CHOROGRAPHICA
ca descriptio compendiosa, è Cam-
deno, Speedo, & aliis.

Britannia, insula totius or-
bis celeberrima, interfuso
oceanò ab Europæ conti-
nente discreta, Germaniæ
& Galliæ figura triquetra
objacet: tribus in diversa procurrenti-
bus promontoriis; Belerio, quod so-
lem occidentem; (vulgo *the Lysard
point*;) Cantio, quod orientem; Tar-
visio sive Orcade, quod septentriones
prospectat. Ab occasu, qua parte Hi-
bernia sita est, Vergivius oceanus ir-
rumpit. A septentrione vastissimo Hy-
perboreo mari pulsatur. Ab Ortù, qua
Germaniæ prætenditur, Germanico; à
meridie, qua Galliæ opponitur, Bri-
tannico urgetur.

Dimensionem varie antiqui prodi-
derunt; nostra autem ætas ex multis
multorum itineribus certam quodam-
modo totius insulæ jam tandem depre-

A. hendi

hendit dimensionem. A Tarvisio enim circumactis curvatisque littoribus per occasum ad Belerium plus minus D CCC XII mill. pass. numerantur: inde conversa in austrum littoris fronte ad Cantium CCC XX mill. passuum: hinc secundum Germanicum mare angulosis recessibus per D CC IV mill. pass. ad Tarvisium protenditur. Vt hac ratione totius Insulæ ambitus M D CCC XXXVI mill. pass. colligat. Quæ mensura, ut Plinii multo, sic etiam Cælaris aliquanto, minor. Hactenus *Camdenus*.

Ioh. Speedus longitudinem insulæ secundum altitudinem poli ita colligit. Belerium præmontorium, quod maxime australe totius insulæ, situm est ad altitudinem quinquaginta graduum VI scrupulorum. Tarvisium, quod Scotiæ maxime septentrionale, ad LX grad. & XXX scrupulorum. Vnde in longitudine colliguntur 10 C XXIV milliaria.

Hujus Britanniae potissima pars est Anglia, de qua nunc agimus. Ea à Scotia inter æstuarium occidentale (vulgo *Solway-Frith*) & Bervvicum, per Cheviotas colles & fluvium Tuedam dividitur. Latitudo illius maxima inter occidentale Cornubiæ præmontorium, & Tanetham insulam, quæ Cantio ad orientem objacet; quippe quæ CCC XL mil.

D E S C R I P T I O. 3

milliar. pateat. Sed hæc in genere dicta sunt, nunc de singulis provinciis dicemus.

*Catalogus. Provinciarum, Civitatum,
Episcopatum, Municipiorum, quæ
Mercatus privilegio gaudent; &
Parochialium Ecclesiarum
Regni Anglia.*

<i>Prov.</i>	<i>Civit. Episc. Munic. Par.</i>			
Cantium.	2	2	17	398
Sufflexia.	1	1	18	312
Surreya.	0	0	6	140
Middelfex.	2	2	3	73
Hamton.	1	1	18	248
Dorset.	0	0	18	248
Wilton.	1	1	21	304
Somerfet.	3	2	29	385
Devonia.	1	1	40	394
Cornubia.	0	0	23	161
Essexia.	1	0	21	415
Hartford.	0	0	18	120
Oxonium.	1	1	10	208
Buckingham.	0	0	11	185
Berkeria.	0	0	11	140
Glocestr.	1	1	20	280
Suffolcia.	0	0	28	464
Norfolc.	1	1	26	625
Rutland.	0	0	2	47
Northampton.	1	1	11	326
	A 2			Hun-

<i>Prov.</i>	<i>Civit. Episc. Munic. Par.</i>			
Huntingdon.	0	0	5	78
Bedford.	0	0	10	116
Cantabrig.	0	1	6	165
VVarvvic.	1	1	12	158
Licestr.	0	0	11	200
Stafford.	1	0	12	130
VVorcestr.	1	1	7	152
Salopia.	0	0	13	170
Hereford.	1	1	8	176
Lincoln.	1	1	26	630
Nottingham.	0	0	11	168
Derbia.	0	0	8	106
Cestria.	1	1	9	68
Eboracum.	1	1	46	563
Lancastr.	0	0	8	36
Dunelm.	1	1	5	62
VWestmorland.	0	0	4	26
Cumberland.	1	1	8	58
Northumb.	0	0	11	40
Monmouth.	0	0	6	142
Glamorgan.	0	1	7	151
Radnor.	0	0	4	43
Breconck.	0	0	3	70
Cardigan.	0	0	4	77
Carmárd.	0	0	6	81
Penbroc.	0	1	6	142
Mongommer..	0	0	6	42
Merionith.	0	0	3	34
Denbig.	0	0	3	53
Flint.	0	1	3	24

Angle.

D E S C R I P T I O. 5

Prov.	Civit. Episc. Munic. Par.			
Anglesey.	0	0	3	83
Caernarvon.	0	1	5	73
52.	25	26	641	9725

*Alius, secundum jurisdictionem
Ecclesiasticam.*

Paroch.

Sub Cantuariensi Archiepiscopo & Roffensi Episcopo est Can- tium.	257 98
Sub Londinensi Episcop. <i>Essexia,</i> <i>Middelfexia,</i> & <i>Hertford.</i> pars.	623
Sub Lincolnienſi, provincia <i>Lin-</i> <i>coln.</i> , <i>Liceſtr.</i> , <i>Huntingdon,</i> <i>Bedſfordia</i> , <i>Buckinghamia</i> , & <i>Hertford.</i> pars.	1255
Sub Ciceltrenſi, <i>Hertfordia</i> pars & <i>Suffexia.</i>	250
Sub VVintonienſi, <i>Southhamton.</i> , <i>Surreya</i> , <i>Veſta</i> , <i>Gerneſay</i> , <i>An-</i> <i>gleſey</i> , <i>inſulæ.</i>	362
Sub Sarisburienſi, <i>Wilton.</i> & <i>Ber-</i> <i>cheria.</i>	248
Sub Exonienſi, <i>Devenia</i> & <i>Cor-</i> <i>nub.</i>	604
Sub Bathonienſi & VVellenſi, pro- vincia <i>Somerſettenſis.</i>	388
Sub Gloceſtrenſi, <i>Gloceſtrenſ.</i> prov.	267
A 3	Sub

Sub VVigornienſi , <i>Wigorn.</i> & <i>Warwici</i> pars.	241
Sub Lichfeldenſi & Coventrenſi, <i>Warwic.</i> pars, <i>Stafford</i> , <i>Derby</i> , & <i>Salopia</i> pars.	557
Sub Herefordenſi , <i>Salopia</i> pars, <i>Herfordiaque.</i>	313
Sub Elienſi, <i>Cantabrig.</i> & <i>Ely.</i>	141
Sub Norwvicenſi, <i>Norfolcia</i> & <i>Suf-</i> <i>folcia.</i>	1121
Sub Oxonienſi, <i>Oxon.</i> prov.	195
Sub Petroburgenſi , <i>Northampton.</i> & <i>Rutlandia.</i>	293
Sub Briſtolienſi, <i>Dorſettia</i> & <i>Gla-</i> <i>morgan.</i>	236
Sub Landavenſi , <i>Monumethia</i> , <i>Brechinia</i> & <i>Radnor.</i>	177
Sub Menevenſi, <i>Penbrocia</i> & <i>Caer-</i> <i>marden.</i>	308
Sub Banchorenſi , <i>Caernarum</i> , <i>Mona</i> inf., <i>Merionia</i> , <i>Den-</i> <i>bia.</i>	107
Sub Aſaphenſi, <i>Denbig</i> pars , & <i>Flinſia.</i>	121
Sub Eboracenſi Archiepiſc., <i>Ebo-</i> <i>racenſis</i> & <i>Nottingamienſis</i> provinc.	581
Sub Ceſtrienſi, <i>Ceſtria</i> , <i>Richmon-</i> <i>dia</i> , <i>Cumbr.</i> pars, <i>Lancaſtr.</i> , <i>Flin-</i> <i>tia</i> pars.	256
Sub.	

DESCRIPTION. 7

Sub Carliolensi, <i>Cumb. pars, &</i> <i>Westmorlandia.</i>	<i>Parosh.</i> 93
Sub Dunelmensi, <i>Dunelmum &</i> <i>Northumbria.</i>	135
Sub Sodorensi, <i>Mona insul.</i>	17
<i>Episcopatus</i> 27. <i>Paroch.</i> 9285.	

Camden. Numerantur parochiales Ecclesiæ sub Episcopis 9284. è quibus 3845 sunt appropriatæ, id est, certis quibusdam monasteriis, collegiis, aut hospitalibus unitæ, & postea subversis monasteriis feuda facta laicasia-

CANTIVM.

Cantium nobilissima provincia ad septentrionem (inquit *Speedus*) Tamisi, ad ortum Germanico oceano alluitur; ad meridiem Sufflexia & Suthreia terminatur. Longitudo illius à *Langley* in occidente, ad *Ramsgate* in Taneto insula orientem versus, plus minus 53 Angl. milliaria. Latitudo autem à *Rothero flu.* in tractu meridionali ad insulam *Grænam*, Boream versus, non multum supra xxvi. Totius denique ambitus quasi clx colligit.

Plures in Cantio fluvii sustinendis navigiis idonei. quorum *Meduweagus*, qui mediam interfecat provinciam,

principem locum tenet : præter decem alios, qui in viginti ostia portusque excipiendis navibus idoneos exeunt: ex quibus quatuor, *Dubris*, *Sandvivicus*, *Rumneia* & *Winchelsea*, inter quinque portus numerantur. Guilielmus Victor (inquit *Camden*.) ut Cantium, quæ tanquam Angliæ clavis habetur, sibi firmitus retineret, Connestabilem Castro Doverensi, eundemque Limerarcham v portubus ex veteri Romanorum instituto præfecit, & quinque portuum custodem (*Lord Warden of the five Ports*) nominavit. Hi sunt *Hastings*, *Douer*, *Hyth*, *Rumney* & *Sandvich*; quibus *Winckelsey* & *Rie* ut præcipua, & alia oppidula ut membra, adjunguntur. Quæ quia bello maritimo operam navare tenentur, immunitatibus gaudent multis & magnis; utique à subsidiorum pensitationibus & lege pupillari quoad corpus sunt immunes, nec alibi quam in suis oppidis in jus vocantur: & ex incolis qui Baronum nomine gaudent, in Regum & Reginarum Angliæ inaugurationibus Conopea super eos sustentant, & à dextra Regis suam eo die habent mensam instructam, &c.

Dividitur hæc provincia in quinque Lathas (vocis etymon prodit Guilielm.

D E S C R I P T I O. 9

lielm. Lambard. à *ghelatian*, id est, convenire:) subdividiturque in LXVI Hundreda sive centurias: atque hæc denovo in ccc xcviii parœcias.

Comitatus iste (inquit *Speedus*) duabus urbibus sedibusque Episcopalibus ditatus; viginti septem castellis munitus; octo yere regalibus ædibus ornatus: xxiv oppidis mercatoriis celebratus conspicitur.

Primaria civitas, quæ & metropolis & Archiepiscopi sedes, Cantuaria, olim Caer-Kent, & Dorobernia dicta; per vetusta civitas, muro in ambitu septa, fluviis irrigua, solique vicini ubertate & maris propinquitate inclyta: privatorum ædificiorum splendore omnes Britanniae civitates adæquans, sacrarum vero ædium structura & frequentia celeberrimas quasque superans.

Secunda Roffa (vulgo *Rocheſter*) in convalle sedet; muris male firmis ex parte cincta, & angustior, ita ut potius castellum referat; sed ad occidentem, orientem & meridiem, magnis tunc suburbiis. Iuxta templum flumini imminet Castrum situ atque opere satis munitum. Pontem habet saxum elegantis operis; sub quo Medvveagus violentus eluctatur; statimque sedatior, navale præbet classi regiae.

A 5

Inter

Inter reliqua oppida primum occurrit Sandvvicum : ad septentriones & occasum mœnibus, alias aggere, flumine, & fossa munitum. olim Danorum furores, superiori ætate Gallorum ignes sensit. nunc incolis satis frequens, atque advenis è Belgio : licet portus ex aggestis arenis & magna nave oneraria Pauli I V. P. in ipso alveo depressa, non sit majoribus navibus opportunus.

Secundo Dubris (vulgo *Dover*) oppidum, portus olim opportunitate (quæ hodie fere nulla) nunc trajectu in Galliam quam sua vel elegantia vel frequentia celebrius : qua oceanum jam exclusum spectat, mœnibus præcinctum fuit, quorum pars aliqua superest.

Tertio Hithe, unus è portubus olim, licet nunc illud nomen vix tueatur ob arenas accumulatas quibus mare longius excluditur.

Quarto Rumney, è numero quinque portuum, & præcipuum oppidum palustris regiunculæ quam vocant *Rumney Marsh*. Sedet editiori tumulo è glarea & sabulo, portumque ad occasum habuit satis capacem & ad pleurosque ventos commodum, priusquam mare se subduxisset: quinque habet Ecclesias

clesias parochiales : Sed portu jam olim arenis obstrueto pristinae frequentiae & dignitatis multum amisit. Haecenus oppida quae ad mare jacent, nunc mediterranea persequamur.

Quinto Gravesenda, notissimum oppidulum, utpote statio inter Cantii promontorium & Londinum; ubi utramque ripam propugnaculis communivit Henric. VIII, quae hodieque extant.

Sexto Cliff, oppidum satis amplum in regiuncula Ho, tanquam chersonesus inter Tamisum & Medweagum sita.

Septimo Tunbrige, oppidulum non inelegans, cum castro adjuncto.

Octavo Maidston, oppidum frequens & cultum, magnaque longitudine extentum. plurimi hic advenae Belgio incolunt: Majorem beneficio Reginae Elisabethae habet, cum antea summus magistratus Portgreve dicebatur.

Nono Ailesford, locus Horae & Catigerni interitu nobilis; hujus etiam tumulus barbaro opere juxta cernitur.

Decimo Sittingburne, diversoriis refertum, medio inter Cantuariam & Rossam itinere.

Vndecimo Feversham, situ percommodo;

modo ; uberrima enim hujus regionis pars circumjacet , & finum ad res invehendas & evehendas habet opportunum. unde inter vicina oppida hodie inprimis floret.

Duodecimo Ashford , emporium ad Stouram fluvium situm , qui tamen id nomen non sortitur nisi postquam hoc oppidulum præterierit , ubi è duobus fluviolis coalescit.

Decimotertio VVya , alterum emporium satis frequens.

Decimoquarto Chilham oppidum , quod alii vocant Iulham , à Iulio Cæsare , quem hic castra metatum volunt.

Decimoquinto Nevvendene oppidum , ad amnem , qui Cantium & Suffexiam dividit : olim Caer-Andred dictum indicat Camdenus.

Decimo sexto Apuldore , ad ostium Rotheri amnis , juxta insulam Oxney , quam gramine luxuriantem hic amnis complectitur.

Juxta (inquit *Camden.*) in sylvestri regione sunt Cranbroke, Tenterden & Benenden, & alia vicina oppida, in quibus lanificii sive rei pannariæ laus inprimis floruit inde ab Eduardi III temporibus, qui propositis præmiis & plurimis concessis immunitatibus Belgas in Angliam anno regni sui decimo evocavit;

cavit, uti nostros artem illam panni lanci contexendi edocerent, quæ hodie inter Reipub. nostræ columnina merito numeratur.

Castella in hac provincia plura sunt. Inter quæ eminent; Primo Dubrense, longe amplissimum, & opere munitissimum & situ; quippe ad oram maris in rupe alta & omni fere ex parte confragosa situm: olim clavis & repagulum Angliæ creditum. Secundo Regiæ Burgus, vulgo *Queenborough*, castellum elegantissimum & munitissimum, ab Eduardo III constructum. Tertio inter Sandvvicum & Dubrim ad planum illud littus & opportunum sinum, tria castella ab Henr. VIII posita, *Sandovvne, Dele, & Walmere*.

In eadem & Regale palatium situm est, quod vulgo *Greenvvich* appellatur; has ædes primum construxit Humfredus Dux Glocestrensis; Henricus vero VII magnifice adauxit; uti jam inter regias ædes fere primas ferat. Hic in lucem edita fuit Elisabetha, quæ Britanniae, imo universo terrarum orbi lucem regiae virtutis splendore affudit. Huic à tergo adjacet *Eltam*, secessus item regius, vix trium milliarium intervallo. Nec admodum longe hinc *Oxford*, regia item domus, à VVarhaeno
 Archi-

Archiepiscopo tanta magnificentia ex-
tructa, ut ad amoliendam invidiam
successor illius illam cum Henr. VIII
commutarit. Sunt & alii regii hic se-
cessus, quos prætereo.

S V S S E X I A.

Sussexia regio item maritima, & jux-
ta Britannicum fretum in longitu-
dinem extensa. A septentrione Sur-
reyam & Cantium prospectat; ab occi-
dente Southamtoniam. Longior est,
sed angustior; in longitudine LXIII
mill. pass. continet; qua vero latissi-
me, patet paulo supra viginti: totius
autem ambitus CL plus minus nume-
rat. Dividitur hæc regio in sex præcipue
partes, quas peculiari vocabulo vocant
rapos; quorum unusquisque suum ha-
bet flumen, castrum & saltum, præter
centurias suas quibus seorsim singuli
distinguuntur: videlicet Rapus Cice-
striae septem; Arundeliae v; Bramberi x;
Levvesiae xiii; Pevenseiae xvii; Ha-
stings xiii. quæ omnes Lvi conficiunt.
In quibus recensentur Castra decem;
oppida mercatoria xviii; parœciales
Ecclesiae cccxii.

Locus maximi nominis in hoc Comi-
tatu est Cicestria, urbs pulchra & am-
pla, mœnibusque in ambitu probe mu-
nita.

DESCRIPTION. 15

nita. interius jacet ad sinum maris: formæ est orbicularis, & ab omni parte præterquam à septentrione *Lavant* rivulo alluitur. portis patet quatuor ad quatuor mundi plagas, à quibus plateæ rectæ ducunt & se decussant in medio, ubi forum celebratur. Ecclesia non magna quidem, sed admodum nitida cum præcella è saxo pyramide surgit.

Secundum locum flagitat *Leaves*; cum Ciceſtria, si vel frequentiam vel amplitudinem & structuram spectes, de præstantia certans: paulo remotius à mari editiori situ jacet. Sex in oppido sunt Ecclesiæ.

Cætera loca sunt; *Arundel*, situ declivi positum, fama quam re majus; Comitum suum habens; & castrum alicujus pretii. *Pettuvorth*, interius situm oppidum. *Hastings*, unus è quinque portibus; prælio memorabilis, quo de regno Angliæ à Guilielmo Normanno cum Haroldo certatum fuit. *Vinchelseya*, olim magni nominis & portuum unus: è cujus occasu Rhie in proximo effloruit; cujus portus commodus tempestate quadã effectus, fecit, ut incolis, ædificiis & piscatura atque re nautica non parum floreat. In hunc portum se evolvit Rother flu.

S V R R I A.

HÆc provincia ad septentrionem à Buckinghamia & Middlesexia Tamisi flu. dirimitur; ad ortum Cantio, ad meridiem Suffexia & Suydthantonia; ad occidentem denique Bercheria definitur. Patet in longitudinem xxxiv milliaria; in latitudinem vero, ubi maxime, xxii mill. pass. ita ut totius ambitus cxii milliar. contineat. Dividitur in tredecim centurias. in quibus oppida mercatoria sita sunt viii: Ecclesiæque parœciales cxi.

Oppida mercatoria sunt: *Farneham*: *Guilford*, forum frequens & diversoriis nitidum: *Aclea* sive *Ockley*: *Rhiegat*, amplitudine quam structura speciosius: *Kingston*, frequens inprimis emporium: *Croydon*, sub collibus situm, & Archiepiscopi Cantuar. Palatio & carbonum mercatu notissimum. *Southwvorch*, celeberrimum huius agri emporium, è regione Londini ad austrum, ut pene illius suburbium videatur; cæterum adeo amplum & frequens ut non multis Angliæ urbibus concedat: sui quondam juris, sed Eduardo VI regnante Londino annexum ejus hodie quasi membrum dignoscitur.

Hæc

Hæc provincia potissimum multis magnificis & Principe dignis ædificiis dotata est: Vti sunt; *Non-Such*, quasi dicas nulli secundum, quatuor à Tamisi milliaribus, ab Henr. VIII summa magnificentia & arte constructum. *Richmondia*, olim *Shene* dicta, quam misere incendio absumtam Henricus VII multo splendidiorem è cineribus excitavit. Sedit ad Tamisum, qui hucusque exæstuantis maris accessu augetur. *Otelandes*, regis ædes satis elegantes in medio vivario sitæ, ubi *Wey* amnis in Tamisum descendit.

H A N T O N I A.

Hæc provincia à septentr. Berche-
ria, ab ortu Surria & Suffexia, ab austro oceano Britannico. & Vecta insula, ab occasu Dorsetia & VViltonia terminatur. Patet in longitudinem milliar. LIV: in latitudinem plus minus xxx mill. pass. Ambitus totus CLV colligit. Portus habet admodum opportunos. Tractus omnis maritimus, multis castellis bene munitis firmatur. qualia sunt: *Hursta*, quod Henric. VIII excitandum curavit in lingula terræ, unde brevissimus est in Vectam trajet-
tus. *Calshot*, quod Southantonien-
sis portus ingressum tuetur.

B

Porro

Porro in hac provincia oppida mercatoria sunt octodecim. Quorum princeps *VVintonia* (vulgo *VVinchcester*) in amœna sub collibus convalle sita. Ejus orientale latus flumine, occidentale castello munitur. Mœnium ambitus mille octingentos & octuaginta pass. colligit: sexque habet portas: septem Ecclesias. Vrbs frequens & pulchris ædificiis insignis.

Secundum locum flagitat *Southantona*, oppidum civibus frequens, opulentum & elegans, mœnibus è quadrato saxo validis circumseptum; in ambitu mille ducentosque passus continens; septem portis, & viginti novem propugnaculis distinctum. Duos habet portus; quinque speciosas ecclesias. Ad occidentalem illius partem elegantissimum attollitur Castellum, formæ circularis, duplici muro cinctum; in summo collis clivo ita positum ut non nisi gradibus eo ascendi possit; unde amœnissimus terra marique prospectus patet.

Tertium, *Portsmouth*, oppidum belli tempore satis frequens, quippe Marti magis studens quam Mercurio. Ecclesiam habet opere satis vetusto. Muro ex trabibus multo aggere vestitis, mole quondam ad ortum æstivum prope portam,

DESCRIPTION. 15

portam, & duobus ad portus ingressum. è vivo saxo propugnaculis communitum: cæterum ab Elisabetha Reg. novis operibus ita firmatum, ut jam nihil desit quod in loco munitissimo requiras.

Cætera sunt: *Alresford*, mercatorium oppidum ad *Alve* amnis ripam, haud procul à lacu, è quo ille profluit. *Aulton*. *Basingstoke*, forum non infrequens. *Andover*. *Christchurch*, emporium frequens. *Farham*. *Havant*, mereatorium oppidulum. *Kings Clare*, mercatus satis frequens. *Lyminster*. *Odiham*. *Petersfield*. *Ringwood*; quod olim magni nominis fuisse videtur, nunc tantum rerum venalium foro est celebre. *Rumsey*. *Stockbridge*. *Withchurch*.

DORSETTIA seu DOR-

CESTRIA.

Dorsettia provincia, à septentrione Somersetia & Wiltontia, ab occasu Devoniam; ab ortu Southantonia; ab austro tota mari terminatur. Patet in longitudinem XLIV mill.; in latitudinem, ubi maxime, XXIV. Ambitus totius est CL plus minus. Dividitur in quinque præcipuas partes, quas vocant divisiones; quæ in XXXIV centurias

rias subdividuntur. Oppida mercatoria habet octodecim. Quorum princeps est *Dorcestria*, ad australem Fromi flu. ripam, & prætorix viæ aggerem, quæ *Fosseway* dicitur, positum: olim mœnibus cinctum, quorum adhuc pars extat. cæterum oppidum nec magnum nec speciosum. Cætera sunt: *Beamister*. *Bere*, tenuis mercatus. *Blanford*, quod, ex quo nostra memoria (inquit *Camden*.) fortuito igne deflagravit, elegantius surrexit, & habitatoribus est frequentius. *Birtport*, in agro optimæ cannabis feraci; ideoque funibus nauticis ducendis jam pridem ita celebre, ut non aliis facile Anglica classis instruatur. *Abbascearne*. *Cramborne*. *Evershot*. *Framton*. *Lyme*, oppidulum prærupto in colle ad limitem Devonix, piscatoribus frequens, naviumque stationem (*cobbe* vocant) subiectam habens, scopulis & proceris arboribus à vi ventorum satis tutam. *Middleton*. *Shaffesbury*, edito colli affixum. *Scherberne*, in collis devexo positum oppidum, & hujus Comitatus hodie frequentissimum, & lanificio nobile. *Stourminster*, exile oppidum, & humiliori situ. cui ponte saxeo jungitur *Nevvton* castrum; ubi moles magno labore aggesta eminet, sed ca-

stri

stri ne tantillum præter nomen super-
est. *Pole* affidet sinui in quem flu. *Fromus* se emittit. *Warrham* juxta ostium
jacet, oppidum tutissimo undique si-
tu, nisi ab occasu: ab aliis partibus
Trento & *Fromo* fluminibus, & mari
circumsepitur. *Weymouth*, oppidulum
ad *Vvey* exigui fluvii ostium. cui è re-
gione affidet *Melcomb Regis*, portu tan-
tum divisum. Portus privilegia abju-
dicata fuerunt parlamentaria senten-
tia, postea tamen recuperata. Hæc,
quæ olim suis seorsim privilegiis æmu-
la fuerunt, nunc, quod in utriusque
rem sit, parlamentaria autoritate co-
aluerunt, ponte nuper sunt conjuncta,
& ædificiis plurimum adaucta. Denique
Winburn, olim *Vindogladia*, antiquis-
simum oppidum, quod ad collis ra-
mentum sedet, amplum & magna ha-
bitatorum frequentia refertum.

D E V O N I A.

DEvoniæ occiduum latus Tamara
flu. totum perstringit; orientale
Somerfettenfi limite perstringitur: à
septentrione & austro Britannico &
Sabriniano freto omnino alluitur. In-
ter utriusque littora, à *Cunshere* Bo-
ream versus, ad *Salcomb* portum qui
ad austrum se aperit, millia pass. nu-

merantur LV: & ab *Hartlando* promontorio in occidente, ad *Thorcombe* in oriente, LIV. Ita ut totius circumferentia cccii plus minus miliaria efficiat. Regio omnis in xxxiiii centurias dividitur: in quibus sita sunt oppida mercatoria xxxvii, ac ccc xciv Ecclesiæ parochiales.

Primaria hujus provinciæ civitas est *Exonia* (vulgo *Excester*) *Ptolomæo* & aliis *Isca*; ad *Isca* fluvium assidens, peramcæno situ, in molliter acclivi & clementer edito colle, tanta ædificiorum magnificentia, incolarum opulentia, convenarum commercio & frequentia, ut nihil ibi frustra desideres. Mœnia ab *Athelstano* R. primum condita, circulari fere forma, nisi qua flumen spectant; portis sex opportune ornata, multis interpositis turribus & speculis. Ambitu suo MD pass. colligit. Ad orientalem partem sese attollit castrum *Rugemont*, perjucundoque in mare fruitur prospectu: ex adverso hujus cathedralis Ecclesia magnificentissima conspicitur. Regitur à majore & confratribus xxiv. Ecclesias habet xv.

Cætera sunt (ordinem *Camdeni* sequor) *Lidston*, emporiolum tenue ad fluviolum *Lid.*, qui in *Tamaram* influit. *Tavestocke*, ad *Teavum* fluviolum

tum, oppidulum nemorum opportu-
 nitate amœnum. *Plimmouth*, quod
 superiori seculo è viculo piscatorio in
 amplum oppidum, civiumque fre-
 quentia urbis æmulum excrevit. Id por-
 tus commoditate factum, qui maxi-
 ma navigia in sinum minime deductis
 velis admittit, tutissimamque statio-
 nem præbet tam in Tamara quam in
 Plimo flum. Ad vim hostilem arcen-
 dam satis munitum est. In medio e-
 nim ostio insula S. Michaëlis præjacet,
 quæ & suas munitiones habet. Ipse ve-
 ro portus ad oppidum ex utraque par-
 te munitur, & catena interposita, cum
 opus fuerit, clauditur, molesque ad au-
 strum objicitur. & in colle proximo
 castrum. *Plimton*, forum satis frequens.
Modburg, oppidum exiguum. *Totnes*,
 vetustum oppidum in declivi collis.
Dermouth, ostio *Dert* fluv. in colle por-
 recto imminet; ex portus commodita-
 te, quem duo castella defendunt, mer-
 catoribus & instructissimis navibus
 frequens. *Teverton*, pannificio cele-
 bre. *Kirton*, mercatus minus frequens.
Columton, oppidulum ad Columbium
 fluvium. *Honnyton*, quod ab Otterey
 amne subluitur. *Herton* & *Hertloud*
 oppidula. *Ockampton*, mercatorium
 oppidulum. *Prediford*, hominum fre-

quentia ponteque saxeo arcuato opere
 satis celebre. *Chimligh. Tavuton & Ta-*
vostock. Bernstaple, antiquioris notæ,
 & ob elegantiam & frequentiam facile
 primas in ora occidua tenens, & semi-
 circuli forma ad flu. Tavum adfudens.
 ad austrum pontem habet magnifi-
 cum: mœnium, quibus olim cinctum
 fuit, vix ulla extant vestigia. Incolæ ma-
 ximam partem sunt mercatores. *Bam-*
ton, in confinio Somersettia. Alia mi-
 noris pretii prætermitto.

C O R N V B I A.

Cornubiæ sive Cornvalliæ fines
 undique, præterquam ab ortu, o-
 ceano includuntur; quod si Tamara
 fluvius cursum suum ulterius vel per
 iv milliaria inter agrum hunc & De-
 voniensem Aquilonem versus perdu-
 xisset, insula potius quam continentis
 pars censeretur poterat. Longitudo ejus
 ab oppido Launston, ad Bolerium pro-
 montorium sive Antivestæum, (vulgo
the Lands end) sexaginta mill. pass.
 continet: qua vero latissime, secundum
 Tamaram flu. extenditur xl. Vnde
 angustius se porro colligit & instar cor-
 nu tenuatur. Dividitur in Centurias
 novem; in quibus xxii mercatoria sunt
 oppida, & Ecclesiæ parœciales clxi.

Præ-

Præcipuum hujus Comitatus oppidum est *Launston* : oppidulum nitidum, clivo surgenti affixum; quod è duobus burgis *Dunevet* & *Neuport* quasi coaluit. Proximum *Bodman*, inter duos colles situ non ita salubri, ab ortu ad occasum protensum: celebratissimum est forum, civibus frequens & ædibus satis excultum, signandique stanni privilegio clarum.

Cætera sunt (ordinem *Camdeni* sequor) *Mouſehole*, sinui, qui vulgo *Mountsbay* dicitur, incumbens. *Pensans*, emporium: & *Merkin*, statio malefida ad eundem sinum. *Heilston*, oppidum stanni signandi privilegio celebre. *Falemouth*, portus navium capacissimus, & tutissimus, utpote altis crepidinibus undique cinctus. In ipso aditu, rupis ardua & prærupta (*rage* vocant) surgit: Fauces utrimque muniunt castella ab Henrico VIII extructa. Huic affidet oppidum *Tregenie*. Interioribus portus hujus sinubus incumbunt, *Peryn* celebris mercatus; *Arvvenack* & *Truro* & *Grampound*: *Fovvey* ad *Favvey* flu. ostium in crepidine porrectum. *Leſtutthiel* ad eundem flu. interius jacens, exiguum jam oppidum, minusque frequens; licet singulis mensibus à Vicecomite hic causæ

dijudicentur, metallicorumque præses hic carcerem suum habeat. *Leskerd*, editiori colli impositum, castro antiquo foroque celebre. *Loe*, duo oppidula ad ostium fluvii ejusdem nominis; quæ ponte saxeo junguntur; quorum occidentale (vulgo *Vestloe*) maxime floret, licet recentius sit. *Saltaſſie*, mercatoribus satis frequens, & non paucis privilegiis gaudens. *S. Ies*, oppidum in septentrionali ora; lingula quadam in mare prominens, sed tenue alioquin. *S. Columba* oppidulum. *Padſtouv*, emporium ad ostium *Camel* fluvii. hinc xxiv horis in Hyberniam trajicitur. *Stratton*, non obscurus mercatus. *Tamurlen*, oppidum ad ripam *Tamaræ*.

S O M E R S E T T I A.

PROvincia hæc tum opulenta tum spatiosa, à septentrione Sabriniano freto pulsatur, ab austro *Devonia* & *Dorsettia*, ab occasu *Devonia*, ab ortu partim *VViltonia* partim *Glocestria* terminatur. Patet in longitudine miliaria lv. in latitudinem paulum supra xl. Tota circumferentia cciv millibus plus minus definitur. Dividitur in centurias xlii. in quibus oppida mercatoria xxxiii, & paræciæ ccc lxxxv.

Inter

Inter civitates eminet *Bristol*a, non tam antiqua quam speciosa & opportune sita; aspectu ita pulchra ut pro magnitudine sua vix ulli Angliæ civitati cedat. Mediam intersecat Avona fluvius, qui per subterraneos meatus omnes urbis sordes evehit. Non tota in hoc Comitatu sedet, sed pars in Gloucestrensi. Vnde cum ipsa per se comitatus sit, neutrius fere pars censetur. Duplici muro quondam fuit circumdata; civibus frequens; & advenarum commercio Londino facile secunda. Ecclesias parœciales habet xxi. & castrum validum adjunctum, quod nunc dudum ruinis fatiscit.

Urbium, quæ vere hujus comitatus censentur, præcipuæ *WV*vella & Bathonia. *WV*veller (inquit *Camd.*) primas in hac provincia sibi suo jure vendicatum incolarum frequentia, tum ædificiorum magnificentia. Templum habet ab Ina R. conditum, admodum speciosum. Splendidum Episcopi palatium instar castri mœnibus & fossa munitum. Iuxta hanc præstantissimæ sunt plumbi venæ, è quibus plurimum plumbi quotidie eruitur.

Bathonia, antiqua urbs, in planitie haud ita magna subsidet, & ex omni parte collibus pari quasi altitudinis fasti-

fastigio obvallata, è quibus perennium rivulorum scaturigines in urbem descendunt, magno civium commodo. In ipsa urbe tres calidi fontes ebulliunt, ceruleo vel marino colore tenues nebulas exhalantes, (sulphure enim & bitumine aqua percolatur,) qui efficaci remedio corporibus, quæ pravis humoribus torpescunt, salutare; sudorem quippe proliciunt, & humorum contumaciam edomant. Vrbis ipsa mœnibus cincta, in quibus Romanæ inscriptiones plures insertæ, quas vetustas jam corrumpit. Floret lanificio & convenarum frequentia, qui huc valetudinis causa, præsertim sub autumnum, confluunt.

Cætera oppida sunt: *Dunster* castrum, loco depressiori situm; & collibus, nisi qua mare prospicit, undique conclusum. *Melcester*, Iscalis Ptolomæo, foro & antiquitate sua tantum hodie celebre: olim amplum & duplici mœnium ambitu, ut apparet, circumdatum. *Pedderton*, olim Inæ Regia, nunc tantum foro & nundinis celebre. *Odcombe*, tenue oppidulum. *Martock* mercatorium oppidulum. *Langport*, mercatus non infrequens. *Wellington*. *Taunton*, elegans oppidum, latissimoque situ: hic quippe circumquaque regio

gio virentibus pratis jucunda, hortensibus deliciis florens, & frequentibus villis spectantium oculos mirum in modum afficit. *Somerton*, olim primum totius Comitatus oppidum, nunc tantum foro boario, quod à festo Palmarum ad medium Iunium hic habetur, notum. *Bridgevvater*, oppidum magnum & frequens, quod *Pedredus* fluvius, jam plenior, præterlabitur. *Bruton*, ad Brium amnem. *Glastonbury*: ubi antiquissimi & opulentissimi monasterii rudera visuntur, postquam ab Henr. VIII dirutum fuit; & redditus illius annui, qui erant 3500 libr. sterling, in fiscum redacti. *Philips norton*, forum celebre. *Frome Selvvood*, oppidum è lanificio maximum questum faciens. *Canesham*: & cætera minoris notæ.

V V I L T O N I A.

PROVINCIA hæc à septentrione Glocestria, ab ortu Bercheria, ab austro Dorcestria & Hantonia, ab occasu Somersetta & Glocestria concluditur; tota mediterranea. Patet in longitudinem milliar. x x x i x; in latitudinem, qua maxime, xxix: ita ut totus ambitus c x x x i x mill. pass. complectatur. Dividitur in x x i x centurias. in quibus

quibus oppida mercatoria XIX : Ecclesiæ CCCIV.

Primaria hujus provinciæ civitas est *Sarisbury*, ædificiorum magnificentia & elegantia nulli cedens. Templum illius speciosissimum : in quo fenestræ anni diebus ; columnæ & columellæ è marmorato efformatæ , anni integri horis ; portæ XII mensibus respondent. Ad Avenæ & Nadderi confluentes sedet loco humiliori , (quum vetus urbs mille circiter ab hac pass. editiori loco sederit.) Frequentissima est urbs, & omnium rerum copia affluens.

Secundum ab ea dignitatis locum tenet *Ambresburia* , Avenæ adjacens. Haud longe hinc abest moles illa , sive sepulchrum fuerit , sive trophæum, quod *Stoneheng* vocant : Saxa quippe ingentia & rudia , quorum nonnulla XXVIII pedes altitudine , VII latitudine colligunt , coronæ in modum triplici ordine erecta hic cernuntur, quibus alia quasi transversaria sic innituntur ut pensile opus videatur.

Cætera oppida sunt ; *Crekelade* . *Wottonbasset* . *Malmesbury* , oppidum elegans , & pannis laneis conficiendis celebre , & opulentissimo cœnobio olim clarum, quod Henricus VIII demolendum curavit, (templo tantum super-

superflite,) & reditus illius annuos
 10000 lib. *sterling* in fiscum redegit.
Calne, antiquum oppidulum, saxeo so-
 lo sedens, & pulchra Ecclesia ornatum.
Chippenham; ubi nihil spectabile præ-
 ter Ecclesiam. *Deviza*, castrum quon-
 dam magnificum, cujus nunc vix ru-
 dera supersunt, & oppidulum subje-
 ctum ejusdem nominis. *Trubridge*, la-
 nificio inprimis florens. *Bradford*, de-
 clivi colli affixum, & totum è saxo
 constructum: *Avona* perstringitur.
VVetminster, antiquum oppidum, &
 mercatu frumentario nobile: *Verlu-*
cionem antiquorum credit *Camde-*
mus. *Willeyvilton*, oppidum aquis
 irriguum; olim totius agri caput, nunc
 tenue admodum. *Marleborovv*, (an-
 tiquis *Cunetio*,) in collis declivi ab or-
 tu in occasum protensum; quod ho-
 die pene concidit. Alia minoris mo-
 menti lubens prætermitto.

B E R C H E R I A.

P R O V I N C I A hæc ad septentrionem Ta-
 misi ab Oxoniensi & Buckinga-
 miensi agro dividitur; ad austrum
 Hantonia, ad ortum Surreya, ad occa-
 sum VViltonia terminatur. Patet in
 longitudinem ab ortu ad occasum XL
 milliaribus. in latitudinem, ubi maxi-
 me,

me, xxiv. Ambit centum viginti plus minus. Dividitur in xx centurias. Oppida habet mercatoria xii; Ecclesias cxi.

Readinga oppidum, quod Cunetio annis plurimis divergiis interluit. platearum elegantia, ædium splendore, sua opulencia & lanei panni texendi gloria cæteris hujus provinciæ oppidis facile præcellit, licet maxima ornamenta amiserit. Templum speciosum & castrum vetustissimum, quod Henricus secundus excidit. Monasterium autem (sive Abbatia opulenta) jam in regias ædes conversum est, quibus equile pulcherrimum adjunctum, regiis & generosis equis refertum.

Cætera oppida sunt: *Farendon*, foro celebre. *Abbondonia*, oppidum sane elegans & frequens admodum. *Wantage*, mercatorium oppidum. *Wallengfordia*, antiquis Galleva, mœnibus olim cinctum, quæ mille passus collegerunt; castrum sedet ad flumen, amplum & quondam munitissimum: urbs olim xii ædes sacras numeravit; nunc tantum unam & alteram ostendit. *Hungerfordia*, opidulum tenue & humili situ. *Nevvbery*, celebre oppidum, ædificiis cultuque inprimis spectabile, & lanificio opulentum, situ percommodo

modo in campestri planicie & Cuneatione flu. interfusum. *Lamborn*, ad rivulum ejusdem nominis. *Maidenhead*, ponte sublicio notum. *Vindesore*, cui regiae aedes ejusdem nominis adjacent, quæ ex clementer edito colle, jucundissimo in orbem fruuntur prospectu. Hic Eduardus III castrum urbis æmulum construxit; ad cujus borealem partem, qua flumen despectat, *Elisabetha* Regina subdiale ambulacrum amœnissimum adjecit: Hic Eduardus III ordinem Equitum Garterii primum instituit. Castro subjacet ad occasum & austrum oppidum satis magnum & frequens. è regione trans *Tamais*, qui hic ponte jungitur ligneo, *Aetona* cernitur, & in ea collegium egregium ab *Henr. VI* constructum.

MIDDLESSEXIA.

PROvincia hæc ad septentriones Hartfordiensi provincia concluditur, ad occasum à Buckinghamiensi Colno fluvio, ad austrum à Surrey & Cantio Tamisi, ad ortum ab Essexia Lea flu. dividitur. Longitudo illius inter ortum & occasum xix milliaria; latitudo paulo supra xvi continet; Ambitus xc mill. passuum circumscribitur.

tur. Dividitur in VII centurias. in quibus urbes duæ; & Ecclesiæ parœciales LXXIII, præter eas quæ sunt Londini.

Londinum, non modo hujus provinciæ sed regni ipsius caput, antiquissima civitas, in clivo molliter surgente, Tamisi adposita; qui placidissimus rerum in orbe nascentium mercator, statis horis oceani æstibus superbus, alveo tuto, præalto, & navium vel maximarum capacissimo, orientis occidentisque opes quotidie invehit. A Constantino magno mœnibus è lapide struætili & latere Britannico obseptamæ tradunt, quæ ambitu suo tria plus minus milliaria colligunt. horum partem, quæ Tamisi prætendebatur, fluminis alluvio subluit; reliqua pars fere superest; ad septentriones firmior, quippe anno 1474 restaurata; ad occasum & ortum lacera & fatiscens. Parent hæc mœnia septem portis præcipuis. Qua murus ad flumen desinit, munimenta fuerunt firmissima; quorum alterum ad ortum superest, vulgo turris Londinensis, arx sane nobilissima, mœnibus late incincta, turribus excelsa, vallo latisque munita fossis, nobili etiam armamentario & domibus aliquot ita instructa ut oppidum æmuletur. Cathedrale templum

D. Paulo sacrum posuit Æthelbertus
 R. Cantii: Turrim habet excelsam, cu-
 jus pyramis deflagavit. Præter hoc in
 urbe numerantur sacræ ædes cxxi. in-
 tra quidem muros xcvi; extra vero,
 sed intra libertates, xvi; & in suburbiis
 ix. Dividitur Londinum in xxvi Cu-
 rias, quibus totidem Senatores (Al-
 dermannos vocant) præficiuntur. Præ-
 tor etiam, summus Magistratus, &
 Duumviri, Vicecomites sive Scherivi,
 annuatim à civibus eliguntur. Tamisif
 Ioanne R. regnante ponte junctus fuit
 xix fornicibus è vivo saxo arcuato, cui
 parem longitudine, latitudine, elegan-
 tiaque structuræ vix videas. Suburbia
 habet urbs amplissima, præcipue ad oc-
 casum: in quibus xii sunt ædificia (Ho-
 spitia vocant) juri municipali conse-
 crata: quorum quatuor splendida ad-
 modum & ampla ad forum sive Cu-
 riam (ut vocant) spectant (vulgo *the*
Tunet of Court); reliqua ad Cancellaria-
 riam. In his nobiles adolescentes tanto
 numero juris studio vacant, ut nec Au-
 degavis nec Aureliis concedant. Qua-
 tuor illa sunt, Templum interius, Tem-
 plum medium, *Graies Inne*, & *Lincol-*
nes Inne. Hæc suburbia continuis ædi-
 bus & superbis secundum flumen ha-
 bitationibus procerum ad VVestmo-

nasterium procurrunt. His VVestmonasterium quondam plus cio pass. ab-
junctum, urbi ita conjungitur ut pars
ejus videatur; cum tamen per se civitas
sit, & suos seorsim magistratus & pri-
vilegia habeat; Templo, foro judicia-
rio, & Regia longe celeberrima. Tem-
plo per se augusto Henricus VII sacra-
rium admirandæ elegantix adjunxit,
in suam & suorum sepulturam. In hoc
templo tumuli Regum plurimorum &
magnatum cernuntur. Ad occiduam
etiam urbis partem alia suburbia pro-
currunt, vulgo Holburn. Ad septen-
triones quoque, ubi Hospitalariorum
fuit domus, & Cartusianorum ædes.
Ad circium itidem magna sunt subur-
bia; nec minora ad aquilonem & sub-
solanum. Qua vero urbs flumen spe-
ctat, nobili illo ponte Southvverkam
conjunctam habet. Præterea Regales
ædes quinque in hoc agro sitæ sunt, vi-
delicet *Ensfeldia*, *Hanvortha*, *Withe-
hall*, *S. Iacobi*, & *Hamton Court*, quæ
urbis potius quam palatii principis spe-
ciem mentitur, magnificentia sua,
splendidisque ædificiis nulli tota Euro-
pa secunda, à VVolsæo condita, ab
Henrico VIII aucta & perfecta. Si no-
bilium ædes recensere vellem, hujus
commentarii excederem modum. ita-
que

que hæc de Middlesexia dicta sufficiant.

E S S E X I A.

ESsexia ad septentr. Suffolciensi & Cantabrigiensi Comitatibus terminatur; ad occasum Hertfordiensi & Middlesexia: ad austrum Tamisi flu. à Cantio dirimitur: orientale autem illius latus totum ab oceano Germanico pulsatur. Forma fere est circulari: patetque in longitudinem xxxv milliaria; in latitudinem xl. Totus ambitus cxlvi mill. pass. complectitur. Dividitur in xx centurias: in quibus mercatoria oppida xxi; Ecclesiæ ccccxv.

Præcipua hujus urbs est Colchestria, sita ad australem ripam Colni fluvii; muris incincta, quamvis hodie fatiscentibus & ruinam minantibus. Colligit circ 10 cccclxxx in circuitu passus: intra quem octo pulchræ Ecclesiæ visuntur, extraque muros aliæ duæ. Floret hodie imprimis lanificio, & levicensis illis, quas *Bayes* & *Sayes* vocant, aliisque consimilis texturæ pannis. Regimen penes Duumviros, quos Ballivos appellant, & Aldermannos xii; dibaphis coccineis vestibus utentes. Frequens est urbs indigenis atque advenis, qui hic suam Ecclesiam habent.

Cætera oppida sunt : *Waltham*, ad Ley fluvium, qua insulas diviso alveo spargit. *Barking*, ubi Roding flu. Tamisi influit. *Leegh*, oppidum elegans, & strenuis nautis refertum. *Romford*, cui gloria à foro suario. *Brentwood*. *Billerecay*, forum satis frequens. *Ra-legh*, oppidulum non inelegans. *Dengy*, centuriæ ejusdem nominis caput; quæ gramine lætissima, & re pecuaria dives est. hic magni illi casei efformantur. *Ithancestre*, ad sinum in quem plures amnes confluunt; quod oppidum hodie dicitur *S. Peters upon the vvall*. *Taxsted*, mercatorium oppidulum in colle perquam amœno situm. *Dum-movv*, oppidum situ peramœno in colle modice declivi. *Chensford*, satis amplum oppidum in ipso quasi Comitatus medio, inter duo flumina, quæ se hic conjungunt. *Maldon* (Camalodunum antiquorum, ut judicat *Camden*.) hodie populi opulentia & sua magnitudine inter primaria hujus provinciæ oppida merito censetur; statio satis comoda, & incolis satis frequens; una tantum est platea circius plus minus passus in longitudinem protensa. *Harvvich*, tutissima statio ad Stouri flu. ostium. *VValden* vel *Saffron Walden*, à croco dictum, oppidum in agro, blandissimo

fimo croco ridente, situm. Cætera
consulto transeo.

S V F F O L C I A.

PROvincia hæc à Norfolcia Oufa &
VVauenera, ab Essæxia Stouro flu.
dividitur: occidentali illius lateri Can-
tabrigiensis ager incumbit: ad ortum
Germanico oceano pulsatur. Patet in
longitudinem milliar. XLV; in latitudi-
nem xx mill. passuum ubi vel maxime
se dilatat. Dividitur in tres partes: qua-
rum una *the Geldable*, quasi tributum
pendens; altera, libertas S. Edmundi;
tertia, libertas S. Ethelredæ dicitur.
quæ subdividuntur in Centur. XXII. in
quibus sunt mercatoria oppida XXVIII:
parœciæ 10 LXXV.

Præcipuæ hujus provinciæ urbes
sunt primo: *Ipswich*, urbs portu satis
commodo, vallo & aggere olim præ-
munita, mercimoniis frequens, magna
habitatorum multitudine referta, ædi-
bus amplis & magnificis exculata: per-
petua ædium series ab austro in septen-
trion. extenditur ad 10 100000 passus;
ab ortu vero in occasum 10 100000.
Duodecim habet Ecclesias parœciales,
præter alias quæ corruerunt. Corpus
politicum constat ex duodecim Bur-
gensibus. (*Portmen* vocant.) è quibus

eliguntur duo Ballivi, totidem Iusticiarii ex xxiv aliis.

Dein *S. Edmunds bury*. Sol (inquit Lelandus) non videt urbem situ elegantiore, sic molli delicata pendet in clivo; & rivulus ad orientem defluit: aut cœnobium illustrius, sive quis donationem, sive amplitudinem, aut magnificentiam æquis rationibus expendat: Diceres plane cœnobium urbem esse; tot portæ, partim etiam æneæ, tot turres & templum, quo nullum magnificentius, cui alia tria egregio opere nitentia uno & eodem cœmeterio sita inserviunt: c10 10 Lx libr. quotannis ex redditibus & latifundiis collegit: quæ præter amplissima donaria Henricus VIII everso cœnobio in fiscum redegit.

Cætera oppida sunt: *Neuvmarket*, forum rerum venalium copia celebre. *Sudbury*, oppidum populosum, & pannis conficiendis opulentum; quod Majorem habet pro summo magistratu, qui quotannis ex vii Aldermannis eligitur. *Hadleigh*, laneis pannis conficiendis hodie celebre. *VVoolpit*, sive *VVulpit*. *Stovv*. *Needham*. *Mendlesham*. *Debenham*. *VWoodbridge*, oppidulum nitidis ædificiis excultum. *Framlingham*. *Orford*, amplum quondam & frequens

frequens oppidum, sed nunc portu oblimato tenue. *Aldeburgh*, statio nautis & piscatoribus satis commoda, indeque frequens. *Dunvvich*, quondam magni momenti, nunc tenue oppidum. *Blithborovv*, exiguum oppidulum. *Southvvold*, in planitie, aperto littore mari objacet; oppidum non infrequens, beneficio portus, quem Blith flu. ibi se exonerans præbet; & accedente æstu ita undis circumfufum ut infula videatur. *Leſtoffe*, vel *Layſtoſt*, angustius oppidum mari impendens.

NORFOLCIA.

PROvincia hæc quasi infula, ovali forma, ad austrum VVaueneia & Oufa à Suffolcia dividitur: ad feptentrionem & eurum oceano Germanico alluitur: ad zephyrum à Cantabrigienſi provinc. Oufæ majoris ramis; à Lincolnia Aufona fluv. difterminatur. Pater in longitudinem L plus min. milliaria: in latitudinem quasi xxx. Totius ambitus eſt ccxLii. Dividitur in centurias xxxii. in quibus mercatoria oppida xxx: Eccleſiæ 10c LX.

Inter oppida tria excellunt. Primum, *Norvvicum*, peramœno ſitu, in convalle ſeu potius levi collis deſectu, ad flumen Hierum ſive Garinem: ad

orientem Montes & Ericetum Mustoli prospectans. Sub Eduardo I mœnibus pulchris & validis obsepta. Parœcias plus minus xxx hodie complectitur, cum superiori seculo multo plures numeraverit. Suis opibus, frequentia, ædificiorum elegantia, civium sedulitate, in principem fide, in advenas humanitate, inter celeberrimas Angl. urbes numeranda. Forma est oblongiori; à meridie in septentrionem mille quingentos passus protenta; latitudine dimidio minore; ad meridiem sensim se quasi in conum contrahente. Mœnibus validis (in quibus crebræ dispositæ turres & undecim portæ) undique obsepta, præterquam ad orrum, ubi flumē (quum sinuoso flexu, quatuor pontibus stratum, septentrionalem urbis partem interluerit) profundo alveo & præcipitibus ripis defendit. Nonnihil Belgis debet, qui tyrannidem D. Albani & sanguinarium inquisitionis tribunal pertæsi huc magno numero confluxerunt, & opificium levidensium quorundam pannorum primi intulerunt.

Secundum Lynne, qua Ouse fluvius oceano obnititur, sinui maris assidens, (quem vulgo theVVashes vocant.) oppidum amplum, profunda fossa, mœnibus

nibus magna ex parte cinctum, duobusque exiguis fluviolis divisum, qui pontibus plus minus xv conjunguntur: portus securitate, qui aditu facilimus, mercatorum frequentia, ædium pulchritudine, & civium opulentia, Norvvico facile secunda.

Tertium est Yarmutha, portus & oppidum elegantissimum, loci ingenio & solerti opera permunitum. quamvis enim aquis pene circumvalletur ab occasu flumine quod versatili ponte insternitur; ab aliis partibus oceano, nisi ad septentriones qua continens est: mœnibus tamen satis firmis, quæ cum flumine formam quadrilaterem oblongiorem efficiunt, pulcherrime includitur; in quibus præter turrets, ad ortum moles eminet, unde tormentis majoribus in mare subjectum, quod vix l. pass. abest, longe lateque effulminatur. Templum unicum habet, sed amplum & excelsa pyramide conspiciuum. Cives rei mercatoriæ & præsertim capturæ halecum dant operam. itaque hic maximæ & frequentissimæ sunt nundinæ circa festum Michaëlis. Portus magnis sumtibus contra oceani vim defenditur. Oppidani ea humanitate sunt, ut veteri more, jam inde à majoribus instituto, quoscunque melioris

lioris notæ advenas hospitesque comiter invitent, conviviiſque laute excipiant.

Cætera oppida ſunt: *Thetfordia*, ſatis amplum oppidum & antiquum, ſed raris nunc habitatoribus. *Dyſſe. Holt*, ad ripam flu. *Thyrn. Aileſham*, forum non infrequens. *Buckenham. VVauburne. Claye. VValsingham* utrumque, majus, & ſeptentrionale. *Suvaſſham*, forum celebratum. & alia minoris notæ.

C A N T A B R I G I E N S I S C O M I T A T V S.

HÆc provincia ab aquilone Lincolnia & Norfolcia; ab ortu Norfolcia & Suffolcia; ab aſtro Hartfordienſi agro & Eſſexia; ab occaſu Bedfordienſi & Huntingdonienſi Comitatus terminatur. Ejus longitudo in miliar. xxxv porrigitur: qua latiſſime patet, vix xx colligit. Omnis tamen ambitus per lacinioſos anfractus cxxviii mill. paſſ. complectitur. Dividitur in xvii centurias. in quibus oppida mercatoria viii, Eccleſiæ clxiii.

Inter oppida eminent duo. Primo Cantabrigia, quam vetus Camboritum opinantur, Saxonibus Granceſtria dicta. Vrbis hæc, quæ altera Angliæ Academia,

lemia, ad Camum sedet; qui, quum
 occidentale illius latus insulis ludens
 persperferit, ad orientem conversus in
 partes dispartit duas, ponteque conjun-
 gitur, unde recentius nomen enatum.
 Ultra pontem castellum cernitur am-
 plum & vetustum, quod sua jam fata
 compleſſe videtur; & collegium S. Ma-
 gdaLENÆ sacrum. Cis pontem, ubi urbis
 pars longe maxima jacet, platearum
 descriptione, templorum frequentia &
 xvi pulcherrimis collegiis omnia ni-
 tent. Primum collegium, quod domus
 S. Petri vocatur; anno c10 cc LXXXIV
 extructum. Dein Aula Clarenſis, anno
 c10 ccc XLVII. Tertio Aula Penbro-
 chiensis, anno c10 ccc XLVI. Collegium
 corporis Christi. Aula Trinitatis, an-
 no c10 ccc LIII. Collegium Caii & Go-
 nelli. Collegium regium, anno c10 cccc-
 xli; cui adjunctum sacellum pulcher-
 rimi operis. Collegium reginale, anno
 c10 cccc XLVIII. Aula S. Catharinæ.
 Collegium Iesu, anno c10 cccc xcvii.
 Collegium Christi. Collegium S. Ioan-
 nis. Collegium MagdaLENÆ, ann. c10 10-
 xlii. Collegium S. Trinitatis, anno
 c10 10 XLVI; quod jam novis aliquoties
 operibus auctum, sua amplitudine, æ-
 dium pulchritudine, vix alteri in or-
 be Christiano cedit. Collegium Ema-
 nuelis.

nuelis. & denique Sidnæum.

Secundo, Ely, urbs non exigua, sed sua nec elegantia nec frequentia prædicanda, utpote ob uliginosum situm cælo parum salubri. Templum tamen habet amplum, excelsum & elegans.

Cætera oppida sunt: *Roiston*, in ipso agri limine, notum oppidum, sed novum. *Recke. VVisbich*, Episcoporum Eliensium castrum inter flumina & paludes sedens. *Nevumarket. Littleport. & Lynton.*

HERTFORDIA.

Hertfordiensis Comitatus à septentrione Bedfordiam & Cantabrigiensem; ab ortu Essexiam contingit: ab austro Middlesexia; ab occidenti Buckinghamia & Bedfordia concluditur. Longitudo xxvii: latitudo xxviii milliar. continet. totus denique ambitus quasi cxxx mill. pass. Dividitur in viii Cénturias: in quibus sunt oppida mercatoria xviii, Ecclesiæ cxx.

Præcipuum hujus oppidum *Hertfordia*; licet nequaquam dives aut pulchrum. A Lea amniculo subluitur. Castrum habet ad Leam, situ amœnum, sed ruinæ proximum.

Cætera sunt: *Roiston*, distrahendo Byri celeberrimum & frequentissimum.

DESCRIPTION. 47

mum. *Baldock. Hitching. Ware*, amplum & frequentissimum oppidum, & hospitibus quamplurimis insigne. *Puckeridge. Stortford*, exiguum oppidum. *S. Albans*, ex Verolamii ruinis educatum, oppidum elegans & amplum; ubi quondam monasterium fuit opulentum; cujus adhuc templum superest, magnitudine, elegantia & vetustate suspiciendum. *Hempstead*, inter colles ad fluviolum positum. *Barckhamsted. Watford. Rickmansworth. Bernet*, foro pecuario celebre. & alia minoris momenti.

B E D F O R D I A.

A Septentr. Huntingdoniensi agro, ab ortu Cantabrigiensi & Hertfordia, ab occidente Buckinghamiensi & Northanthoniensi conjungitur. A Borea in austrum xxiv; ab ortu in occasum xiv mill. patet. Ambitus lxxiii mill. pass. circumscribitur. Dividitur in ix Centurias. in quibus oppida x, Ecclesiae cxvi.

Præcipuum hujus oppidum Bedfordia, copiosum admodum & peramœnesitum, Vsa per medium se agente, qui ponte faxeo specioso conjungitur. Ecclesias habet quinque.

Cætera sunt: *Porton. Shelford. Biggles-*

glesvade, equorum nundinis & ponte lapideo celebratum. *Anthil. VVo-burn. Tuddington. Dunstable*, in solo cretaceo situm, incolis satis frequens, & diversoriis plenum; quatuor habet plateas ad quatuor mundi plagas. *Leighton & Luton*.

B U C K I N G A M I A.

AD boream Northamptonensem & Bedfordiæ Comitatum contingit; ad ortum Hertfordiam; ad austrum Bercheriam; cætera Oxoniensem provinciam. Longitudo xxxix mill. pass. à borea in austrum: latitudo xviii miliar. capit. Ambitus cxxxviii milliarium. Dividitur in viii Centurias. oppida habet xii, Ecclesias clxxxv.

Buckinghamia, provinciæ caput, uberrimo solo ad Væ ripam posita, qui hoc oppidum pene undiquaque præcingit; ac tribus è saxo pulcherrime constructis pontibus jungitur.

Cætera sunt: *High-uvickham*, amplitudine sua & ædificiorum elegantia maximis in hoc agro oppidis æquandum. *Colbroke*, ad Cole fluvium; qui hic in iv alveos finditur, & totidem pontibus transitur. *Amersham*, sive *Agmondsham*. *Aylesbury*, emporium amplum, satis frequens, amœnissima

lima pratorum & pascuorum viriditate incinctum. *Stony Stratford*, ad australem Ousæ ripam; oppidum satis magnum, quod duas habet Ecclesias. *Oulney*. & alia minoris momenti.

O X O N I E N S I S C O -
M I T A T V S.

Comitatus hic ad septentr. VVar-
wicensi & Northantonensi: ad or-
tum Buckinghamiensi: ad occasum Glo-
cestrensi concluditur: ad austrum Ta-
misi à Bercheria separatur. Longitudo
illius ad XL fere mill. porrigitur: lati-
tudo, ubi maxima est, vix ad XX. Am-
bitus plus minus cxxx mill. pass. capit.
Dividitur in centur. XIV; in quibus op-
pida sunt X, Ecclesiæ CC LXXX.

Inter oppida eminet *Oxonia*, nobi-
lissima Academia, urbs egregia & niti-
da, sive privatorum ædificiorum ele-
gantiam, sive publicorum magnificen-
tiam spectes: situque perquam amœ-
no; planitiem enim ita obvallant ne-
morosi colles, ut hinc austro & zephy-
ro excluso, tantum eorum & aquilo-
nes admittant. Mœnibus quidem ma-
xima ex parte cincta est, sed quæ jam
vetustate labascunt. In hac hodie vi-
suntur Collegia sedecim, & aulæ octo;
nimirum, Collegium Balliolense,

anno 1269 constructum: Mertonense, ann. 1274: Collegium universitatis: Exoniense: Regium: Reginale: Novum: Dunelmense sive S. Trinitatis: Lincolnense: omnium animarum: Magdalenæ: Anei nasi: corporis Christi: ædes Christi: Bernardi sive Ioannis Baptistæ: denique Iesu. Quæ omnia magnis re-
ditibus sunt dotata. Bibliotheca præ-
terea hic longe pulcherrima & instru-
ctissima, quæ splendorem suum debet
Thomæ Bodleio Equiti.

Cætera oppida sunt: *Burford*. *VVitney*, antiquum oppidum. *VWoodstocke*; ubi ædes sunt regię magnificæ. *Banbury*; cuius casei supra modum laudantur. *Thame*, inter flumina gra-
to admodum situ. *Henley*, ad Tamisis
ripam peramœno situ. *VVatlington*,
mercatus tenuis: *Chipping-Norton*, &
Hook-Norton.

G L O C E S T R I A.

Comitatus hic ad septentr. *VVigo-*
rinenses & *VVarvvicenses* conter-
minos habet; ad ortum *Oxonenses* &
VViltonenses; à meridie *Somersetten-*
ses; ad occasum *VVye* fluvio & *Here-*
fordiensibus conjungitur. Patet in
longitudinem XLVIII millia; in latitu-
dinem XXVIII. Ambit cxxxviii mill.
pas-

passuum. Dividitur in quatuor præcipuas partes; quæ subdividuntur in xxx centurias. in quibus sunt oppida mercatoria xxiv.

Caput hujus provinciæ *Glocestria*; quæ urbs exporrecta Sabrinæ flum. imminet; qua flumine non alluitur, firmissimo muro septa, templorum numero, & ædium descriptione satis elegans. In australi parte castrum è saxo quadrato consurrexit, jam maxima ex parte caducum. Templum cathedrale habet pulcherrimum, & summa arte atque elegantia structum.

Cætera oppida sunt: *Deane*, juxta quod sunt opulentæ ferri venæ. *Teukesbury*, amplium & elegans oppidum, tribus pontibus ad tria flumina pervium, laneis pannis conficiendis celebre. *Barekley*, castro munitissimo notissimum. *Thornbury*. *Dursley*. *Camden*, mercatus satis celebris. *VVinckelcombe*, oppidum satis frequens *Stouven on the V Vould*, sublimi situ. *Nortleach*. *Cirencester*, urbs vetustæ memoriæ, cujus mœnia olim in ambitu duo millia collegunt; nunc vix quarta pars intra mœnia habitatur; Lanificio quæstum faciunt incolæ. Cætera minoris momenti omitto.

H E R E F O R D I A.

Comitatus hic à septentrione VVigornienſi & Salopienſi agro includitur: ab ortu Malverni collibus à Gloceſtrenſi Com. dividitur: ad auſtrum Monmutenſi coërcetur: ad occaſum à Brechinia montibus & Radnorſia definitur. Dividitur in centurias XI; in quibus oppida mercatoria VIII, Eccleſiæ LXXVI. Ambitus illius CII milliar. occupat.

Præcipuum oppidum *Herefordia*, mœnibus olim ſeptum, quæ etiamnum integra; in quibus ſex portæ, & turreſ ſpeculatoriæ XV. mille quingentos paſſus in ambitu colligit. regitur à Majore & XXXI civibus, qui vulgo Electio dicuntur.

Cætera ſunt: *Lemſter*, lanæ bonitate & frumento felix. *VVebleya*. *Ledburg*, Ceddено fl. appoſitum. *Roffe*, fabris ferrariis notum. *Pembridge*. *Kynetton*, &c.

V V I G O R N I A.

Wigornia, vulgo VVorceſter, ab æquilone Staffordia, ab ortu VVarvico & Oxonienſi provincia, ab auſtro Gloceſtrenſi agro concluditur, ad occaſum Malverniis collibus ab Herefordienſi

fordiensi agro disjungitur. Ambitus illius cxx mill. pass. comprehendit. Dividitur in vii centurias; in quibus oppida mercatoria x, Ecclesiæ clxii.

Præcipua hujus urbs *VVigornia*, Saxonibus *VVirenceaster*, ad orientalem Sabrinæ ripam sita est, &, nisi qua fluvio alluitur, muro triquetra forma cingitur; qui in ambitu cix ix cl pass. colligit: in quo vii portæ, & turres speculatoriæ v. Flumen turrigero ponte jungitur. Ecclesiam cathedralem habet pulcherrimam, & minores xi. Amœnissimo loco posita est, commercio celebris, & opulentis civibus culta. Politia ejus optima, quam duo Ballivi, è viginti quatuor civibus electi, duo Aldermanni, duoque Camerarii administrant, cum communi consilio, quod ex xlviii civibus constat.

Cætera oppida sunt: *Beavvdeley*, amœnissime in declivi colle flumini impendens. *Kiddenminster*, remotius à ripa; oppidum nitidum, & forum frequens, Stoure fluviolo divisum. perpulchram habet Ecclesiam. *Draitvvich*, ubi tres fontes salsi scaturiunt, è quibus sal purissimus & candidissimus ab æstivo solstitio ad brumale excoquitur. *Vpton*, mercatus notissimus. *Evesham*, oppidum satis elegans, sur-

genti à flu. colli impositum. *Parshor.*
Sturbridge, &c.

V V A R V V I C E N S I S
C O M I T A T V S.

PRovincia hæc à septentrione Staf-
fordia; ab ortu Leicestria & Nor-
thantonia; ab austro Oxoniensi & Glo-
cestrensi agro; ab occasu VVigornienfi
terminatur. Longitudo illius milliar.
xxxiii. latitudo xxv mill. pass. Ambit-
us cxxxv milliar. capit. Dividitur in
ix centurias. in quibus oppida merca-
toria xv, Ecclesiæ clviii.

Præcipuum illius oppidum *Coven-
tria*, urbs tum mœnibus firma, tum
ædificiis elegans. in mœnibus xii por-
tæ, & xviii turres visuntur. duo habet
templa rari operis. hodieque satis fre-
quens est.

Proximum huic *VVarvvicus*, ad ri-
pam Avonæ fl. situ peramœno, ad col-
lem à flumine acclivem, quod valido
& specioso ponte conjungitur; cujus
fluenti impetum amplissimum & ma-
gnificum castrum ab oppido arcet.
mœnibus olim cinctum fuisse videtur,
quorum adhuc portæ superant. bina
habet speciosa templa.

Cætera sunt: *Kineton. Sovvtham*,
mercatus frequens. *Rugby*, forum
fre-

frequentissimum lanis. *Stratford*, ad Avonam emporiolum non inelegans. *Bitford*, ad Avonam. *Henley*, ad Aleni flu. ripam. *Aulcester*, tenue oppidum, sed frumentariis nundinis celebre. *Kenelworth*, cum castro pulcherrimo & munitissimo. *Bremicham*, ferrariorum sedes. *Sutton. Colfield*, loco saltuoso & ingrato situm. *Atherston*, mercatus frequens, &c.

NORTHAMTONIA.

PROvincia hæc ad septentrionem à Lincoln. Vellando fluvio; ad orientum Aufona (vulgo Neu) ab Huntingdon. separatur; ad austrum à Buckinghamia & Oxoniensi; ad occidentem à Vvarvicensi agro clauditur. Longitudo ejus XLVI milliarium: latitudo xx mill. pass. Ambitus cxx milliarium. Dividitur in centur. xx; in quibus oppida mercatoria x, Ecclesiæ cccxxvi.

Primarium oppidum *Northantoniam*, amplo inprimis ambitu, venustate & structura plerisque hujus regni urbibus minime cedens. Sedet ad confluentes duorum flu. Ad occidentale illius latus castrum sedet colli impositum, cujus muri jam ruinam minantur. huic ad austrum mœnia urbis contigua

sunt; & in orbem ducto ambitu occurrunt flumini ad septentrionem; colliguntque in ambitu circ xx pass.

Secundum, *Petriburgus* urbecula; ubi monasterium fuit celeberrimum ad Henrici VIII usque tempora: tunc è monasterio Ecclesia est facta cathedralis, quæ, si structuram spectes, ipsa antiquitate pulchra est.

Cætera sunt: *Touucester*: unica ecclesia spectabile. *Wellington*. *Ketteringh*, forum non infrequens. *Oundle*, elegans oppidulum. &c.

H V N T I N G D O N I A.

PROVINCIA hæc ab austro Bedfordienses, ab occasu Northantonenses; ut & à septentrione, qua Avona fl. dirimitur; & ab ortu, Cantabrigienses spectat. Dividitur in quatuor centurias; in quibus sunt oppida mercatoria vi, Ecclesiæ lxxix.

Hujus Comitatus caput est *Huntingdon*, ab aquilone ad leniter acclivem *Vsæ* ripam positum oppidum, magnum & frequens olim, sed hodie ex xv Ecclesiis omnes, exceptis tribus & matrice Ecclesia B. Mariæ, suis ruinis sepultæ jacent.

Reliqua oppida sunt: *S. Neotifanum*. *Kimbolton*. *S. Ines*. *Taxley*. &c.

R V T.

R U T L A N D I A.

AB aquilone Lincolnienſi agro includitur; ab ortu & aſtro VVellando flu. à Northantonienſi provincia ſeparatur; ab occaſu, Leiceſtrenſi coërcetur. Patet in longitudinem XII millia; in latitudine vix IX. Ambitus XL mill. paſſuum colligit. Dividitur in V centurias: in quibus Eccleſiæ XLVIII.

Oppida ſunt: *Ockham*, oppidum ſane elegans (quod ſpectat ad Baronem de Exton) & ſpatioſum; Templum habet pulchrum; & caſtellum quod vetuſtate fatiſcit. & *Vppingham*, acclivi loco ſitum cum frequenti mercatu.

L E I C E S T R I A.

COmitatus hic ad ſeptentrionem Nottinghamienſi, ad ortum Lincolnienſi & Rutlandia, ad aſtrum Northantonienſi, ad occaſum VVarvvienſi & Derbienſi provincia terminatur. Patet in longitudinem milliarum XXX: in latitudinem XX. Ambitus illius eſt CXCVI millia paſſuum. Dividitur in VI centurias; in quibus oppida mercatoria XII, & Eccleſiæ CC.

Primaria urbs *Leicestria*, fatis antiqua & venusta : mœnia illius sub Henrico II diruta ; uti & castrum. parœciales ecclesias hodie numerat VII.

Reliqua oppida sunt: *Hinckley*. *Bosworth*, antiquus mercatus. *Ashbye de la Zouche*. *Mountsorrel*. *Longborough*, amplitudine & structura & sylvarum amœnitate secundam locum sibi vendicans. *Dunnington*, castrum. *Melton*. *Moubray*; ubi templum speciosum. *Waltham*. *Lincolnsburgh*. *Hallaton* & *Harborough*.

L I N C O L N I A.

Comitatus Lincolnienſis, qua boream ſpectat, Abo ſive Humber æſtuario cœrceſtur; qua ortum, oceano Germanico: ad auſtrum à Cantabrigienſi & Northantonenſi agro Aufona fluvio; ad occaſum à Nottinghamenſi & Eboracenſi provinciis Duno & Trenta flu. dividitur. Patet in longitudinem milliar. LV: in latitudinem xxxv. Ambitus illius clxxx mill. paſſ. colligit. Dividitur in tres partes, Lindeſeyam, Keſtevenam & Hollandiam. Lindeſeya ſubdividitur in centur. xvii. Keſtevena in xi. Hollandia in tres. In quibus oppida mercatoria xxx: Eccleſiæ lxxc xxx.

Caput

Caput provinciæ Lincolnia, urbs perantiqua, olim & magnificentior & frequentior: E quinquaginta Ecclesiis, quas olim habuit, præter Cathedralē, hodie tantum xv supersunt. Politia hujus urbis penes Prætorem est & duos Vicecomites, quibus adhibentur xii Aldermanni coccinea veste induti. Posita est in acclivi collē, ubi VVithama in ortum se deflectit, & tribus modicis alveis divisus inferioris urbis partem alluit, & duobus pontibus transitur.

Reliqua oppida sunt: *Croylandia* in Hollandia, oppidum inter paludicolas celebre, inaccessum, nisi à septentrione & ortu, idque per angustos aggeres: tribus constat plateis, quæ aquis intercurrentibus divisæ, & conjunctæ ponte triangulari admirando artificio: incolis satis est frequens, qui quæstum faciunt è piscium & avium captura. *Spalding*, oppidum elegans, rivulis undique conclusum. *Kirckton*, in superiori Hollandia. *Boston*, sive *Botolphi*, oppidum ad VVithamæ ostium, qui ponte ligneo sublimi sternitur; oppidum celebre, & portus opportunitate frequens; Ecclesia speciosa & turri editissima conspicuum: ædificiis elegans, & commercio dives. *Stanfordia*, oppidum frequens ad VVellandum fluvium, muroque firma.

firmatum : Ecclesias parochiales habet
vii. Deeping. Burne. Folckingham.
Paunton, ad *VVithamæ* ripam. *Gran-*
tham, oppidum non infrequens, &
 templo specioso exornatum. *Hornca-*
stle. Tattershal, regione palustri satis
 commode positum. *Bullingbrooke.*
Wainfleete. Alford. Louth, frequens
 emporium. *Grimsby. Thongcaſter.*
Barton, ubi trajectus celebris in Ebo-
 racensem provinciam. *Merket-Rosin.*
Glanford, tenuis mercatus. *Gainerbo-*
rouu, ad *Trentam*. *Burton*. aliaque
 ignobiliora.

D A R B Y A.

PROvincia hæc ad septentrionem E-
 boracensi agro clauditur; ad ortum
 Nottinghamensi; ad austrum Leice-
 strensi; ad occasum Dovo & Goito flu.
 à Staffordiensibus & Cestriensibus di-
 viditur. Patet in longitudinem inter
 boream & austrum xxxviii pass. mil-
 lia: in latitudinem circiter xxx. Am-
 bitus illius cxxx colligit. Dividitur in
 vi centurias; in quibus sunt oppida
 viii, Ecclesiæ cvi.

Præcipua urbs *Darbia*, occidentali
 ripæ Dervationis flu. imposita, qui
 hic pulcherrimo ponte lapideo jungi-
 tur. Ecclesias numerat quinque. Regi-
 tur

D E S C R I P T I O. 61

tur à duobus Ballivis, qui quotannis è
xxiv senatoribus eliguntur: præter
totidem burgenses, qui commune Con-
cilium constituunt.

Cætera oppida sunt: *Ashburne. Al-
freton. Chesterfield. VVorkesuvorth*,
plumbariis operibus nobile. &c.

S T A F F O R D I A.

COMITATUS hic ad septentrionem
concluditur Cestriensi & Darbiensi
provinciis; ad ortum Dovo & Trenta
fluminibus à Darbia separatur; ad au-
strum VVarvvicensibus & VVigori-
niensibus præcingitur; ad occasum ha-
bet Salopienses. Pater in longitudinem
inter septentrionem & meridiem XLIV
milliaria: in latitudinem XXVII. Am-
bitus cXL millia passuum compre-
hendit. Dividitur in v centurias; in
quibus oppida sunt xiii, Ecclesiæ
cxxx.

Caput Comitatus *Staffordia*, oppi-
dum ab Eduardo seniore extructum, à
Rege Ioanne incorporatum: ad orien-
tale & australe latus à suis Baronibus
muro fossaque cinctum: à Sovvo flu-
mine irrigatur.

Reliqua oppida sunt: *Lichfeldia*, quæ
superiorem amplitudine & antiqui-
tate superat; urbs humili situ, satis
ampla

ampla & nitida, in duas partes palude
divisa, quæ duobus aggeribus conjun-
guntur: australis pars major & in va-
rias plateas descripta; altera minor,
templo tamen spectatissimo insignis,
quod pulcherrimo mœnium ambitu
cingitur. *Wolver-Hampton. Walsal*,
non infimæ sortis mercatus, juxta Ta-
mam flu. *Tamworth*, ad Tamæ ripam.
Newcastle, under Lime. Stone. Bur-
ton, super Trentam, alabastrinis ope-
ribus nobile. *Leek. Worcester*, colli mol-
liter acclivi assidens, re pecuaria magis
dives, quam structura elegans, &c.

S A L O P I A.

Salopiensis Comitatus, vulgo *Shrop-
shire*, ad septentrionem Cestria, ad
ortum Staffordia, ad meridiem *Wig-*
ornia Herefordiaque, ad occasum
Montgomeria & Denbighia termina-
tur. Patet in longitudinem xxxiv mil-
liaria: in latitudinem xxiv. Ambitus
cxxxiv mill. pass. colligit. Dividitur in
xv centurias; in quibus oppida xiv,
Ecclesiæ clxx.

Præcipuum illius oppidum *Salopia*,
vulgo *Shrovesbury*, ambitu, commer-
ciis, & opulentia paucis Angliæ urbibus
cedens: mœnia illius valitæ c. 10 Lxx
pass. comprehendunt; præter muni-
men-

mentum à Castello ad Sabrinam per-
ductum: Sabrina autem duobus è saxo
pulcherrimis pontibus in oppidum du-
cit: ad boream affidet Castellum, quod
jam ruinam minatur. Vrbs collem oc-
cupat subrufescentem, Sabrinaque duo-
bus pontibus pervius, in gyrum se a-
gens fere toram incingit. Commerciis
hodie dives; huc enim fere omnes
Valliæ commoditates tanquam ad
commune emporium confluunt.

Cætera sunt: *Bischofs castle. Lud-
low*, ad Temdum cum Corvo confluen-
tes colle attollitur, maiore elegantia
quam vetustate oppidum: mœnibus
cinctum, quæ plus minus circiter pass. col-
ligunt: Concilium limitaneum hic ce-
lebratur: *Bridgnorth*, ad dextram Sa-
brinæ ripam, muris, fossâ, amplo ca-
stro, & Sabrina, qui hic altissimus, tu-
tum. *Shipton. Venlocke. Drayton.*
Vem. Osvestre, urbecula fossâ &
muro inclusa, exiguoque castello mu-
nita, pannorum Vallicorum merca-
tu felix. *VWhitchurch.* & alia ignobi-
liora.

C E S T R I A.

Nobilissimus hic Palatinus Comita-
tus, ad septentrionem à Lanca-
strensi flu. Merseio; ad ortum Merseio,
Gorto

Goito & Dano flu. à Darbienti & Staffordiensi provinciis discluditur; ad austrum Salopiensem & Flintensem agros attingit; ad occasum Deva flu. à Denbigiensi separatur. Patet in longitudinem inter ortum & occasum XLVII milliaria: in latitudinem XXVI. Ambitus est CXLII mill. pass. Dividitur in VII centurias: in quibus oppida sunt XIII, Ecclesiæ LXXXVI.

Præcipua urbs *Cestria*, sita ad Devam flumen, quod ponte saxeo VIII fornicibus subnixo jungitur; in cujus utroque extremo porta surgit; unde perpetuo ductu mœnia urbem cingunt forma pene quadrangulari, sed oblongiori; celsa admodum & firmi operis; quæ II plus minus CIO pass. in ambitu colligunt. Ad australem urbis partem Castrum assidet validum orbiculari forma, cujus area quoque circulari muro inclusa: ad borealem vero Templum cathedrale. Septem præterea habet paræciales ecclesias. Portus illius hodie nonnihil oblimatur.

Reliqua oppida sunt: *Malpas*, ad Devæ ripam in edito colle situm. *Nantvvich*, *Middelvvich* & *Nortvvich*, salinæ nobiles, V vel VI mill. pass. à se invicem distantes: *Nantvvich* autem maximum & elegantissimum oppidum; eccle-

ecclesiam habet unicam perpulchram. *Congleton*, amplum & frequens oppidum. *Maclesfield*. *Knottesford*. *Haulton*, oppidum cum suo castro. *Sondbach*. *Stopford*. *Tervin*. & *Altringham*. &c.

LANCASTRIA.

PROvincia hæc ad austrum Merseio flu. à Cestria secluditur; ad ortum habet Darbiam; à septentrione Eboracensem provinciam cum VWestmerlandia & Cumbria; ab occasu Hibernico mari alluitur. Patet in longitudinem LVI millia passuum: in latitudinem XXXI milliaria. Ambitus illius est CLIII millia passuum. Dividitur in VI centurias; in quibus oppida XV, Ecclesiæ XXVI, præter capellas quamplurimas.

Primarium oppidum *Lancasteria*, situ amœnum, sed non admodum frequens, ad australem Loni ripam. Omne decus hujus oppidi, in templo, castro & ponte consistit. Plateæ plures & in longum protensæ.

Cætera sunt: *Rochdale*, mercatus frequens, ad Roch flu. in valle situs. *Bury*, Irevvello appositum oppidum. *Manchester*, circumvicinis oppidis præcellens; elegantia, frequentiaque, lani-

ficio, foro & templo: Mancunium Antonino. *VVarrington. Ormeskirke. VVigghin*, oppidum cultum & copiosum. *Preſton*, amplum, elegans, & frequens oppidum. *Blackburn. Vlvorſton. Boulton. Burie. Colne. Lerpoole.*

E B O R A C E N S I S P R O -
V I N C I A .

EBoracensis provincia, vulgo *Torck-shire*, ad arctum Dunelmensem episcopatum objectum habet, perpetuo Tesis fl. cursu diviſum: ad ortum oceano Germanico pulsatur: ad occasum Lancaſtrenſi agro & VVeſtmerlandia: ad austrum Ceſtrenſi, Darbyenſi, Nottinghamienſi, & Lincolnienſi clauditur. Patet in longitudinem Lxx mill. paſſum: in latitudinem Lxxx. Ambitus eſt cccviii milliarium. Dividitur in tres partes, *VVeſt-Riding, Eaſt-Riding, & North-Riding*. VVeſt-Ridingh oppida mercatoria habet xxi, & Eccleſias civ. Eaſt-Riding & North-Riding oppida xxv, Eccleſias cccclix.

Caput omnium eſt *Eboracum*, urbs peramœna, ampla & magnificentiſſima, opibus civibusque reſerta; validis propugnaculis munita, & ædificiis publicis privatiſque ſplendidis ornata. Henricus VIII hic concilium ad ſeptentriona-

trionalis hujus plagæ causas judicandas constituit. Interluit Vrus fluvius, & quasi in duas partes secat, quæ lapideo ponte junguntur: Pars occidentalis, quæ minus frequens, mœnibus pulcherrimis & flu. septa est; Pars orientalis, ædificiis densa & angustioribus plateis conclusa, firmissimis itidem mœnibus armatur; & ad ortum Brumalem Fossi profluentis satis profundo alveo vallatur; qui in ipsam urbem cæca via penetrans, ponte continetur ita ædificiis continuo, ut potius vicus videatur. Hic & magnificum Cathedrale templum visitur.

Proximum huic est Kingston, super Hullum, vulgo *Hul*, oppidum non admodum antiquum, verum magnificis ædificiis, firmis propugnaculis, navibus instructissimis, mercatorum frequentia & rerum omnium affluentia emporium hodie longe celeberrimum. cinctum est lateritiis muris, & firmis turribus; civesque illius opulentissimi.

Cætera sunt: *Sheafeld*, ferrariis fabricis celebre, & castro firmo vetustoque munitum. *Rotheram*. *Doncaster*, vetustum oppidum. *Tickhill*, vetustum oppidum; castro satis magno, sed simplici mœnium ambitu, & mole edita, cui arx rotunda imponitur, munitum.

Halifax, olim *Horton*, oppidum celeberrimum, in declivi collis ab occasu in orientem positum. *Wakefeldia*, re pannaria, sua magnitudine, ædificiorum elegantia, foro frequenti, & ponte incluta. *Skipton*, inter montes latens; oppidum ædificiis nitidum, cum munito castello. *Leedes*, oppidum lanificio opulentum. *Pontfrait*, agro peramæno positum, ædificiis nitidis excultum, cum castro specioso & munitissimo. *Sherborn*, oppidulum frequens. *Orley*. *Wetherby*, oppidum mercatu insigne. *Rippley*. *Knarresbouroug*, rupi asperrimæ impositum. *Rippon*, templum habens splendidum, & olim lanificio clarum. *Burroubridge*, exiguum oppidulum, cum ponte saxeo eximio super Vrum strato. *Selby*, oppidulū non infrequens. *Hovuden*, oppidum mercatorium. *Wightom*. *Beverley*, oppidum amplum & perfrequens. *Cottingham*. *Headon*. *Bridlington*. *Scarborough*, juxta in subiecto mari; captura hælæcum uberrima est. *Whittye*. *Tarum*. *Stokestey*, emporiolum. *Gisboroug*, exiguum nunc oppidum. *Pickering*, oppidum collatissimum, & veteri castello munitum. *Kirckbymarstide*, non infimæ sortis mercatus. *Malton*, forum frumento equis, piscibus & instrumentis rusticis cele-

cis celebratum. *North-Alverton.*
Thrusk.

Eboracensis agri pars, quæ solstitialem occasum spectat, *Richmond-Shire* appellatur, montosa fere, & plumbo atque carbone fossili fœta. Cujus præcipua urbs *Richmondia*, exiguo mœnium ambitu inclusa, sed productis ad tres portas suburbiis satis frequens; cum castro munitissimo, quod ex alto *Syvalam* vasto cum murmure ruentem despicit. Reliqua oppida sunt: *Midleham*. aliaque ignobiliora.

DUNELMENSIS
EPISCOPATUS.

Dioecesis hæc ad septentrionem à Northumbria Derivatione fluvio dividitur; ad occidentem, Cumbriam & Westmerlandiam attingit; ad ortum oceano Germanico pulsatur. Ambitus illius ciii mill. pass. complectitur, triangulari fere forma. Oppida habet vi, Ecclesias c xviii.

Metropolis, Dunelmus, vulgo *Durham*, situ æditiori & munitissimo, spatium tamen non magno, ovali quodammodo forma; *VViro* flumine ab omni præterquam à septentrione circumfunditur, & mœnibus firmatur: ad australem partem cathedralis Ecclesia
E 3 surgit

furgit turre conspicua : in medio imponitur castrum quodammodo intermedium inter duos pontes è saxo, quibus fluvius hinc ad ortum, illinc ad occasum conjungitur. habet & sua suburbia cum singulis Ecclesiis.

Cætera oppida sunt : *Bernard-Castle. Stayndrop. Darlington. Hartlepole*, emporium celebre, situ percommodo, & statione fida. *Auckland*, editiori tumulo impositum ; ubi pulcherrimæ Episcopi ædes & insignis pons visitur.

VVEST MORLANDIA.

Comitatus hic ab occasu & borea Cumbria ; ab austro Lancastria ; ab ortu Eboracensi agro & Dunelmensi Episcopatu concluditur. Patet in longitudinem xxx milliaria : in latitudinem, ubi maxima est, xxiv. Ambitus cxii occupat. Oppida numerat iv : Ecclesias xxvi.

Primarium oppidum *Kendale*, mercatura & frequentia, lanificii quoque gloria celebre. Forma oblonga jacet ad Keni flu. ripam, qui tribus pontibus jungitur.

Reliqua sunt : *Kirckby Stephen & Kirckby Landal : Appelby*, veteribus Aballaba, agro non inamæno situm,
&

& Ifune flu. circumfusum, ceterum infrequens.

C V M B R I A.

PROVINCIA hæc ab arcto Scotiam attingit, à qua Kirsopo flu. dividitur: ad ortum Northumbriam habet & VVestmorlandiam; ab occidente Hybernico mari alluitur. Oppida habet IX, Ecclesias LVIII.

Primaria hujus urbs *Carleolum*, per amœne inter Itunam, Peterillum, & Candum flu. sita, firmis mœnibus è saxo, castello, & citadella, quam vocant, munita. Forma illius oblongior ab occasu in ortum procurrens. Ad occidentem est castrum satis magno ambitu. In media fere urbe est templum Cathedrale.

Cætera sunt: *Ravenglas*. *Egremond*, colli impositum castrum. *Keswicke*, agro satis lato, & æraria sectura notum. *Cokermouth*, forum copiosum, oppidumque eleganti structura, sed humiliori situ inter duos colles; quorum alteri ecclesia, alteri castrum impositum est firmissimum. *VVirknton*, salmonum captura nobile. *Ierby*, forum non minimum. *Penrith*, emporium celebre, ad occiduam plagam castro regio firmatum; templo satis pul-

chro ornatum. *Brampton*, tenuis mercatus.

NORTHUMBRIA.

PROvincia hæc Derwent & Tina fluv. inclusus, ad meridiem Dunelmenses spectat; ad boream Scotiam; ad occasum Cumbriam : ad orientem oceano Germanico alluitur. triangulari & fere æquilatera forma est, ambituque suo c XLV milliaria complectitur. Oppida habet v: Castra xxvi: Ecclesias cccc LX.

Præcipuum oppidum Novum castrum, vulgo *Newv. Castle*, opulentum & frequens; portum quippe habet nobilem, quem Tina efficit, ea profunditate ut maximas naves admittat: mœnia habet firmissima; templa quatuor; commercio carbonum fossilium florentissimum.

Cætera sunt: *Hexam*, ad Tinæ ripam in editiori colle. *Morpit*, celebre oppidulum ad borealem VVentsbec fluv. ripam; cui castrum in umbroso colle adsidet. *Alnevrick*, castro egregio firmatum.

Bervvÿck, ultimum & munitissimum Angliæ oppidum, Tuedæ ostio impendens; & longius in mare porrigitur, ita ut mari & Tueda fere circumvalle-

valletur: Scotis olim extorta urbs, sæpiusque reddita, demumque sub Eduardo IV recuperata: ex quo ab Angliæ regibus, & præsertim Elisabetha, ita fuit permunita, ut facile omnes hostium minas contemnat.

V V A L L I A.

TOta illa pars Angliæ, quæ ad occasum vergens, & Hybernicum mare, fere Sabrina & Deva fluminibus à reliquo corpore, quod hætenus descripsimus, dividitur, olim Cambria dicebatur; hodie VVallia. Dividitur in duas partes, in borealem, & australem VValliam; & in duodecim Comitatus: licet unus, nimirum Monumethensis, ab Henrico VIII Parliamentaria autoritate Angliæ annexus, & à reliquo VValliæ corpore fuit divulsus.

P E N B R O C H I E N S I S.

COmitatus hic extremum VValliæ Promontorium ad occidentem occupat; patetque in longitudinem mill. xxvi, in latitud. xx, ambitum xciii. Dividitur in centurias vii. in quibus oppida v, Ecclesiæ cxlv. Portus habet longe optimos, inter quos excellunt Tendy & Milford, quorum

hic capacissimus est; quippe qui XVI recessus, quinque sinus, tredecimque navium stationes contineat, suis nominibus notas.

Non longe ab hoc portu sedet Provinciae caput *Penbrochia*, mœnibus male factis firmata, (& admodum infrequens,) quæ in ambitu 150000 pass. capiunt. ad occidentale latus castrum habet amplum aggere occlusum.

Proximum est oppidum *S. Davidis*, urbs æque infrequens, sylvis minime tecta, ideo procellis semper exposita. Cathedralem habet Ecclesiam admodum speciosam; juxta quam visitur Episcopi palatium, totum è vivo saxo constructum, sed male tectum, & perpluens.

Reliqua sunt: *Fishgard*, asperæ rupi affixum, cum statione satis opportuna. *Haverford wvest*, loco inæquali situm, elegantia & frequentia celebre. *Newport*. & *Tenby*.

CAERMARIDVNENSIS.

PROvincia hæc, vulgo *Caermarden Shire*, ab occasu *Penbrochia*; ad septentrionem *Ceretica*, interfluente *Tevio* fluvio; ab ortu *Glamorgania* & *Brechinia*; ad austrum denique oceanum *Hybe*

Hybernici brachio concluditur. Patet in longitudinem xxxv milliaria: in latitudinem xx. Ambitus illius est cxi mill. passuum. Dividitur in vi centurias; in quibus sunt oppida vi, castra x, Ecclesiae lxxxvii.

Comitatus caput Maridunum, vulgo *Caermarden*, urbs amœno situ, super Tovium fluvium, qui ponte stratus. in montis declivi castrum sedet, à cujus saxeo muro, alius costilibus lateribus intermixtus totum oppidum cingit, cto cccc pass. ambiens.

Reliqua oppida sunt: *Kidwelly*, maris sinui adsidens; mœnibus septum, & castro, quod jam labascit. *Landilo. Lanneithye. Langaduke. & Lanymthesfy.*

GLAMORGANIA.

PROvincia hæc ad occasum Loghoro flu. à Carmaridunensibus separatur; ad arctum à Brechinia; ad ortum à Monumethensibus; ad austrum ab oceano concluditur. Patet ab ortu in occasum milliar. xl; ab arcto in austrum non omnino xx. Ambit cxi mill. passuum. Dividitur in x centurias: in quibus vi oppida; Ecclesiae cxviii.

Primarium oppidum *Caerdiff*, urbs nieida, mœnibus & castro communita; præter-

præterlabitur Tавus fluvius, portumque aperit satis commodum. Mœnia in ambitu colligunt 10 cccc xx passuum; munimentum autem secundum amnem alios ccc.

Reliqua sunt: *Landaff*, ad Taffum flumen, cum suo castro & Ecclesia Cathedrali; tenuis urbecula & humiliori situ. *Cowbridge*. *Neath*, Antonini Nidus. *Aberauon*, tenuis mercatus. *Suweinsey*.

MONVMETHENSIS COMITATVS.

Comitatus hic, Munovv fluv. ad septentrionem ab Herefordia; eodem & Vaga fluvio à Glocestria ad ortum separatur: ad occasum Renmero fluvio à Glomorgania: australe latus Sabrinaiano freto pulsatur. Patet inter arctum & austrum milliaria xxiv; inter ortum & occasum vix xix. Ambit Lxxvii. Dividitur in vi Centurias: in quibus oppida iv, castra xiv, Ecclesiæ c xxvii.

Primaria urbs *Monmouth*, peramœno & opportuno situ inter Vagam & Monnovum fluvios incolis frequens; olim tota mœnibus cincta fuit, quorum adhuc pars superest.

Reliqua sunt; *Chepstovv*, oppidum clivo

clivo à fluvio surgenti impositum, moenibus magno ambitu inclusum; castrumque habet spatiosum fluvio impendens. *Abergevenny*, muris & castro munitum, antiquis Gobanium. *Vske*, Antonino Burrium, ad BIRTHIN in Iscam confluentes. *Caerleon*, Antonino Isca, exiguum hodie oppidulum; sed ex illius ruinis crevit *Nevvport*, castro & portus opportunitate non ignotum.

BRECHINIA.

Vlgo *Brechnock-Shire*, ad boream à Radnoriam Clarvveno & Vaga flu. discluditur; ad occasum Cereticæ & Caermaridunensi agro prætenditur: ad austrum, Glamorgan; ad ortum Monumethensem & Radnoriensem agros vicinos habet. Longitudo illius xxviii millia: latitudo xx. Ambitus cii mill. pass. complectitur. Dividitur in vii centurias: in quibus oppida iii, Ecclesiæ lxi.

Caput Comitatus *Brechnochum*, structura elegans; moenibus ovali forma septum, quæ 10c xl pass. colligunt. Ad occidentem amplum & magnificum castrum adsidet, quod jam labascit. Positum est oppidum ad Houthyæ & Osæ confluentes.

Reli-

Reliqua sunt: *Haya*, peramœne inter Vagæ & Dulassi fluentia sedens. *Buelth*, satis frequens, situamœnum & castro firmatum.

R A D N O R I A.

A Septentrione Monumethensi agro; ab ortu Salopiensi & Herefordiensi continetur; ad austrum Elarvveno & Vaga flu. à Brechinia dividitur; ad occidentem Cereticam respicit. Ambitus illius xc mill. passuum. Dividitur in vi centurias: in quibus oppida xv, Ecclesiæ Lii.

Primarium oppidum *Radnor*, situ peramœno sub colle positum; cui amplum & munitum castrum insidet; à quo ad flumen usque fossa munitur.

Cætera sunt: *Prestaina*, egregia structura, & incolis frequens. *Knighton*. & *Rachader-Govvy*, ad Vagæ cataractas.

C E R E T I C A , sive C A R -
D I G A N I A.

AD septentrion. à Merionethensibus Dovio flumine; ad ortum à Mongemerensibus montibus; à Brechinensibus Tovio flumine; ad austrum à Maridenensibus Tivio flu. dividitur: ad occasum Hibernico mari pulsatur.

Ambi.

Ambitus ciii mill. pass. colligit. Dividitur in v centurias: in quibus oppida iv, Ecclesiæ lxiv.

Præcipuum oppidum *Cardigan*, acclivi aggeri insidens; ab austro Tuvioflu. præalto præcingitur, quod transitum omnino nullum, nisi per pontem sub ipso castro admittit. mœnia etiam assurgentium rupium ope editiora oppidum undiquaque cingunt 106 lxxx pass. ambitu. Castrum rupi insidet, amplum & speciosum olim, nunc vetustate deformatum.

Reliqua sunt: *Aberystwyth*, ad Tivii ostium copiosissimum totius Comitatus. *Llanbeder* & *Tregaron*.

MONTGOMERIENSIS
COMITATUS.

AD boream Denbigiensi agro; ad ortum Salopiensi; ad austrum Radnoriam & Ceretica; ad occasum Merionethensi circumscribitur. Dividitur in vii centurias: in quibus oppida vi, Ecclesiæ xlvii.

Totius conventus caput Mons Gomericus, urbs situ amœna, salubris, molliter acclivi rupi apposita: alteri autem colli insidet castrum elegans & munitum.

Reliqua sunt: *Llanfyllyn*. *Lanydloes*.
Machen

*Machenleth, olim Maglona. Neuvton.
& Welsh poole.*

MERIONETHENSIS
COMITATVS.

AD septentrion. Caernarvoniam & Denbigiam attingit ; ad ortum Mongomeriam. ad austrum Dovio à Ceretica dividitur : ad occidentem oceano lavatur. Dividitur in VI centurias : in quibus oppida III, Ecclesiæ XXXVII.

Oppida sunt: *Harlech*, ad occiduum provinciæ latus marisque littus, patenti & ventis exposito loco situm, nec elegans nec frequens. Castrum tamen adfidet firmissimum ac pulcherrimum, edito colli impositum, & duplici valio septum ; quod jam ruinam minatur. *Dolgestre. & Bala.*

DENBIGHIA.

AD boream oceano & Flintensi agro ; ad occasum Caernarvoniam & Merioneth ; ad ortum Cestria & Salopia, ad austrum Montgomeria terminatur. Ambitus cxi mill. passuum Dividitur in XII centurias : in quibus oppida III, Ecclesiæ XVII.

Primarium oppidum *Denbigia*, pendenti rupi affixa ; non magno sed valide

DESCRIPTION. 81

lido mœnium ambitu, & ad australem partem turrito castello munita : sed oppidum hoc ob situs incommoditatem fere desertum, & novum sub ipsa rupe surrexit, quod hodie frequentissimum, sed nullis mœnibus septum.

Reliqua sunt: *VVrexham*, in regioncula plumbi ferace, turre elegantissima conspicuum. & *Ruthin* ad Cluidæ orientalem ripam ædificiis & incolis frequens.

FLINTENSIS COM.

AD ortum Cestria; ad boream *Ver-givio* mari; ad occasum *Denbigia*; ad austrum *Salopia* terminatur. Dividitur in v centurias: in quibus tantum unicum oppidum mercatorium; castella vii; Ecclesiæ xxviii.

Oppidum id *Caervvick*, quod neque vetustum neque elegans. Inter castra præminent *Flint*, *Harvvarden*, *Ruthlan*, *Moli*, *Tovvley*, &c.

CAERNARVONIENSIS

COMITATUS.

A Septentrion. & occasu *Hibernico* mari; ad austrum *Mervinia*; ad ortum *Denbigia* concluditur. Ambitus illius est cx mill. passuum. Oppida habet v, Ecclesias lxviii.

F

Præci-

Præcipuum oppidum *Caernarvon*, pulcherrimo ad mare prospectu; orbiculari castri mœnium ambitu continetur, quod totum occidentale latus occupat. Ab oceano quotidie arroditur.

Cætera sunt: *Bangor*, oppidulum tenuæ, sed Episcopalis sedes. *Aberconwy*, ad Connovii flu. ostium, tam mœnibus quam castro firmatum. *Neuvyn*, villa mercatoria. & *Pulhely*, ad interiorem maris sinum.

De Insulis adjacentibus.

MONA, vel MANNIA.

Vulgo *the Ile of Man*. Ad septentrionem. Scotiam spectat; ab austro alteram Monam, vulgo Anglesey; ab occasu Hiberniam; ab ortu Lancastriam. Ambitus illius colligit LXXXII mill. passuum. Longa XXIX; lata vix IX mill. passuum. Dividitur in duas partes, australem & borealem: in quibus oppida V, Parœciæ XVII.

Inter oppida præcipuum censetur *Rushen* ad australe latus situm, ubi sedes Episcopi Sodorensis. Frequentissimum *Douglas*, ob portum optimum & aditu facilem. Cætera sunt: *Laxitowne*, *Pectowne*, & *Ramsay*.

INSULA SACRA.

Anglis *Ho'y Iland*. Ab occidente & austro Northumbriam spectat; ad euro-astrum Farne insulam. circuitus illius haud ita magnus. Vnicum tantum habet oppidulum, cum portu non incommodo.

F A R N E.

Northumbriæ quoque obtensa; in ambitu xv mill. pass. colligens. Pau- cas habet ædes, oppidum nullum.

MONA sive ANGLESEYA.

Intula angusto freto seu flum. Menai à Caernarvonia divisa, cætera Hiber- nico mari pulsatur. Ambitus illius Lxx plus minus mill. pass. continet. Dividi- tur in vi centurias: in quibus 11 oppi- da, & Ecclesiæ Lxxiv.

Primarium oppidum *Bellus Mari- scus*, ad orientalem illius partem, amœ- no situ, licet palustri loco; castro spe- cioso munitum.

Secundum Nevvburg, ad occasum jacet, ab arenis multum damni patitur.

CÆSAREA sive IERSEIA.

Normanniæ adjacet versus au- strum, ambitu capiens xxxviii mil- liaria: ovali fere forma. Peramœna in-

sula, variis frugibus & pecore abundans. Duodecim numerat parœcias, & quatuor castella. Commodas habet stationes, inter quas securissima est in australi insulæ parte inter oppidula S. Hilarii & S. Albani.

SARNIA sive GARNSEYA.

Hæc xx milliar. à Cæsarea abest versus occasum æstivum, alteri nec magnitudine nec bonitate æquanda: x quidem tantum numerat parœcias; portus tamen commoditate altera longe est celebrior, mercatorumque commerciiis frequentior. Atque hæc duæ insulæ solæ Regi Angliæ è Ducatu Normanniæ reliquæ.

V E C T A.

Vlgo *VVight*. Insula Southantoniensi Comitatu ex adverso obiacet, exiguo freto ab illo divisa, ita ut quondam continens fuisse videatur. Figura pene ovalis. Patet in longitudinem xx mill. passuum: in latitudinem xii. Ambitus lx plus minus. Oppida hic tria; Ecclesiæ xxxvi.

Primarium oppidum *Novus portus*; opportuno loco situm; & habitatoribus frequens. Cætera sunt: *Sandon*, & *Harmouth*.

II.

COELI SOLIQUE RATIO
in genere atque in singulis
provinciis.

C*Amden.* Qui cœli spacia terræ tractibus accuratius compararunt, Britanniam octavo Climati subjecerunt, parallelis decimo octavo & vicesimo sexto incluserunt. Diem maximum horarum æquinoctialium XVIII cum semisse putant. At Belerium in convexo terræ situ sub ultimo occidente XVI temporibus, L scrupulis; Cantium XXI temporibus secundum longitudinem describunt. Latitudinem in australi ora L gradibus, x scrupulis. Tarvisium LIX gradibus, XL scrupulis metiuntur. Vsq̃ue adeo ut hic situs Britanniam definat cœlo & solo juxta felicissimo & mitissimo. Cœlum ita mite & temperatum est, ut æstates minus fervidæ sint. calores enim mitigant perennes auræ, quæ cum terræ nascentia recreant, tum homini pecorique saluberrime & jucundissime adblandiuntur: & hyemes sunt clementissimæ; frigoris etenim vim (ut taceam aërem crassiusculum) frequentes & sedatæ pluviae

ita dissolvunt, mareque circumfusum ita moderato tepore terram fovet, ut multo remissius sit apud nos frigus quam in nonnullis Galliae & Italiae regionibus. Solum ab omni frugum genere ita beatum, ut Cereris sedem fuisse dixerit Orpheus, & occidentalis imperii quasi horreum & cella penuaria fuerit. Atque haec in genere dicta sunt. Singularum provinciarum dotes nunc prosequemur.

Cantiana provincia (inquit *Camden.*) est inaequalis. ad occasum planior & sylvis umbrosa; ad ortum, collibus molliter surgentibus excelsior. Incolae, qua à Tamisi ad austrum patet, in tres areas sive portiones (gradus vocant) distinguunt. quarum superiorem ad Tamisim salubrem sed minus opulentam esse ferunt; mediam & salubrem & opulentam: inferiorem vero opulentam sed insalubrem, utpote quae maxima parte sit uliginosa (*Rumney marsh* vulgo) sed luxurianti gramine latissima. Pratis tamen, pascuis, arvisque ubique fere lata, pomis ad miraculum abundans, nec non cerasis. Villas & oppida habet frequentissima, stationes satis tutas, ferri venas nonnullas, sed aërem crassiusculum ob halitus ex aquis evaporantes.

Susse-

Sufflexiæ cœlum salubre, quamvis aliquidatenus caliginosum, ob nebulas ascendentes è vicino ab austro mari; quod prodiga satis manu tam pisces quam volucres marinas illi porrigit: parcius vero vel portus excipiendis vel stationes continendis navibus subministrat; quasque exhibet, non minus inconstantes & incertas situ, quam periculosas accessu. Solum pingue & fecundum, magnam abunde rerum omnium copiam ad humanos usus profundens; idem tamen viatoribus incommodum, præsertim hibernis mensibus, ob altum cœnum. Fert frumentum, pecudes, sylvas cæduas. ferrum non ejusdem ubique bonitatis, in univsum tamen minus tenax, quam Hispanicum.

In Surria aura gratissime suavissimeque spirat; ager refertior feris & vivariis, quam segetibus, licet qua ad Tamisim pertingit & segetibus & pascuis abundet.

Hantonix aër temperatus, sed crassior ob vicinum mare & multitudinem fluviorum: solum frugibus & pecore abundans; pascuorum amœnitate lætum, sylvarumque densitate amœnum. Commoda quæ passim ex hoc agro percipiuntur, constant è lana, pannis

& ferro: panni illi vulgo Kerseia dicuntur, & magnum quæstum provincialibus ministrant.

Dorsettiæ aër laudabili & salubri est temperie: gleba satis pinguis plurimas commoditates præbet, totusque adeo ager sedet amœnissime: Interior enim tractus multis perennibus fontibus rigatur, qui per convalles delapsi tandem in unum se colligunt & mare perunt. Commoda hujus agri sunt lanæ atque sylvæ: Mare vero Iſidis plocamon, fruticem marinum sine foliis, corallio non absimilem, profundit.

Devoniæ cœlum subtilius, salubre tamen: solum montosum, sylvis vestitum & frugiferum; modo nec rustici opera desit, nec sumtibus parcatur; præsertim in partibus remotioribus à mari; unde multo cum labore nec minori impensa arenam petunt, quæ superficiei terræ inspersa, ad fœcunditatem efficax est, & glebis quasi animam infundit. Commoditates hujus provinciæ è lanis & lanificio constant. Hic enim optimæ subtilissimæque texturæ, quas Kerseias vocant, conficiuntur. Magnetes è rupibus super Dartmore effodi ferunt.

Cornubiæ aër, reciprocis fluctibus
tan-

tanquam foliis ab ambiente eam
 æquore assiduo æstuantibus perpurga-
 tur, unde adeo purus subtilisque fit ut
 salutaris admodum evadat; acrior ta-
 men & penetrantior est, ita ut aptior
 sit ad conservandam quam recuperan-
 dam valetudinem. Adventus veris tar-
 dior quidem quam in regionibus ma-
 gis ad ortum spectantibus, sed æstas
 temperato suo calore tarditatem illam
 in fovendis terræ frugibus apprime
 tempestiva illarum maturitate com-
 pensat. Hyems longe quam alibi mi-
 nor. Cæterum ventis procellisque val-
 de obnoxia est regio. Solum fere cre-
 bris montibus attollitur, angustis bre-
 vibusque vallibus distinctum; quarum
 superficies tenui gleba operitur; quam
 marina alga (*orevwood* vulgo) & fera-
 ci quadam arena, incolæ supra quam
 credi possit pinguem fæcundamque
 efficiunt. Divitiæ vero multo majores
 ex æris stannique fodinis eruuntur:
 quippe cum hæc regio prima sit quæ
 has opes aperuerit. Commoditates hu-
 jus provinciæ terra mariq; variæ. nam
 præter alios pisces, pisciculi quos *Pil-*
chards vocant, immensa copia hic ca-
 piuntur: æris stannique metalla jam
 diximus: etiam aurum & argentum;
 imo & adamantes in cautibus repe-

riuntur. Opulentus præterea ager frumento & pecore.

Somerſettenſis provinciæ aura lenis & delectabilis æſtivis menſibus ; hibernis pluvioſa ; unde terra hyeme ita cœnoſa & uliginofa, ut viæ admodum difficiles ſint & impeditæ : Solum tamen admodum fæcundum ; undique pascuis & pratis renidens: unde pecore frumentoque abundat: nonnullis locis & plumbi venis ſcater : & adamantes fundit prope Briſtoliam, ſed minimi pretii.

VViltoniæ aër dulcis, jucundus, & ſalubris ; ſolum omnium rerum copioſe egregie fertile.

Bercheriæ cœlum ſatis temperatum ſuave & amœnum; ſolum frumenti ferox; &, ut compendio dicam, provincia hæc nulli, frumento, pecore, aquis, ſylviſque concedit ; oriental tamen illius pars minus laudatæ fæcunditatis.

Middleſexia ſumma eſt cœli temperie, ſolo abunde fertili ; pascuis & frugum bonitate adeo dives, ut triticum hinc proveniens potiſſimum regni menſæ inſerviat.

Eſſexiæ cœlum temperatum & amabile: ſolum pingue & fæcundum; nonnullibi tamen ſiccum & ſterile. Co-

moda quæ ex hoc Comitatu prove-
niunt, multa magnaque sunt; sylva-
rum, frugum, pecorum, croci; cujus
d septentrionalem tractum magnus
est & quæstuosus proventus. Ostrea ad
illius oram optimæ notæ. Casei in pri-
mis celebrantur.

Suffolciæ cælum salubre & jucun-
dum: solum dives & ferax, omnibus
rebus abundans. Quæstus incolarum
existit è frugum copia, pecore, lanificio,
pascuis, sylvis: casei hic item laudatissi-
mi conficiuntur.

Norfolciæ aër subtilior paulo & aspe-
rior, præsertim ad mare & in campestri
regione; hinc veris & messis adventus
ærior. Solum pro ratione locorum va-
rium, sub oppidis fere lætum & ferax;
iniquis satis irriguum & sylvofum; supe-
rius ad ericeta nudum, aridum & ste-
tile. *Marshlândia* & *Fleg* supra mo-
dum opulenta: illa quidem pascuis,
 hæc frumento felicior.

Cantabrigiensis provinciæ aër minus
laudabilis: quippe qui à vicinis paludi-
bus inficiatur. Solum varium, palu-
streque: australe tamen campestre &
frumenti ferax: mediam intersecat Ca-
mus fluvius, ad utramque ripam pratis
& pascuis vestitus. Commoda hujus
provinciæ sunt frumentum & crocus.

Hert.

Hertfordiæ cœlum temperatum & salubre: solum pingue, frumenti ferax, pecorumque dives, nulliusque rei ad vitam necessariæ indigum.

Bedfordia fere tota campestris est; cœlum benignum; solum satis ferax, præsertim qua Vsa irrigatur.

Buckinghamia cœlo gaudet præstantissimo; solo divite, pingui & feraci, frumentum, gramen & margam seu cretam abunde proferente. Chilterni collibus media dividitur. Innumeros ovium greges alit, quarum vellera mollia & tenuissima.

Oxonienſis ager omnibus numeris absolutus, tam cœli temperie quam soli feracitate atque amœnitate.

Glocestrenſis aër suavis & salutaris: solum fecundissimum & omnium frugum feracissimum, adeo ut olim hic vineta extitisse memorent, & Malmesburienſe vinum hujus provinciæ Gallico comparent. Commoda hujus provinciæ, fruges, ferrum, vellera.

Herefordia, cœlo saluberrimo; solo frugibus & pecoribus ita fertili, ut nulli Angliæ parti concedat.

Wigornia, cœli temperies grata & propitia: solum ita fertile ut nulli Angliæ parti concedat, Pirorum hic maximus proventus, è quibus *Pyrry* petuntur.

tm conficiunt, gustu jucundum & salubrem. Multos salfos fontes habet.

VVarvvicensis Comitatus gaudet optimo juxta cælo atque solo, nullus rei indigus. Commoda agri partim frumenta: partim lanæ optimæ: quibus accedit & ferrum.

Northantoniæ cælum salubre; solum dives & fertile, & pascuis dives. præcipuæ illius divitiæ fruges.

Huntingdonia sementi satis apta, pascendo pecori ad ortum, ubi palustris est, maxime idonea.

Rutlandiæ cælum salubre, solum frumento dives, nec pecori inidoneum.

Leicestriæ aër lenis, salubrisque; solum partim campestre, partim frumentarium; sylvarum indigens, qui defectus carbone fossili suppletur.

Lincolniensis provinciæ aër in orientali & australi tractu crassior & nebulosus; alibi temperatus & gratus. Solum ad occasum & aquilonem uberimum; pascuis, arvis & pratis undique distinctum: ad ortum vero paludosum & salsum, frugibus ferendis ineptum.

Darbiensis aër benignus & salubris. Solum opimum, præsertim in orientali & australi partibus: ad aquilonem & occasum in montes assurgit. Præcipuæ

com-

commoditates fruges & pecudes; molares lapides, & plumbum.

Staffordia cœlo fruitur per salubri; licet in boreali plaga aër sit subtilior & acrior, ventique frigidiores. Solum ad septentriones sterilius, in medio sylvofum, ad austrum frugibus & pascuis lætissimum. Præcipuæ commoditates è frumento, pecore, & ferro.

Salopia cœlo fruitur salubri; terra illius dives, tritici & hordei abunde ferax: Sabrina irrigatur.

Cestria cœli solique ratione cum optimis provinciis comparari potest. aër optimus & saluberrimus: solum pingue, ferax & amœnū. præstantissimi hinc casei cōficiuntur. Commoda illius consistat è farre, pecore, salinis, metallisque.

Lancastriæ aër subtilior, & salubris solum non admodum frugiferum, sed boum prægrandium copia nobile.

Eboracensis provinciæ aër temperatus; solum mediocriter fertile, frumenti, pecorumque, quantum satis est, suppeditans.

Dunelmensis diœceseos aër acris & penetrans; solum varium; orientalis pars campestris; australis montosa; versus occidentem petrosum est solum. re pecuaria tamen & carbone fossili incolis quæstuosum.

VVestmorlandiæ aër subtilis & penetrans; neque insalubris. Solum maxima ex parte sterile, nonnullibi tamen satis ferax.

Cumbriæ aër subtilis & penetrantior. terra metallis opulenta, præsertim cupro, & plumbo nigro: insignes enim in hac provincia æris fodinæ, non sine auro & argento.

Northumbriæ aër subtilis; terra nequitiam dives, cum neque gleba segitum ferax sit, nec solum pecori alendo idoneum: maximæ illius divitiæ sunt carbones fossiles, quorum immensa hic copia.

VV A L L I A.

PEnbrochenensis provincia, optima æris temperie, frugibus ferax & pecore dives.

Caermardunensis aër salubris & amœnus; solum frugibus & pascuis lætum.

Glamorganicæ cœlum temperatum, solum maxima ex parte montosum ubi vero subsidet, satis frugiferum.

Monumethensis provincie cœlum temperatum & salubre; solum montosum & sylvosum, ubique tamen fecundum.

Raduonæ aër subtilis & frigidior;
terra.

terra jejuna, non tamen omnino sterilis.

Cardinganiæ cœlum frigidiusculum; solum asperum & inæquale: quæstus incolis è pecuaria; habet & plumbi venas.

Merioneth asperrima est regio, nec cœlo jucundo, nec solo fœcundo; incolæ pecuariam exercent.

Denbigiæ aër salubris: solum versus occasum sterile; in medio, qua subsidet, fœcundissimum; ad occidentem montibus aspera est, licet agricolarum industria non inculta.

Flintensis aër salubris, sed frigidior; solum frumenti & graminis ferax; regio pecorum dives.

Caernarvoniæ aër acris & penetrantior; solum fere infœcundum, & montibus editum.

Ioh. Barcl. Anglia felicibus pascuis, & ad multas, variasq; arbores commoda humo, comitantium oculos pulcherrima viriditate mulcet; gratuitis etiam bonis plebis animos in segniciem exolvens. Pabulum illic passim pinguibus campis abundat, boum equorumque armenta ad perpetuam ejusmodi animalium aviditatem explens; alibi autem siccioribus arvis, & humili gramine induentibus terram, supra fiden multo

multos greges educat ; excusatque utilissimam & ad ovilia factam sterilitatem. Ne hyemis quidem rigor assueta libero aëri pecora (nisi forte supra morem inhorruerit) in stabula aut ovilia deducit. Iis sufficere solent nuda sub dio cubilia, herbæque quas hybernus tepor alit. Quippe hyemes non illic pro plaga & Septentrionis vicinia asperæ, cum vehementer Gallicam oram quatiant, qua Britannia adversa est, multoque rigidius Batavorum cœlo incubent. In tantâ aëris indulgentia Britannicus ager omnis generis semina facile concipit, atque servat ; Proceras habet lauros: Rorismarini planta apud multas gentes ipsa cura qua educatur preciosa, hîc vulgaris, & nonnunquam in sepes velut ad hortorum custodiam stipata. Vitem alere potest, uvasque ad maturitatem perducere. Nam & Cantii amœnitas crebro collium dorso suspensa, & Vintoniensis regio, cum cæteris ad Meridiem Ortumve spectantibus, olim vineta habuere, quæ deinde pascuorum utilitas, viliusque redemptum ex Aquitania vinum, exemit. Lupi quoque ea insulæ parte exacti, nudos greges, & vix alicui molosso creditos, non infestant. Nam diligentia antiquorum, cum grassaretur luporum rabies,

G. curam.

curamque pastorum aut fatigaret aut falleret, totum in iis sedibus tam pervicacis feræ genus extinxit. Ita fortuna per patientiam pecorum sub dio durantium, & mirabile luporum exitium, profusas nec æstimatas opes videtur indulgisse. Cibo, corio, vellere, velut exudantis terræ muneribus, populus in ocio, & plerumque oblivione laboris, dutescit. Ne quidem in colendo croco labor, quem optimum habent; facili herba oblatas in floribus opes non in ullius curæ aut industriæ præmium aperiente.

III.

DE MORIBVS INCOLARUM
tam in communi quam
particulari.

N *Ohan. Barc.* Anglis ut plurimum gravis animus, & in se velut ad consilium seductus; seipsos, & suæ gentis mores, ingenia, animos, eximie mirantur: Dum salutant, aut scribunt, descendere ad verba imaginariæ servitutis quæ istorum seculorum blandicies invenit, nisi forte externis moribus imbuti, non sustinent. Populus rei maritimæ studi-
diosus, neque aliud tantæ insulæ val-
diu

dius munimentum quam tot nautarum sedulitas. Nec in castris quam navibus peior miles, præsertim si externo aëri afluëvit, cibisque, quos sæpe inexpertos avidius Angli gustant. Nam hæc gulæ incommoda à Britannia delatas legiones non semel absumserunt, & classem Elizabethæ Reginae auspiciis Lusitaniæ littoribus applicitam, cum Angli stragem hostium & vastitatem fecissent, nimius æstus, & suavitas pomorum, ac baccharum, quas illa plaga habet, pene totam debellavit. Discrimina omnia, & adeo mortem, impetum plus quam iudicio spernunt: Et hinc utilissimos militum dixeris, ubi ducum suorum consilio reguntur: Sua autem sponte ruentes, & illa audaciæ caligine pleni, de se sæpius post funestos exitus queri, quam de fortuna debuerunt. In Belgio, cum studia partium nuper & arma sævirent, milites Hispanicarum partium aliquot à Batavis capti erant, & suspendio conficiendi; (ita visum referre vicem hosti, qui captivos eodem lethi genere perdiderat) sed in omnes sævire non placuit. Ex quatuor & viginti (tot enim capti erant) octo ad laqueum destinantur, cæteris incolumitas promissa est. demissa igitur in cassidem sortes, jussique singuli suum fa-

tum extrahere ; qui tesseram sustulisset nulla nota insignem, periculum effugeret; qui ferali imagine impressam, statim ab infelici arbore penderet. Omnium mentibus ingens periculi imago inerrabat: quidam præcipue Hispanus votis lachrimisque misericordiam plurimorum, etiam aliquorum risum elicit. Erat in illa sorte ac periculo Angelus è militum vulgo, qui ingenti vitæ neglectu accessit ad cassidem, & tesseram nil cunctatus adduxit. favit fors; erat illa salutaris. Exemptus periculo accedit ad Hispanum, adhuc fatali cassidi manum credere dubitantem; decemque aureis pactus, (fides Numinis!) Iudices rogat, ut Hispano extra aleam misso sibi iterum liceat fortunam experiri. Furioso, vitamque tantulis nummis æstimanti, Iudices annuerunt: & is rursus felici tessera evasit; non hac gemina modo, sed & simplici salute indignus, quam adeo vilem habuerat.

Leges quibus utuntur Angli, Gallica lingua, sed veteri, & ab hoc seculo abhorrente, ii tradiderunt, quos Normannia ad eorum sceptrum-transmisit. Paucae illæ etiam, & plerumque ambigæ. De cætero consuetudo, & consulta sapientum, sufficiunt magno aditu ad lites, & infinitam iudicum pote-

potestatem. & arcanum populi ingenium tanquam Neustricæ originis & habitus retinens, ad subtilitates apertum est, quæ litibus forum implent. Et inde vulgatam fabulam cred. derim, inesse Anglis caudas.

Consuetudinum autem ac legum, quæcunque à majoribus inoleverunt, adeo patientes sunt, ut jam olim sanctitas, rudi adhuc tam peccantium vitio quam legum sanctitate, etiam nunc mutare aut delere, religio illis sit. Unde enim, nisi ab hac majorum incauta bonitate, lex viget, ut maritus jubeatur prolem agnoscere, hæredemque habere, anno post aut amplius natam, quam ipse ultimo ab uxore discesserit; modo constet interim à Britannicis littoribus, in exteras regiones non evectum?

In Philosophia autem, ac Mathesi, terrarumque & Astrorum scientiis, nulla est tam prodigiosa sententia, quæ non ex hac regione authores invenerit, vel turbam amatorum, vividam quidem, sed modum curiosæ subtilitati, & per innumeras disputationes effusæ, non invenientem. Terram circumagi, non cælum; Solem cum syderum lata serie non inhærere cælestibus globis; sed & globos ejusmodi nusquam esse; & quicquid Philosophi deli-

raverunt, multi ex his opinantur, aut credere simulant; tanquam altius supraque vulgi ingenium spiraturi, si videantur communem sapientiam ut prophanam vilemque negligere; altius in arcana Naturæ, quæ pauci deprehenderunt, intuentes.

Sed ut nihil animos magis agit, quam religionis sensus; ita multo acrius ejusmodi disputationibus incumbunt. Nec quicquam in Numinis cultu modicum possunt, qualemcunque sibi speciem pietatis persuasierint. Prioribus seculis aucti opibus homines, in solitudinem & eremum jurantes; adeo ut opima pars regni, fundorumque, huic pietati concesserit; nimis timido & periculoso voto, tam illorum qui dabant, quam eorum quibus hæc ipsa concedebantur; cum illi pene rempublicam exhaurirent, isti autem in luxum se agi tantæ fortunæ vitio sine-
rent, mox in invidiam secum quoque Sacra tracturi. Et hanc quidem colendi Numinis rationem jam Anglia publice ejuravit, multi autem sic in contrarium divertere, ut quo longius à vestigiis patrum absunt, eo se propiores cœlo credant. Nec id ramen publico consilio, aut si deprehendi contingerit, palam inulto; sed clusis per privatas
super-

superstitiones animis, novamque, ac propriam, & per hoc sibi gratiorem pietatem fingentibus. Itaque quos hæc caput. superba suavitas præter cæteros sapiendi, in varia nomina abierunt, legesque diversas, non ipsa hominum authoritate, aut numero, sed pertinacia sancitas. & quod miserabili risu dignissimum putes; crudelibus edictis illæ sectæ invicem sæviunt; unos se cælestium rerum participes; exortes cæteros omnes esse. Forte in unam superstitionem consenserat cum duobus liberis pater, è plebe vir, sive vulgus intra opum, aut ingeniorum, humilitatem æstimes. Illi tres unam rempublicam sectamque faciebant. (& sæpe non pluribus hæc religiones constant.) Tandem pervicacius inter se de divina re agentibus, decessit primum à filiis pater, non quod meliora sentiret, sed diversa; & ab illis de communione sanctorum (nam sic nugatores dicebant) ejectus est. Porro sancti non his alii præter se ipsos erant. Mox autem & discipulis mentibus alter fratrum alterum à cælesti consortio exclusit. Sic de angusta ecclesia, & trium hominum numero definita, tres quoque ecclesiæ natæ sunt; prodigioso scelere, & in amantiam prono. Nec perfunctorie vesani

pro somniis suis pugnant. Novæ in dies sectæ rapiuntur ad tribunal, in quibus nihil simile præter unam contumaciam Iudices vident. Fæda, indigna hominibus sentiunt. Non ullius præeunte vestigio errantes, sibi quid credant authores sunt: non tormenta perhorrescunt; non salubribus consiliis aut prudentiæ acquiescentes, igne quoque consumpti, seipsis furori suo litant.

Iam vero peregrinis cum hoc populo agentibus ingens cautio esse debet, ne ex paucis, ac fortasse plebeiis, totam gentem æstiment. sed neque una instituenda est ratio qua mores tam diversos excipiant. Ferox vulgus ubi vino aut ira incaluit, nonnunquam superbiam tumoremque in hospitem injuriam vertit: In tanto turbine animorum eos per æmulæ superbiæ contumaciam laceßere velle, paulo aliquid supra dementiæ malum esset. Ne tunc quidem tempestivum est tuam causam fidenter orare, in sævo ægroque tumultu; multo minus magnitudinem animi ostentare defensionem meditantis. Leni & placido questu melius exarmaveris irruentes: nec ignobiles preces erunt, quibus primum æstum mitigabis in furorem euntium. Nam hic
torrens

correns si nullo obice irritetur, mo-
 nēto languebit. Et hæc quidem timida
 prudentiæ cautio adhibenda, ubi in op-
 pidis agrisve multitudo in advocatio-
 nem eorum qui in te primi deserviunt,
 aut concurrat, aut timeri certe po-
 test. In solitudine autem, & ubicun-
 que non impari certamine potes in-
 gruentes refutare, tunc exerenda est,
 saltem ad speciem, vis animi contume-
 lias non ferentis; qua terrebis non vera
 virtute insultantes, & injuriam pati
 tam idoneos quam inferre. Magistrat-
 us porro, ac iudices, peregrinorum
 questibus faciles, haud inultam popu-
 larium in illos injuriam ire sinent; Si
 modo non peccaverit multitudo,
 quam accusari pronum, plecti autem
 ubique difficile, & ut plurimum, ne-
 fas. Et adeo hospitalia tribunalia in ea
 gente erecta sunt, ut siue externus a-
 ctor sit, faventes iudices habeat, siue
 uno crimine cum indigena reus, cive
 ad virgas furcamve destinato, ipse in-
 terdum nihil acerbius jubeatur quam
 è Britannia excedere. Patriciis quoque
 animus ad excipiendos peregrinos
 sponte factus; & famam illius comita-
 tis cum honesto ambitu quærunt; ut
 neminem possit peregrinationis Bri-
 tannicæ pœnitere, nisi aversis incultis-

que moribus in barbariem natum, aut indignum qui Optimatum consortio misceatur. Cum his tamen qui sui fastigii gravem cultum ipso gestu atque verbis magnifice adornant, ex adverso componendus est gradus ad certamen majestatis, ne te forte aut ex sua gravitate, aut ex tua oratione æstiment; quæ non Italicæ, Gallicæve humilitatis more, demittenda est. Evilescēs alioquin apud homines non afluētos huic generi humanitatis per alternas blanditias mentientis.

Idem. Sed nec plebis superbia acerbior peregrinis quam in patricios suæ gentis exerta est; qui opulentiam suæ patriæ luunt rusticorum fastidio se ipsos pene primis ordinibus stirpibusque æquantium, & indignationis suæ tam preciosam causam odissē interdum non verentur. Summa tamen apud omnes nobilitatis reverentia quam intra brevem eorum numerum æstiment quos Dominos vocant. Hi sunt Duces, Marchiones, Comites, & Barones: Ducum & Marchionum omnes liberi, ex Comitū filiis major nati illis quoque Episcopos Majorum pietas adjunxit. Apud hos proceres ad omnia obsequia descendere non indignum; ipsi velut in terram positos conter-

pla

antes, suum fastigium non ignorant. Nec illæ dignitates emptionis cōmercio producantur in vulgus, nummosque fortunam: sed successionis sece transeunt in hæredem; vel beneficio legis novi quoque Optimates in hos gradus adoptantur. Et ne hoc inane existimes decus: multa publice constituta tam ambizioso nomini reverentiam cultumque conciliant. Si contigerit æri alieno impares esse, urgentibus creditoribus in eorum corpora nullum us esse potest; quamquam in Anglia debitores etiam in iudicium non vocatos sæpe carcer accipiat. Sed hoc illud prius, quod maximorum criminum accusati, scilicet in ipsam rempublicam iniisse consilia, de equuleo secuti sunt. Veritatem ab iis per tormenta posse exprimi noluere, qui leges condiderunt.

Wilhelmus Lambard. in Cantii illustratione. Accusanda omnino est vetus *ἡζηνία* vel potius *μυζοζηνία*, id est, inveterata ferocitas & crudelitas Anglicæ nationis erga advenas & peregrinos.

Idem. Operæpretium foret in memoriam revocare quas tragædias in hoc regno ediderit naturalis hæc nostra inhospitalitas, & peregrinorum odium atque contemptus, tam sub regno

gno Iohannis, Henrici, Eduardi secundi, Henrici VI, quam nuper : ut deinceps infamiam hanc diluamus, & præsertim jam melioris religionis radiis illustrati nos erga advenas geramus humanius, ut Iovem Hospitalem propicium habeamus.

Cantii incolis (*inquit Camden.*) ea humanitatis laus, quam Cæsar olim tribuit, etiamnum jure debetur, ut virtutem bellicam taceam, quam tantam in Cantianis fuisse monachus quidam scripsit, ut in procinctu, exercitus frons illis tanquam triariis merito inter Anglos debeatur. Quod etiam comprobatur in suo Polycratico Ioan. Sarisburiensis : Ob egregie (*inquit*) virtutis meritum, quam potenter & patienter contra Danos exercuit Cantium nostrum, primæ cohortis honorem & primos congressus hostium, usque in hodiernum diem in omnibus præliis obtinet. Idem Guilielmo Normanno ea lege se dediderunt, ut patrias consuetudines illæsas retinerent, illamque inprimis quam *Gauelkind* nominant. Hac terræ, quæ eo nomine censentur, liberis masculis ex æquis partibus dividuntur, vel fœminis si masculi non fuerint. Hac hæreditatem, cum x annum attigerint, adeunt, & sine do
min

mini consensu cuilibet vel dando vel
 endendo alienare licet. Hac filii pa-
 tribus furti damnatis in id genus fun-
 dis succedunt, &c. Hac maritus uxoris
 decedentis, sive liberos ex ea suscepit
 sive non, terras hujus generis accipit
 ex semelle quandiu manet innuptus:
 itemque uxor mariti decedentis, quan-
 diu manet innupta, & honeste se gerit;
 nam si uterum gerere deprehendatur,
 mittit.

Cornubienses (inquit *Camden.*) ut
 omni humanitate exculti: ita fortes,
 strenui, & statura satis procera, toro-
 risque membris; & qui palæstrica (ut
 la virilia pilam jactandi certamina ta-
 beam) ita excellunt, ut eam laudem
 aliis gentibus & arte & virium firmita-
 te præripiant. Sermo ipsorum ab An-
 glico diversus, utpote ejusdem originis
 cum VVallica, licet dialecto nonnihil
 differat, & facilius sit pronuntiatus; licet
 nec Anglicum vulgo ignorent, quem
 tamen rudiori quodam accentu non-
 nihil deformant.

VViltonienses bellicosi, ita ut cum
 Cornubiensibus & Devonientibus sub-
 idiariam cohortem in præliis obti-
 neant.

Norfolcienses fide in principes suos
 commendantur; plurimæ hic gene-
 fosæ

rosæ familiæ; quarum centum, inquit Speedus, numquam se majestatis læsæ reas fuisse jactare possunt.

Cestrenses nulli nationi bonitate & præstantia cedunt; regio nobilitate & viris bellicosis fœta. fœminæ formæ præstantia & pulchritudine facile cæteris præstant.

Northumbri bellicosi sunt, & optimi velites, quippe Scoticis bellis exerciti.

IV.

THOMAE SMITHI
DE REPUBLICA ET ADMINISTRATIONE Anglorum,

Libri primi

CAP. I.

Rerumpublicarum atque administrationis varias esse formas.

QVI de rebuspublicis hætenus scriptum aliquid literis consignarunt, in tres imperant formas purissimas & gener maxime præcipua eas contulerunt. primam, ubi in potestate unius summa rerum est, *ποταρχία* Græci dicunt: alteram in paucorum arbitrio posita

æe

ἡγεμονίαν, tertiam populo desti-
 natam *δημοκρατίαν* nuncupant. In
 hoc ipso autem (*imperare*) supremam
 longeque eminentem jubendi authori-
 tatem omnes intelligimus. atque illa
 reipubl. pars præesse dicitur, ad quam
 vetandi, puniendi, & dirigendi jus spe-
 ctat. Quod regit, constituit, & ad im-
 perii rationem gubernat, in quavis re-
 publica justum & legitimum esse per-
 hibetur, instar regulæ cujusdam, per
 quam cuncta opificia exigi debent at-
 que examinari. non illam volo Les-
 biam, quæ ad lapidem inflectitur, sed
 normam potius, qua cujusque operis
 rectitudinem artifices architectique ad-
 amussim deprehendunt; illo nimirum
 consummatissimum opus absolvente,
 qui ad propositam rectitudinem quam
 proxime adspiraverit.

C A P. II.

*Quid in quavis republica justum &
 legibus consentaneum.*

Satis jam constat, ex cujusque reipu-
 blicæ commodo esse (perinde atque
 rerum omnium) si in statu suo perfe-
 ctissimo conserventur. quamobrem,
 qui ad clavum sedet, si quod utile est
 imperet, ejusque imperium, qui sic ad-
 ministrat

ministrat rempublicam, si iustum putetur, consentaneum est, Thrasymachi definitionem, id nempe iustum esse, quod imperanti magisque viribus polenti sit emolumento, (quum de civitate aut republica dictum usurpemus) nisi maligne interpretemur, non adeo à veri scopo alienam esse; quod Plato existimavit. Cæterum, ut aliud est reipsa utile, aliud quod speciem habet; sic aliquid suapte natura iustum est, aliquid quod iustitiæ imaginem æmulatur. Itaque non minus agere possunt rerumpublicar. moderatores quæ interdum obsint, quam qui iustitiæ tenacissimus est, ex proposito non malo peccare, dum quæ male habent corrigere, & publicum commodum promovere, pro virili parte adlaborat. nam quando præter leges constitutas aliquid molitur, non injuria ex legum decreto supplicio est addicendus, utpote qui in leges ipsas commiserit.

C A P. III.

Rerumpublicarum divisio alia.

Cæterum res ista adhuc alia dubitatione premitur; ex his quippe gubernandi figuris, quæ ex unius arbitrio paucorum, & populi voluntate dependent, qui rem ipsam seorsim & pen-

tius inspexerunt, aliam faciunt divisionem, sectisque bifariam singulis, justam & legitimam hanc, illam iniquam & malam putant. Atque ubi unus aliquis ad gubernacula accedit, rex vocatur vel tyrannus; ubi pauci, optimorum principatus vel nobilium & præpotentium factio; ubi multitudo, respublica πολίτεια δημοκρατική, vel impotentis plebeculæ dominatus, δημοκρατία ἀπάντων.

C A P. IV.

Varietas rerumpublicarum exemplis confirmata.

IN rebuspub. multa diuturnitate productis, & ipsa quasi sæculorum vetustate canescentibus, harum administrationum mutationes conspicuas effecit longi temporis varietas. Et Romæ quidem, Romulus, Numa, Servius, manu regia imperarunt; Tarquinius, Sylla, Cæsar tyrannica. Sub primis illis Consulibus optimorum principatus emicuit. Patres, interempto mox Tarquinio, indomitam imperandi libidinem (quæ paucorum fuit) sibi rapuerunt; quemadmodum etiam ante concessam populo Tribunitiam potestatem, & in ipso Decemviratu. sed maxime capitales fuerunt Tres viri, Cæsar, Crassus,

H Pom.

Pompejus; tum Octavius, Antonius, Lepidus. Pulsis Decemviris, populari statim instituto vivebant, & longo deinde post tempore, lege præsertim Horatii, sive, quod alii putant, Hortensii promulgata; *Quod plebs sciverit, id populum teneat.* Ante occupatam à Sylla rempublicam & paulo etiam ante C. Cæsaris dominatum, arbitrato suo cuncta moderata est multitudo. neq; enim ferre ætatem potest justo plus insolescens vulgi rabies & injuria; sed cogente ad id temporum statu, utrum quasi de tyranno gerit. Harum rerum vicissitudines, Athenæ, Syracusæ, Lacedæmon, & reliquæ cum primis antiquæ urbes expertæ sunt. cui fato alias quoque regiones fuisse obnoxias, quis unquam dubitaverit? ea siquidem est humanæ vitæ conditio, ut in uno fortunæ tenore non permaneat. NASCENDO, denascendo, incrementa nunc, rursus decrementa capiendo, variis demum vicibus & alternationibus nunc morbi causam nunc spem vitæ facientibus, ad extremum fati diem pervenimus.

C A P. V.

De questione recti aequiq; in omni republica

QUOD si igitur improbus aliquis rempublicam procuraverit, sicut

in illis, quas recensui modo, formis novissimis usu venit (nolo enim hujusmodi status tam perturbatos meo calculo comprobare) ubi leges pro illo reipublicæ statu conservando sanciantur; quæstionis est, utrum sine summo scelere mos gerendus sit necne, an præstet illam reipublicæ formam aboleri aut retineri, denique sit necne boni viri & civis officium, eam sartam testam potius quam funditus deletam velle? nam magnis & exaggeratis animis id consilium allubescere sæpe comperio. Dion res novas contra Dionysium molitus est. itidem Thrasybulus, Brutus & Cassius; quorum isti Cæsarem, ille triginta tyrannos extinctum ivit. indeque adeo nata sunt non mediocria rerumpublicarum agitandarum semina; de quibus, pro eo ac prospere aut secus evenere, vulgus judicat; docti temporum potius opportunitates consiliaque contemplantur. illud vero exploratissimum est, leges patrias aut mutare, aut ad earum obsequium sese non accommodare, negotium semper cum periculo fuisse conjunctissimum.

C A P. VI.

*Compositas esse plerumque, non im-
permistas respublicas.*

TAmetsi igitur triplicem admini-
strandarum rerumpublicarum for-
mam esse statuimus, quæ per divisio-
nem bimembrem sex fiunt: non tamen
in eam sententiam accipi vellem, quasi
reipublicæ aut civilis cujusquam mode-
rationis simplicem aut impermistam
rationem uspiam gentium repereris.
verum ex instituto sapientum hoc pro-
fectum est, qui prima quatuor corpora
seu elementa, ignem, aërem, aquam,
terram, & in humano corpore consti-
tutiones etiam quatuor, flavam bilem,
sanguinem, pituitam, melancholiam,
in quibus nullam absque alterius com-
plexu liberam aut non castigatam (re-
pugnante, ut fit, natura) quærendo in-
vestigaveris, subtiliter invenerunt. ra-
tionis enim ea vis est atque efficacia, ut
nativum cujusque rei ingenium ita uti
est sincerum illibatumque contemple-
tur. Rempublicam ita nullam offen-
des, quæ ex illis quas supra diximus for-
mis illibatam servet integritatem: sed
illarum quasi contubernio vitiata, ge-
nus nomenque partis, quæ plus potest,
sequitur.

C A P.

C A P. VII.

Regis definitio & Tyranni recitantur.

Rerum summam ad unum aliquem delatam potestatem regiam esse perhibent, qui vel natalium splendore vel suffragiorum prærogativa, per consentientem Populi voluntatem, eam adeptus, patriis legibus atque ex arbitrio boni viri ipsam administrat, ad publicum ipsius compendium & suum similiter attentus. Tyrannum appellant, qui per vim absque consensu populi nactus principatum, leges pro libito figit & refigit, accitis in consilium nec semel civibus, & rem communem suis gentilium familiariumque commodis postponit.

Inter istas boni principis & tyranni assignatas descriptiones triplex est discriminis nota: acquirendi dominatus modus, administrandi forma, ipse denique administrationis scopus in quena collimat. sic ut tyranni personam induas, dum affectas imperium; regiam, dum geras. quod in Octavio & fortassis in Sylla etiam observabis. quippe ambo crudelitati & tyrannidi nihil reliqui facientes, ad eum honoris apicem ascenderunt, unde postea reipublicæ in meliorem imaginem transmu-

tandæ vehementer visi sunt insudare. Alium, titulus regem facit, regimen tyrannum. quales Neronem, Domitianum, & Commodum fuisse, narrant historici. quippe illis jure successionis Imperatoria purpura designata est. in principalibus officiis postea versati, scædissimæ tyrannidi se dediderunt. id quod Neroni à quinquennio, Domitiano Commodoque perbreui temporis intervallo, recentibus honoribus auctis, contigisse constat. Alii denique regnum per legitimos tramites adeunt, ac finem sibi rege dignum ob oculos proponunt, quos administrandi tamen ratio tyrannos efficit, quales à Cæsare & Octavio permultos Imperatores & pontifices Romanos etiam nonnullos fuisse nimis liquet.

Atque hanc exlegem potestatem sibi ex plebiscito debitam assèrunt Imperatores. quod omnium primus C. Cæsar aut Octavius adeptus est, utpote quum ei & in eum omne suum imperium & amplitudinem populus contulerit. Papæ potestas CHRISTO nititur (in cujus universum jus successisse se gloriatur) cui omnis potestas data est in cælo & in terra. qua tamen in re orbem Christianum, in sacrosancta Concilia coactum, parum sibi obsequentem

tem habuit; qui eam potestatem vel *ἀριστοκρατίαν* vel legitimum regnum esse jubet, & solutam illam legibus auctoritatem, ceu injecto in os fræno, temperandam statuit. Non desunt, qui eandem super Galliæ regibus, nonnullisque Italiæ principibus & aliarum rerum publicarum præfectis sententiam ferunt, quando ab his sine consensu populi leges consignari & resignari, pecunias & stipendia populo tributim indici pro sua & amicorum opinione, liquidissime constat. *Populum* interea (non abhorrente ab ingenio verbi sensu) integrum reipublicæ corpus voco, tribus quasi classibus distinctum: qui Ludovicum ejus nominis XI increpare subinde non veretur, quod ille regiam Galliarum administrationem in *παμβασιλείαν* nullisque legum repagulis coercitam potentiam primus dicitur invexisse. solitus est quippe jactanter affirmare, sua potissimum opera regnum Gallicanum quasi de tutela ad plenam pubertatem redactum esse.

C A P. VIII.

De rege absoluto.

Non desunt etiam, qui *παμβασιλείαν* Græcis nuncupatam, non

tyrannidis speciem aliquam, sed puram putam regiae dignitatis amplitudinem, eamque cuilibet Principi indultam esse licentiam, modo suo jure uterentur, prolixè affirmant.

De potestate regia (βασιλεία νομικῇ) legum habenis repressa nihil in præsentiarum habeo quod definire velim. Cæterum immunis illa potestas, quemadmodum in difficillimis belli temporibus, ubi omnia armorum strepitu circumsonant, legibusq; indictum silentium videas, non potest esse non valde opportuna; ita in pace eam si adhibeas, vide ne tibi exitio sit, & populum in discrimen perducas. hujus rei causa, si Platonem consulas, humanæ naturæ labes est quædam & corruptela, quæ effrænem illam nulloque legum nexu obligatam sublimitatem, nisi nimio interdum fastu arrogantiaque intumescat, ferre non potest.

Sapienter idcirco Romani Dictaturam nemini ultra vi mensium moram decretam voluerunt. (nam sine provocatione Dictator imperabat.) quam Græcorum nonnulli legitimam pro tempore tyrannidem appellitarunt. Aristoteles (si satis memini) qui cæteris rerumpublicarum scriptoribus judicii diligentiaque palmam præripuit,

puit, ad unius regiae administrationis
 formam, hanc retulisse videtur. cæte-
 rum in idem redit. primis siquidem
 temporibus penes Reges summum jus
 fuit: quos vel gentilium suorum anti-
 quissimos Principes (quales Adamum,
 Noachum, Abrahamum, Iacobum,
 Esavum) fuisse constat, in liberos &
 mancipia ut par est libere dominantes:
 vel apud barbaras & stupidas nationes
 in illo rudi sæculo aliquis enituit, qui
 prudentia usus singulari, res plurimas
 pro multitudine alenda tuendaque ex-
 cogitavit, justitiam coluit, reliquisque
 omnibus ita præstitit, ut cæteri, si cum
 illo conferrentur, mera essent jumenta:
 cui propter illam naturæ præstantiam,
 tributam in reliquos potestatem, de-
 functo quin etiam peneque adhuc spi-
 ranti divinos honores adscriptos, VA-
 RISQUE honorem inditum, quis dubi-
 tet? hinc est, quod Iudæi Mosem, Io-
 suam, suosque Iudices, ut Samuelem;
 Romani Romulum, Numam; Græci
 Lycurgum, Solonem; Zamolxim Thra-
 ces; Arabes Machometen; istis hono-
 ribus insigniverunt.

Hoc genus imperii tyrannidem
 Græci vocant. quod nomen plerique,
 dum regnare cœpissent, propter inso-
 lentiam & superbiam, insignem injusti-

tiam, neglectum reipublicæ studium, infame suis facinoribus effecerunt; cædibus, adulteriis, rapinis, non in res & fortunas modo, verum etiam in liberos & uxores, per summum dedecus grassantes. unde non pavisse populum (quod boni pastoris est officium) sed deglubisse, immo lurconum & helluonum more totos devorasse, proprium videbatur tyrannorum institutum. inter quos etiam, alios, qui divinam religionem & cultum omnem numinis contemserunt, alios, qui dæmonum more vitam instituentes nefandis sceleribus sese obstrinxerunt, & tamen in sacrosanctum Deorum cœtum referri ambiverunt (Dionysium, C. Caligulam, Domitianum in testes appello,) nescire nemo potest. ex quo factum videmus, illam administrandi speciem, sub initium non malam, abutentium vitio maculam contraxisse; adeoque Græce, Latine, Anglice, tyrannum inter & regem improbissimum omnino non distinguere, quando neque salutem publicam procurare, & suas amicorumque fortunas amplificare, fœdam & cruentam libidinem explere, posthabita interim omni numinis religione, & conculcatis legibus, nihil interesse existimat.

C A P. I X.

De Regis etymo, & administratione Anglorum.

MAjores nostri & Saxones, quibus nos patrii sermonis originem & natales nostros debemus, voce dissyllaba, ejus summam auctoritatem, quem illi *Kyning*, Angli monosyllaba *Kyng* dicunt, efferre soliti sunt. cujus verbi originem, utrum ab eo, quod plus sapiant & intelligant, an quod plus cæteris possint Principes, haud facile dixerim. illud certi juris est, quædam utriusque vocabuli quasi vestigia, usu pene quotidiano detrita, adhuc usurpant. nam & virum prudentem scientemque *a cunning man*, &, Possum hoc facere, *I can doe this*, Angli suo sermone retinent.

Quantum ego antiquas recentioresque historias non segniter evolvens possum consequi, non reperio gentem hanc nostram alia præterquam regia auctoritate usam esse: qua ab initio in plures partita principatus, dum diversi pro se quisque regia manu provinciam suam gubernarunt, nec superiorem aliquem, cui obsequium & clientelam persolverent, agnoverunt, per bella demum intestina & civilia
victo

viſto jus omne detractum penes vi-
ctorem fuit, totumque in Monarchæ
arbitrium ceſſit. Cæterum neque jus
regni cuiquam in terris Imperatori,
Pontifici, Principi, acceptum referunt
Reges Angliæ, utpote Dei beneficio
populique voluntate & conſenſu lecti
& renunciati. quanquam IOHANNES,
facta in ipſum nobilium conſpiratione,
& Delphino ipſis ſuppeticas feren-
te, graviter afflictuſ, rebusque ſuis pror-
ſus diffidens, quodque inferiſſimum
ſibi adverſarium pontificem Roma-
num expertus eſſet, qui ipſis animabus
& conſcientiis ſubditorum domina-
batur, ubi parendi neceſſitatem ſibi
impoſitam vidit, ſceptrum in Pandul-
phi manus tradidit, rurſumque ab eo,
ceu pontificis vicario, fidem certam-
que penſionem in ſingulos annos pa-
ctus, accepit. Sed factum illud poſtea
neque populi juſſu confirmatum, ne-
que III Ordinum in conſeſſu Parla-
mentario decreto comprobatum, Re-
gem ipſum, nedum ſucceſſores, obliga-
re non potuit.

*De prerogativis Regis vide lib. II.
cap. IV.*

C A P. X.

Quid sit respublica, & quæ ejus partes, explicatur.

ATque ut propositi nostri ratio magis elucescat, adhibenda præterea est reipub. in partes suas alia divisio.

Remp. igitur, hominum liberorum in unum coactam multitudinem, mutuis inter se voluntatibus & pactis conventis constantem, ut se domi militiæque sartam tectam tueatur, esse definimus. Nam copias militares nemo (ut opinor) rempublicam dixerit, quæ postquam rem strenueque fortiterque gesserint, societati suæ confestim renunciant. Quod si aliquis v aut x servorum cō in potestate haberet (quemadmodum Romæ nonnullos fuisse perhibent historiæ, qui tot mancipiorum grege abundabant) quibus justum & clementem dominum se præberet, non propterea fundatam ex hac colluvie civitatem diceres, tamen si per urbes virosque descripta esset. quicquid enim per servos acquiritur, totum id in peculio domini est. accedit ad hæc eorum insuper authoritas, qui his de rebus graviter scripserunt, servos domesticos (si vitæ & rationis usum excipias) patrisfamilias instrumentum asserentes, ut fabri secu-

securim, ferram, celum, &c. quibus ipse
sic prospicit, non ut ipsorum utilitati
& commodo sed sui ipsius inserviens.
Non absimili ratione dicam, aratrum,
currus, equos, boves, asinos, in bonis
agricolæ esse, in quibus ille curandis
licet exactam operam & diligentiam
adhibuerit, conflare tamen ex his rem-
publicam quis potest sic desipere ut
unquam opinetur? domini quippe res
agitur, non jumentorum, quibuscum
nulla juris humani aut officiorum ci-
viliū intercedit communio. vasa si-
cum figulo litigent quis ferat? quin po-
tius insulsas querelas illas, Cur in hanc
imaginem me finxisti, aut cur me con-
fregisti, non excretur? par est omni-
no mancipiorum conditio. ære nostræ
redempta sunt: (vitæ rationisque bene-
ficiū illis non detraho) instrumenta
sunt: illa ego ex jure Quiritium mea es-
se ajo: caput in ordine civium non ha-
bent: in patrimonio meo sunt & censu
meo. Quod nisi alia administrandi ra-
tio apud Turcas sit quam ut præ se suis
que cæteros omnes vernarum loco ha-
beant, (quod de illis scriptum inveni-
mus) jure dubitem, utrum illi inter
subditos regi an inter servos domini
subjectos habendi sint, quibus Turcæ
præter fas & jus omne pro libito &
voluntate

voluntate præst. hoc unum affirmare ausim, antiquissimorum Græcorum neminem imperium tam herile & barbarum reipublicæ aut πολιτείας appellatione ornare voluisse.

C A P. XI.

Familia origo & initium.

Porro si ea, de qua disseruimus, societas inter liberos homines contrahatur, quin ad minimum ex duobus tantum componatur, ratio ipsa renuit.

Finitimus naturæ ordo ab individua viri & uxoris conjunctione auspiciatus ad uberiores inter homines benevolentiam conciliandam valet. utrique rerum familiarium præfectura incumbit, pro vitæ instituto multum diversa. virilis muneris est, rem familiarem augere, in publico versari, vim & iniurias propulsare; foeminei, partem conservare, domi se continere, sobolem & familiam alere, mundiciem & elegantiam in ædibus curare. ita quippe natura comparatum est, ut sua ambobus officia recte accommodentur. ita virum, severum, fortem, intrepidum, formæ negligentem, liberalem videas; foeminam, imbellem, timidam, ornata, formæ indulgentem, parcam

&c.

& tenacem. alter alteri sic præstat ingenii & sapientiæ dotibus, quæ utriusque sunt propriæ, ut quæ suo incumbunt muneri felicius expediant. absque hac viri & mulieris copula humanum genus citissime absumeretur. Atque ad hanc societatem colendam non instituti, sed à natura sic imbuti sumus, ut Philosophorum omnium facile princeps non dubitarit affirmare, hominem uni potius velle quam pluribus adhærere. ac licet inter cuncta animalia homo maximam prudentiæ & astutiæ speciem præ se ferat, non tamen uspiam absque officiorum civilium commercio vitam transigere potest. homo solus, ut placet Aristoteli, aut belluinam aut certe divinam conditionem æmulatur.

Ac mihi quidem videtur, in familiis sic constitutis primam aristocratiae faciem inter homines eluxisse, in qua pauci præstantesque viri in republica cum imperio sunt, nunc jubentes nunc parentes invicem.

Id quo facilius temperari posset, DEVS OPTIMVS MAXIMVS pro immensa bonitate sua, viro ingenium, robur animumque addidit, ut fœminas propter rationem & vim dicto redderet audientes; mulieri decus, venustatem, leno-

lenocinantes verborum blanditias, ut per summam benevolentiam viris etiam præcipere. ita fit, ut dum quisque mutuas obsequendi imperandique operas tradit, rem domesticam & familiarem simul ambo administrent. Sub familiæ jam appellatione, virum, uxorem, liberos, mancipia, famulos, pecus, supellectilem, reliquaque, quæ in bonis recenseri solent, complector universa, quamdiu juncta simul permanent. Sed neque hoc Aristocratia, nisi contracta ad verbum similitudine, vocari potest. est enim domus una, & minuta quasi scintilla, illius imperii specimen nobis repræsentans.

C A P. XII.

Regni origo & initium.

Q Uoniam vero commune rerum omnium est, ut ab ipso statim ortu aut amplificationem capiant aut diminutionem; aucta jam (ut fit) & per procreationem prolis numerosiore facta familia, ut sub eodem tecto non facile omnes contineantur, liberis quoque ipsis ad justam proceritatem prudentiæq; quasi metam maturescentibus & iccirco imperium magis expetentibus, parâtes eos per paria domo propellunt; ut tanquam novi surculi alibi ra-

dices agant altissimas. ibi vero ex liberis nova stirps producitur, indeque alia ex aliis prodeunt familia. unde per unius primum, deinde per alterius institutionem, post interjectum aliquod temporis intervallum, contubernia in villam, villae denique in civitatem progerminarunt. sic, ubi cives, pagani, villici, in unum convenerunt, singuli pro communi salute excubantes, arctissimeque societatis vinculo inter se colligati, & supremo generis auctori ceu parenti principatum deferentes, genti nomen dederunt. Ex hoc fonte manare mihi videntur non urbium aut oppidorum modo sed imperiorum etiam & nationum omnium scaturigines. quamdiu enim proavus ille in vivis erat, & ad rempublicam capeffendam non plane ineptus, flagitium certe quam quod morte vindicandum esset atrocius admisisset, si liberorum quisquam cum ipso vel in certamen honoris & dignitatis venire sustinuisset, à quo vivendum beneficium hausisset.

Talis proinde mihi videtur vivum & expressum absoluti Principis exemplar & imaginem prae se ferre. quippe illo filiorum & nepotum loco omnes diligebat, illos non minus quam tenella corporis sui particulas fovebat, demum
omni

omnia eo melius procurabat, quo ceteris usu & ætate plus pollebat. vicissim hi ipsum ut parentem optimum suspiciebant, propter consilii prudentiæque opinionem reverebantur, illius dicto auscultabant, non aliud oraculum in rebus arduis consulebant, diras & imprecationes ejus, non minus quam si tremenda essent numinis divini effata, metuebant. quos ille disciplina magis quam supplicio in officio continebat; ratus nimirum id quod res est, quibus illi affecti essent, se quoque iisdem pœnis tangi & conturbari.

C A P. XIII.

Status optimatum origo & initium.

SEd postquam ille è vivis excessisset, statim filii fratresque, non eam cuiquam reverentiam exhibentes quam solebant seni, neque parem aut spem aut fiduciam de cujusquam prudentia benevolentiaque habentes, exortis interdum vel inter fratres ipsos litium & contentionum seminibus, quo tamen exterorum injurias propulsare possent, cœperunt consilium simul capere, atque alternis vicibus Imperii molem ea lege suscipere, ut neque potestas solitudine vel mora corrumpere, neque spreum aut omissum se quisquam indigna-

dignaretur. atque sic inventa est ratio, qua, si quisquam propter inscitiam in munere magistratus obeundo fuisset incautior, aliis exemplum præberet, ne in eundem imperitiæ scopulum iterum impingerent. interea, ubi usus efflagitabat, super communi salute & privatis negotiis sententiæ patrumfamilias rogabantur: unde ad paucos & in sua domo primores viros, natalium conditione (tamen si non facultatibus) facile cōferendos, pervenit imperium in proprios lares. spectabant ad illos etiam crebrę pro causa publica disquisitiones, & legum condendarum summa auctoritas. ita penes optimos quosq; & prudentissimos reipublicæ moderatio fuit, quibuscum cæteris, si maxime vellent, nullus erat certandi locus, occasio nulla, nisi omnem pariter ætatis, consilii, opum, generisque prærogativam illis præripere vellent. anxie scilicet id agebant patres & præfecti, quo gentem non secus quam liberos quam nepotes alerent & foverent. nam qui in ipsorum jura succederent, qui famam nomenque ad posteros propagarent, qui ex mortalibus facerent immortales, alios non habebant.

Atque in eam curam vehementer incubuerunt majores nostri, ut gentile
suo

uos eadem virtute contra peregrinas & incultas nationes, quibuscum nullam sermonis aut sacrorum consuetudinem haberent, quasi cum beluis de-
præliaturi defenderent.

Hinc, nisi falsum conjicio, imperandi forma profluxit, quæ in paucorum arbitrio posita, græce *ἀριστοκρατία*, latine status optimatum nomen sortitur.

C A P. XIV.

Status popularium origo & initium.

IAm vero, ut suus cuique rei terminus à tempore est assignatus, sublatis è medio fratribus, & in magnam indies multitudinem succrescentibus eorum liberis, languentemque inter tot æquales per seniorum (ut fit) vel mortem vel vitium quæ patribus debita est reverentia, singulis quoque pro officio præmium educationis suis parentibus maioribusque adscribentes; in tam numerosa prole, ubi tanta esset æqualitas, fieri omnino non potuit, ut paucorum imperio omnes se subjicerent. nam cum duæ potissimum res sint, de quibus inter se homines contendunt, honorem intelligo & utilitatem, nemoque ingenui saltem fidentisque animi non gravetur in altero se esse neglectum; per summam

inde necessitatem ad id impulsū sunt, ut magistratum præfectorumque creandorum jus penes partem esset numerosiore. ita seu vice seu forte facta est cuilibet rempublicam capeſſendi potestas decerpēdique si quod inde emanaret commodum. quisquis dum natales suos ad illum primum generis auctorem referre poterat, credebatur se hac ratione nemini esse inferiore. proque rebus præclare gestis aut cuncti aut tantus sane numerus quantus dici pusillus non poterat instabant. quod si supra reliquos imperium habere pauci voluissent, conspirantes inter se cæteri illos confestim superare aut extrema pati coëgissent. ex quo non temere accidit, vertendam esse denuo reipublicæ formam, quemadmodum prius ab unius arbitrio in paucorum, ita ab his in multorum manus perventuram. Singulis tamen cœtum civilem conservandi, suæ nationis auctoritatem tuendi, seque contra alios defendendi, semper idem studium fuit; certantibus interim inter se de potestate & imperio, quis inter illos de republica melius meritis audiret: cuius rei non aliunde argumentum deducebant, quam ex magistratu bene defuncto.

Atque, nisi me fallit animus, primus iste

ste est & naturæ maxime conveniens popularis imperii ortus. quod Græci *ἡμυροκρατία* appellabant, Latini fuscus rempublicam; alii, populi censuscque potestatem: sed quam Latine, ipsi viderint.

C A P. XV.

Rempubl. populi ingenio esse accommodandam.

EX his quæ dicta sunt, liquido constat, mutationes in formis politicis à natura potius quam ab ambitione & malitiave profectas esse, & accommodatam populi ingenio administrationem esse debere. atque, quemadmodum singula hæc tria rerumpublicarum genera causas in natura positas habent, ita, ubi pro civium indole, id quod maxime convenit, adhibetur, (ut si vestem corpori aut aptum pedi calceum induas) mox illud civile corpus tranquilum est, & oblectationem haurit ex illa quiete cum utilitate conjuncta. quod si per speciem politicæ à civium moribus abhorrentem eos gubernare velis, tum veluti calceus, si pede minor erit aut major, ipsi incommodus est & inter eundem obest; ita si quis, contra quam ipsi volunt, per summam tyrannidem civibus imperitaverit, (sit licet

eximię alioquin bonitatis aut labescant ilico, aut serviliter se gerant, aut nunquam prius desistant, quam regem ipsum & qui eos debellarunt aut se denique perdiderunt. Est etiam aliud genus hominum, cui si præfuerit nemo, quasi jugo solutum quid faciat plane ignorat. itaque per insolentiam, superbiam, desidiāque, ad facinora & omne genus sceleris proripiunt, & spargunt se diffunduntque, aut stolidā quadam ambitione & privatis inimiciis mutuo se perimunt. Ea vero, quæ diximus, plenissime confirmant omnium ætatum gentiumque conscriptæ historiæ, ut de Græcis, Romanis, Samnitibus, Danis, Vandalis, reliquisq; constat.

Cæterum nollem quenquam sic existimare, quasi omnes rerumpublicar. administrationum formas per huiusmodi propagationem & sobolem gemmascere affirmaverim. sæpe etenim, postquam diu bello disceptatum est, imperator, qui exercitui è diversis nationibus conflato præfuit, captus ejus loci quem expugnavit amœnitate, dum illic moratur, rempubl. & regnum fundando ponit. ita Gothos & Longobardos in Italia, in Gallia Francos, in Hispania & in aliqua Galliæ parte Germanos, in Britannia majore, cui nunc nomen

nomen est Anglia, Saxones fecisse constat. quando autem Princeps ille moritur, tum nobiles, re primum deliberata, regem alium designant; aut summum reipublicæ in plures præfectos partiendo deducunt; atque ita fecisse Longobardos in Italia, in Anglia Saxones, recepimus: aut imperium popolare amplectuntur; ut Helvetii in suis diœcesibus: vel postposito multitudinis principatu, dominium ad paucos referunt; quod Patavini, Veronenses & Veneri facere consueverunt.

C A P. XVI.

Partes & persona reipublicæ distinguuntur.

Sed ut omnia clarius elucescant, exoritur alia in partibus reipubl. divi-
sio. parum quippe est, si quis eam pluribus familiis prognatam, unde villis origo est, arbitretur; aut ex oppidorum vicorumque multitudine regnum enasci; quodque pro civibus tantum liberi habendi sint, non servi, quibus, ceu instrumentis & facultatibus aliorum, nulla est in caput liberum potestas; quodque fœminas itidem arcuerimus, quæ, si naturam ducem sequantur, domi sese continere, liberos tollere, rebus cæteris non immisceri, inter cives magistratu

gistratu non fungi didicerunt; nisi ubi potior habenda est ratio generis, quam sexus, quam ætatis, quando honos stirpi adhæret; ut Regem, Ducem, Comitem esse. (quod tamen de Regina absoluta, Ducissa, & Comitissa dictum puta, quæ non quod Regi, Duci, Comiti nupserunt, hunc titulum præferunt, sed quod ad eas ceu ad proximas legitimasq; hæredes jure sanguinis pertineat. eadem namque apud illas in regno, ducatu, comitatu autoritas est, quæ viris iusta ætate, ipsi licet scæminæ puerive fuerint. plus enim valere debent ille natalium splendor & jus, plus regni salus & incolumitas, quam vel tenella infantum ætas nondum tractandis regni gubernaculis idonea, aut sexus fragilitas publicis negotiis non adsuefacta: à quæsum latere viros cordatos gravesque nunquam discedere omnes arbitramur; qui optima quæque suggerendo, ubi usus postulat, sicubi quid deesse vident, ipsi explent.) Totum hoc quod supra nominavimus satis non est. sed eorum, qui in republica versantur, alii munera in civitate sustinent, alii expertes sunt: illi magistratus, hi privati dicuntur. Huic non absimile fuit illud Romæ discrimen, inter patritios & plebeios longo inter se tempore dissidentes,

sidentes, ubi interim hi per multos annos ab omni officio exclusi sunt, donec par atque æqua fuit apud utrosque magistratus consequendi autoritas.

Erat quidem & alia divisio, in senatores, equites, & plebem; ut apud Græcos illa in *ὀψωνεῖς καὶ δημογεῖτες*, hodieque apud Gallos, *les nobles & le populaire*, *gentils-hommes & vilains*. sed hic in Anglia in quatuor genera distribuuntur: nobiles nempe, cives, plebeios, artifices & operarios. Inter nobiles primo loco Rex, tum Principes, Duces, Marchiones, Comites, Vicecomites, Barones recensentur. atque hi *κατ' ἐξοχὴν* ipsa Nobilitas vocantur, & porro Domini virique Nobiles audiunt. hos proxime sequuntur Equites aurati, Armigeri, & Generosi.

C A P. XVII.

De primaria nobilitatis Anglica parte, qua est nobilitas major.

DVces, Marchiones, Comites, Vicecomites, Barones, aut iis honoribus à Principe affecti sunt, aut quia hæredes filii sunt & parentes suos proxime attingentes, illa dignitate exornantur. nam & Ducis filius natu maximus ipso patre superstite *Comitis* nomen usur-

usurpat, & Comit^{is} filius nomen titulumque *Vicecomitis* aut *Baronis* (imo etiam pro indulta dignitatis conditione *aliud*) sortitur. dumque de promovendo aliquem ad novos honores loquimur, ipsos intelligimus donationis codicillos, in quibus propter obsequium & operam narratur Princeps aliquem velle decorare. sed illa amplitudo in prolem masculam ut plurimum traducitur. Cæteros nobilium filios summo jure *Armigeros* esse dicimus. pervulgato tamen sermone quosvis Duce & Marchione prognatos, ut & filium Comit^{is} ætate provectiorem, **D O M I N O S** appellamus. quæ vox nisi aliquibus interdum ad summum officium evectis conveniret, ad alium certe quam ad præcellentem Baronum ordinem non pertineret.

Barones nostri Romanis senatoribus respondent, illorum patriciis nostri nobiles, quando patriciatus vel senatores vel senatorum filios designabat.

Senatorum census aliis temporibus alius fuit. apud Anglos nemo ad Baronis fastigium efferri solitus est, si annuis redditibus auri puri c^{irca} libras vel marcas erogare non potuerit.

Viccomes, Comes, Marchio, Dux, quoniam honore cæteros longe antecellit,

cellit, etiam amplificatam pro dignitate fortunam habere eum necesse est. quod si de proventibus illis propter inopiam aliquid decedat (quis enim præstare potest diuturnam divitiarum possessionem?) jacturam tamen fieri dignitatis leges non sinunt. quanquam si insigni aliquo damno affectus fuerit, ut Senatores Romani à senatu amoti sunt, ita nullus huic locus in supremo Comitiorum conclavi reliquus erit.

*Additamentum, in quo Nobilitas
major paulo plenius ex-
plicatur.*

Nobiles in Anglia dividuntur in majores & minores. Majores sunt Duces, Marchiones, Comites, Vicecomites & Barones, qui vel hæreditario jure his titulis gaudent, vel iisdem virtutis ergo à Rege ornantur.

Dux primus est post Principem dignitatis titulus; olim quidem officii, non honoris: utpote qui primum honorarius esse cœperit tempore Otthonis magni. In Anglia post Normanorum ingressum hic honor à Regibus nulli fere habitus ante Eduardi III tempora, qui filium Eduardum Cornubiæ Ducem creavit, per sertum in capite, annulum in digito, & virgam argenteam.

genteam. (postea fuit aurea.) Idem & filios suos Leonellum Ducem Clarentiæ, & Ioannem Ducem Lancastriæ, per cincturam, imposito capitibus pellico pileo, cum circulo ex auro & margaritis, & charta tradita, creavit. Exinde jam plures hereditarii Duces creati cum huiusmodi verbis in charta: *Nomen, titulum, statum, stylum, locum, sedem, præminentiam, honorem, auctoritatem, dignitatem Ducis damus, concedimus, atque per gladii cincturam, cappæ & circuli aurei impositionem in capite, & traditionem virgæ aureæ, realiter investimus.* Nihil autem interea his aut territorii aut muneris vel jurisdictionis confertur. Expiravit autem hic titulus in Anglia anno 1572. Nec revixit nisi nuper in filiis Regis Iacobi, & dein Buckinghamio. Ducis autem filius primogenitus ipso patre superstite Comitis nomen usurpat.

Marchio. Hic titulus (inquit Camden.) serius ad nos pervenit; nec ante Richardi II tempora; qui Robertum Vere Oxonii Comitem, delicias suas, Marchionem Dubliniæ designavit, merumque erat honoris nomen. Creantur autem per gladii cincturam, ac cappæ honoris ac dignitatis impositionem, chartamque traditam.

Comes.

Comes. Saxones nostri, (inquit *Camden.*) quos sua lingua *Ealderman*, Latine *Comites* & *Consules* dixerunt; eodemque *Eorlas*, id est, honoratos, sua lingua Dani vocarunt, ut author est *Ethelwverdus*; quo nomine emollito *Earles* hodie nobis appellantur. Diu sane simpliciter hoc nomine appellati fuere, postea vero loci adjectione, cui præerant. Post *VVilhelmi Normanni* adventum, primum feudales, hæreditarii, & patrimoniales esse cœperunt; primo sine loci nomine, dein loci nomine adjuncto, & tertio Comitatus denario (id est, tertia parte multarum Regi ex placitis accrescentium) illis assignato. Primis temporibus tantum gladio accingebantur; accessit postea impositio pilei, cum circulo aureo, qui nunc in coronam radiatam mutatur, & trabea honoraria. Comitatus filius primogenitus patre superstite *Vicecomitis* aut *Baronis* titulum usurpat. olim *Comes* etiam *Castro Comitatus* potiebatur: sed hodie (inquit *Spelmanus*) nemo est (quod sciam) qui cum Comitatus titulo castri potiatur Comitatus; vel ex nomine suæ dignitatis, alicujus uspiam aut imperii aut jurisdictionis. Confertur itaque jam *Comitivæ* gradus ei, cui in Comitatu illo.

illo nihil possessionis est: sed Rex è suis illic redditibus annui quid concedit, puta 20 libras, aut simile quid.

Post Comites (inquit *Camden.*) *Vicecomes* ordine sequuntur; Vetus officii sed nova dignitatis appellatio, & Henrici VI tempore primum apud nos audita.

Barones denique. Id nomen primo non magni honoris fuit, cum etiam melioris notæ cives ita vocarentur: sed labentibus annis, ut Romæ olim senatores è censu lecti, (*Camdenum* audis,) sic Barones in Anglia habiti fuerunt, qui per integram Baroniam terras suas tenebant, sive XII feuda militaria & tertiam partem unius feudi militaris, quolibet feudo, ut habet vetustus liber, computato ad xx libras, quæ faciunt ccc marcas. Ea enim erat valentia unius Baronie integræ; & qui terras & redditus ad hanc valentiam habuerunt, ad Parlamenta summoneri solebant. Dignitasque videtur fuisse cum jurisdictione, quod curiæ Baronum, quas vocant, quodammodo probant. Ipsaque Baronum multitudo persuadet, tales fuisse dominos qui jus in sua ditione dicere possent. cujusmodi apud Germanos *Freyherren* ab Henrico III Rege cl numerati: plenaque honoris tum appel-

appellatio fuit, cum nomine *Baronagii*
Anglia omnes superiores ordines, Du-
ces, Marchiones, Comites, & Barones
continentur. Sed ad summum hono-
rem pervenit ex quo Henricus III ex
tanta multitudine, quæ seditiosa erat,
optimos quosq; rescripto ad Parlamen-
taria comitia evocavit; quod Eduardus
I, & successores, constanter observa-
runt. Inde illi soli Regni Barones ha-
beri cœperunt; donec Richardus II,
Ioannem de Beauchamp ab Holt, Ba-
ronem de Kidermunster diplomate da-
to creavit. Iam inde Reges literis &
honoraria trabea imposita sæpius hunc
honorem detulerunt. Vtraque forma
hodieque in usu, & per diplomata, &
per summonitiones ad Parlamentum;
& sic creati vocantur Barones Parla-
menti, Barones regni, & honorarii; ad
differentiam illorum qui adhuc ex ve-
teri formula Barones dicuntur, ut illi
de Buxford, de VVatthou, &c. Hi par-
lamentarii Barones non nudo tantum
nomine gaudent, sed omnes sunt Re-
gni Angliæ Pares, & Consiliarii nati;
evocanturque à Rege his verbis ad tra-
ctandum de arduis regni negotiis &
consilium de iis impendendum. Pluri-
mis gaudent privilegiis. A Paribus suis
tantum judicantur, & de ipsis judicant

non jurati sed honoris intuitu. Ob proditiones capite solum truncantur, principe suspendii poenam remittente. In feloniis tamen laqueo necantur, quia ibi nihil remitti potest nisi ipsa mors. Ab arrestatione & comprehensione Ballivorum sunt immunes, nisi pacis violatae causa. Inter duodecem-viros juratos non asciscuntur, &c. Apud Anglos (inquit *Smithus*) nemo ad Baronis fastigium efferri solet, si annuis redditibus auri puri clo libras vel marcas erogare non potuerit. quod si de proventibus illis propter inopiam aliquid decedat, jacturam tamen facere dignitatis leges non sinunt. quanquam si insigni aliquo damno affectus fuerit, ut senatores Romani à senatu amoti fuerunt, ita huic nullus in supremo Comitiorum conclavi locus fuerit.

C A P. XVII.

*De secundaria nobilitatis Angliae parte,
quæ est nobilitas minor: & primum
de Equitibus.*

EQVES AURATUS nemo nascitur, non REX ipse, non Princeps. primogenitum Regis filium Valliæ-que Principem, PRINCE Anglice *reg' i' xoxlū* denotat: quamvis REX hanc

hanc ipse vocem sibi cum liberis suis ducibusq; communem audire non dedignatur. atque in eo, quod nunc dicturus sum, non plane alienus est à nostro Gallicus loquendi mos. nam cui proximæ sunt in regno succedendi partes, si hæres filius fuerit, DELPHINVS, sin regibus propinquitate conjunctus, MONSIEVR. apud nos Anglorum REGIS filius ætate major, THE PRINCE appellatur.

Cæterum Equites, vel ante pugnam virtutis augendæ gratia, ut fortunam belli alacrius periclitarentur, vel à pugna, re præclare fortiterque gesta, viriles animos cohonestandi ergo; vel in pace denique, propter aliquam fortassis operam insigniter navatam, vel spem bonam quæ de illis concipitur, militari cingulo exornantur. sed neque omnes eodem modo fiunt. nam interdum, qui REGIS judicio admodum probantur, ipse equites esse jubet. interdum ex mandato & autoritate REGIS, interdum pro legati arbitrio, qui copiis militaribus cum summa potestate præest, insigniuntur.

Atque iste ordo aliqua ex parte Equitibus Romànorum respondere videtur. nam in plerisq; convenit, quantum nostra respubl. illam exprimere valebat,

licet in nonnullis fuerit alienior. siquidem ita natura fert ut rerum pub. nulla sibi diu constare possit, nedum alteri congruere. & ob societatem civilem aliquid accedere vel de ea vicissim detrahi fatale est: proque temporum diversitate alios mores postulante, aut hominum ingeniis res novas subinde affectantibus, quod vituperio dignum est emendatur. Equites Romani ex censu, hoc est, pro modo facultatum & rerum suarum eligebantur. idem etiam plerumque in Anglia solet obtinere, ubi hanc fortunæ amplitudinem annui illorum redditus sustinere queunt. Neque tamen omnes Equites legebantur, qui censum equestrem possidebant: quemadmodum neque in Anglia usu venire solet. illorum etenim dignitatem hanc propriam esse REX voluit, quos ille potissimum honore prosequendos statuit. penes arbitrium Principis in utraque republ. fuit equitum numerum definire. illud autem, in quo nostros ab equitibus Romanis superari facile concedo, equus fuit publicus. nam nostri pacis militiæque temporibus suis sumptibus equum alunt. Censum equestrem apud Romanos diversis temporibus haud uniusmodi fuisse accepimus. sed in Anglia ex antiquæ legis instituto, qui

qui XL libras *starling* in singulos annos queat expendere, inter ipsas REGIS inaugurandi ceremonias, ejusve filiarum nuptiis, aut ea tempestate, ubi filii Principis equestri dignitate insigniuntur, aut sicubi magnarum rerum occasiones se ingerunt, edicto REGIS eques jubetur esse, aut [si nolit*] multari pecuniis; quas plerique interim non tam honorum, [* quorum sumptus ipsa multa graviores esse reputant*] quam divitiarum cupidi libentius persolvunt. nonnulli, qui illo honore indigni censentur, tametsi divitiis abundant satis & illam dignitatem ambiunt maxime, & voto suo privantur & XL librarum *starling* dispendio plectuntur. has si ad ejus temporis examen aliquis subducatur, in quo mos iste primum succrevit, haud pauciores centum & viginti libris nostratibus inveniet: quod ego fusius in illo libro declaravi, qui de pretio nummorum circumfertur. Videntur Romani in duos ordines rempublicam suam distribuisse, cum SENATUS POPULUSQUE ROMANUS inter scribendum usurpabant; adeoque populi voce, equites plebemque complexi sunt. sic, ubi SENATUS POPULUSQUE ANGLICANUS dicimus, equites, armigeros, reliquos item nobiles,

cum civibus, municipibus, & plebeiis, una voce denotamus. In LL. sancien-
dis conveniunt in *Senaculum* Reguli
una cum Archiepiscopis & Episcopis,
præsentibus pro tempore & præfiden-
tibus ipsis REGIBVS & REGINA. Equi-
tes, cæteraque nobilium multitudo,
cives quoque & municipes, super gra-
vissimis regni negotiis ad deliberan-
dum adhibiti, seorsim in domum aliam
congregantur, quæ *populi concio* appel-
latur, ut clarius posthac describemus
de Parlamento acturi.

Dubitationi locus esse possit, unde
hoc nomen *Knight* factum sit, et si quid
præterea amplius significet quam apud
Latinos *miles*, quod respondet Anglica-
no à *Souldier*. vox ista *Souldier*, ex eo
potius deducta videtur, quod est *Sould*
& *Paiment*, hominemque ad pugnam
conductum, & stipendiarium indicat;
tamen si Cæsar in commentariis suis eos
soldures vocat Gallice, qui vinculo quo-
dam & juramenti inter se ducemque
suum religione junguntur. quam
si Germani rationem sequerentur, fieri
potuisset, ut qui operas & virtutem
suam stipe non locassent, verum pro-
pter aliquam generis sui efferendi spem
(utpote homines ex eadem gente pro-
gnati) suis impensis victitabant, &
hujus.

hujusmodi juramento persancte se
 astringentes militabant, fortassis hi
 κατ' ἐξοχὴν *Knight*s aut militum no-
 mine perhiberentur: quando apud Ger-
 manos aliqui *Landts-Knechte* dicun-
 tur, quasi cohortis gratuitæ milites:
 quanquam hodie pleraque illorum pars
 sit mercenaria. aut forsan, quod qui cir-
 ca Principem proximi erant, quasi ser-
 vi de reliquis lecti, & delibati satellites,
 Germanico sermone *Knechte* appella-
 ti, (quod perinde est ac si servum dicas)
 quia fideliter deserviebant, in argumen-
 tum honoris cœpta est deinceps vox u-
 surpari & notam viri militaris. in hac re
 quod ad linguam nostram toties mu-
 tatam attinet, sententiam meam non
 fero. illum nunc dierum Anglice voca-
 mus *Knight*, quem Galli *Chevalier*, Lati-
 nique *Equitem* aut *equestris ordinis*.

Et quoties equestri dignitate quisquā
 decoratur, genu nixus, enseque evagi-
 nato in tergum aut in humeros ictus
 est, loquente in hæc verba Principe,
Soyez chevalier, au nom de Dieu, cui
 olim *Divi Georgii* adjiciebant; & prius-
 quam in pedes se attollit, *Avancez*. At-
 que iste cingendi usus uti jam obtinet,
 ita semper cingendi equites, non crean-
 di, phrasis longe fuit antiquissima.

Equites Balnearii, in ipsis Regum

sacrandorum celebritatibus, non sine prolaxis & curiosis ceremoniis insigniuntur.

Equites Vexilliferi in acie fiunt, abscissa scilicet vexilli cuspidē in formam signi militaris. unde ex equite cœlibe in eum honoris gradum sic promoven- tur, ut in vexillo insignia sua perinde expandendi jus & authoritas illis constet, atque si Barones ipsi forent. sed exolevit iste fere per Angliam ordo.

Cæterum, quacunque demum ratione in classē equitum quis cooptetur, communem statim dignitatis titulum uxor illius cum Baronis conjuge sortitur, quando utraque *Domina* nuncupatur. ipse tamen Baronis appellatione non gaudet, sed adjectam vice pronominis syllabam habet *Sir.* veluti, si prius Thomæ, Gulielmi, Iohannis, aut Richardi nomine appelletur, deinceps dominus Thomas, dominus Gulielmus, dominus Iohannes, dominus Richardus audit; qui titulus equitibus in Anglia defertur. Et ordini quidem equestri explicando, quæ hætenus disseruimus, satis in præsentiarum esse possunt. superest adhuc aliud equitum genus, quod *auræa periscelidus* dicitur.

EDVARDVS III postquam multis, isque per insignibus victoriis potitus esset,

esset, quippe *Iohanne* Galliarum, *Iacobo* Scotiæ, regibus captivis in turre Londinensi simul detentis, *Henricoque* notho Castellano è regni finibus ejecto, *Petroque* auspiciis VValliæ Principis Ducisq; Aquitaniæ, cui *Nigri* cognomentum fuit, demum restituto, consortium illustre excogitavit; factoque per ipsum è regno suo cæterisque ditionibus, adeoque ex universo orbe Europæo, virorum delectu, splendoris virtutumq; luminibus maxime insignium, eo honoris titulo decoravit, fasciaque insuper auro gemmisque distincta donavit, fibulaq; aurea in sinistro crure, indies gestirandis; adiecit insuper cycladem, togam, pallium, torquemque, reliquasq; id genus vestes trabeatas, materia juxta atq; opere ipso spectabiles & heroicas & tam augustò sodalitio percommodas, quas festis solennioribus pro se quique induerent. cujus sodalitiî principem locum REGI REGINÆVE illorumve posteris assignandum, reliquos autem illius ordines, sex scilicet viginti, statutis quibusdam & legibus devinctos, fratrum ac consodaliû numero habendos esse. Cæterum, quoniam non tam politiæ aut gubernationis in republica species aliqua est, quam ornamentum, cessò ulterius super hac re aliquid adtexere.

C A P. XIX.

De armigeris.

ESCVIER aut *Esquier*, quem vulgo *Squire* appellamus, dictio plane est Gallica, & scutigerum aut armigerum designat, & in universum illos, qui nobilitatis suæ specimen, ex qua emanarunt, in insignibus gerunt. hi distinctum aliquem reipublicæ ordinem non faciunt, sed in classe nobilium reponuntur, nihilque ab iis differunt, nisi quod (ut ego sentio) insignia ferunt generis sui claritatem repræsentantia, ut propterea cinctura aut creatione opus non habeant. aut etiam ex eo nomen invenerunt, quod quum in principio dominis aut equitibus ephebi essent honorati. *¶* aut scutigeruli, conversus est in honoris titulum officii modus, per quem etiam à gregario milite discernentur

C A P. XX.

De nobilibus minorum gentium.

G*Entlemen*, id est, nobiles, sunt, quorum natalium series dignitasque clarescunt, Græcis *Ὀβελῆς* dicti, Latini nobiles, Gallice *nobles*. *Εὐγενῆς* Latin definiunt præstantiam alicui collatam quod ejusmodi majoribus eum nasci con-

contigerit, quorum longa series divitiis,
 & virtutibus floruit: aut, ut rem pau-
 cis absolvam, diu fundatam in eadem
 familia cum virtute rerum abundan-
 tiam. quod si hanc præclaram suorum
 excellentiam posterì quoque imitentur
 & observent, vere nobiles atq; *divites*
 habentur: sin minus, majorum tamen
 res & fama illos aliquandiu obducit,
 consimilem in modum atque ea, quæ
 auro circumlinuntur, tantisper donec
 inauratio deterfa fuerit, eris proprii for-
 mam non perdunt. quod diximus, ipsa
 ruetur ratio. nominis quippe etymolo-
 gia, verbi efficaciam satis declarat. nam
 Latine quidem gens stirpē vel cogno-
 men significat, quemadmodum apud
 Romanos, Corneliorum, Sergiorum,
 Appiorum, Fabiorum, Aemyliorum, Pi-
 sonum, Iuliorum, Brutorum, Valerio-
 rum, quos qui per virilis sexus cogna-
 tionem contigerunt, & familiæ nomen
 apud se retinuerunt, agnati gentiles vo-
 cabantur. iidem manente patrum suo-
 rum gloria, hujus aut illius prosapię no-
 biles fuerunt. quæ res litem inter Ro-
 manos excitavit maximam, ubi novi
 quidam homines recenter exhibite vir-
 tutis ergo receptiores apud populū fo-
 rent, quam vetustus ille natalium ordo
 per ignavam flagitiosamque nepotum
 vitam

vitam obtritit illos efficere potuisset. hac de causa Cicerones, Catones, Mariique, plurimum cum antiquis illis conflixerunt. unde Iuvenalis:

*Malo pater tibi sit Therſites, dum
modo tu ſis*

*Æacida ſimilis, Vulcaniaque arma
capeſſas,*

*Quam te Therſita ſimilem producat
Achilles.*

Sed Principibus (idem etiam rebus publicis uſu venire ſolet) neceſſarium omnino eſt, virtutem præſentem decorare. Et quamvis ratio magis expoſita ſit illuſtri loco natis virtutem confequendi, cum exemplo majorum, quo adduci, tum beneficio rectæ educationis, quo valere poſſunt, cui denique accedit inſitus quidam amor clientum & vicinorum (pro eo quod ipſorum ædes incolant) nobiles ſuos maxima benevolentia proſequendi, & ad patrum veſtigia premenda incitandi: tamen ubi hæc omnia defuerint, quemadmodum (quod valde deplorandum eſt) pro ingenio rerum humanarum mundiſque novis ſemper mutationibus obnoxii deeſſe plerumque videmus, tum majorum ſuorum poteſtati æqualem Princeps apud ſe & reſpublicas retinet. nam veluti prudens agricola loco vete-

ris labantis novam arborem inserit, ubicunque locorum invenerit : ita apud Principem , ubi virtutem aliquam egregiam intuetur , ipsam exornandi autoritas semper fuit. Nobiles, Armigeros, Equites, Barones, Comites, Marchiones , Duces promovere , quando illorum merita tanto fastigio ferendo essent, hoc certe nihil usitatus fuit. sed
 R E G I pro more debentur Equitum cinctura , Baronum & superiorum dignitatum creatio. nam quantum ad nobiles spectat, vili pretio hic in Anglia fiunt. quisquis enim legibus patriis operam navat , quisquis in Academiis incumbit literis , quisquis artes liberales proficitur, neque (ut verbo dicam) manuum labore vel artificio aliquo victum quaerit; ille, si personam sustinere, & impensas quas solent nobiles facere velit , *Dominus* vocabitur, (quæ vox nobilibus armigerisque tribuitur) & nobilis ipse recensabitur. verum enim est vulgo quod dici solet , *Tanti eris aliis, quanti tibi fueris*. quin etiam, si opus fuerit, fecialium Princeps , insignia pretio tibi divendet , quæ tametsi tum primum facta & composita sunt, quasi rem literis diu consignatam, publicarum tabularum crebris revolutionibus ostentabit se reperisse: sin illud:
 fide

fide magis integra præstabit , in hunc modum præfabitur : *Tibi bene merito, eximiisque dotibus exculto, ob res præclare fortiterque gestas, pro mea, Principis, fecialium & insigniorum autoritate, tibi, inquam, tuisque hæredibus de hac insignia.* qua re semel confecta puto illum armigeri nomine posse insigniri, quando illis postmodum utitur insignibus. Hos interdum per ludibrium novos homines appellitant.

C A P. XXI.

Nobiles creandi mos apud Anglos an improbandus.

DE hujusmodi nobilium apud nos creatione, sit necne proba & legitima, disceptari potest. atque, ut ego sententiam meam dicam, plane opinor vitio carere. namque Principi nostro incommoda non est, quemadmodum in Gallia. in plebeios quippe aut agricolas nihilo plus ex censu constitutum est quam in nobiles. quid, quod, ubi recensentur hominum facultates, illis majora indicuntur onera? quæ eo alacrius ferunt, ne, si velint abnuere, aliquid de dignitate sua detractum sibi velle videantur. Immo ubi aliquid repræsentandum est, delectus militum habendus, aut sumptus villæ faciendi,

partem impensæ majorem veniant, nisi fidem & authoritatem suam labentatam malint. Quod ad externam speciem attinet, habitus nobis conveniens gerendus est, quo facilius cognoscatur. plebeio aptandus est plebeius, balatronibus denique qui est balatronum proprius. quod si in miliciam proficiscendum sit, arma & vestimenta quantivis pretii sibi comparabunt pro illa vitæ conditione quam sustinent. porro animum virilem, insignioris disciplinæ judicia, spiritum acriorem, beneficentiamq; magis profusam exhibere eos oportet. ad hæc attendendi ipsis sunt servi aliquot ociosi, qui præterquam quod interdum famulantur, nihil aliud agant. unde sibi ipsis obsunt, si majores pennas nido extendant: alteri sane nocent nemini. nam politiam & imperium reipublicæ nemo ex iis contingit, qui adeo mirifice sibi placent, quique altiores cothurnos induunt quam fortuna fert. id illorum est negotium, quorum ita cognita & spectata fuit sapientia, ut ad tale munus destinarentur; de qua re postea disseremus.

De civibus & municipibus.

Proximus à nobilibus locus civibus iis & municipibus assignatur, qui non modo civitatis & magistratus jure ornantur, sed re etiam onera perferre valent. deservire autem reipublicæ hos necesse est, in villis, oppidis, aut municipiis suis, in quibus habitant. in Comitatus haud magno æstimantur, nisi quod ad publica regni comitia, Parlamentum nempe, legum sancientiarum ergo convocantur. Ex his, quatuor urbes antiquiores, duos oppida designant, cum authoritate suffragandi urbis illius aut municipii nomine à quo delegantur.

C A P. XXIII.

De plebeis.

Secundum Barones, Equites & Armigeros, maximam reipublicæ procuracionem obtinent plebei; immo plus operæ infumunt reliquis omnibus: id quod deinceps apparebit. Eum ego *plebeium* voco, quem leges nostræ *hominem legalem* appellāt, voce in formulis & inquisitionibus tritissima, quæ statim ut natus est ingenuus est, quique ex fundo suo quæcunq; summam quadra-

quadraginta solidorum sterlingorum
 potest erogare, hoc est, si rationem
 supputes præsentis monetæ, VI libras
 Anglicanas.

Hoc genus hominum aperte profi-
 tetur se nobiles non esse, sed honorem
 & observantiam omnem illis defert,
 qui vere nobiles sunt aut esse præ se fe-
 runt. pluris tamen habentur, quam
 operarii aut artifices, quibus etiam
 præponi solent. opulenti plerumque
 sunt, familias alunt, & conquirendis
 divitiis acriter incumbunt. nobilium
 villici sunt, pecuniarii, nundinatores,
 boni patresfamilias, servos pigros & in-
 ertes (quod nobiles faciunt) non ha-
 bentes, sed qui suum ipsi victum & he-
 rilis partem aliquam quærunt. ex quo
 fit, ut prædivites evadant, & nobilium
 fundos perditæ & profligate viventium
 indies possint redimere. quod si filios
 suos in Academiis bonis literis aut pa-
 triis legibus informandos curaverint,
 aut redditus satis amplos illis reliquerint,
 unde absq; eo ut opus manibus faciant
 commode vivant, mox in classem no-
 bilium eas referunt. *Domini* appellatio,
 quæ nobilium est propria, in illos non
 confertur: sed ejus loco nominibus illo-
 rum præponimus *Goodman*, quasi bonū
 virum dixeris. nam si *Lutherus*, *Finchius*,

L *Vitus*,

Vitus, *Brunus*, vocentur, in colloquiis (qui vicinorum mos est) boni viri titulo singuli cohonestantur. quod tamen in magnis negotiis aut in juris formulis usu non solet evenire. in his enim distinctionis gratia si Eques fueris, in hunc modum scriberis: *Dominus Iohannes Finchius eques*: si Armiger, *Iohannes Finchius armiger*. si denique extra nobilium ordinem fueris, *Iohannes Finchius plebeius*. Armigeri dicuntur, qui tametsi ipsi nobiles fuerint, & in prima nobilium serie collocandi, gradum altiorem sibi non vendicant. Inter agricolas, operarios, infimamque plebeculæ faciem, qui è vulgi gregibus exempti sunt, quasi proprium à nobilibus locum occupantes, plebei nominantur. Hos Cato ille senex, *Aratores* nuncupat, & *optimos civés in republica*, talesque, quos esse plurimos rerumpublicarum scriptores laudi ducunt. recenset etiam Aristoteles disertis verbis hoc hominum genus, qui suis rebus ipsi vacant; ad reipublicæ procuracionem & ad judicia non accedunt nisi vocati; his ubi liberantur gaudent; nobilibus & præfectis eam præstant obedientiam quam debent; in bello itinerum laborumque juxta sunt patientes; quippe qui pro dominis, quibus etiam prædia sua.

sua accepta referunt, dimicare consueverint, pro sobole & uxoribus, pro patria, pro laude & gloria denique in redditum comparanda, præsertim cum charos se suis dominis futuros & eorum liberis intelligunt, quando in capitis discrimen pro illorum salute se conjecerint.

Et nobilitarunt isti Angliam virtute sua, non quod ingenio, imperio, aut viribus, cum nobilibus essent conferendi: sed quia & numero vincant, & voluptati dominorum auscultent, & corporis robore polleant, & labores impigre subeant, & denique aut præeuntem aut comitantem pleno gradu animose sequantur. lente etenim festinant alias, utpote qui rei militaris scientiam haudquaquam profiteantur. Hi quondam arcu & peditatu fuerunt perinsignes, Galliæque adeo universæ timorem virtute sua incusserunt, potius extrema pro se quique perpassuri, quam ut per inertiam equitem aut nobilem desererent, sub cujus signo militabant: qui tunc temporis ut plurimum patronus illorum extitit. id quod etiam admittere nunquam potuerunt absque ingenti dedecore, rerumque & fortune suarum dispendio & iactura, pœnas nimirum meritis ignaviæ &

timiditatis exsoluturi. quæ quidem omnia sicut à majoribus suis acceperunt, ita per manus vicissim posteris tradiderunt. Celebrantur apud Anglos plebei, quemadmodum in Gallia nobiles. mutuis enim cladibus alteri affecerunt alteros, dum hi inde peditatu, inde illi superiores evaserunt equitatu. Ac nobiles plerique omnes cataphractarii sunt, & equo merent, plebei peditum agmen efficiunt, nobiliumque auspicia sequuntur. pugnaque inita Duci consensu equo aut pedibus obambulantes, qui mos REGVM Angliæ semper fuit, horum copiis sese immiscunt, plane diversa ab exemplis Gallorum ratione, quorum Reges in bello tutissimum facile sibi locum inter equites constituunt: non obscure (ut facile conjicis) hoc pacto innuentes, quibus uterque plurimum confideret.

Plebei hominis conditionem facilius intelligas quam etymologiam. Nam ut *Teoman* eundem accipias cum eo, qui est *Youngman*, ratio ipsa repugnat: quando *Teoman* neminem dicimus, nisi qui uxorem duxerit & liberos susceperit, atque aliquam auctoritatem quasi & existimationem inter vicinos obtinuerit. sermone Teutonico *Joncker*, hominem splendidum aut
mediæ

mediæ conditionis nobilem aliquem solent designare. verisimile est, nostrates, quum fiduciam generis sui præ se non ferrent, ubi accepissent apud Belgas, inferioris notæ nobiles *Ionckerman* appellari, in acie, quasi per ludibrium aut jocum, invicem sic se appellitantes, postquam domum rediissent, hoc cognomento gavisos fuisse. quæ vox cujuscunq; demum potestatis apud Teutones sit, virum certe nunc apud nos opulentum probeque ex ære suo victitantem, nata est significare.

C A P. XXIV.

De quarta hominum specie, qui non præsunt.

Quarta in classe hominum reponuntur *capite censi, proletarii aut operarii*, (nam illud iis apud antiquiores Romanos nomen fuit) operarii, inopes agrarii, mercatores, propolæ, emphyteutæ, agricolæ fundani: artificum genus omne, sutores, vestiarii, calceolarii, fabri lignarii, laterum coctores, & cæmentarii, &c. istis nullum est in nostra republica suffragiorum jus; neque pluris æstimantur, quam quod in partem veniunt eorum, qui dominio subjiciuntur. tametsi in civitatibus & municipiis, ob defectû plebeiorum, ex talibus

constent XII-virum inquisitiones. in villis etiam æditui fiunt, & cerevisiaræ bonitatis exploratores, interdum constabularii; quod munus, utpote rempublicam propius attingens, ab initio tam humilis fortis homuncionibus delegatum non fuit.

Quocirca de republica popularius loquentibus ejus administratio penes tria hominum genera videtur stare: Principem Monarcham, summum nempe dominum, REGEM puta aut (si scæminæ diadema obtigerit) REGINAM, cujus nutu & autoritate omnia reguntur: tum majorum aut minorum gentium nobiles, Regulos scilicet & Dÿnastas, qui Baronum ordine comprehenduntur, & quos honore dominorum dignamur, Equites auratos, Armigeros, reliquamque inferiorum nobilium multitudinem: tertium genus è Plebeiis conflatur. horum unusquisque in judiciis, censuris, magistratibus creandis, tributis indicendis, ipsisque legibus sciscendis auctoritatem obtinet, id quod deinceps exponemus.

THOMAE SMITHI
DE REPUBLICA ET ADMINISTRATIONE Anglorum

Libri secundi

C A P. I.

Leges Regni Anglicani definiuntur in genere, & dividuntur.

LEGES Anglicanae duabus in rebus maxime versantur: iudicio & usu sive praxi.

In illo spectantur	{ Persona, Locus, Res & Modus.	{ Iudices. Iure-consultus.
--------------------	--------------------------------------------	----------------------------------

In hoc personae simul cum ipsorum officio occurrunt considerandae. sunt autem personae haec, *tabelliones publici, advocati, & leguleji*, quibus illud incumbit ex officio, ut causas ad sententiae examen expediant. *Tabelliones publici*, lites in iudicio pendentes in testatum redigunt, actiones instituunt, fori decreta, relationes, & sententias, scriptis consignant. *Advocati*, utpote in juris doctrina bene versati, causam iureconsultis adornant. *Leguleji* usu & experientia magistra edocti, quis cuique foro

conveniat litium persequendarum ordo & modus, formulas inde super clientum suorum negotiis acquirunt; horum postulationibus invigilant, ne per incuriam ex mora damnum sentiant; sportulas & honoraria pro fori consuetudine persolvunt; remque ad iudicii calculum subeundum præparant.

Loca, quæ iudicio deserviunt, ipsa sunt fora, in quibus leges sententiæque feruntur; Parlamentum, Cancellarii Curia, Subsellia Regia, Acta Forensia, Quæstorium, Pupillorum Curia, Camera Stellata, libellorum supplicum Curia, & Ducatus Lancastrensis.

Ius & æquum ferendis legibus *materiam* suppeditant.

Modus ipse nunc sequitur.

C A P. II.

De Parlamento ejusque potestate.

IN comitiis Parlamentariis posita est omnis augustæ absolutæque potestatis vis. quippe quemadmodum robur & virtus Angliæ dicuntur in acie residere, quia illic cum dynastia cæteraque nobilitate plebeque Rex ipse adest: ita quoties in pace de rebus arduis deliberatio inciderit, Dynastæ Regulique præstantioris in republ. partis vice defunguntur; equites, armigeri, nobiles, & plebei, reli.

reliquæ multitudinis locum obtinent; cleri nomine conveniunt præfules: mox animam quasi & colophonem addit jussus Principis. Quod bonum felixque Regno totique reipublicæ sit monent, simulque super eo consilia communicant; tum post bene longum deliberandi spatium, ter recitata pro more loci schedula, & in utraque domo rationibus agitata, seorsimque ambarum partium calculis comprobata, Regio demum assensu confirmatur. quodque sic gestum est, Principis & universi Regni factum interpretamur. proinde nullus postea cuiquam oboriri debet querelæ locus; sed quia rescindi amplius non potest, & promulgatis semel legibus omnes tenemur acquiescere, firmum, stabile, & SANCTVM appellamus; & legis apud nos vigorem habet, quicquid hujusmodi consensus perfecerit.

Parlamentaria comitia veteres leges jubent esse irritas, novas inducunt; præsentibus juxta ac futuris modum constituunt; jura & possessiones hominum privatorum commutant, spurios natalibus restituunt; cultum divinum sanctionibus corroborant; pondera & mensuras variant; jus in Regno succedendi præscribunt; incerti juris controversias dirimunt, ubi nihil lege cautum

L 5

fuit;

fuit; censum agunt; capitationes & vectigalia indicunt; delictorum gratiam faciunt; afflictas & majorum sceleribus perditas familias erigunt; vitæ necisque potestatem in eos obtinent, quos ad hujusmodi disquisitiones Princeps advocaverit; atque, ut concludam breviter, quicquid in centuriatis comitiis aut in tribunitiis populus Romanus efficere potuisset, id omne in comitiis Anglicanis, tanquam in cœtu Principem populumque repræsentante, commode transigitur. interesse enim in illo conventu omnes intelligimur, cujuscunque amplitudinis, status aut dignitatis, Princepsve aut plebs fuerit; sive per teipsum hoc fiat sive per procuratorem. nam omnibus peræque gratum esse oportet, quicquid ex Senatusconsulto Parlamentario profectum est, ut quod pro imperio & potestate decernat serenissimorum Principum majestas, Episcopi Regulique, Equites & Cives, qui eo à provinciis & municipiis ablegati plebem referunt.

In legibus condendis aut omnes in eandem sententiam descendunt, aut major numerus, adhibito prius assensu Principis. Qui munus aliquod in comitiis obeunt, sunt Oratores, Scribæ duo, quorum alter domui superiori additus, alter

alter inferiori, ipsique Arbitri. O-
 ratoris est schedulas quæ in Parlamento
 exhibentur verbis ornare & propone-
 re. à Rege quippe Regine huic offi-
 cio deputatur, tametsi voluntate do-
 minus approbetur. Scribæ Parlamento
 sunt ab archivis, & Senatusconsulta
 custodiunt, tam quæ prælo excudun-
 tur, quam quæ propter hominum pri-
 vatorum utilitates in vulgus non emit-
 tuntur. Arbitrium penes illos est, quos
 domini civesq; peritissimos esse legum
 componendarum artifices censuerunt
 super ejusmodi negotiis, quæ in schedu-
 lis proponuntur, quæque illorum ju-
 diciis dispiciantur.

C A P. III.

De Parlamento habendo modus.

Principis accersitu per literas stato
 die, quasi xl plus minus dierum cur-
 riculo interjecto, ad comitia evocan-
 tur Duces, Marchiones, Barones, cæte-
 riq; sive Ecclesiastici sive Politici domi-
 ni, quibus suffragandi jus est. quin etiam
 rescripta Principis ad singulos provin-
 ciarum Vicecomites ablegantur, ut fa-
 cta in conventu provincialium electio-
 ne duorum equitum, hi vicibus illorum
 surrogentur, disceptent, & totius pro-
 vinciae nomine sententiam interponant;
 porro

porro oppida urbesque singulæ, quæ antiquitus municipes ad Parlamentum emittebant, sic agere delectum eorum jubentur, ut posthabita cunctatione omni, possint se in primo comitiorum die præsentem sistere. Equites, qui causas provincialium procurant, à plebe nobilibusque designantur, qui statò die in eum finem conveniunt. Quod si cuiquam abesse per id tempus contigerit illi suffragandi jus nullum est. in plebe eos recensitos volo, qui solidos XL in singulos annos de censibus propriis queant expendere. His itaque in unum coactis, duo, qui plurimum calculis fuerint approbati, *Equites Parlamentarii* eliguntur. Consimili ratione ad hoc munus in ipsis urbibus municipes creantur.

Conveniunt in senaculum superius Princeps cæterique Dynastæ trabeati primo comitiorum die, ubi postquam rem divinam fecerint, præsentium nomina in tabulas referuntur; quique vel morbo fontico impediti, aut justis de causis (quas æstimandi arbitrium est) interesse ipsi non possunt, de præsentibus aliquem *procuratorem* sibi adscribunt unde omnes per se vel per proxeneter suum adesse illic intelliguntur, Princeps inquam ipse, Barones, Archipræsules Præsulesque, & (monasteriis nondum diru

irutis) Abbates, qui suffragium in co-
 nitiis obtinebant. Locus, in quem con-
 veniunt, tapetibus & picturis textilibus
 splendide obducitur, soliumque REGE
 signum in medio conspicitur. demis-
 sione in loco à REGE proximus sedet
 Cancellarius, Principis orator & inter-
 pres. dextrum latus Archiepiscopi Epi-
 scopique, sinistrum Duces & Barones
 occupant. inter utrumq; ordinem me-
 lli sunt confessus judicum, quique sunt
 REGI ab epistolis, & Cancellario ab ar-
 chivis, laneis de more saccis insidentes,
 ut, sicubi de jure controversia oboria-
 tur aliqua, aut de literis quæ hinc inde
 inter Principes missitantur, deq; iis, quæ
 in senatu geruntur (neq; enim suffragari
 cuiquam horum licet) apposite respon-
 deatur. atque hoc *superius sinaculum*
 nuncupatur, in quo pro se prius singu-
 li, deinde pro illis etiam, quorum vices
 repræsentant, ubi ad quæstionem ven-
 tum est, consensum dissensumq; suum,
 PLACET, NON PLACET, quam paucis-
 simis exprimunt. Interea *Equites mu-
 nicipesque Parlamentarii* (id enim illis
 nomen inditum est, & numerum qua-
 si c c c aut c c c c plus minus homi-
 num conficiunt) in aliud conclave vi-
 ritim convocantur; qui postquam, cu-
 jus provinciæ oppidive mandato rem
 gerant,

gerant, rite interrogati fuerint, illico virum aliquem idoneum & discretum jubentur eligere, qui *Comitiorum Rogator* sit, eumque coram Principe sistere.

Quo semel peracto, comitantibus universis ad septum quoddam in ima parte supremi senaculi collocatum, ibi Principem commendat, & sibi semper aliquid deesse causatur, quare tanto oneri ferendo impar sit, Principemque rogat, ut illos ad eligendum alterum impellat. Ad hæc Principis verbis respondet Cancellarius, eumque tantum encomiis effert, quantum ipse se vituperando depresserit, gratiasque plebi agit, quod tam prudentem, circumspectum & discretum virum elegerint, & abire interim jubet de legibus pro salute reipubl. deliberatum. Tum *Rogator comitiorum*, plebis nomine REGI supplicat, ut conclave inferius immunitatibus & privilegiis antiquis perfruatur; ut, si libere sententiam in quacunque tandem re disputanda dixerint, REGIA MAIESTAS idipsum non ægre ferre nec propterea succensere dignetur; ut, si forte in illo casu aliquis deliquerit, aut quod dedeceat dixerit feceritq;, aut aliquem eo loci convocatum offenderit, pro vetusta consuetudine, pœnas de illo reposcant; ut, si dubium occurrerit, unde

inde consilio colloquioque REGIS aut Baronum opus fuerit, eo uti liceat: quibus præter fraudem plebis nomine è gavisuros spondet, curamq; insuper eam adhibituros, quam fidos & peramantes in Principem subditos adhibere necesse sit. Cancellarius pro eo ac videbitur verbis regiis respondet. Atque his negotiis sic transigendis unus dies, interdum biduum absumitur.

Præter Cancellarium adest ἀναγνώ-
σῃς quidam qui schedas legit, ex quo *Parlamentarius* appellatur. quicquid namque in consultationem venit, scripto prius excipitur, dein, utrum antiquanda suffragiis an accipienda lex sit, in utramq; partem differtur. quo peracto, aliæ rursus schedulæ publice recitantur. Quod si quas semel aut bis perlectas esse contigerit, adeoque judiciis illorum nonnihil adprobare videantur, (adhibita etiam quando opus fuerit aliqua verborum aut sententiarum castigatione) sciscitatur ab illis Cancellarius, si tabulas ea de re conficere, hoc est, in membranam referre placuerit. ita tertium lecta schedula confertisq; sermonibus agitata, Cancellarius quærit, si rem suffragiis committere velint: & percipere se annuentibus, *En legem super hac vel illa factæ specie vobis propositam,* inquit,

inquit, *diserteque pro more hujus loci in hac domo promulgatam, velitis jubeatis eam vestro consensu scitam esse & confirmatam, an non?* Diremptis igitur suffragiis ita acceptam improbatamque esse accidit, ut major minorve calculorum multitudo decreverit, & si in suadenda lege pars major vicerit, statim schedula *ἀναγνώσῃς* in hæc verba subscribit, *SOIT BAILLÉ AVX COMMUNS;* cumque opportunum videbitur, hujusmodi schedulas, quibus assensu sunt, per aliquot ex illis, qui saccis laneis insident, ad plebem perferri jubent, qui petita prius venia domum ingressi, Comitiorum Rogatorem honorifice sic compellant: *Insignis Domine Orator, Senatui Patribusque authoribus hoc expedire Reipublica videtur, ut hoc vel illud consultum* (simul summa rerum capita designat) *legis vigorem habeat, vosq; plurimum rogatos volunt, ut mature, quid opus facto sit, in commune consulatis.* Quo dicto confestim abeunt.

Illi ubi discesserunt, rursus opertis foribus, quid dixerint, Orator domui exponit, & nisi aliis negotiis interim distineantur, sententiam illorum super illa schedula diligenter exquirat. Consimili etiam modo sedens in subscellio quodam eminentiore Orator, ubi ab
 omni-

omnibus spectari possit, scribam suum
 aut ἀναγνώστω verius habet, cui id
 muneris datum est, ut schedas vel in
 ipso concilio propositas, aut eo à Baro-
 nibus ablegatas, renunciaret. siquidem
 utrique domui potestas semper æqua
 conceditur, quod æquum videbitur
 proponere, seu novam legem sciscere
 sive rescindere antiquam voluerint.
 ter diebus per triduum singulis super
 recitatis schedulis consulitur, prius-
 quam ad quæstionem deveniatur. In-
 ter differendum consulendumque ra-
 tio perinsignis in senaculo inferiori
 observatur. aperto capite surgens, ali-
 quid ad rem allaturus intelligitur. ubi
 plures stare cœperint, quem primum
 itetisse animadvertunt, illum præcipue
 audiunt, tametsi alius rogatum, alius
 abrogatum legem venerit. etenim O-
 ratorem quilibet, non alius alium allo-
 quitur, quod præter morem fieret. ab-
 horret quin etiam ab omni consuetu-
 dine, ut aliquem saltem nomine desi-
 gnes, (absque eo quod periphrasi in-
 terdum denotet; verbi gratia, *Quis
 suasisit dissuasitve, hanc vel illam ra-
 tionem adduxit*) cujus partes ipse in-
 firmas. atque ita perpetua oratione &
 non per dialogos interpolata pergis ad
 exitum usque perorando.

Qui semel orationem habuit (utur statim confutetur) eodem die respondere non potest etiamsi sententiam mutare vellet. itaque bis in die circa idem negotium nemini permissum est verba facere, ne ea fortassis occasione solidum diem altercando duo obstreperi consumerent. postero die licet, sed & unica tantum vice. opprobria aut diſteria invicem ejaculari fas non est, id præter usum esse reclamantibus universis. quinimo ipse factum observavi, eum qui verbum immodestius aut concitatus adversus Principem aut Senatum effutiverit, non interdici oratione modo, verum in turrim confestim abripi. unde in tam conferta multitudine & in tanto animorum & voluntatum dissensione haud temere parem sermonis parsimoniam modestiamque reperies. nihilominus blanda comique oratione rationes suas pro eo ac possunt ac res postulat vehementesque instituunt.

A meridie comitia amplius non habentur. Oratori nulla est perorandi potestas. cæterum ubi semel lecta est scheda, quam brevissime simplicissimeque eam enarrat. id muneris ad eum pertinere omnes arbitrantur.

Si populus ratum habuerit, cujus patri-

patricii autores extiterunt, tali subscriptione confirmatur: LES COMMUNS ONT ASSENTÉS. vicissim, si Senatus id ratum habuerit, cujus populus author fuerit, communi calculo contestatur: LES SEIGNEURS ONT ASSENTÉS. quando Senatui Populoque idem non convenit, deliguntur ex utraque domo nonnulli, qui super proposita quaestione disceptent, mutuoque sententias suas exponant. tum postea alter alterius opinioni ut plurimum adstipulatur.

In concilio superiore vota sua pro se quisque facit, atque eorum nomine quorum vices quisque subit. ubi Cancellarius quaesivit, num rem suffragiis tentari velint, post renunciata[m] ter schedulam, PLACET, NON PLACET, assentibus singulis, absque disputatione uberiore prout pluribus visum fuerit, sic pergitur. In senaculo inferiore nulli sive equiti sive municipi electo suffragium suum alteri conferendi jus est. eorum qui praesentes adfuerunt ratio solum habetur, apud quos pars major semper obtinet. renunciata bis (pro more) schedula, scriptis deinde consignata, repetita postea & satis agitata, Orator percontatur, an caput negotii punctis & suffragiis cerni expetant. ubi annuerint, sublata in manibus sche-

dula ait: *Quotquot petitioni adquieverint abnuerintve, clare affirmanto.* tum, quibus arridet legis promulgatio, *ETIAM*; quibus displicuerit, *NON* vociferantibus, è majore acclamatione vel de antiquata lege vel de accepta cognoscitur. quod si adhuc nō satis constet utra pars vicerit, diremptis mox suffragiis, Orator interloquitur: *Qui legem sciendam censetis, descendite, & qui non ferendam, accumbitote.* hinc secernunt se in partes, & pro suffragiorū numero legis postulatio valet aut rescinditur.

Vñ venire interdum solet, ut parte aliqua schedulæ comprobata, super altera dubitatio suboriat, quæ si eximeretur, perpaucos foret habitura adversarios. quamobrem arbitros ex utraque hominum classè, tum qui ferendam, tum qui non ferendam judicaverint, ad colloquia seponunt, qui super ea re amplius cognoscant, quique difficultatem omnem amoveant, & deinceps ejus rei sicuti gesta est formam ad cæteros referant. qui tametsi maxime inter se conspirent, reliquæ domui præjudicium nullum afferre possunt. nam postrema promulgationis vice (arbitrorum consensu haud quaquam obstante) ratum id illi pro libito irritumve habebunt.

Itaque

Itaque hoc pacto fit, ut nulla promulgatio, Decreti, Constitutionis, aut Ediſti Parliamentarii, vim fortiatur, donec utraque domus aſſenſum præbuerit. immo neque haſtenus ſubſiſtit, niſi PRINCEPS ipſe, ultimo conſeſſus die, auguſtam purpuram indutus, & frequentiſſima nobilium corona ſtipatus, Oratore una cum univerſo populi cœtu ad ſeptum accedente, & ſummas gratias ſimul cum Cancellario Senatus Populique nomine referente, pro eo quod tantam Reipublicæ adminiſtrandæ rationem PRINCEPS habuerit, & ad ardua ſtatus univerſi negotia conſtabilienda reformandaque ipſos convocaverit, aſſenſu ſuo confirmet.

Ibi vero Cancellarius regiis verbis Patritiis cæteroque Populi cœtui gratias agit ob fidem induſtriamque in publicos uſus erogatam, quibus, ut quæque fert occaſio, ſe reſponſurum promittit, ſimulque ſe paratum eſſe, qui juſtam animi ſui ſententiam tranſactis in Parliamentaria convocatione negotiis accommodet, quo animam quaſi vitamque ab authoritate Regia & unanimi Regni ſponſione emanantem ſtatuta hauriant. Tum cujuſque Conſtitutionis caput & titulus hac

quasi forma recitatur: *DECRETUM EST, &c. DECRETUM EST, &c.* simulque observatur, quod *PRINCEPS* dicto comprobet. nam in hujusmodi sic ait: *LE ROY* aut *LA ROYNE* *LE VEULT.* habenturque tum consummatae Regni Anglicani Constitutiones, & quam fieri potest opportune typis excuduntur, nisi in eo genere sint, ut apud Romanos, quæ privilegium aliquod cuique privatæ personæ indulgent. solent enim ista exscribi solum & Parlamentario sigillo communiri. Quibus *PRINCEPS* derogatum vult, haud pluribus verbis utitur, quam *LE ROY* aut *LA ROYNE* *s'ADVISERA;* quæ propterea extincta penitus aboli-taque censentur.

Hæc est præscripta supremæ augustissimæque totius Angliæ Curiae forma, cujus autoritate, quod antea monui, cuncta apud nos confirmantur, quæ recensui hætenus. neque alius aliquis modus superest, quo vel vitam, membra aut fundos cujusque hominis Angli quisquam eripiat, nisi aliquid prius in ea causa sancitum fuerit. Nunc age, de partibus seorsim consideratis paulisper, si placet, disseramus.

C A P. I V.

*De Monarcha, Rege Reginaue
Anglia.*

Princeps (quem ego nunc & antehac
sæpius Angliæ Monarcham appello)
REX REGINAVE summam pacis belli-
que denunciandi potestatem habet.
bellum indicit, foedus aut inducias rur-
sum paciscitur, vel suo vel consilii san-
ctioris arbitratu. *Sanctius consilium* è
Nobilibus, Baronibus, Equitibus, Ar-
migerisque, prout libet, colligit, qui in
dies singulos aut quoties necessitas po-
stulat super gravissimis regni negotiis
deliberatum conveniunt, ut deinceps
Principi quam optime consulant. qui-
bus ille si videtur aut universis aut ali-
quibus summa legationum capita ab
exteris Principibus profecta exponit;
litteras ad ipsum aut ad eos qui ipsi sunt
ab epistolis suis ablegatas communicat;
in utrisque quicquid tacitum vult apud
se solum retinet, tametsi interim sa-
cramento consilarii obligentur, quot-
quot in illum cœtum cooptantur. Qua
in re absolutissimum est præ Veneto-
rum ducatu aut Lacedæmoniorum
principatu hoc Regnum Angliæ.

Militiæ quoque & in castris Prin-
ceps absolutam potestatem nullis le-

gum repagulis coërcitam habet. eius placita vim legis sustinent. sine aliqua processus judiciarii formula, hos morte mulctare potest, illos pœna; ubi quid deliquerint, corporis quantumlibet castigare. Usurpari quoque interdum ista suprema autoritas solita est, antequam belli facies se aperuerit, in subitis nimirum rebellium motibus, sed bonis & cordatis viris parum approbata, qui malum talis exempli exitum animo prævidentes, lege potius quam armis litem decerni voluerunt. Absoluta hæc potestas *Castrensis* appellatur, quia semper fuit eritque apud militum turmas oppido necessaria. nam quid facias obsecro, ubi tempus locisque, telæ judiciaræ moram non ferunt, & ejusmodi se exhibet negotium, quod vindictam flagitat, ut miles debito obsequio cultuque contineatur? absque quo rem Imperatorum quisquam haud magni momenti unquam perficiet.

Ab autoritate principali pendet publica monetæ æstimatio, quæ ejus imagine tituloque excuditur. forma, pondus, argenti puri aut impuri fusio, ad nutum etiam solius Principis spectant. nam cui tandem plus quam Principe fidem populus adhibeat, quan-

quando pecunia signata metalli pretium & pondus nata est demonstrare, quod effigie ipsa & nota Principis satis indicatur? quod si populum dolo circumvenire, & pro auro aut argento aurichalcum exhibere, aut supra justum pretium nummos augere velit, ipse fallitur, dum alios per fraudem decipere machinetur. eadem quippe ratione census & redditus suos refundunt, & illum denique ad cariorum annuam adigent, sic ut debito talento inæqualis proportio compensetur necesse sit. est enim recta & definita inter copiam & egestatem rerum habitudo, quemadmodum in pecuniis ipsis.

Cætera mensuræ genera sive aridorum sive liquidorum, non edicto Principis, sed Senatusconsulto Parlamentario conformari aut mutari consueverunt.

Potestatis Monarchicæ leges relaxandi jus est, ubi æquitatis benignitas moderationem patitur; quin & gratiam pœnæ in delictis faciendi, ubi ad fiscum res spectare dignoscitur. cæterum in actionibus publicis aut popularibus, ubi inter Principem & delatorem per partes multa adjudicatur, suam duntaxat remittit. quando actio criminalis per viam inquisitionis intenditur

(quod hodie *ad instantiam Principis* dici solet) sub hujusmodi formula reo condonatur, *modo stet rectus in Curia*, id est, *dummodo delinquenti in posterum nullus objiciat aliquid*. quo fit, ut, quamvis indulgentiam à Principe nactus fuerit, si ramen is qui damno affectus fuerit personam accusatoris sustinere voluerit (Anglice vocatur *the Appeale*) quod in quibusdam casibus admittitur, impunitatis concessio nihil conducat.

Abs donatione Principali emanant primaria & suprema *Officia & Regni Munera*, tam ad judicia, quam ad dignitatem, sive ad clerum denique aut populum spectantia. quinetiam decimas & primitias proventuum Ecclesiasticorum Princeps percipit: exceptis Academicis, & collegiis quibusdam.

Formulae etiam omnes, sive brevias sententiarum executiones, mandata, & regio nomine proficiscuntur.

Et in Anglia (sic loquimur) subditorum vita & membra ad solum Regem pertinent. id si explices, perinde est ac si dicas; jurisdictio modica ne dum maxima cuiquam præterquam REGI competit nemini. indeque opinor natum, quod quoties pro vita aut membrorum mutilatione aliqua causam in
judici

judicio dicimus, *coronæ jura* tractare perhibemur, quando in alterius nomine, quam qui coronam regni gestat, talia fieri nullo modo possunt.

Similiter ignoscendi potestas Principum nostrorum est peculiaris, tametsi anteaſtis temporibus Palatini Comites quidam, Cestrensis, Dunelmensis, Elyensis, & limitanei VValliæ Reguli, hoc ad se jus attraxerunt, quorum potestas hodie omnis evanuit.

In Principis peculio tutela pupillorum pupillarumque est. Neque ejus injussu nuptias contrahunt, qui fundos fiduciæ contractæ nomine concessos ab eo in capite (ut cum Iurisconsultis loquar) occupant. Præterea custodia idiotarum morbique vitio insipientium omnium ad ipsum pertinere dignoscitur. Hoc per consensum trium ordinum in Comitibus Parlamentariis semel impetratum, (tametsi mali non nihil in rempublicam invexisse adeoque ab omni ratione alienum esse existimatur) regnique imperiali diademati connexum, dissolvere tam quisquam potest, quam clavam è manibus Herculis extorquere; justeque administratum non hercle video quid secum afferat incommodi.

Superfunt etiam hujus ordinis consimilia

similia jura privilegiaque, quæ *Regalia* appellantur, quæ in codicibus Iureconsultorum nostrorum uberius referuntur.

Atque (ut rem conficiam) vita, caput, & autoritas in principe est omnium, quæ in republica Anglicana geri solent: neminique major cultus aut reverentia, quam *ANGLIAE REGIBVS* exhibetur. Eum nemo alloquitur, nisi in genua procidens: nemo inter epulandum in mensa ministrat, nisi sub specie adorationis quasi: omnesque regni incolæ coram eo capita aperiunt. immo in *Camera præsentia*, ubi augustum curule collocatur, nullus ambulare, nullus (etsi absente REGE) ibi loci permanere, nisi nudo capite unquam audebit, præsertim regni subditus. nam exteros advenasque pro more gentis suæ facile excusamus; id quod ab humanitate nostra profectum est.

Additamentum.

Secundus à Rege est filius ejus primogenitus; qui veteribus Anglo-Saxonibus *Ætheling* & *Clyto* dicebatur. Post Normannicam victoriam primus nullus certus titulus fuit attributus, quam *filius Regis*, & *primogenitus Regis Angliæ*: dein Eduardus I, filium Eduardum.

dum *Principem Walliæ & Comitem Cestræ* dixit; Eduardus porro II Eduardum filiolum decennem *Comitem Cestræ & Flint*; qui regno potitus filium item Eduardum *Cornubiæ Ducem* creavit: (Ex quo tempore primogenitus Regis Cornubiæ Dux natus censetur:) pauloque post, eundem *Principis Walliæ* titulo solemni investitura adornavit. Ex hoc successores Regni destinati Principes *Valliæ* nuncupati fuerunt. Donec tandem, Anglia & Scotia in unum coalescente, Iacobus Rex Henricum filium *Principem magnæ Britanniæ* appellaret.

C A P. V.

Quibus in rebus respublica à se maxime invicem distent.

POSTquam igitur de Parlamento satis disseruimus, in quo omnis regni vigor, hoc est, REGIS, Senatus, Populi-que, repræsentatur, deque REGE ipso, anima nimirum, & summo Reipublicæ gubernatore; jam, quemadmodum ab hoc fonte emanet in cæteros artus vis & potestas ad rempublicam in diversis partibus bene temperandam, opportunus hic est (ut mihi videtur) enarrandi locus.

Principio rerumpub. omnium commune

mune est, ut quinque potissimum in rebus vel sibiipsis convenient, vel cum aliis comparatæ dissideant. I. in legibus nimirum sancendis. II. in bello gerendo aut in fœderibus cum hoste feriendis. III. in censu publico procurando. IV. in magistratibus creandis. V. & in justitia denique administranda. Primum tertiumque ab ipso REGE in Parlamento, secundum & quartum ab ejus absoluta solum authoritate peragitur. Superest ut quintum explicemus.

C A P. VI.

Tres esse judicii formas in Anglia.

EX usu patrio & Angliæ consuetudine invaluit, ut tribus potissimum modis sententiæ quæ summum controversiæ finem imponunt pronuncientur: in comitiis Parlamentariis, in certamine singulari, & in juridicis conventibus.

C A P. VII.

Judicium Parlamentarium.

MODUS sententiæ in Parlamento ferendæ, sive inter privatos sive Principem inter & privatum, sive civiliter agatur sive criminaliter, super hereditatem an super feudum lis oriatur,
ne

ne latum quidem unguem ab ea, quam modo dixi, ratione discrepat. nam litis summa paucis in schedula comprehensa, ter in domo renunciatur, cui Senatus Populusque assensum præbent, denique ultimo accedit adstipulatio Regia. Cæterum rara est hujusmodi schedularum, ut illic transigitur, adprobatio. nam augusta illa Patrum Municipumque corona, quum multis gravibusque regni negotiis avocetur, privatorum litibus & controversiis haud lubenter vacat.

C A P. VIII.

Judicium ex duello.

DVellum nunc dierum non admodum frequens est, partim refragantibus Papa cleroque, & tanquam sceleratum quid execrantibus, (quibus elapsis retro seculis, clientelam obsequiumque diu exhibuimus) partim quoniam, ut sermo, sic mores, judicarii processus figura, quæque in judiciis adhiberi solent, hoc habent, ut cum tempore indies commutentur. sed tamen in desuetudinem penitus abivisse, nondum potui intelligere, & propterea emortuum non sentiet esse, ubi quis efflagitaverit. Forma in Britoni Commentariis refertur.

*Judicium inquisitionis sive duodecem-
viratus: de tribus partibus ad ju-
dicii constitutionem per-
tinentibus.*

PRiores illæ duorum judiciorum spe-
cies absolutæ plane sunt, neque per
appellationem rescinduntur, quemad-
modum neque ea, quæ per judices in
conventibus suis explicatur. quando-
quidem vero judicandi forma, qua hic
in Anglia utimur, non parum ab ea est
diversa, quæ vel in Gallia, Italia, cate-
risque locis, ubi civilia Romanorum
jura vigent, usurpantur; non abs re a-
lienum fuerit, extra propositum nego-
tium aliquid adjicere, quo quæ à me
dicentur postea facilius intelligantur.

• Actiones Anglice *Pleas* appellamus,
& parum Latine *placita*, nomen ex abu-
usu trahentes. nam eam demum sen-
tentiam, quæ rem universam definit,
multo verius *placitum* aut *ᾠρεσιον* di-
xeris. quod Galli recte intelligentes,
suprema judicium suorum decreta sua
lingua *arreste* aut *arrest* vocant. sed
nos actionem ipsam *placitum* dicimus,
non sententiam; & *placitare* satis in-
eleganter pro agere aut litigare.

Sed duorum, qui in omni judicio
solent

solent contendere, alterum actorem, & in causis criminalibus (si accusatorem se profiteatur) *partem appellantem*, ipsumque accusationis negotium *appellationem* dicimus: alterum, (qui excipit) *reum*, & siquidem criminis alicujus arcessitus fuerit, *captivum*: neque enim alia ratione licebit cuiquam causam agere, nisi prius se *captivum* dedat. Iudex apud nos *Iudge* dicitur. Sed tamen eos, qui sententiam capitalem pronunciant, quique reum aut absolvent aut condemnant, iudicum nomine non insignimus, sed duodecemvirum; qui mos etiam in negotiis civilibus juxta ac criminalibus peræque observatur.

C A P. X.

De Actionibus.

ACTIONES, aut verius accusationes, *Cōrona Placita* vocantur, suntque ejusmodi omnes, quibus vitæ periculum aut membrorum damnum cuiquam intentamus: & si rem ipsam altius introspicias, haud vanum nomen illis inditum reperiēs. Etenim, si apud te cogites, atque in animum tuum inducas, vitam corpusque tuum in arbitrio & potestate principis legumque esse posita, quoties sit ut subditorum

N

ali-

aliquis vita spoliatur aut male mulctatur, protinus ipse REX damno afficitur, & justam habet inquirendi causam, quo pacto subditus ad id infortunium devenerit. rursus, quoniam sollicitudini Principis incumbit, ut rempublicam sibi concreditam bene regat, vitam opesque subditorum tueatur & defendat. qui contra fecerit, & per vim pacem interturbaverit, in commissum incidit: ideoque ubi quis ex sententia duodecemvirum sic deliquisse censetur, tum ad Principem res spectare incipit; & quisquis pro captivo causam dixerit, increpabitur, tanquam qui adversus Principem perorasset. Nihilominus captivo permissum est, ut omnes rationes & exceptiones afferat, quæ ad causam suam sustinendam maxime valent: dumque pro se agit, attente benevoleque interim audietur. sed ubi alicujus criminis reus postulatur, patronum aut defensorem (quem tamen in civilibus negotiis, utputa pro fundis, censu, jure aut possessione, etiam adversus Principem, litigans foret habiturus) nullum conducet.

Actiones civiles bifariam dividunt. nam in rem vel in personam intenduntur. *Personales* sunt contractus, injuriarum actio. *Reales* aut possessionem
attin-

attingunt, aut possessionis tuendæ gratia inventæ sunt aut *in ipsam rem* quas nos *juris formulas* appellamus. nam quod ex jure Quiritium actio formulaque patrio sermone *Writte* dicimus, morem Græcorum etiam in hoc imitati, qui verbum verbo reddentes nominant *νομοφύλας*, id nos *breve* sed invenusto vocabulo nuncupamus. & veluti veteres illi Romani, actiones alias ex jure Civili, ex jure Prætorio alias (Prætor siquidem dabat actiones & formulas actionum) derivabant: ita apud Anglos consimilis plane est mos. est enim ubi è *Cancellaria*, est ubi è *Curia communium Placitorum* & *subsellis regis* desumi soleant.

C A P. XI.

*De præcipuis Tribunalibus
& Curis.*

Historias veteraque Regni monumenta non incogitanter perlegenti occurrit, curias & fora antiquitus, Regum præsertim, à *Gulielmi Rusi* temporibus aut non ita multo post semper in Comitatu fuisse. quod ubi molestias sumptusque populo creasset, Senatusconsulto decretum est, ut judicia loco fixo stabilique dehinc celebrarentur, longoque tempore in *aula West-*

monasteriens haberi consueverunt, quam ille Palatii sui aulam exædificaverat. ibi Tribunalia visuntur tria. ad dextram, ubi limen ingressus fueris, *Curiam communium Placitorum* aspicias; illic civiles causæ perorantur. hinc ubi ad extremum perveneris, *subsellia regia*, in quibus negotia criminalia quotidie tractantur. lævaque inde supremus Angliæ Cancellarius sedet, archivorum regis custode cinctus, cæterisque Romanæ jurisprudentiæ Antecessoribus Cancellariæ magistris; Latine fortassis haud incommode *Assessores* interpreteris.

C A P. XII.

De temporibus, in quibus jus dicitur: de Cancellario Angliæ & Cancellaria.

Svbnasci potest interim prima dubitatio, quomodo Anglia universa in maximam longitudinem latitudinemque protēsa, tot Comitatus provinciasque in se complectens. coram tribus Tribunalibus negotia sua possit expedire? altera, quum *subsellia regia* in causis criminalibus cognoscendis, *communiumque Placitorum Curia* in civilibus agitandis exerceantur, quis reliquus sit Cancellariæ locus?

Quod ad priorem quæstionem attinet,

net, eo magis videbitur difficiliore enodatione perplexa, ubi fora non semper, immo neque per anni trientem aperta dixerō. cæteris enim civitatibus & rebus publicis ad forum judicialeque (unas ferias, messē vindemiamque, si exemeris, aut urgentem aliquam per quam recludi ea necesse sit occasione, quod *Iustitium* appellant) patentibus, contra apud nos rarissime aperiuntur. id quod quatuor duntaxat anni vicibus (quas *terminos* appellant) fieri consuevit: circiter decendium à festo Michaëlis per v aut ad summum vi septimanas: elapso ab ipsis natalitiis mense, hebdomadas iii: diebus xvii à festo resurrectionis interjectis, tres septimanas & dies residuos: ultra sextiduum denique aut septiduum plus minus à sabbatho Trinitatis, duas septimanas & dies reliquos. extra hanc descriptam temporis periodum nulla est vel causas dicendi vel actiones in quenquam intendendi præbita consuetudo. Hoc per exiguum temporis intervallum, & ad unum locum destinatum, populo perquam injuriosum videatur, qui justitiam tam lente exhibendā sine gravissimo dispendio expectare non potest. Huic ego objectioni deinceps accuratius respondendum statui. interea loci

N ; respon-

respondum illud Catonis obstrepentibus os obturavit, quod ille roganti cuidam, ut fora perinde ac theatra linteo velamine contegerentur, quo actores rei que causis commodius absque sanitatis suæ præjudicio (Solis quippe radiis in capita eorum Romæ ferientibus) perorarent, *Nequaquam vero*, inquit Cato. *nam quod me spectat, optarem potius, ut qua ad forum iter est, ferreis muricibus inductum esset, ut ferramenti illis acuminatis tam dolerent pedes quam caloribus ardeant capita: Ociosos nimirum eos arbitratus ardeliones, & reipublicæ infestos, qui contentionibus adeo studerent. nam qui laboribus & paci se darent, lites domi magis vicinorum & cognatorum arbitrio extinctas mallent, quam pecunias suas procuratoribus & advocatis (quos nos legum consultos & servientes dicimus) impendere. eos ille cives reipublicæ utiles duxit, qui domesticis negotiis invigilant, non qui formulas sectantur, & texendis litibus incumbunt, homines quantavis miseria & incommodo digni.*

Ad alteram de Cancellaria propositam quæstionem sic habeto. Leges nostræ, quæ jus patrium sive municipale dicuntur, quasi jus civile dicas,

cas, ἀκερβόδιχαίᾳ, quod jus summum interpretamur, nituntur; earumque ἀξιώματα ita rigide sumuntur, ut à vocum tenore discedendum non putent. quocirca uti illud auxilio Prætoris indiguit, qui jus summum moderari potuit, actiones ubi deficiebant concedere, pro re nata scriptæ legis duri-
 tiem mitigare, exceptiones metus, doli mali, minoris ætatis, veluti remedia suppeditare, æquum bonumque conservare: ita idem est Cancellariæ nostræ munus & officium: & eandem prorsus auctoritatem, quam Prætor ante Cæsaris ætatem habuit, obtinet. & actionem in Curia Cancellariæ exhibenti (enarrato prius quod perpeffus est incommodo) perinde atque in foro solemni succurritur. quoniamque omni ope ex præscripto legum municipalium destituitur, Cancellario humilem in modum supplicat, ut secundum quod æquum bonumque videatur ei prospiciat. ideoque Cancellariæ Curia apud vulgus, *conscientia Curia* audit. neque enim Cancellarius præduræ verborum in legibus structuræ astringitur, sed ex æquo & bono & ex arbitrio boni viri iudicat. atque in hoc foro vulgaris agendi causas forma in usu non est, sed ex scripto, quemadmodum in

aliis etiam regionibus & secundum jus civile: neque duodecemvirum sed testium fide res examinantur. Hinc emanant quasi ab ipsa Principis persona *Brevia* quæ vocantur *Originalia*, quorum forma modusque copiose in codice *de natura Brevium* declaratur. hinc delegationes, diplomata, indulgentiæ, inquisitiones. Huic foro præsidet Angliæ Cancellarius. Adseßores sunt archivorum custos, & vi magistri Cancellariæ, qui plerique omnes Doctores sunt juris Civilis, &c.

C A P. XIII.

De iudicibus, formaque jus dicendi reddendique apud populum Anglicanum usitata.

E Numero Iureconsultorum aut ad legem servientium (causidici vocantur aut advocati) duos doctrina, ætate, prudentia & usu rerum spectatissimos REX eligit, (quorum alter justitiarius principalis *Regiorum subseßiorum*, communium *Placitorum* alter) cæterosque ad numerum usque senarium & interdum supra, qui à Principe honorarium habent. Fastis diebus, & distinctis subseßiis discumbunt. ibi de omnibus negotiis quæ coram afferuntur cognoscunt: & in civilibus, utpote in causa pecu-

pecuniaria, fundo, possessione, scripto partim, partim advocatorum concertatione eo usque proceditur, donec causæ jugulum petatum fuerit, quod Latini *statum causæ* (contestationem litis non intelligo, sed, uti apud Rhetores, constitutionem) nos exitum causæ dicimus: siquidem ibi locus est, ex quo omnis exit quæstio; consimilem plane in modum, atque aqua arcto vase conclusa inde per foramen exilit. illum punctum si dextre tetigeris, dicto citius tollitur omnis conflictatio. Duplex autem est statuum genus. alterum in factis, in jure alterum cernitur.

C A P. XIV.

De subselliis Regiis.

SUBsellia Regia (vulgo *Bancus Regius*) ex eo sortita sunt appellationem, quia ibi ipsi Angliæ REGES sedere consueverunt; causæque omnes Coronam attingentes, quæque ad instantiam REGIS fiunt, ibi expediuntur. In hoc foro judicat principalis Angliæ iustitiarius una cum reliquis adfessoribus & collegis suis, &c. qui plerumque quatuor, aut paulo plures, prout Regi visum fuerit.

De Curia actionum civilium.

Communium Placitorum Curia, in qua disceptantur privatorum hominum lites ex quacunque juris nostri parte natae, idcirco sic dicta est, quia exactae legum municipalium administrationi subservit. Ei foro principalis (ut loquimur) iustitarius, (vulgo Capitalis iustitarius communium placitorum) una cum tribus adfessoribus praest. Servientes ad legem, quorum est pro REGIS arbitrio major minorve numerus, omnes sacramento obligantur ad praestandum operam & consilium consultoribus suis in hac Curia litigantibus. ET CAETERA.

C A P. XVI.

De quaestione duplici { facti & juris.

SI quaestio juris existat, id est, si utraque pars litigantium super facto conveniat, asseratque ita ad se rem pertinere, ut in ea semper jus suum persequi cupiat, tum in iura a Demeurer sive ἀποείη dicitur. ubi, si anceps aut perplexa ipsis iudicibus quaestio videatur, ut in scaccarium veniat disceptanda, judi-

judices eo conveniunt; eorumque responsa & decreta legis vigorem obtinent, ac pars adversa in perpetuum causa cecidisse judicabitur. quod si inter *servientes ad legem* aut causidicos in dicendo jure quæstio aliqua non perinde difficilis emergat, tum judices (de quorum peritia non ambigitur) procedendum esse monent. quod si in eadem porro salebra hæserint, & nequicquam progrediantur, intentata actione excluduntur, reusque impune discedere permittitur. atque hoc obtinere solet, quoties super aliqua in jure controversia oritur dubitatio. imo etiam obtinet, si super jure nulla suboriatur quæstio, ubi secundum materiam in libello, exceptione, replicatione, triplicationeque contentam, judex negotium confestim expedit. & moris est, ut in facto, quod negari non potest, ambo consentiant. nam si factum aliquod infectum esse inficiatur: verbi gratia, quod tale aliquid non scripserit; quod adversarius ad talem parentem genus suum non refert, per quem rei vindicationem ad se pertinere asserit; aut quod instrumenta talia non sint probatæ fidei; quod sibi prius donatum est tale aliquid quam alteri; aut si alium hujusmodi obicem aliquem objecerit,

quæ

qui actionem possit excludere; reusque super eo litem contestetur (hoc cardo causæ dicitur) moxque ita omnis quæstio in jure subicescat: tum prout super illa facti quæstione Duodecemviri pronunciant, ita litigatorum alterum necesse est causa sua cadere. sic præter morem juris civilis (ubi primum per testes, indicia, torturas, facti veritas exploratur, deinde super jure ab advocatis in foro disceptatur, quorum celebre est axioma illud: *Ex facto jus oritur*) hic in Anglia coram iudicibus de jure primum instituitur disputatio, & omnes fere actiones, sive capitales sive civiles fuerint, eo referuntur, donec tandem ad factum aliquod perveniant; quod ut examen Duodecemvirum subiverit, damnum in causa aut victoria sequitur. Quod si exceptionum copia eorum alter abundaverit, quæ negotium principale perimere possunt, unam è multis seligere eum oportet, quam persequi voluerit: quam nisi plene comprobaverit, aliam deinde non licet iterum proponere; sed victus victori condemnabitur.

Qua quidem ratione ipse, qui in Gallia & alibi quoque gentium, edicta, ordinationes, telam judicariam ab-

rum.

rumpendi causa constituta viderim, hercule sapientius aut justius nondum à quoquam excogitatam invenio. Illis forsitan, quibus modus iste inusitatus est aut inauditus, non perinde complacebit; quare à mea sententia facile discedent. sed perpensa melius re, quin æquissimum judicaturi sint, nihil dubito. Hactenus, qualem in statu juris decidendi modum observamus, docuimus: superest ut quo modo in facti quæstione procedendum sit nunc subjiciamus.

C A P. XVII.

*De Vicecomite, & fisci sive
ararii Curia.*

Romani veteres, ut magistratuum jussa & mandata melius exequerentur, lictores, viatores, accensos suos, habuerunt. jus civile ex eo tempore alios sortitum fuit. sed magistratum aut judicum jussa hic in Anglia plerumq; per Vicecomitem executioni mandari solent. Vicecomitem, qui Comitatus procurationem suscipit, Quæstorem provinciæ interpretamur. ad illum spectat, omnia vectigalia capere, atque acceptorum rationibus in fiscum reddendis teneri. Fiscus Principis aut ærarium publicum (linguaque mihi

mihi plane incognita *Scaccarium*, quod nonnulli primis temporibus *Statarium* dictum autumant) perpetuus & stabilis locus est, in quem censuum & reddituum Principalium, tam quæ ex patrimonio proveniunt, quam quæ aliunde solent obvenire, qualia sunt telonia, vectigalia, decimæ, decimæ quintæ, indictiones, capitationes, &c. referuntur.

Rationibus reddendis præsumt tribunus ærarii, quorum sub imperio *Rationales* constituuntur. sed illi Principem in hoc negotio locum obtinent dicique possunt *Iuridici Rationales*. Anglice Barones de Scaccario appellamus. Inter eos qui præsumt, est Tribunus, aut Iuridicus rationalis primus, aut Baro primarius, una cum aliis sibi assidentibus, Cancellario scaccarii, Camerariis duobus, Procuratore generali. Supremus Angliæ Quæstor, aut tribunus ærarii maximus, cæteris præest omnibus. illi pecunias publicas & thesaurum regium custodiendi cura incumbit. illi plurimi inferiores ministri (quos ipse assignat) in calculis subducendis subiecti sunt, tam in taberna monetaria, quam in ærario &c. Cancellarius proquæstor est, & Curie præsidet. ipsi officarios etiam nonnullos suo arbitratu

tratu constituit. Tribunus ærarii vel Baro principalis de causis omnibus ad hanc Curiam pertinentibus cognoscit, reliquos tres Barones assessores habet. Procurator generalis vel ærarii, quodcunque ad R E G E M jus spectat, tueretur; locationum formulas, petitionum & causarum omne genus, quod in hoc foro disceptatur, recognoscit. Sunt alii præterea procuratores, qui actorum litibus promovendis inservire solent. Supersunt duo monitores, Pipæ (scilicet vocantur) clerici duo, decimarum & primitiarum duo. Monitores archivis ærarii præsunt, decreta & judicum placita tabulis excipiunt. Principi unus, supremo Quæstori deservit alter. Clerici Pipæ (ut vocant) chartas locationum componunt. Illi in se recipiunt rationes Vicecomitis computandas. accipiunt quoque literarum obligationes, aliarumque satisfactionum indices. In loco primitiis recipiendis destinato numerantur ab Episcopis, Decanis, cæterisque viris Ecclesiasticis, quæcunque ex jure primitiæ debentur. Alii etiam officiales sunt, qui pecunias numerant & colligunt. Et quæ in hoc foro tractantur, ejusmodi sunt, quibus multa impingitur: qualia sunt, alienarum possessionum

sionum per vim occupationes, fundorum absque Principis venia alienationes, bonorum publicatorum actiones; & in hac Curia rationes, expensæ, solutiones vectigalium regionum pertractantur. Quorum res hic agitur, in jus per formam citationis, quæ *sub pœna* dicitur, vel per statorem vocantur.

In hac Curia quadruplatores etiam causas suas instituunt, quibus (ubi vicerint) lucri pars aliqua adjudicatur. Lites omnes pro more legum Anglicanarum deciduntur ex Duodecemvirum sententia.

Qui Comitatus procuracionem suscipit, vulgo Latine Vicecomes dicitur, quasi vicarium Comitatus aut Procomitem dicas, capeffens ea mandata & iussa tribunalium judicumque, quæ ipsis olim Comitibus incumbabant, qui Principi in bello deserviebant, aut in famulatu ejus semper adhærebant. ex quo liquido apparet, ad Comites spectasse, ut sententias judicum executioni mandarent, & regia vectigalia in ærarium redigerent. Si quæ animadversio pecuniaria (quæ Latine *multa* dicitur) in hac Curia cuiquam indicitur aut si in solvendo solidum nõ solvitur (Latine *reliqua* dicuntur) Vicecomiti

est, ea fide bona colligere, & in fiscum
 referre. Nam quantum ad ordinarios
 fundi patrimonialis redditus, & sæpe-
 numero indictam populo pecuniam,
 alii sunt qui repetunt, & in ærarium
 rependunt. Nec deest Vicecomiti etiam
 suus vicarius, juris non ignarus, & ap-
 paritores quoque complures, quos *er-*
rantes vocant, qui per integram Pro-
 vinciam, quis cujusque fundus, cujus-
 que nomen & facultates, probe sciunt,
 & ex mandato Vicecomitis ad inquisi-
 tiones citare solent, atque ob eam
 causam ad Vicecomites, qui juris pro-
 prie sunt officiales & ministri, *formula*
 ablegantur. quando super eo an fa-
 ctum aliquid sit necne ambigitur, ad
 Vicecomitem eo loci, ubi fundus est,
 de quo litigatur, formula quæ dicta est
 VENIRE FACIAS, ablegatur. tum eo-
 dem modo, ALIAS, PLVRIES, aut DI-
 STRINGAS. quod si per contumaciam
 citatus aliquis abfuerit, & ob id mul-
 ctatur, Vicecomitis est, bona pignori
 accipere, & in ærarium perducere. neq;
 minus officium ejus est, tam Eirenarchis
 in conventibus, qui singulis anni qua-
 drantibus celebrantur, quam Iudici-
 bus, qui *itinerantes* sunt, adesse, quoties
 in Provinciam ad actiones tam civi-
 les quam criminales expediendas (quod

quotannis bis fieri solet) proficiscuntur; & sicuti carceris custodia penes illum est, ita sicubi capitis damnatus est aliquis, eum ultimo supplicio afficiendum curare.

C A P. XVIII.

De Duodecemviris.

Cujus ordinis & status in republica Duodecemviri sint, à me superius est declaratum. Vicecomes semper xxiv ad comparandum monere solet, ne forte nonnullis morbo laborantibus, aliis justam absentiae causam adducentibus, Duodecemvirum numerus expleri non possit. tametsi enim Duodecemviri appellentur, ut sint xvi, xx, aut integer xxiv numerus, parum refert. pauciores esse quam duodecim nullo modo debent. *Inquisitio* legitimum est per Duodecemviros judicandi genus.

In actionibus civilibus, quæ ex dominio aut contractu aut possessione descendunt; ubi, qui inquisitionem constituunt, comparuerint, uterque litigantium contra quemlibet aut quoscunque voluerit, exceptiones pro libito potest intendere. verbi gratia; quod in prædiorum fructibus usque ad talem summam expendere non poterit, quod

consanguineus est, aut largitionibus & mercede corruptus, aut adversarii famulus, aut denique inimicus, &c. deque integro numero qui supersunt duo, in ceteros censuram & examen exercent. si post interpositas recusationes, tot repudiari contigerit, ut iusta pleneque non sit inquisitio, plerisque in casibus eo die nihil agitur, in aliquibus ex *circumstantibus* impletur numerus. ibi postea jurisjurandi religione obstringuntur ad facti veritatem dicendam secundum probationes in iudicium deductas, & conscientiam suam. tum Iurisperiti, facti speciem aperiunt, & quantum valent in gratiam clientis exponunt. tum depromuntur instrumenta, testes iuramento onerantur: & coram iudicibus testimonium dicitur, non pro more juris civilis, sed publice, ut non Duodecemviri modo aut iudices partesque intelligant, sed qui circumstant universi. premitur mox testis interrogatoriis ab adversario vel causidico propositis, ut hominem pudore afficiant. atque hoc utrumque Cæsarei juris Professoribus novum fortassis videatur. Ciceronem tamen & Quintilianum quisquis consuluerit, non alienum fuisse apud Romanos hunc testimonium perhibendi modum, facile

intelliget. tum ubi satis peroratum est, resque testibus confirmata, iudex sub verborum compendio, proposita à iureconsultis in utramque partem argumenta, Duodecemviris alte à capite repetit, testium dicta commemorat, rursusque facti speciem inculcat. mox hi in Cameram non longe distantem sub custodiam præfecti alicujus ablegantur, & absque potu, pane, & foco tantisper asservantur, donec in eandem omnes sententiam concesserint, unumque aliquem ipsorum Viceoratorem substituerint. confecto negotio iterum redeunt, & quid illis justum videatur, breviter enarrant. Cui res per Duodecemviros adjudicata est, illos in prandio accipere solet. quod unum pro mercede illis elocatur, emenso interdum xx, xxx, aut xl milliarium spatio. Prætereundum obiter non fuit, Duodecemviros omnes ex eodem Comitatu esse oportere, ex eademque centuria, ubi vel fundus, super quo nascitur controversia, est, vel ubi rei est domicilium.

C A P. XIX.

De Centuriis aliisque Comitatus partibus.

Comitatus partes, pro diversa loquentium consuetudine, alias habent

bent appellationes, *Hundredum*, *Lathum*, *Rapum*, *Wapentachium*. Centuria (vulgo *Hundredum*) pars est Comitatus interdum decima, interdum duodecima, decima tertia, decima sexta, vigesima, aut trigesima. quæ ex eo nomen invenit: sive quod centum oppida quævis centuria primo continebat, redacta nunc ad pauciora numero; sive quod centum milites, tum ubi opus erat, Regi suppeditabant. *Lathum* & *Rapum* obsequii esse nomina existimavi. olim namque sub primam majorum nostrorum egestatem, totidem villas convenisse arbitror, ad comportandas domini sui segetes, & in horreum quod a *Lathe* dicitur referendas, aut ad segetem demetendam, quod vulgo *Reape* dicitur. *Wapentachium* è Danorum aut Saxonum sermone emanavit. totidem quippe ex oppidanis in unum locum convenerunt, ubi armorum (Anglice *Weapon*) delectus habebatur; quique idoneis fidejussoribus de probe & pacate in posterum vivendo non satisfiebant, illis arma detrahebantur. *Weapen* aut *Wapen* Anglice telorum genus omne complectitur, mucronem, pugionem, hastam, lanceam, falcem, arcus, calamos. De loci nomine, in quo conscripta est hujusmodi

multitudo, aut ubi obsequia operæque præstari solebant, Hundreda, (Latine *centuria*) Latha, Rapa, VVapentachia, appellantur : quæ principio celebriores (ut credi potest) villæ fuerunt, tametsi hodie (vide quid temporis possit diuturnitas) nullius oppidi vestigium appareat.

Cuique centuriæ sive Hundredo duo assignantur *Constabularii* præcipui, qui in reliquos inferiores imperium aliquod exercent. ab Eirenarchis deliguntur isti *Constabularii*. habet & quæque Centuria Bailivum suum, qui vel per Dominum aliquem (si potestatem obtinuerit) aut per Vicecomitem constituitur.

C A P. XX.

De Curia Baronis.

A Lienum videri potest, quod cum Anglia omnis in xxvi Comitatus, & quilibet rursus Comitatus in centurias, centuria denique in parochias distinguatur, jus tamen uno in loco, hoc est, in *aula Westmonasteriensi* solummodo dicatur, idque statis temporibus vix anni quadrantem attingentibus, adeo ut non temere suspiceris, parum in hoc regno iustitiæ litatum esse, immo injuriis exponi omnia. verum
longe

longe aliter res se habet. nam Populus æquali justitiæ distributioni assuefactus (in quo eadem est divitum & egenorum conditio) resectis quoque judiciarii strepitus ambagibus, neque post latam semel sententiam permissa provocatione, Curias etiam minores habent, in quibus lites exercere possint. in singulis Comitatibus, tribus quibusque septimanis, negotia XL solidorum non superantia Vicecomes ipse, & in centuriis aliquibus Balivi, dirimendi habent potestatem.

Etiam prædiorum Domini pro arbitrato suo id sibi habent indultum, privilegium, ut apud illos in foro suo judiciario, quod *Curia Baronis* dicitur, hujusmodi controversiæ quædam explicantur. ibi, qui Dominum illum agrorum suorum recognoscunt, super facti veritate inquirunt: quæ inquisitio *homagium* appellatur. hi nomina ipsorum, qui ab exitu novissimæ Curie mortem obierunt, quique jure emphyteutico obligati sunt, deferunt, hæredesque, qui loco parentum succedere debent, in Curiam producunt: si qui agri alieni limites interceperint aut intercluserint, hîc denunciantur. habent quoque nonnulla suis legibus sancita, quarum violatio animadversione pe-

pecuniaria in Domini usum applicanda coërcetur. cæterum illis solum his Curiis opus est, qui otium & quietem amant, quique vicinorum arbitrio rem componi malunt quam. (posthabita interim agricolatione) per inextricabiles legum mæandros provolvi. nam liberum cuique esse potest, causam in istis curiis aliquantisper disceptatam, in aulam VVestmonasteriensem promovere. Habent etiam civitates & oppida quædam hoc beneficium, de quibus tamen (si videatur) ad aulam etiam VVestmonasteriensem lites transferri possunt.

Henricus VIII Præsidem, Consiliarios, Iudices constituit. unum VValliaë finibus præfecit, in Borealibus Angliæ partibus Ludlovvi collocavit alterum. quibus in locis negotia quamplurima expediuntur: quæ duæ Curiaë Parliamentis Gallicis quodammodo respondent. quod si majoris momenti negotium aliquod inciderit, ad aulam etiam VVestmonasteriensem, iudicesque illius fori ordinarios, aut pro re nata ad Cancellarium revocari potest. Causæ in his curiis nunc pro more legum municipalium, nunc pro Cancellariæ institutis tractantur.

C A P. XXI.

De die (quem appellant) legitimo.

NON cuius manerio annexa est
ejusmodi curia, quam nos *leete* aut
lavv day, Latine diem legitimum ap-
pellamus, nisi vel Principum gratia, vel
longi temporis cōsuetudine præscripta.
Insignis & exploratæ erga Principem fi-
ducia argumentum, & paucis delega-
tam fuisse potestatem reor, ut obsequii
sacramentum nomine regio exigere, et
fidejussorum nomina capere, qui pro
fide & probitate sua satisfacerent, conspi-
rationes deferrent, pugnas, homicidia
denunciarent, panis cerevisiæque boni-
tatem explorarent, cæteraque mensu-
rarum genera examinarent. Sæpe fit, ut
qui extra limites *Curia Dominicalis* sive
(ut nunc loquimur) *Curia Baronum*
sunt, ut ad Curiam de *Leete* accedant,
astringantur, quod bis in singulis annis
statis temporibus celebrari solet.

Leete & *lavv day* idem valet quod (si
verbum verbo interpreteris) legitimus
aut juridicus dies. *Lavv* apud antiquis-
simos Saxones *Lant* aut *Lag*. indeque
per corruptelam loquentium factum est
leete, subintellecto vocabulo *day*. quod
& nos in hodiernum usque diem reti-
nemus, & conjunctim pronuntiamus.

C A P. XXII.

Quemadmodum in causis capitalibus judicium instituatur: deque Eirenarchis.

OPeræ pretium erit, priusquam de rerum capitalium judiciis aliquid afferamus, de tribus potissimum personis, *Eirenarchis*, *homicidii Quæstore*, *Constabulariis*, verba facere.

De minorum majorumve gentium nobilibus, id est, Ducibus, Marchionibus, Baronibus, Equitibus, Armigeris, Generosis, Iureconsultis, spectatæ virtutis & prudentiæ ergo, quique intra Comitatum incolunt, Eirenarchæ deliguntur. & interdum primores quidam è nobilibus, honoris gratia, non per unum aliquem Comitatum, sed per universam Angliam ad id munus nominantur. id tamen omnibus peræque est commune, ut pro Principis beneplacito (sicubi commodum videbitur) à potestate possint submoveri. Rariores ab initio fuisse constat, utpote intra Comitatus ambitum, nunc quatuor, octo deinceps, amplificatis demum facultatibus, doctrina administrationisque laudibus perinsignes, xxx aut xl. quod si in ampliorem aliquando numerum excresecant, qui reipubl. negotiis tractandis incum-

incumbant , equidem quid in eo inſit incommodi, non intelligo. Inter hos in eadem delegatione nominantur nonnulli, qui ob ſingularem iis fidem conceditam, in numerum *de Quorum* reponuntur. adeoque conſtitutis mandato Principis XL aut xxx Eirenarchis, quosdam præſtantioris notæ de numero *Quorum* adhiberi neceſſe eſt. Delegationis forma talis eſt. *Quorum nos* A.B.C.D.E.F. unum eſſe volumus. Eirenarchæ ad furum, latronum, erronum injurias compescendas , conſpirationes, vim, congreſſus illicitos, cæteraque id genus maleſicia coërcenda deſignantur. penes illos poteſtas eſt, (quoties illis ſupplicatum fuerit) pacis reiꝑ; publicæ perturbatores in carcerē conſiſcendi, Conſtabulario aut Vicecomiti mandandi ut eos deducant, Ergaſtulario ut cuſtodiat & in conventibus juridicis ſiſtat. conveniunt quater in annos ſingulos, id eſt, quolibet anni quadrante ſemel, ut in maleſicia & crimina ſtellationatus diligenter inquireant. Vicecomitis eſt, aut ſaltem vicarii ipſius, quatuor inſiſtiones xxxiv virorum ingenuorum (nam ex xxxiv inſiſtione nunc conſtat) centuriatim colligere, & unam inſuper è ſingulis, quæ inſiſtione grandis dicitur , per univerſum
Comi-

Comitatum cogere. hi postquam con-
 venerunt, jurejurando adiguntur ad
 inquirendum in hæreticos, proditores,
 latrones, sicarios, homicidas, raptores,
 monetæ adulteratores, repetundarum
 reos, catervas & illicitos congressus,
 possessiones per vim adquisitas, ludos
 vetitos, cæteraq; quæ reipublicæ pacem
 inturbant. Si quem culpæ obnoxium
 cognoverint, ipsi ultro deferunt: sin ab
 aliis defertur, caput accusationis ab Ei-
 renarchis pro tribunali sedentibus pri-
 mum relegitur, ut ex eo melius intelli-
 gatur, an præscriptæ juris formulæ re-
 spondeat necne. tum uni ex inquisito-
 ribus istis traditur. quique in alterum
 paratus est dicere, statim à præstito ju-
 ramento documenta subministrat, qui-
 bus illum reum peragere conatur. quod
 si illis super veritate criminis objecti
 constiterit, hoc unum dorso schedulæ
 adscribunt. *Billa vera*, hoc est, scriptum
 verum, aut *accusatio justa*, aut *reus est
 qui accusatur ibi*. qui sic arguitur, dela-
 tus aut in judicio postulatus dicitur.
 forma accusationis talis est, *Inquiratur
 pro domino Rege*. Si de crimine non sa-
 tis evidenter apparet, adversa parte
 accusationis inscribunt, *Ignoramus*.
 eamque Eirenarchis dilaniandam tra-
 dunt. qui sic arguitur, statim evadit
 non

non damnatus. Quod si in hunc modum postulatus fuerit, nec dum in carcerem coniectus, Vicecomes ipsum statim inventum custodiis asservari jubet: si non offenderit, per præconem edicitur, ut actutum sese dedat, alioqui proscriptione mulctandus. sic trina vice promulgatione facta, quarta exactus aut actus in exilium, bonis omnibus propter contumaciam relegatus spoliatur. quæ tamen sententia per benignitatem Regum interdum mitigatur, si vel ipse postea in judicio se stiterit, vel causam absentię verisimilem afferre potuerit. Conventus Eirenarcharum isti quater in annos singulos indicti, *Trimestres Sessiones* appellantur aut *Inquisitionum Sessiones*. nam inquirunt solum, & fontes, nisi quod custodiæ mandantur, nullum hic supplicium subeunt. atque talis reos in jus adducendi modus *ad Instantiam* R E G I s nuncupatur, Rege nimirum actoris, & captivo rei partibus defungente. Sæpe etiam ex jussu R E G I s Eirenarchæ conveniunt: ut si bellum ingruat, videant ipsi, ne quid respublica capiat detrimenti; interdum ut militum copias conscribant; interdum ut stipendiis artificum & operariorum immodicis aliquid detrahant; interdum ut cultum nimium luxum.

luxumque in vestibus cōhibeant, prohibitos ludos reprimant, sceleratorum in tabernis cerevisiariis conventus circumscribant, erroneos castigent, & ut uno verbo absolvam, quicquid è republica fuerit ut procurent. Sub æstatem sæpenumero (nam illo potissimū tempore plebs incomposite & incondite tumultuatur) articulos quosdam de sanctionibus, per quas multa delinquentibus irrogatur, Princeps simul cum consiliariis seligere solet, & ad insolentiam vulgi refrenandam apud Eirenarchas deponit. qui re mature deliberata pro se quisque in partes regionis sibi demandatas regii mandati perimplendi causa secedit. post aliquod temporis intervallū congregiuntur iterum, Principemque certiozem super istis negotiis faciunt. nullibi (quod ego credo) gentium, suaviorem, sapientiozem aut benigniorem gubernandi viam mortales excogitarunt, per quam ratio initur potius ne subditi peccent, quam ubi peccaverint ut puniantur. nam ubi primariis optimisque hanc potestatem conceditam vident, qui quid facto opus est ipsi suggerunt, & si res tulerit, delinquentes denunciant, debitoq; supplicio afficiunt, ut injectum nimis ipsorum licentiæ frenum facile tum intelli-

gant,

gant, terror in omnes, pœna in paucos venit, simulque pristinus legibus splendor denuo accedit cum perpetua incompositæ multitudinis moderatione. Cæterum quemadmodum incomparabili reipublicæ bono accidit, si tam salubre inventum re ipsa usurpetur; ita si contemni aut dissimulari cæperit, & pro forma tantum adimpleri, atque (ut Galli loquuntur) *par maniere d'acquiescit*, præsentem reipublicæ ruinam, tamen si primum non intellectam, secum afferet. cujus quidem culpa, si negligatur, tam ad eos qui præsumunt quam qui parent (ad illos, si delectum optimum non adhibeant, ad hos, si præcepta protinus non exsequantur) pertinere potest,

C A P. XXIII.

De fontis infecutione.

Pervetusta Anglorum lege sancitum est, ut si aliquis damnum ex furto passus, aut qui ipsum spoliatum viderit, fontem per acclamationem insequatur, Constabularius ejus villæ, cujus opem implorat, auxilia ciere furemque perquirere debeat; quod si furem illic non deprehenderit, in proximam commigrare, & Constabularium ad ferendas suppetias iterum invocare. itaque oppi-

oppidatim per acclamationem istam
tantisper furem persequuntur, donec
ipsum prehenderint. Parœcia, si quæ
diligentem operam in perscrutando
non adhibuerit, sed evadendi copiam
furi concesserit, Regi multam pecu-
nariam persolvit & spoliato damnum
resarcit. unde lictoris munere quivis
Anglus defungitur, & quisquis segnem
aut minime diligentem operam adhi-
buerit, non famæ modo verum etiam
pecuniariæ animadversionis periculum
adit. In furem sic deprehensum quem-
admodum statuatur, ipse postea subji-
ciam. Homicidium eodem modo inse-
ctantur. Quamprimum coram Eirenar-
chis fontes adducuntur, examini sta-
tim subjiuntur. Ipsam examinatio-
nem aut confessionem literis excipiunt:
syngraphaque obligant spoliatum aut
Constabularium, quotquot testimo-
nium aliquod perhibere possunt, ut
reum in proximis juridicis conventi-
bus accusent. ad quod præstandum x,
xx, xxx, xl, c librarum multa, pro
cujusque qualitate tenentur. idque
ipsius Eirenarchæ manu consignatum,
nisi comparuerit, ad multam exigen-
dam sufficit.

C A P. XXIV.

De Homicidii Quasitore.

QUod si virum, fœminam, puerum-
ve per vim trucidari contigerit, la-
tente adhuc homicida, antequam ho-
micidii Quasitori facta sit videndi ca-
daver copia, nemo illud sub terram au-
det recondere. Quasitor homicidii ex
minore nobilium classe solet deligi, ab
legum peritia non plane alienus. tum si
per vim interfectum, sive cultello, ve-
neno, fune, submersione, incendio, suf-
focatione, aut alio quovis demum in-
fortunio, ante adventum Quasitoris ho-
micidii sepeliverint, (quod nemo ho-
minum audet) exhumandum statim &
examine subjiendum curat, indeque
Duodecemviros virtute juramenti co-
git, ut, qua ratione tam lethale periculum
defunctus adiverit, ipsi pronuntient,
quis aut perpetrarit, aut modum faci-
noris subjecerit. In angustias loci reclu-
di isti non solent, sed pro libito exspa-
tiantur, quinimo post xx aut xxx die-
rum spatium, prout facti veritas incla-
rescit aut obscuratur, sententiam dicunt.
ex quo interdum mortuum seipsum
interfecisse, interdum fratrem, mari-
tum, uxorem, sororem, familiarem aut
externum (justitia divina id regeunte)

P

per-

perpetrati homicidii reos esse innotescit. Quisquis hujusmodi suspicione laboraverit, carceri confestim mancipatur: valetque in vim inquisitionis sic prolata sententia. Modus cogendi Duodecemviros, cadaverq; defuncti à Quæsitore quem *Coronner* appellamus inspicendi, sententiæque proferendæ, in publica platea solet peragi, & in *Corona Populi*. sed ego inde nomen *Coronatoris* Quæsitori inditum æstimo verius, quoniam cujusque subditi mors & internecio ad *Coronam* spectare intelligitur, Rege nimirum robur suum, potentiam, coronamque ex virtute populi sui colligente.

C A P. XXV.

De Constabulariis.

Constabularii, qui custodes pacis apud veteres legum nostrarum libros appellantur, majore olim quam nunc dignitate fuerunt. quibus (ut credi potest) par fuit cum Eirenarchis dignatio atque authoritas. Si qui tumultum aut turbam excitent, rixantibus interminantur ut ab armis desistant, pacemq; regiam colant: renuentibus opponit se effusa multitudo, atque eos in ordinem per vim redigunt. Similiter Constabularius etiam, si quis furti, homicidii

micidii, sicariatus, suspectus fuerit, eum deprehendere & (quod plus est) in ædes alienas intrare potest, ut fontem inquirat, atque, si illi videbitur, sub numellis aut custodia retinere, donec corā Eirenarchis examen subiverit. Quoniam vero quævis villulæ plerumq; duos habent Constabularios, qui de numero artificum & operariorū ad id munus eliguntur, qui neq; rerum usu neque scientia neq; autoritate valent, hanc omnē potestatem in manus Eirenarcharum resignant, quorum mandata tantū exequuntur. nam quoties furti aut cædis aliquis insimulatur, quoties servus auferat vitamq; inertem vixerit, ut in illum suspicio mala conveniat, mox ad Constabularios rescribunt Eirenarchæ, præcipiuntque ut illum ad se adducant; quorum imperium ipsi non defugiunt: ejus vita postquam probe est ab Eirenarchis excussā, in potestatem Constabulariorum iterum redditur, inde in carcerē ablegandus, & cōventibus juridicis damnandus aut plane absolvendus. Constabularii isti (qui Anglice *Headborovves* & alibi *Thitingman* vocantur) illis non sunt dissimiles, qui in vicis Gallicanis cōsules vocantur. solent creari in curiis dominorum suorum, (quas *Leete* supra diximus) & in eodem officio plerumque

toto triennio vel quadriennio immo-
rantur. quid sibi velit vox ista *Head-
borough*, perfacile est scire, quando ex
sermone nostro, caput aut principium
Burgi, veluti *Tithingman*, decuriæ præ-
fectum denotat. nam *Constable* quasi
Kinningstable inde mihi natum vide-
tur, quod per Principem in officio con-
firmatus est ad pacem conservandam,
& quæ ad Coronam spectant causas ex-
pediendas. hi Eirenarchas, quod supra
monui, dignitate proxime attingebant.

C A P. XXVI.

*De conventuum Iuridicorum celebratio-
ne, & quemadmodum in causis cri-
minalibus procedatur.*

QUO pacto fures, sicarii reliquiq; fla-
gitiosi deprehendi & custodiæ man-
cipari soleant, usque dum iustitiæ satis-
fecerint, quomodo per acclamationē,
indicia, & Eirenarcharum & Constabu-
lariorum operam & industriam in ju-
diciū vocentur, & in *conventibus tri-
mestribus* aut ab homicidii quæsitore
rei peragantur, enarratum est antea.

E quibus apparet, delationem aut in-
judiciū postulationem nihil aliud esse
quam Duodecemvirorū præjudiciū;
quod finem tamen principali negotio
nullum affert, sed conjecturam aut opi-
nionem

nionem verius. quocirca de absentibus etiam inquiritur & de non citatis. nam tametsi aliquis delatus fuerit, si nemo illum in iudicio stantem reum peregerit, nemo illi aliquid objecerit, cōfestim absolvitur. qui semel delatus est, absque eo ut se iudici sistat, immunis non evadit. Duodecemvirorum calculo deferatur, Duodecemvirorum calculo aut damnatur aut absolvitur. Ceterum ubi incarceratus omnino non est delatus, sed in carcerem ex vehementi aliqua suspitione traditus, neque quisquam illum facti insinuat, Præcone iudicario clara voce hæc verba recitante, *AB vinctus, ad septum Curia adstat, si quis illum criminis postulare voluerit, accusationem nunc instituat, nam vinctus liberationem expectat, si nemo eum tum inculpaverit, in libertatem pristinam asseritur, postquam ergastulario sua stipendia persolverit. qui sic liberantur, voce præconis liberati dicuntur.*

Quotannis bis à Principe rus ablegantur in singulos Angliæ Comitatus de foro VVestmonasteriensi quidam Iudices & Iurisperiti (quos nos *servientes ad legem* dicimus) ad cognoscendas & confirmandas causas capitales, assidentibus sibi Eirenarchis. progrediuntur de Comitatu in Comitatum isti iudices,

donec præstitutum itineris sui orbem impleverint. scripto edicunt sub finem cuiusque termini, quo die & loco conventus celebrabuntur. statò die Eirenarchæ conveniunt, qui ejusdem Comitatus fuerint, & Vicecomes, qui pro tempore iudices accipit, & impensam pecuniarum de Scaccario reposcit.

Vicecomes (ad expediendum causas criminales) quatuor, quinq; aut sex inquisitiones ad manum habet, ut illo die præsto esse possint. habet etiam totidem ad ferendam in causis civilibus inter privatos homines sententiam coactas, quas nostri causas *Nisi prius* dicunt, quia illæ dictiones formulæ inferuntur.

In Prætorio, aut loco aperto publicoque tribunal exædificatur; cujus medium quasi locum occupant duo Iudices; ab alterutra parte, pro dignitate sua Eirenarchæ assident; demissioribus subfelliis reliqui una cum generosis quibusdam & scribis suis confident. pro tribunali ad mensam appositam, Custos Rotulorum, Fiscalis, Provicecomes, & qui scribendo negotia expediunt, discumbunt. juxta mensam, area Duodecemviris accipiendis idonea, intra septum concluditur. nam ad extremum quasi terminum ad septum aliud captivi vinculis concatenati sistuntur.

Tum

Tum facto per præconem silentio,
 quamobrem cōvenerint, alter iudicum
 exponit, simulque orationem habet.
 mox captivi suis nominibus evocan-
 tur, iussi ut quisque appellato suo no-
 mine respondeat. Atq; ubi delationum
 formas *Custos Rotulorum* produxerit,
 iudices unum è captivis, duos aliquan-
 do aut tres designant, quos per examen
 judicarium explorare statuunt. dein
Scriba captivum hac quasi verborum
 forma alloquitur: *AB* procede ad sē-
 ptum. attolle manum. Tu *AB*, de tali op-
 pido & Comitatu, reus perageris, quod
 tali die, loco tali, alienum equum qui ad
 hunc vel illum pertinuit, sic coloratum,
 tanti æstimatum, per vim contrēctave-
 ris, & subduxeris; id quod pacem sup̄remi
 Domini Regis nostri conturbat. quid ad
 hoc respondes? Furti teneris an non? si
 non responderit aut non apposite re-
 sponderit, reus non reus (postquam se-
 mel atque iterum interrogatus fuerit)
 tanquam per contumaciam mutus cō-
 demnatur, horrendo post natos homi-
 nes exemplo afficiendus: supina nimi-
 rum facie super asserem stratus, atque
 alio illi superimposito cum tanto lapi-
 dum aut plumbi pondere, donec collisa
 corporis compage misero per vim insi-
 gnem vita eripitur. hoc genus mortis

animosis quibusdam aridet. nam sceleris non damnatus, familiæ generisque vitium non patitur, neque bona ipsius fisco adjudicantur.

Si accusationis capita vera esse fateatur, Duodecemvirorum sententiam non experitur, quando in confitentem reum nullæ sunt partes judicis nisi in condemnando.

Si reum se esse pernegaverit (qui perpetuus est furum, grassatorum & sicariorum mos, tametsi factum coram Eirenarcha prius non inficiantur, aut in flagranti crimine deprehendantur) Scriba forensis ipsum interrogat, quomodo decerni velit, monetque respondendum esse, *Dei populique judicio*. id postquam responderit, nempe, *Dei populique judicio decerni volo*, Scriba fontem sic alloquitur: *Talis criminis delatus es: dicis te reum non esse: interrogatus, quomodo decerni velis, Dei populique calculo asseruisti: Ecce tibi hi probi viri populum repræsentant, & si adversus aliquem objicere quicquam poteris (specta illos diligenter) eloquere. nunc enim vita necisque tua negotium agitur.*

Tum primum in Decemviratu inquisitorem evocat: *Accede ad sacrum codicem*. deinde juramenti religione obstrictum monet, ut fidelem se inter Principem captivumque inquisitorem præbeat:

beat : nullaque à reo proposita exceptione , alterum , deinde iterum alterum , usque dum numerus duodenarius compleatur , appellando producit. & plerumque captivus nihil habet , quod inquisitoribus objicere potest ; quippe qui in illum diem tantum eliguntur , ignoti captivo , & qui perinde captivum non norunt , sed prope locum habitant , ubi flagitium designatum est , laboribus quotidianis exerciti , quibus nulla cum sceleratis intercesserat familiaritas aut consuetudo. Completo jam inquisitorum numero , scribe præconem jubet numerare. ipse suo quemque nomine vocat. præco clara voce unumquemque repetit , dicendo , *unus , duo , tres , quatuor* , donec numerus duodenarius absolvitur : subjicitque ad finem numerationis suæ ; *Boni viri & justi*. deinde ait , *Si quisquam judicia exhibere , aut in captivum paratus est dicere , nunc in forum prodeat . nam de captivi liberatione agitur .* Si nemo prodeat , judex percontatur , quis illum in carcerem ablegarit ; qui sæpe Eirenarcharum est aliquis. hic formam examinis producit , subterque nomina eorum , qui se cum indiciis præsto esse obligaverint : qui si non compareant , reus absolvitur , etiamsi delictum à se

admissum ultro apud Eirenarcham
 passus fuerit; verum qui accusationem
 instituere debuerunt, damno pecunia-
 rio mulctantur. Quanquam hoc raro
 solet usu evenire, nisi aut in rebus val-
 de minutis, aut in absentia Eirenarchæ.
 Vbi vero apparuerint qui reum crimi-
 nentur, primum examinis formam le-
 gunt, quam ab Eirenarcha habent. tum
 qui bonis suis spoliatus est, mox Con-
 stabularius, & quotquot in fure depre-
 hendendo adfuerunt singuli, ad verita-
 tem dicendam juramento onerantur.
 Statuuntur isti in loco fori tam oppor-
 tuno, ut uno quasi obtutu iudices, Ei-
 renarchas, inquisitores, & captivum
 contemplari, loquentes exaudire, ab
 ipsis vicissim intelligi queant. quærit à
 spoliato iudex, si captivum bene nove-
 rit, & spectare sedulo jubet. spoliatus
 affirmat se bene nosse, pernegat capti-
 vus. ille signis scientiam suam confir-
 mat, *Quin ut te nescirem, perditæ? in
 fortunas meas tali in loco involasti, pu-
 gnæ & verberibus male mulctasti, e-
 quum surripuisti & crumenam, talem
 tunicam induebaris, talem tibi sodalem
 adscivisti.* captivus inficiatur omnia.
 atque ita paulatim altercationibus lis
 producitur. postea quicquid in capti-
 vum paratus est dicere, spoliatus enun-
 ciat.

ciat. eum Constabularius, hunc cæteri etiam, qui proferre possunt indicia, suo ordine sequuntur. his ita peractis, an supersit etiam adhuc alius, quæritur. negant illi.

Tum inquisitores iudex sic alloquitur: *In captivum satis accepistis quid dici possit. contra pro se quid ille valeat dicere intellexistis. juramenti vestri & officii probe memores estote, Deum auctorem sequimini.* hoc pacto, in duos, in tres interdum Duodecemviri inquirunt. nam si in plures inquirendi illis potestas mandata foret, veniam à iudice deprecari solent: *Reverende Domine Iudex, ignoscas; iudicium memoriamque nostram satis oneravimus.* itaque sæpe in unum aut ad summum ultra duos non inquirunt.

Secedentibus in scriptis nihil præter ipsam accusationem proponitur. ejus summam Scriba quam paucissimis iterum repetit: monetque ut, si reum criminis esse arguerint, quid ipse in bonis prædiisque habuerit sub ipsum deprehensi flagitii tempus, investigent: si quid compererint, palam indicent, sin minus, ipsum quoque affirmant. &, si reum criminis existimaverint, porro, an admissò facinore aufugerit necne, respondeant. Congregatis in hunc modum

modum Duodecemviris , stator five Bailivus aliquis inservit , à colloquio ipsorum cæteros prohibet , curat insuper, ne panis , potus , esca , focus inferantur , donec in eandem omnes sententiam descenderint. si qua hæsitatio injecta fuerit, aut plenius super indiciis edoceri cuperent , fas est ut in eo erudiantur. Novum fortassis istud videbitur , ut in vitæ necisque judicio , nihil scripto consignatum , præter inquisitionem ipsam offeratur ; quinimo qui leges Imp. Romanorum observaverint, hoc illis valde videbitur insolens.

Quicquid superest negotii , coram Iudicibus, Eirenarchis, inquisitoribus, captivis, adstantibusque, palam expeditur. quique testimonia perhibent , publice ita , ut omnes dictorum suorum conscios habeant , proferunt. consimilis plane mos est , captivos reliquos judicandi.

Antequam inquisitores munus sibi impositum expediverint, prandendi est hora. de prandio in eundem locum redeunt, si de captivis in unam sententiam inquisitores non convenerint. in causis actionibusque civilibus examinandis tempus producitur. Simulatque post multam deliberationem in unam sententiam Duodecemviri concesserint,

rint, Bailivum mox ablegant, monentque, ut ipforum nomine judicem ad-
 eat rogatum ut ipsis audiendis vacare
 dignetur. neque hercule id mirum ef-
 se potest, quando ipsi interea, dum in
 conclavi sic asservantur, à conditione
 captivorum non plane alieni sunt. ad
 septum accersuntur iterum captivi,
 prodeuntque inquisitores suis quisque
 nominibus evocatus. Tum scriba, an
 in unam sententiam convenerint, &
 quis ipforum vice responsurus sit, inter-
 rogat. respondent, ETIAM. qui prolo-
 quitur, inquisitorum quasi antesigna-
 nus est, & sæpe non alius quam qui ju-
 rando cæteris prævit. Tum eaptivus
 jubetur manum attollere, ad quem
 scriba ait: *Tu nomine A, delatus es, de
 tali loco, adductusque in judicium:
 reum te esse inficiaris: rogatus qua ratio-
 ne decerni velis, DEI POPVLIQUE
 ARBITRIO respondes: Populi vi-
 cem boni isti viri representant. Ad ea
 proinde, quæ dicturi nunc sunt, animum
 advertito.*

Tunc ad inquisitores conversus sci-
 scitatur, nunquid fontem aut inson-
 tem illum arguerint. respondet (qui
 primum juratus est) REVS aut NON
 REVS: illo condemnatur, hoc absolvi-
 tur. Quod semel Duodecemvirum
 pro-

pronunciatum, non iudices, non Eire-
narchæ aut rescindere queant aut mu-
tare. Scriba, quid in bonis prædiisve
tempore designati flagitii captivus ha-
buerit, quærit. Respondent plerum-
que, se nescire. neque certe adeo est o-
pus, ut id quæratur, quando Viceco-
mes & fiscalis, in bonis istis fisco subsi-
gnandis, non indiligentem operam so-
lent impendere.

Qui Duodecemvirum calculo reus
est, an habeat aliquid quod causetur,
quæritur. ne victus à iudicio abeat tur-
piter, *Cleri privilegium* sibi concedi po-
stulat, si sciat legere. plerisque enim in
flagitiis, ut in furto boum, ovium, pe-
cuniæ, in quibus vis nulla per viam re-
giam euntibus affertur, non invasio
nocturna, neque formido aliqua incus-
sa, non adeo acerbæ sunt leges nostræ,
ut in primum delictum animadver-
tant. itaque quoties hoc *Cleri benefi-
cium* imploratur, Episcopi partes sunt,
ut sua vice aliquem per literas substi-
tuat, qui hanc legendi peritiam arbi-
trabitur. captivo aliquis in Psalterio
locus perlegendus traditur. tum legere
incipit, interdum (bone Deus) satis
imperite. Commissarium Episcopi Iu-
dex interrogat, *an legat ut Clericus,*
qui respondet; *Etiā legit; Non legit.*
si af-

si affirmaverit ipsum posse legere, lude-
 x ad sententiam capitalem ferendam
 non procedit. sin negaverit posse, mor-
 ti sub hac sententiæ forma adjudica-
 tur. *Tu talis criminis delatus fuisti, &
 in iudicium adductus reum te non esse
 asseruisti, Dei Populique arbitrio tuam
 innocentiam spectandam proposuisti. illi
 te sotentem esse pronunciant. quod ulte-
 rius censeris non habet. iura volunt, ut
 unde exivisti, eo loci iterum remigres;
 inde ad locum supplicio destinatum de-
 duceris, ubi suspendio vitam finies.* tum
 Vicecomiti imperat, ut sententiam ex-
 ecutioni mandet. Qui Cleri privile-
 gium sibi concedi postulat & impetrat
 coram iudice, ferro candenti in manu
 ustulatur, signaturque his duabus lite-
 ris R aut M, quæ furem aut homicidam
 declarant. ex eo tempore in custodiam
 Episcopi deditur, secunda Duodecem-
 virorum Clericorum inquisitione li-
 berandus. quod si iterum sic delique-
 rit, & si characterem inustum viderint,
 actum de illo est. res ad restim rediit.

Quisquis inquisitorum calculo ju-
 stus est declaratus, ilico absolvitur, &
 è custodia liberatur, numerato quod
 necesse prius est ergastulario suo sti-
 pendio. Quod si quenquam intelle-
 xerit, qui ipsum sic detulerit, habet
 unde.

unde damnum suum cumulate re-
poscat.

C A P. XXVII.

*Peculiares suppliciorum forma sentibus
irrogata, nullibi praterquam in
Anglia cognita.*

Genus supplicii aliud, in homicidas,
grassatores, sicarios, raptores, cæ-
teraque ejusmodi facinora quæ maje-
statem non imminuunt, præter suspen-
dium non habemus decretum. defun-
ctorum corpora sepeliendi cuique con-
ceditur facultas. caput amputare, e-
quuleo subjicere, in frustra secare, in ro-
tam confringendum aliquem expone-
re, nobis inusitata sunt. nec alibi ta-
men infrequentiora sunt homicidia.

In potestate judicis non est, ut pœ-
næ malum intendat aut diminuatur. ad
Principem, & ad eos, qui ab intimis
consiliis fuerint, hoc referri debet, quo-
rum jussu aliquando fit, ut insignium
sicariorum corpora, catenis patibulo
affixis, donec computruerint, suspen-
dantur.

Si maritum uxor interfecerit, viva
incendio concremabitur.

Si dominum servus, crati superim-
positus ad locum supplicii deducetur.
petit treason dicitur.

Si

Si quis venenum propinaverit, in mortem concoquendus datur. ipse conatus, vel veneno interficiendi, vel insidiandi, nisi morte secuta, moribus & institutis Anglicis, capitalis non est, quia Princeps subditum non amisit, & vitam, nisi morte secuta, amittendam fuisse non placet. In homicidio designando, omnes peræque pro homicidiis habentur, & morti adjudicabuntur, etiam si quis vel lucernam tantum præbuerit, quo id flagitium maturius perpetretur. ipsa quippe pœnarum mitigatio (ita censemus) iudices corrumpit.

Equuleo aliquem torquendum subicere, ut inter confessionem crimen elicias, præter morem gentis Anglicanæ est, & servile aliquid sapit. nam quæ in re reipublicæ unquam inserviverit, qui membra sic protensa atque ultra justam mensuræ longitudinem producta habuerit? nam si insonem esse contingat, quæ par esse potest compensatio, ut illi de injuria satisfiat? si mori oporteat, quod genus feritatis est, ipsum prius excarnificare? Etenim expressa per tormenta confessio nihil æstimatur. nam si in ipso judicio fateatur, Duodecemvirorum sententiam non subit, si factum inficiatur, nihil

Q obesse

obesse potest, quod prius culpam agnov-
verit. Anglis innatum est, ut mortem
spernant, cruciatum non ferant. idcir-
co potius quidvis à se gestum profite-
buntur, etiam patris sui internecionē,
quam ut cruciatui huiusmodi obnoxii
amplius esse velint. neque enim mor-
tem perinde horrent nostrates, atq; le-
vissimum tormenti genus. nullibi gen-
tium fontes ad supplicium perductos;
qui magis animose atque intrepide se
gerant, quam in Anglia observabis. Cō-
tra populus tam horrendam feritatem
videre non assuefactus, ex hac miseria
dolorem hauriret, Principem quoque
& Iudices abominaretur, qui tale genus
crudelitatis inveherent. Duodecemvi-
ri quoque sua sponte absolverent reos.
Perantiqua etiam apud Anglos sanctio
est, ut si incarceratum aliquem equuleo
subjiciat ergastularius, ob eum finem
ut criminis participes indicet, morte
mulctetur. Et si rem ipsam putare vo-
lumus, equuleo & tormentis quid est
opus? nam ut captivus fateatur aut dis-
fiteatur, absque mora, si Duodecemvi-
rorū calculo condemnatur, diem ulti-
mum obire necesse est. fontes quoque,
quum viderint aliter fieri non posse,
quum populares & contribules ipso-
rum fuerint, quorum fidei vitam suam
con-

concrediderint, sponte se ipsorum sententiae subjiunt, & ob admissum facinus divinam misericordiam implo- rant. Animosa & libera, vitae sanguinis- que profusa est Anglorum natura. sed enim contumelias, verbera, servitutem ferre nullo modo potest. in hunc mo- dum ab antiquissimis Principibus aliti atque educati sunt, ut milites potius strenuique evaderent, quam servili ignominia se contaminarent.

Duodecemviris, simul atque senten- tiam dixerint, abeundi copia concedi- tur: neque in illorum commodum ce- dit aliquid, præterquam quod Principi patriæque suæ inserviverint.

C A P. XXVIII.

*De crimine lese majestatis, & quara-
tione major nobilitas djudicetur.*

ETiam in proditoribus examinandis idem modus observari solitus est. sed pœna pro ipsorum merito multo est asperior. Primum suspenduntur, vi- ventibus videntibusq; viscera eximun- tur, cervicibus secure amputatis, parti- tis in quatuor partes membris, & di- versis in locis palo affixis.

Illud est eximium majorum gentium nobilium beneficium: si quisquam Du- cum, Marchionum, aut Baronum, in

Parlamento locum occupantium dignitatem adeptus, læsæ majestatis aut criminis capitalis insimuletur, æqualium pariumque suorum sententia judicatur. hoc est, cogitur è nobilibus inquisitio, quorum quisque (ut fit in Parlamento) factò à novitiis initio, sententiam pro se dicit. pro tribunali sedet, qui supremi Constabularii personam gerit per eum diem, peractoque judicio, scipionem quem habet in manu confringit, officioque se abdicat. In cæteris quid esse possit discriminis ab ea quam supra exposuimus forma, non intelligo.

THOMAE SMITHI

DE REPUBLICA ET ADMINISTRATIONE Anglorum,

Libri tertii

C A P. I.

De appellatione provocationeque, qua sententiam super causis criminalibus inique latam rescindit.

SI Duodecemvirum inquisitiones nimis rigide contra præsumptam probationum vim & mentem censuisse videbuntur; ut, si reum ultimo supplicio afficien-

afficiendum ex indiciis levissimis arguerint, aut si reus Iudicum & Eirenarcharum sententia alias ob causas veniam mortis meruisse putabitur; dimittitur quidem inquisitio, & iudices pro eo quod reum capitis pœna multandum declararent, ipsum *ampliant*, hoc est, carceris custodiæ tantisper mancipabunt, donec Regem certiores totius negotii fecerint, ab ipsoque veniam reus impetraverit. nã quod ad appellationes provocationesque, quæ apud alias nationes frequentes sunt, eæ apud nos locum nullum obtinent: sed lata sententia confessim absque hoc appellationis beneficio executioni per Vicecomitem mandatur. quod si captivi post denuntiatam mortis sententiam, vel fuga salutem quæ siverint, vel aliud lethi genus obiverint, grandis pecuniarum summa Vicecomiti pro arbitrio Principis irrogatur. Sin vero per liquidissimas probationes & luce meridiana clariores Duodecemviris de crimine constiterit, & ipsi fontem absolvant tamen; id quod aliquando contingit, postquam nimis incensum iudicem aut Eirenarcharum aliquem viderint, aut testificationes aut allegationes suspectas habuerint) captivi liberantur. Verum Duodecemviri à iudi-

cibus non verbis modo increpantur, sed pœna etiam minaciter illis intentata jubentur, ut in Camera stellata aut in Senaculo super facto respondeant. quanquam præter comminationes plerumque nihil fit. nam Duodecemviri benigne humaniterque pro se respondent, id se ex conscientia religionis fecisse, & propterea iudices, ne in malam partem interpretentur, imo si quid erratum fuerit, eos ut mites & clementes experiantur, demisse rogant. Verumtamen nostra memoria contigisse observavi (sed Elizabetha nondum imperante) Duodecemviros in carcerem coniectos & magna pecunia multatos, quod reum aliquem læsæ majestatis, propter inductas probationes, non pronuntiassent. alios etiam ignominia publicæ nota affectos, quod fontem absolvisent, memini. sed à plerisque etiam tunc temporis parum comprobata hujusmodi facta, immo contra plerisque vim & tyrannidem sapere, & à libertate & moribus Anglorum plurimū abhorere visa sunt. quamobrem id raro usu evenire solet, etiam si Duodecemviros largitionibus interdum sic corruptos esse contingat, ut æquissima illos puniendi ratio Principi non desit. quippe homines sunt, &, pro conditione humana,

mana, gratiæ interdum, interdum precio obnoxios esse, quis possit inficiari?

C A P. II.

In causis civilibus quis sit remedio locus, si præter leges pronuntiatum fuerit.

IN causis civilibus res aliter se habet. nam lite semel contestata, Duodecemviris convocatis, reque argumentis & probationibus hinc atque illinc confirmata, si Duodecemviri iniquam sententiam tulerint, adversus eos institui potest formula (quam nostri Attincturam & vulgo *Attaynt* dicunt.) quumque prima illa inquisitio ex Duodecemviris plebei ordinis confletur, secunda hæc ex *xxiv* generosis colligitur, qui Comitatum omnes, centuriamque (saltem duodecim) in qua fundus est, incolant. causa coram iisdem iudicibus rursus dicitur. rei partes non modo ille sustinet, qui fundum ad se pertinere aiebat, sed etiam Duodecemviri priores.

In hoc attincturæ negotio, præter ea quæ primum proposita sunt, allegari nihil debet. quod si primam sententiam à *xxiv* viris comprobatam esse contingat, actor non modo causa sua excidere, verum Principis fisco mul-

etiam persolvere, reo denique damna
resarcire judicabitur. Sin priorem sen-
tentiam everfam & reprobata[m] esse
accidat, tum prior inquisitio *Attincta*,
perjurii infamiaeque damnata censebitur.
quod nisi Senatusconsulto Parlamen-
tario sub imperio Henrici VIII consti-
tutum aliter fuisset; quo Principi, victo-
que, in quem sententiam tulerunt, præ-
ter alias pœnas irrogatas v minas co-
guntur refundere, si summa de qua cer-
tatur xl libris sit minor, sin major, xx;
agrorum etiam ipsorum depopulatio
ad Regem spectaret. Verum quæ dixi-
mus perraro fiunt: partim ideo, quod
generosi illubenter ferunt bonis viris
proximisque suis hujusmodi infamiae ma-
culas inultas esse, maluntque pœnam
ipsam potius pecuniariam subire: par-
tim quod rem ipsam commodis utrinq[ue]
conditionibus transigi curant: nisi
vel fidē prioris inquisitionis insigniter
precio labefactatam viderint, vel pars
alterutra adeo obfirmaverit animum,
ut æquissimis postulatis acquiescere re-
cusaverit. & si generosos super hoc ju-
dicio convenire contigerit, priorē sen-
tentiam pro virili confirmabunt. ubi
aliter faciunt, aperte subesse oportet il-
lustres aliquot injuriæ atque injustitiæ
causas, de quibus tamen si satis consti-
terit,

terit, tamen si ante judicis pronuntiatum partes inter se paciscantur, aut litigantium alter intermoriatur, sententia in rem judicatam non transit. Si priusquam sententia lata fuerit aut executioni mandata, ejusmodi aliquis error in ipsa formula, vel in ordine judiciario reperiatur, qui possit revocari, (per formulam, ut appellant, erroris) res integra de novo disceptanda proponitur, & quicquid gestum est rescinditur.

Sed illud nobis cum cæteris rebus publicis, ubi leges civiles dominantur, commune est, quod *de nullitate processus* dicitur, & peræque in foro capitaliū criminum quam actionum civilium hætenus est usitatum. aliud appellatum genus, quo tela judiciaria in immensum diducitur, nostris legibus plane est incognitum. Interim per querelam & preces Regi aut Cancellario oblatas, modus est aliquis vel retardandi vel producendi processus judiciarii; ut si probationes amissas, nimiam popularium gratiam & adversarii potentiā causeris. quem enim lapidem homines inquieti intactum relinquant, ut vicinis suis per litigia creent molestiam, suisq; demum votis ipsi potiantur? quibus non secus atque muscis & pediculis indulta à Deo est licentia, ut eos maxime exagitent,

qui in rem Reipublicæ mentem omnem atque operam intendunt. infestum est hoc hominum genus toti viciniae suæ, & formidatum, ab illis solum cultum qui lites litibus neſcendo ſaginantur. Sed veluti iſtos res ſua ſolet interdum deficere, dum ut alii patrimonium ſuum conficiant moluntur: ita probe noti non modo opum ſuarum jacturam ipſi faciunt, ſed quæ eſt Principis & fori æquitas, præter infamiam & opprobrium etiam in ære & in corpore pœnas luunt. quod mihi opus Rege dignum videtur: Reipublicæ certe tam beneficum & ſalutare, quantum in re adeo exigua ad ſubditorum quietem & educationem bonam aliud procurari non poteſt.

C A P. III.

De Accuſatione.

SI quisquam patrem meum, filium, uxorem, fratrem, aut conſanguineum proximum occiderit, penes me eſt ipſum vel deferre, facta inquisitoribus denunciatione, (utcuſque Conſtabularii aut Eirenarchæ manus effugerit) atque ita efficere ut in exilium agatur, vel intra anni unius & diei ſpacium reum poſtulare. quod ſi ipſe primum denunciem, non mea amplius ſed Principis

cipis refert. utpote cujus officium in Deum, patriam & subditos est, in fontes & pacis perturbatores pro justitia animadvertere. quod si reum ipse accusare malis, posthabita intetum ea quam dixi persequendi forma, reo hoc accedit commodum, ut Duodecemvirum inquisitioni sese explorandum dedat (quod supra à me fuisse est enarratum) aut duello quæstionem dirimat. cujus certaminis aleam, ipsi per se aut per pugiles (*ἀθληταὶς* interpretantur) nimirum lectos, bene pingues, agiles, ad arma tractanda idoneos, (quos Galli *adroïets aux armes* vocant) per *μυνομαχίαν* experiuntur: in quibus rerum omnium summa est æqualitas. & prout victoriæ palmam Mars adjudicaverit, ita leges decernunt, illum ut *peractum reum*, hunc ut *calumniatorem* extremo supplicio afficiendum.

Habet hoc certaminis genus diversum aliquid à communi inquisitionis forma, in qua reum mori (aut aliquando vivere) contingat, actorem nunquam. sed in hoc majus periculum subest, æqualitas eadem. alterutrum enim occumbere necesse est. brevi tamen spatio definitur. diluculo incipit. sub occasum Solis aut citius (prout secundior.

cundior fortuna afflaverit) terminatur. videtur hoc valde militare, (cujusmodi omnis fere est Anglicana politia) nec plus cum jurisconsultis quam cum medicis commercii habere, negotium cito expedire, deinde domum redire, suaque opera & labore Reipublicæ inservire. Pontifices Romani & Ecclesiæ proceres, qui imperium in conscientias nostras diu exercuerunt, & ad certum moderationis statum rem conati sunt reducere, hoc judicandi genus frigidis argumentationibus à Theologia & Philosophia petitis plurimum infestantur: quippe non repugnat ratio, ut ab iis quæ ab institutione nostra dissident, abhorreamus. Certum tamen illud est, in republica militare in modum composita nonnulla pacis & quietis bono tentanda esse, quæ in umbra & in musæo clam disputantibus non perinde arident. ut res se habet, diu inusitatum mansit hoc certaminis genus, ex historiis potius quam ab experientia nostra petendum. attamen in hodiernum usque diem, legis vigorem retinet.

Quod si sicarius aut homicida (illum alterius vitæ insidiatorem, & ut Gallice dicitur *de guer appendam*, hunc qui ex calore iracundiæ hominem occide-

ciderit; appellamus) mortis veniam à Principe impetraverit, (nam id benignitas Regia interdum patitur) cui sic illata est injuria, fontem vel in judicio Duodecemvirali deferendi, vel cum ipso singulari certamine depugnandi liberam habet optionem. & si post interpositam hujusmodi accusationem reum admissi criminis affinem esse contigerit; tametsi data est ad ignoscendum venia, capite plectetur. Tantum justitiæ effusoque per vim sanguini Principes legesque nostræ indulgere voluerunt.

C A P. IV.

De Curia Camera stellata.

Superest adhuc in Anglia forum aliud, quale alibi gentium (quantum intelligere potui) non reperitur. fastis diebus (eos sic appello, quibus in *aula Westmonasteriensis* jus dicitur) singulis septimanis, diebus Veneris & Mercurii, postridie eius diei quo terminantur, Cancellarius, Barones & quotquot à sanctionibus consiliis Principis sunt, & Barones sive nobilitas major, qui consiliarii Regni non sunt, itemque Iudices, (principales nimirum duo justitarii) ab hora nona ad undecimam usque in loco quodam confidere solent,
cui.

cui Camera stellatæ nomen ob fenestrarum multitudinem vel insignitum variis stellarum iconibus deauratis testum.

Si plures per vim ad agendum aliquid convenerint (*Riot* Anglice dicimus) coram hoc judicio sistuntur. Enimvero (quantum ego conjicere possum) hujusmodi turbæ & tumultus in aliam causam referri non possunt, quam quod bellis externis, per Galliam, Scotiam, & Hiberniam, aut civilibus domi, nostrates exercitati, quæ propria est militarium nationum labe, plurimos belli duces militesque pepere-
runt, qui postquam aliam militiam foras non invenerunt, se suis viribus oppugnant & deprædantur, tam ad vicinos domi opprimendos quam vim ab hostibus illatam propulsandam juxta parati. ex quo gens nostra sic assueta domique insolentior facta, legibus & institutis politicis ægre ad obsequium revocata (potentioribus pugnas sæpe numero cientibus, & injuriam tenuioribus inferentibus) leges bonas ordinandi occasionē præbuit: primum, ne cui fas esset, ultra definitum clientum numerum retinere: tum in conventibus juridicis, de iis qui turbas & tumultus excitant inquirere: si quis per vim
alie-

alienum fundum occupaverit, Eirenarchis vim illatam posse reprimere.

Præterea, quoniam non tenuioris fortunæ homines sed potentioris & opulentioris, solent hujusmodi facta perpetrare, quibuscum frustra in judicio homines gregarii aut generosi contendant, si coram senatoribus Regiis querela fuerit delata, reus in Camera stellata causam dicturus accersitur. ibi splendorem quasi & majestatem regni totius quum repræsentatam viderit, (nisi quod Princeps abest) ferociam illico deponet, & ad respondendum (cujusvis loci aut ordinis fuerit) evocatus, tanta cum gravitate, rationum & argumentorum veritate, ab illustrissimis viris urgebitur ut animum despondere plane necesse habeat. quod si parum dextre pro se responderit, (nam præstare aliud, præsertim in tam aperto illatæ violentiæ negotio, vix quisquam possit) in carcerem prope amniculum, qui *Flecte* dicitur, pro judicantium arbitrio & voluntate tantisper ablegabitur, donec libertate sua aliquamdiu orbatus, & expensarum summa fatigatus, tandem amicorum suasu & consilio, ad dictamen rationis se accommodaverit. plerumque (si ita videbitur consultum) grandem pecuniæ vim in ærarium

rium Principis refundere cogetur, & auctori damna refarcire. tametsi causa, propter quam hujusmodi tumultus excitati sunt, ad juris communis decisionem interim remittatur. scopus quippe hujus fori præcipuus hic est, fastum & arrogantiam nobiliorum mitigare, qui quod plebeios opibus longe fortassis superant, jura & leges sibi natas valde indignantur.

Fori hujus originem repetere, antiquitatis est, sed incrementum & auctoritatem, sub id tempus, quo Cardinalis VVolseus, Antistes Eboracensis, Cancellarii munere gavisus est, accepisse constat: ad quem tanquam ad auctorem ejus initium referre nonnulli solent, quia post aliquam temporis interpolationem, intermissa ejus auctoritas sub hoc præfule incrementum cepit. quod fieri oportere res ipsa exigebat. nam qui partem Angliæ septentrionalē incolunt nobiles & generosi à Rege & justitiæ tribunalibus procul diffiti, bella prope continua inter se gesserunt, jus in ferro constituentes, ad inferendum & injurias vindicandum clientium & famulorū suorum auxilio muniti. hanc insolentiam Henricus VIII Princeps nobilissimus minime ferendā ratus, illos viritim ad aulam evocavit, qui

qui postquam stellionatus postulati, verbis acriter correpti, & in carcerem coniecti aliquamdiu fuissent, (relanguesciente simul cum pecuniis animo) in numerum & ordinem se componere inceperunt, & ex eo intelligere, sibi nunc obligasse Principem, qui legum habenis & obsequio subditos suos temperare noverat. hinc effloruit hujus fori dignitas, quæ in diem hodiernum usque facta tecta conservatur.

Qui judicio præsent in hoc foro, sunt supremus Angliæ Cancellarius, Quæstor, Consiliarii omnes, & Barones. ET CAETERA.

In sententia dicenda major pars judicantium minorem vincit.

Pœnæ, quæ irrogantur, sunt carcer, collistrigium, multa pecuniaria, & sæpe una cum carcere animadversio pecuniaria.

Citari solent, vel *sub pœna*, vel per *manuum injectionem*, vel *Edicto de Rebellibus*, vel *Delegatione super Rebellibus*. *Sub pœna*, libelli aut præcepti formam habet. *Edictum & Delegatione super Rebellibus*, ad cogendos in curiam contumaces, qui comparere per contemptum renuunt, accommodatur.

Hujus fori apparitores sunt, custos
R carce.

carceris qui *Fleet* dicitur, aut serviens ad arma.

Negotia quæ in hoc foro tractari solent per statuta definiuntur, hujusmodi sunt; virginum impuberum præter parentum aut tutorum consensum abductio, falsarii, literarum adulteratores, nobilium calumnie, seditionum rumores, turbarum & tumultuum conventicula, fraudis dolique mali architecti, & quæ in Epitome *Rastalli* recensentur reliqua.

C A P. V.

De Curia Pupillorum & emancipationis.

Latine pupillus, Græce ὀρφανὸς dicitur, quem nos Anglice *Ward* dicimus. ejus custos, Latine tutor, Græce ἐπίτροπος appellatur. pupillum intelligimus impuberem, & post fata parentis superstitem.

Romani duas in species distinxerunt, pupillum & minorem; illum donec xiv, hunc donec xxv annum ætatis impleverat. pupillus sub tutoris imperio, minor sub curatoris degebat. tutores curatoresq; rationibus censuum pupillorum reddendis obnoxii erant. extantque super hac re passim per codices

dices legum civilium dispersæ constitu-
 tiones. adeoque oneri putabatur esse,
 tutoris aut curatoris munus subire, ne-
 gotium sollicitudinis & curæ plenum,
 utilitatis & commodi plane expers, &
 propterea excusationi rationes pluri-
 mæ inventæ.

Apud nos diversum est institutum.
 nam pupillum sub potestate habere
 perutile esse existimatur. siquidem do-
 minus ille, à quo pupillus prædium ha-
 bet, simulatque de obitu parentis cer-
 tior factus est, manum ilico in corpus
 pupilli injicit, prædium occupat, cujus
 commoda ad ipsum solide perveniunt,
 absque eo ut rationes gestæ admini-
 strationis referat, modo pupillum edu-
 caverit. accedit insuper, quod fœminæ
 xiv annum ætatis attingenti, viro xxi,
 uxorem virumque collocat. si matrimo-
 nium sic oblatum contrahere repu-
 diaverint, pretium vel valorem dotis
 aut donationis propter nuptias persol-
 vere coguntur, cujus æstimatio ex præ-
 dii & censuum valore dependet. Et
 quod hætenus dixi, de illo tutelæ ge-
 nere dictum velim, quod Gallice *Garde*
noble vocatur, quibusq; per *Servitium*
militare fundi elocantur. nam aliud
 est obsequii sive servitii genus (Gallice
Gard Roturier non incommode inter-
 prete-

pretemur) nos *tutelam in socagio*, id est, *per servitium socæ* (* aratri *) vocamus. proximo consanguineo obvenit hujusmodi tutela, ad quem hæreditas pertinere non potest, utpote ad avunculum, ubi ex patre provenit, vel patruum, ubi ex matre. de rationibus reddendis tenentur isti tutores (qui mos est legum civilium) pupillo, postquam adoleverit. à tutela nisi exactis xxi annis nemo est liber. quam nos ætatem justam perinde, atque illam xxv apud Romanos, dicimus. fœmina quia expletis xiv annis nubilis est, & marito tempestiva qui *Servitium militare* præstare possit, emancipatur: & quia uxores sunt in potestate virorum, (quod deinceps confirmabimus) ut sub alterius etiam præsidio aut imperio ætatem agant, videtur ab omni ratione alienissimum.

Arbitrantur nonnulli hanc tutelæ speciem valde iniquam & immodicam & naturæ longe dissidentaneam esse, liberi nimirum hominis, non secus atque equi aut bovis auctorem facere, & ita subinde dominos & custodes mutare, quorum arbitrio corpus opesque ipsorum regerentur, reditus affligerentur, denique ad ejus voluntatem, in fœdere conjugali contrahendo se accommodare qui prædii est Dominus; aut (quod est

est multo indignius) ejus , qui pretio pupillum mercatus est, & si repudiaverit, præterea grandē pecuniæ summam pro reddenda libertate numerare. Ex hoc fonte pravam generosorum adolescentium educationem ajunt emanare, præmaturos concubitus, & inauspicatos connubiorum hymenæos. nam defuncto semel patre (cujus in procuranda filii salute sollicitudo est naturalis) non matri, non patruo, non consanguineo proprio, (infanti, ut credi par est, instituendo maxime intentis) verum prædij domino, Regi Reginæve, Duci, Marchioni, aut cuivis alteri, ejus procuratio debetur, aut emptori alicui & propole, non corporis modo sed matrimonii deligendi summa potestas. Ad Principē quia plurimi pupilli spectant, aut vendendi aliis sunt aut donandi. ad alios quod attinet, lucrum haud secus ex tutela quam ex bove aut alio pecore sibi comparant: quibus ingenitum pupillorum rem provehendi nullum est studium. nam qui tutelam nundinantur, ægre patiuntur pupillos suos operam alicui scientiæ aut studiis difficilioribus navare aliquam, ne mortē aut ægritudinem ex nimio labore contrahant, unde pecuniam omnem frustra & inaniter absumptam esse contingeret,

nisi elocata prius in matrimonium filia, sorore, aut consanguinea. ita qui patrem habuit hospitem, quique familiam numerosam bene potuit alere, ubi ad plenam pubertatem pervenerit, sylvas excisas, ædes dirutas, attritum peculium, proscissos ad sterilitatem agros videre, (quod caput rei est) censum annuum suppetiarum nomine domino persolvere, & *ouster le main* persequi cogetur, (hoc est) ut fundi possessiones sibi adjudicentur, aut nisi post exactum cōplurium annorum spatium, immo (quod plus est) interdum nunquam sortem paternam consequetur. Hoc extremis difficultatibus laboranti Henrico III ad tempus concessum fuisse nonnulli arbitrantur, gliscente inter Regem & Barones bello: autum deinde & majoribus incommodis affectum, & in plures personas propagatum, qui ultimam regno, nobilibus, & libertati Anglicanæ cladem & perniciem afferat, fieri nullo modo posse. sunt qui ex adversa parte respondent, nullam pupillo creatam esse injuriam. nam vel pater fundos acquisivit, vel à majoribus tali superimposito onere quasi per manus accepit, & quia per servitium militare prædia sibi deberi vendicat, (quod in armis & vi bellica positum

positum est) quando per ætatem id præstare non possit, æquissimum esse, ut fructus ad Dominum redeat, ex quibus equitem militemque æque fortem & valentem queat sustentare.

Qui Romæ antiquissimi equites deligebantur (asserente Livio) equum publicum, in quo stipendia merebant, viduarum & pupillorum sumptibus subministratum habuerunt; ut propterea res nova cuiquam non videatur, quæ Servio Tullio in Republica prudentissima comprobata fuit. nam puerorum educationem, ad formam militarem olim institutam, quamobrem nunc quisquam calumniatur, ratio subesse nulla potest. verisimilius tamen ab omnibus putabatur, viros nobiles, equites fortes & strenuos belli duces, operam duros, ut pupillos suæ fidei concreditos suis artibus & virtutibus imbuerent, & in familias gentesque per matrimonium infererent, unde amicitias plurimorum colligerent. & vero quis rectæ generosorum educationi melius prospiciat, quam qui tales servitio militari sibi obligatos habuerit? aut quis magis velit quam qui inde obsequium sibi præstari speraverit?

Quod ab Henrici III temporibus hanc tutelam nonnulli deducunt, à

veri scopo alienum videtur. nam per Normaniam, cæterasque Galliæ provincias etiam nunc obtinet. atque ex eo statuto, quod de re pupillari sub Henrico III sancitum invenimus, si quis diligentius introspexerit, modum tutelæ potius assignatum deprehendet, indeque argumentum capiet, tutelam longe antiquiorem fuisse. cæterum de hac quæstione alius erit disputandi locus. in præsentiarum hæc habui quæ enarrarem.

Hujus fori *præses* est pupillorum & emancipationum custos.

Officarii sunt, pupillorum procurator, curator rationarius, quæstor, scriba, duo procuratores communes, inferiores ministri, nuncii, apparitores. *Procuratorem* eum appello, qui titulum & jus Regium defendit, datum custodi pupillorum adfessorem. *Curatorem*, qui emancipationes confirmat. *Rationarium*, qui subducendis rationibus præest, & citationum formulas explicat. *Quæstorem*, qui pecunias fisco applicandas colligit. *Scribam*, qui acta judiciaria & decreta fori literis consignat.

Negotia, quæ in hoc foro tractantur, sunt ex tutelis, nuptiis, suppetiis pupillorum, & demandata illis possessione, commoda emergentia.

Cita-

Citatio generalis in hoc foro delegatio est, editum, monitio de comparendo coram custode pupillorum. Speciales citationum formulæ sunt, *Diem clausit extremum, Devenerunt, Melius inquirendum, Datum est nobis intelligi, Quæ plura.* super istis omnibus videndus est Stanfordii Codex, qui de prærogativa Regia inscribitur.

Hinc emancipationum omnium genus emanat & *parvi sæculi scribis* commendatur.

Quando justam ætatem hæres declaraverit emancipationem suam persecutus, tum clientelam suam coram Principis delegato agnoscere oportet, & præmium domino Privati Sigilli persolvere.

C A P. VI.

De Curia Ducatus.

Curia Ducatus Lancastrensis etiam ad Regem spectat, in qua actiones in personam & in rem, quæ fundos Ducales quoquo modo attingunt, disceptantur.

Hujus fori præses est Cancellarius, assidentibus Procuratore Ducatus fiscali, scriba, curatoribus quamplurimis, duobus Procuratoribus communibus, Rationariis aliquot, Adfessoribus & ju-

R 5 riscon-

risconsulto Regio. *Cancellarii* munus est, æqua lance inter Principem subditosque distribuere. *Procuratoris Ducatus fiscalis*, jura regia promovere, Cancellario adfidere, & quod juris est submonere. *Scriba* est, acta & archiva conservare, & citationum formas explicare. *Curatorum* (quorum unus reliquis præest) fundorum limites metari & definire. *Rationariorum* (inter quos unus cæteros antecellit) calculi reddituum acceptorum præsidere. *Procuratorum communium* est, litigantium votis & querelis inservire. *Adfessorum* est, difficiles legum nodos explicare. *Iuriconsulti Regii* officium est, jus Principis promovere. Spectat ad hoc forum *Procancellarius*, qui Comitatu Palatino Lancastriæ inservit, cujus officium est, citationes originales decernere.

Citationis forma *sub pœna* nuncupatur.

C A P. VII.

De Curia libellorum supplicum.

IN hoc foro querelarum & supplicationum omne genus Regiæ majestati exhibitarum ad audiendum & discernendum proponitur, extra quas in judicando nullam auctoritatem obtineat cui nomen *pauperum & indigentium* f.

fori ob eam causam inditum est, quia absque mercede aut pecunia jus suum cuique tribuatur. *Curia* quoque *Conscientia* appellatur.

Huic iudicio præsunt libellorum supplicum magistri duo, qui, quid æquum & bonum sit, tam ex jure Cæsareo quam ex municipali dijudicant.

Officiarii sive ministri ad hanc curiam spectantes sunt, Scriba, Examinator, Procuratores tres, Nuncius sive Apparitor unus. *Examinatoris* est, testes juramento onerare, eorumque dicta literis consignare. *Procuratorum*, negotiis litigantium expediendis inservire. *Apparitoris*, in jus reum vocare.

Quæ in hoc foro agitantur negotia, sunt quæ per preces aut libellos supplices Principi offeruntur, sed potissimum petitiones indigentium. Citationis forma, est vel *sigillum privatum*, aut *editum de Rebellibus*; quorum ea vis est qualem antea in processu Camerae stellatae fuisse diximus.

C A P. VIII.

De uxoris & nuptiis.

A Nglorum uxores (quod supra etiam attigimus) in potestate maritorum suorum sunt, non ea ratione, quasi maritis in uxores suas, pro more Roma-

Romanorum, vitæ necisque indulta sit licentia, (nam Principi soli id licere diximus & legibus suis) sed quoniam ante nuptiarum solennia quodcunque acquisiverint, peracta mox nuptiarum celebritate id maritis omne acquiritur: five æs signatum, argentum, aurum cælatum, gemmas, pecudes, aut quicquid est bonorum mobilium intelligas. ad fundos & prædia & hæreditatem quod attinet, ad proximum successorem pervenire leges volunt.

Vxoribus neque mariti res neque suas donare aut alienare licet. in bonis mobilibus constanti matrimonio jus nullum habent, nisi quale servi aut filii familias peculium sibi vendicant: in quibus si testamento nihil legetur, nihil debetur, quemadmodum neque filie ipsi. cætera penes executores sunt, si testamentum suum aut voluntatem ultimam condiderit. Attamen Londini & in aliis etiam permagnis urbibus mos inolevit, ut, postquam aliquis mortem obierit, bona ipsius omnia in tres partes dividantur. funebribus impensis & legatis triens impenditur: trientem alterum uxor ad se rapit: tertius demum triens inter liberos per capita distribuitur. quare ibi loci ultra trientem bonorum aliquid legare fas non est. si testamentum

stamentum nullum scripserit, quicquid præter impensas funebres superest, inter uxorem & liberos ex æquo dividitur. Lege municipali cautum est, ut si quis intestato moriatur, tum iudex loci ordinarius (quem Episcopum esse omnes intelligimus) interdum Archidiaconus, Decanus aut Canonicus aliquis, per privilegium aut longi temporis præscriptam consuetudinem, defuncti bona, viduæ, puero aut consanguineo proximo, pro ratis portionibus inter eos, quibus ex æquo & bono debentur, administranda concedat. Ordinarium vero loci iudicem tanta gravitate prudentiaque informatum existimamus, qui, pro ea ac tam absolutæ auctoritati conveniat, per trientes & semisses bonorum, quod justum est, exequatur. Majores nostri ubi paganissimum exissent, & Christiano cultui se addixissent, tantum fiduciæ & religionis pastoribus suis adscripserunt, ut illorum arbitrio id ratum esse voluerint. neque absimile vero est, eos bene se gessisse, neque suis ipsorum commodis aliquid indulsisse: id semel ordinatum apud nos permansit intactum: tametsi ejus potestatis corruptelam & abusum quibusdam Senatusconsultis parliamentariis Henricus VIII castigavit. Sed ut è
diver-

diverticulo in viam iterum redeamus, uxores maritorum potestati ita sunt obnoxiae, ut non solum completis nuptiarum sacris in manus ipsorum bona harum perveniant, sed patris (ut primum viro nupserint) gentisque cognomen amittant ilico, & maritorum assumant, quasi in solum externae familiae transplantatae, ut si prius uxori meae *Philippa Vitfordia* nomen fuerit, *Philippa Vitfordia* amplius non erit, sed *Philippa Smitha*, &, si ad alia vota postea convolaverit, nomen cum viro semper permutabit. Quod si Baroni aut Equiti nubat, ex quo conjugio simul cum viri cognomento titulum *Domina* assumit, quum ad secundas nuptias viri ignobilis descenderit (vide quantum foeminis concedamus) *Domina* appellationem semper retinebit.

Credo ego, apud antiquiores Romanos nuptias, quæ per *conceptionem in manum & per as & libram* contrahabantur, uxores in potestate virorum constituisse, quarum etiam apud veterum legum nostrarum Codices expressa sunt vestigia. convenerat enim in mariti manum ex traditione parentis uxor; Templi limen ingressura, super Codicem sacrum, aurum argentumque vir exponebat, quasi eo precio emptu-

empturus; vicem *libripendis* sacerdos implebat. Ratas apud nos esse impetramur nuptias, postquam in ecclesia coram presbytero testibusque nonnullis celebrantur. hoc pacto vir & uxor, beneficiorum omnium participes fiunt quæ jura nostra elargiuntur, ex eaque copula prognati liberi *legitimorum* jus obtinent. adeoque, si mihi contingeret, nuper defuncti viduam uxorem ducere sub obitum viri sui prægnantem, si prolem post nuptiarum solennia pepererit, leges mihi heredem adjudicabunt: ita rigide vulgatum axioma interpretamur; *Pater est quem nuptie demonstrant*. Illis rationibus, quibus jura natalium spuris restituit *Iustinianus*, (legitimos *muliers* aut potius *melieurs* appellamus) nullus est in Anglia relictus locus. nam neque Pontifici, Imperatori, Principi, sed Parlamentariis Comitibus id permissum est, ut spurios beneficiorum illorum affines faciant, quæ ex legibus nostris proveniunt.

Quamvis in manu & potestate viri uxor fuerit, non tamen quasi in ergastulo conclusa, aut satellitio munita, ut in Italia & Hispania fieri assolet, sed quæ est per Galliam uxorum libertas, eam apud nos prope assequuntur.

rum domesticorum procuratio illis incumbit, munus certe idoneum & opportunum, quod ad uxores Græcorum etiam pertinuisse, Aristoteles & Plato affirmarunt. nam virorum est, legibus & armis suum tueri, & forensibus negotiis implicari.

Videri fortassis possunt iniquiores esse in fœminas leges nostræ; viros suos tamen ex morbo decumbentes, lectoquæ affixos tam blande & benigne norum permulcere, ut, cum nihil in bonis maritalibus sibi ex jure vendicant, ex donatione virorum suorum possideant universa. & perpaucæ sunt, quæ sententiam testamētariam aut non exsequantur, aut sibi assignatam liberorum educationem & bonorum administrationem non habeant, nisi quod Londin aliter usu & moribus receptum sit.

De bonis mobilibus sermonem hactenus produximus. Si uxor ex hæreditate fundum aut prædium secū ad nuptias afferat, ejus ex assē sit hæres filii nati maxime, aut inter filias per capita distribuitur. quin etiam moris est, fundum dotalem aut aliunde emptum viro distrahendi aut alienandi nulla authoritas, tametsi uxor assensum adhibuerit, neq; ipsi etiam fœminæ (constante matrimonio) nisi coram judice removere

remotis arbitris examinata. Si proles nulla ex illo cōjugio nascatur, prædium ad proximos hæredes ex jure nuptiali devenit. si primum mortem obierit uxor, si aliquem nasci contigerit, qui se vitalem esse clamando demonstrat, fundi usus fructus ad virum recidet, tametsi infans cōfestim morte absumatur. Atq; hoc *humanitas Anglicana* dicitur. Pari ratione, si vir fundum jure hæreditario obtinuerit, aut aliunde emerit, atque uxore superstite diem extremum clauserit, ejus fundi trientis ususfructus ad uxorem quoad vixerit pertinebit. si quos suscepit liberos, tum ex reliquo bestie hæres instituitur filius natus maximus; si nullos, ad proximum jure municipali successorem fundus devolvitur. si uxori non probatur hæc divisio, liberum ei erit trientem loco donationis propter nuptias in præstantissimis mariti prædiis petendi jus.

Quæ de nuptiis disseruimus hætenus, de eo jure, quod in bonis mobilibus & immobilibus occupamus, secundum legum nostratum usum intelligi debent. nam si privata pacta aut conventa inter virum & uxorem, inter parentes amicosque super matrimonio fiant, servantur. & de uxoribus & de nuptiis satis esse possunt quæ nunc diximus.

Liberi nostri in potestate parentum suorum non ita constituuntur, ut olim apud Romanos, sed ut primum ad pubertatem pervenerint, peculium suum donandi, vendendi, aliud emendi plenum jus habent. nam ante illam ætatem, per quam sapere incipiunt, quid aliud sunt quam partes parentum? *Emancipationi* nullus est in Anglia locus, quemadmodum neque *suorum heredum de inofficioso testamento*, neque *præteritorum liberorum non emancipatorum querelis*. Extra causam matrimonii nullus est legitimandi lites modus. quare adoptio arrogatioque quid velint, plane nescimus. Per iupremam voluntatem liberrimum est testandi disponendique in bonis mobilibus arbitrium. neque ad eas ceremonias testamenta nostra astringuntur, quas leges civiles postulant; sed jure militari conduntur.

In *rebus soli*, id est, in fundis legandis ratio est admodum diversa. nam ubi pater mortem oppetit, ad filium natus maximum fundus hereditarius pervenit, ad ceteros filios filiasque omnino nihil, nisi patre adhuc vivente aliquic

in ipsorum usus donetur, aut in testamento scripto signato traditoque coram testibus (quod Iureconsulti *Divise* vocant) aliquid relictum sit de summa hereditatis delibandum: alioquin aut fratri natu majori inservire, aut rem quocunque modo comparare hos necesse est. si defuncto liberi masculi non superfuerint, sed filia, fundus in illas æqualiter derivatur. Quanquam jure ordinario & municipali, prædiorum universum jus, ad filium natu maximum pervenire diximus, æquo tamen jure in quibusdam Angliæ partibus, filii omnes hæreditatem adeunt, quod jus in plerisque *Cantii* locis usitatum est, & *Gavelkind* dicitur. In quibusdam locis, filius natu maximus omnem hæreditatem cernit, in aliis aliter usu venit. verum ista ad communem Reipublicæ administrationem & politiam non spectant, sed particularem potius consuetudinem, extraque legum nostratum orbitam evagantia dici possunt. De Republica interim ex communiter contingentibus sermo est.

C A P. X.

De servitute & servis.

POST absolutum de omnibus liberorum hominum generibus tractatū,

superest, ut de servis aliquid adjiciamus, quorum in Digestis & Codice Iustiniani plurima fit mentio. Duplex fuit servorum apud Romanos species. alii siquidem *servi* dicebantur ære redempti, in bello capti, testamento relictæ, aliis denique rationibus acquisiti, ut vernæ & ancillis nostris nati. hi omnes, *mancipia* ad personam hæredesq; suos immediate pertinentia dicuntur: alii *adscriptitii gleba* aut *agri censiti*, qui non personæ, verum prædio annexi erant, hodieque apud nos tanquam hæredii aut prædii partes censentur. de utroque genere quotquot sunt, numerum nullum constituunt, & in primo genere novi neminem, in altero perpaucos, ut de iis sermonem ampliorem instituere, vix sit operæ pretium, tametsi leges nostræ utrumque genus agnoscant.

Servi plurimis rationibus apud nos iisque longe facilioribus manu mittuntur, quam quæ legibus civilibus præscribuntur: & libertate donatus, non libertus manumittentis, sed liber homo evadit. Cæterum, ex quo fidem Christianam amplexi sumus, quæ per Christum omnes nos fratres efficit, & coram Deo Christoque conservos, religio hominum animos invasit, ne, quos fratres agnoscere & Christianos oportet, id est.

est, per Christum sempiterna salute gavisuros, prædura servitute opprimere-
mus. Hinc effectum est, ut sancti patres,
monachi, fratresq; in arcanis illis con-
scientiæ colloquiis, & instante potissi-
mum mortis periculo, confitentes im-
pulerint, ut statu liberos & ingenuos
ex servis redderent; quum interim illi
patres nihil tale præstarent; sed depræ-
dandis diripiendisq; Ecclesiis suis inten-
ti, mancipia ecclesiastica non liberarét,
servos suos in servitute retinerent; quo-
rum exemplis Episcopi insistentes, ab
ista crudelitate, nisi precio conducti,
aut calumniis impetiti, serò deterrerè
potuerunt. Dein æquatis solo monaste-
riis, & in manus laicorum recidentibus,
libertatem omnes adepti sunt.

Non eadem atrocitate in servos no-
stros atque olim à Romanis Græcisque
in suos sævitum fuit; cui rei ipsorum co-
mœdiæ testimonium perhibent: verum
pro dominorum arbitrio, fundis qui-
busdam gaudere, rem uberiores com-
parare ipsis permissum, ut detonderi à
dominis aliquando possent, non secus
atq; Galli faciunt, qui subditorum suo-
rum (quos appellant subjectos) facul-
tates, sicubi excreverint, solent refecare.
Censeo equidem, in Anglia Galliaque
(transeunte à paganismo in Christia-
nismum

nismum religione, quam humanitas
& æquabilitas summa consequuta est)
asperrimam servitutis conditionem
paululum mitigatam, & rationem in-
ventam, qua servi glebæ adscriberentur,
& ad benigniorem vitæ statum trans-
ferrentur, ut ad id non gravate facien-
dum induceretur. quod sub gentilismo
ut præstarent, nisi per omnium exci-
dium & internecionem, nulla vis potuit
efficere. nam quamvis sacris lotionibus
quotquot abluimur, in Christo fratres
appellemur, atque ex eo parem liberta-
tem obtinere videamur, tamen eodem
lavacro servos liberosque intingi, qua-
lesque accepit, tales quin relinquat Ba-
ptismus, quis unquam inficiabitur? Illud
certi juris est, leges civiles, verbo divino
non dissidentes, & inter homines pacta
conventa, hoc sacro mysterio tantum
abesse ut aboleantur, ut opinione mea
confirmentur magis. Nihilominus ta-
men viri boni beneficium ex servitute
ista paulatim sibi compararunt, qua
Ethnici usi sunt, quamque Christiani
pariter ac Turcæ in bello captos exer-
cent. Turcas & Ethnicos eos voco qui
ab omni cultu Christianorum abhor-
rent, in unum Deum vel in plures fidu-
ciam referentes, quorum imagines di-
vinis honoribus prosequuntur. nam
Iudæo-

Iudæorum lex probe omnibus cognita est, ipsique (quantum ego intelligere potui) pro servis ubivis gentium æstimantur, nèque imperium aut principatum aliquem obtinent, secundum sacrosancta prophetarum vaticinia multo ante id futurum prædicentia, postquam Christum ipsis promissum & oblatum indignissime repudiassent. nam quando illum agnoscere noluerunt, animarum suarum præsidium & honorem in hoc mundo abjicientes & sacrosanctum Dei Euangelium nihili facientes, ejus aliquis in nobis, qui Gentiles fuimus, divina bonitate fructus effloruit, peperitque in nobis humanitatem, benignitatem, mansuetudinem, decus & sanctam scientiam, &c. Sed (ut ad institutum negotium pedem iterum referamus) quanquam ista Christianorum persuasio, quæ fratrem in Christo procreatum, instar pecudis servilem in modum tractare subveretur, & Christianæ Religionis summa benignitas, regna Turcis & Barbaris non adjacentia pervasit, ipsisque hominum conscientiis scrupulum injecit, ne servos aut mancipia amplius apud se retinerent: insignis tamen effecit necessitas, ut servitutis speciem quasi & imaginem retineremus, ut neque servis auxilium, &

liberis hominibus obsequium non de-
esset. Quocirca alii servos esse omnino
noluerunt: *adscriptitios gleba* volue-
runt, simul ut ministeria subirent, si-
mul ut agri insalutares, & infœcundi,
solitudinem non paterentur. alii viam
excogitarunt, ut non persona, sed fun-
dus, hujusmodi operas & obsequia præ-
staret; ut, finum in agros exportare,
terram colere, sementem facere, sege-
tem demetere, ad curiam venire, fidu-
ciam juramento testari, & pro domini
voluntate fundum possidere.

Iste possidendi modus *servilis* in jure
nostro appellatur. habet tamen fundus
(ubi rem altius inspexeris) aliquam ser-
vitutis notam, etiam qui libertatem præ-
se fert maximā: non eam modo quam
agri humiliores & depressiores debent
eminentioribus, dum manantem inde
aquam & sordes accipiunt, neque eam,
quam Iustinianus in tit. de servituti-
bus prædiorum rusticorum & urbano-
rum clare descripsit; sed ipsum possesso-
rem quadam servitute fundus afficit.
nam ab omni opere & obsequio (regem
si excipias) fundū immunem nemo pos-
sidet. cæteri omnes fiduciarii sunt pos-
sessores, & servitutem debent, hic præ-
dii domino, ille vicissim alteri superiori,
donec per quosdam gradus ad ipsum
prin-

principem ascendas. Quamobrem, si quis morte defungatur & prædium obtinuerit, quod superiorem non recognoscat: illud regi (ut loquuntur) acceptum refertur. quod à militari servitio non longe abest: trahitque secum jus clientelare, tutelare & nuptiale. hoc est, fidelem se futurum domino suo jurabit; filiusque ipsius post obitum patris in nuptiis suis contrahendis ad domini arbitrium & consensum sese accommodabit.

Fidelitatis sive fiduciæ juratus apud Laicos est longe liberrimus. nam qui in puram eleemosynam & liberum (ita loquimur) maritagium erogantur, ab alia causa ortum habuerunt. hoc est, juramenti religione se obstringit, non nisi de fide præstanda deque operis & obsequiis domino persolvendis. idcirco prædia, quæ libera sunt, feudataria sunt, hoc est, fiduciæ nomine possidentur, & sacramento fidei possessorem obligant de redditibus & censu exhibendis, ministeriis præstandis, conditionibus demum omnibus implendis, quæ in prima *donatione* recensentur. ideoque (præter unum Principem) cæteri veri domini non sunt, sed fiduciarii domini ac possessores. Ista interpretatio quam Littertoni ad veritatem ac-

cedit propius, qui *feudum* idem esse quod hæreditas per errorem arbitrat, refragante apud omnes linguas verbi significatione. magni ingenii, doctrinæque viris celeberrimis hoc vitium propter linguarum inscitiam obrepere solet, maximeque si vocum deductiones non advertant. Fides (Gothis primum in Italiam ingredientibus) in *fede* versa est: hodieque Itali dicunt in *fide* *en fede* aut *à la fe*: ex eoque, quod Latino-Barbarum vocabulum indoctus aliquis jurisconsultus, dum voluit exprimere prædium sub fiduciæ nomine alicui donatum, *feudum* aut *feodum* appellavit, verbi natura clarius, in quod nos *fef* *feoff* aut *feoffres* elucescit. nam ultimum hoc *fiduciario possessor* aut *fideicommissarios*, illi priora *dare in fiduciam* aut *fidei committere* denotant. Eodem errore lapsus est in *Withernam* aliisque obsoletis vocabulis Littertonus. *Withernamium* illis interpretatur *vetitum namium*, seu qua lingua, ipse hercle ignoro. quæ tamen Germanice si efferas, est vetustus sermone Saxonico *Wythernempt*, hoc est, alterum accipere, aut vicissim rapere. barbare *Repressalia* dixeris. quæ modo aliquis pignus à me accipit, atque extra territorii limites abducit, et

vici

vicissim aliud per mutuam deprædationem contrectem, atque intra ejus territorii fines, cujus sum incola, inferam, ut per æqualem injustitiam jus æquale obtineam. *Répressaliorum & Withernamii* jus idem non est, sed natura plane eadem, eademque verbi utriusq; propria significatio. Sed ut, unde digressa est, eo revertatur oratio, perspicuum est, liberos homines sui que juris, & maxime ingenuos, servitutis habitum, per annexam prædiis conditionem, quendam induere, hoc est, possessores, præter censuum & reddituum in singulos annos præstationem, fidem, officium, cultum, obsequium (ut libertus olim & cliens patrono) domino suo debere: quod quoniam personis non adhæret, sed fundo ejusque culturæ, non liberum hunc aut clientem dixeris, illum patronum, sed feudatarium, & feudi dominum. nam dimissa semel fundi possessione, servitutis & obsequiorum omnis obligatio confestim tollitur.

Frequens etiam in Anglia est aliud servitutis genus, quod (*apprentiethood*) tyro dicitur. sed pactioibus hoc constat, & ad tempus contrahitur, & quam diu manet obligatio, vera est servitus. nam quicquid proprio Marte aut ex
 domini

domini artificio & peculio acquiritur, totum illud acquiritur domino. extra heri sui ædes non licet pernoctare, neque in suo peculio negotiationem exercere, aut uxorem absque domini venia ducere, sed ministeria domestica obire, præceptis herilibus auscultare, pœnas ut libet hero luere, vestem victumque domini sumptibus quæritare. Herus interim artificium suum edocere obligatur, pro quo septem aut octo annos, interdum novem aut decem, prout inter ipsum & pueri parentes amicosve conventum est, inservire tenebitur. estque pro *emptitio servo*; quod Polydorus observavit. tametsi ex illo fonte nomen non deducitur, neque ex vi verbi colligi possit. nam *apprendre* Gallice (si Latine reddas) ediscere sonat, & *apprentiſe* apud Gallos, quibus hoc cum multis aliis acceptum referre oportet, quasi Latine *discipulus*. similiter ille cui obligatur, non dominus, sed herus, quasi præceptor aut informator appellatur. simul atque de pactis conventis, literis consignantur & utriusque sigillo muniuntur, & in matricula ad firmiorem custodiam conscribuntur. Absque eo, quod talem servitutem Londini serviveris, totque annos in servitute impleveris, nullus, tametsi

et si Londini natus & parentibus Londinensibus ortus, civitate donatur; id quod in aliis urbibus usu etiam confirmatum est.

Præter hanc Tyronum servitutem, alii stipendiis conducuntur, qui servi etiam vocantur, quorum mitior est quam Tyronum conditio, & ad definitum aliquod spacium operâ tantum suam instar servorum & ancillarum e-locant, ad alia quod attinet, libertatis diminutionem nullam patiuntur.

Sed servis, operariis, aliisque qui operam suam mercede conducunt, si cœlibes fuerint, commune est, ut per integrum anni spacium heris suis inserviant, & servitutis onus nisi ab hero prius impetrata licentia abjicere non possint, herumque suum super discessum per anni quadrantem certio-rem faciant, si infra tempus constitutum abire moliuntur. id nisi fecerint, altero quoque anno servire necesse est. Et cœlibes qui nemini inserviunt, numellis & verberibus castigantur, nisi herum aliquem potuerint designare, cui operam navare ad unius anni spacium compellantur. Et si cœlebs aliquis aut conjugatus, qui se suis censibus alere non potest, otiose aut segniter vixerit, in carcerem conjicitur aut tanquam

cxix.

erro punitur. tantum ab otio & inertia abhorret politia nostra. hocque Eirenarchis non leve mandatum imponitur. Inhumanitatem putant esse & inimicitiae non obscenum genus, si quisquam generosi alicujus servum (utcumque herili obsequio liberatum) in clientelam suam receperit, nisi id à priore domino factum intellexerit. Quod de servis haftenus, id ipsum de ancillis dictum putate. Atque ita ex praescripto servitutis ordine, pauperem indigentem juventutem servire oportet, si unde se alat sustentetque non habuerit.

Ita, quoniam verorum servorum penuria laboramus, efficit necessitas, ut liberis hominibus tanquam servis utamur, quibuscum tamé liberalius quam cum servis agitur. Primum hoc atque ultimum servitutis genus, apud illas nationes usitatum est, quæ veterem illum servorum & mancipiorum morem rejecerunt. Atque alii quidem aliter faciunt, aut liberaliter, aut serviliter servitutem pro ingenio populi instituendo.

C A P. XI.

*De foro spirituali & ecclesiastico,
quod Curia Christianitatis
appellatur.*

IN quatuor potissimum causarum generibus Archiepiscopi Episcopi que peculiarem jurisdictionem sortiuntur; in testamentis & legatis; in decimis & mortuariis; in nuptiis, adulterio aut fornicatione; & in iis demum omnibus, quæ ad ordinem & decus ecclesiasticum conservandum, & religionem constabiliendam pertinent. nam majores nostri rempublicam primo ordinarunt, postea fidei Christianæ nomen dederunt, & *politiam* sic constitutam cum ea quam Apostoli, Doctores Theologici que religionem invexerunt, semper retinuerunt, quicquid ad conscientiæ forum pertinebat, illis, utpote peritioribus & ob vitæ sanctimoniam morumque probitatem laudatissimis, quibusque confidebant maxime, delegabant.

Quamobrem hæc negotia in ipsorum curiis pro more legum civilium aut municipalium per citationem, libellum, litis contestationem, testium examinationem, exceptiones, replicationes, allegationes, per sententias, per-

perque appellationes tam à gravamine quam à sententia definitiva, expedituntur, suosque Procuratores, Advocatos, Adfessores, Ordinarios, Commissarios habent, &c. quæ longe ab ea forma judiciorum absunt quam supra exposuimus. Nam si testamentum adulterinum aut supposititium esse dixerò, actionem in Curia Ecclesiastica proponere oportet. si rem aliquam à testatore mihi legatam petiero, id ipsum obtinet. Sin executorem aut administratorem condixerò, (qui in jure nostro eandem personam repræsentat, quam in jure Cæsareo hæres aut bonorum mobilium possessor ab intestato) illi in causa debiti à defuncto præstandi coram judice laico lis est intendenda.

Adeo distincta est utriusque jurisdictionis, suisque quasi finibus forum alterum ab altero divisum, ut qui Romæ aut in alio quovis foro Ecclesiastico, actionem ob eam rem intentaverit, quæ in Angliæ foro Laico judicium experiatur, per vetusta Anglorum lege gravissimam *Premunire* pœnam sustinebit, hoc est, bona ipsius omnia fisco adjudicantur, corpus carceri mancipatur, tantisper donec aliter Principi videbitur. Iudex etiam, Scriba, Procurator,

rator, adfessor, qui vel admittunt vel
 usurpatam illam jurisdictionem tuen-
 tur, consimili pœna plectuntur. Vtrum
 huic sanctioni statutarie de *præmunire*
 nomen obtigerit ab eo, quod Regni ju-
 risdictioni & authoritati ante prospe-
 ctum fuerit, hacque constitutione illa
 quasi vallo quodam munita sit, an
 quod periculum prædicendo quasi præ-
 moneat, ne quis in commissum inci-
 dat, nihil nunc habeo quod definiam.
 Sub imperium Richardi II sancitam
 hanc legem primum accepimus, ob
 eum maxime finem, ne quid per ambi-
 tionis aut avaritiæ alluvionem foro Ec-
 clesiastico accresceret. nam *Curia ista*
Christianitatis ab ea quæ *Curia Regia*
Reginave appellatur, multum abesse
 (utpote externa) censetur, & à forma
 politiæ & administrationis nostræ lon-
 ge diffidet.

Verum in præsentiarum Curia hæc
 perinde atque cæteræ omnes, virtu-
 tem, vim, authoritatem, imperium, ju-
 risdictionemque suam, præterquam Se-
 renissimæ Majestati, & diademati Re-
 gio, post immortalem Deum potestati
 aut principi accepta refert nemini. Id
 si verum esse concedas (quod esse con-
 stat verissimum) tum sanctioni statu-
 tarie de *præmunire* nullus per Angliam

locus relinquitur, quando alibi *quam in Curia Regis ac Reginae* jus nullum dicitur.

Administrationis & politicae Anglicanae formam quasi in tabula, aut, ut Aristotelis more dicam, *ὡς ἐν τύπῳ*, breviter vobis ad intuendum proposui. quid suum habeat, quidque ab aliis rebus publicis, Gallorum, Italorum, Hispanorum, Germanorum, diversum, quae civilibus legibus Romanorum in Pandectas & Codicem à Iustiniano redactis reguntur, enarravi; non ad eum modum, quem Plato in sua republica aut in primo regno Persarum describendo Xenophon, nedum in Vtopia Thomas Morus secuti sunt. efformarunt illi scilicet rerum publicarum icones, quales neque olim fuerunt aliquae nec in posterum erunt, studio (ut videtur) aut tempus fallendi aut ingenium suum ostentandi. Ego vero Anglicanae reipublicae, sicuti nunc est, statum & administrationem exhibeo, die nimirum Martii xxviii, anno salutis humanae M D LXV, Regni Elizabethae lectissimae serenissimaeque Principis Henrici VIII F. anno septimo, postquam ipse aetatis meae annum LI complevissem, & apud Carolum Maximilianum Galliarum Regem inclytum, sub impe-

rii sui annum quasi quartum legatione functus essem. quamobrem, vere scripserim necne, non erit difficile iudicium, utpote quod in oculos pene omnium incurrit, & ipsis quasi manibus palpari possit. Quandoquidem igitur verum est hoc reipublicæ exemplar, cum cæteris etiam quæ nunc sunt rerum publicarum formis (quarum apud optimæ fidei historicos plurima sit mentio) conferamus, quasque habeant differentias videamus, ut quis domi militiæque commodiorem in populo gubernando rationem modumque investigaverit intelligamus. Erit hoc homini philosopho negotium non indecorum, & politico non inutile, qui recta consilia ad Principis populique salutem procurandam adhibere voluerit.

V.

DE OPULENTIA ET POTENTIA Regni Angliæ.



Opulentia regni Angliæ è variis æstimari potest. Et quidem

Primo, ex eo, quod solum abunde producat in omnibus pene provinciis ea omnia quæ ad vi-

tam humanam necessaria sunt, præter oleum & vinum, (licet & vinum aliquando produxisse memoretur,) & ea quæ magis ad voluptatem, quam necessitatem sunt comparata.

Secundo è metallorum copia, quæ terræ venis in plurimis provinciis continentur; quorum ea quæ nobiliora sunt, puta aurum aut argentum, admodum parce; cætera vero, ferrum, stannum & plumbum, abunde hic egeruntur.

Tertio è tenuissimarum lanarum immensa copia; & pannificio, quod hic supra modum floret, & quidem adeo, ut nulla alia regio in terris plures aut meliores pannos texat, quorum hodie, crescente in dies industria, incredibilis est varietas.

Quarto è commerciorum opulentia; quæ ex eo nascitur, quod magna optimi stanni & plumbi copia, ingensque numerus pannorum omnis generis quotannis in omnes pene Europæ atque adeo totius orbis partes evchatur, præter alias omnis generis merces. Hoc nostro tempore (Camdeni sunt verba, ad annum M D L X I V, è rationum tabulis) commercium inter Anglos & Belgas XII milliones aureorum in singulos annos superavit, & panni
Anglici.

Anglici (ut plumbum, stannum & cætera taceam) Antvverpiam quotannis exportati v. millionibus aureorum sunt æstimati. Sed ut propius ad nostra tempora accedamus, anno 1100 ex indubitatis rationibus constitit, anno superiore merces è regno in varias orbis partes evectas æstimatas fuisse 2090640 libris sterlingensibus. Anno itidem 1100 XXI æstimatæ fuerunt 1944264 lib. sterl.

Quinto è navigandi peritia, & navalium sociorum naviumque copia. Quibus fit ut ex hoc regno in omnes pene mundi partes navigationes maximo institorum quæstu instituantur; & maxima vis omnis generis mercium exterarum in hoc regnum importetur. Nam anno 1100 XII (uti è publicanorum tabulis constat) merces exoticæ in regnum illatæ, 214151 lib. sterling. fuerunt æstimatæ: anno autem 1100 XXI 2619315 lib.

Sexto ex auri argentique copia. nam licet utrumque parcissime ibi nascatur, tamen maxime hic est aureorum atque argenteorum nummorum abundantia: superioribusque annis observatum accepi à fide dignis, intra quinquenniū monetæ regiæ cusæ fuisse aurea quidem numismata ad pon-

do 6214, argentea autem 311384. Mirum autem, Hispaniam, cum tantum auri atque argenti quotannis ex America accipiat, fere æneis nummis abundare; Angliam vero jam sero tandem pauculis æneis nummulis uti cæpisse. Præterea in hoc regno non modo in nobilium sed & plebeiorum ædibus tanta est argenteæ supellestilis frequentia, ut incredibile pene videatur: observatumque, quotannis supra viginti quinque millia librarum argenti in nova opera profundi.

Denique ex immensis multorum privatorum opibus; nam vix ullum aliud regnum opulentiores mercatores & insitiores numerat, qui hæredibus suis inusitatas opes relinquunt, non raro ad centum millia librarum sterlingensium & supra; alii opibus suis ad summas dignitates emergunt, & Baronum, Vicecomitum, atque adeo Comitum titulos & dignitates sibi acquirunt, uti exempla nupera satis demonstrant.

Potentia regni, uti ex opulentia, ita porro è sequentibus intelligi potest. Et quidem

Primo è situs opportunitate juxta ac firmitate; Quippe cum insulare sit regnum, difficili est accessu hostibus,
& fa-

& facillime se in omnes partes adversus eosdem mover. Cui accedit, quod licet portus habeat, & multos & capaces, & per se accessu haud difficiles, tamen iidem providentia Principum jamdudum ita muniti sint, ut hostes facillime arceant & excludant. Insuper, quod mare ambiens reciprocis aestibus tumidum, ingentes licet hostium classes facile disjiciat, aut saltem diu hærere extra portus minime permittat.

Secundo ex indigenarum frequentia, quæ summa est; tum propter fæminarum fæcunditatem, tum cœli bonitatem & com meatuum abundantiam. Ex Nobilitatis quoque immenso numero, & præsertim equestris; quæ servitium militare Regi debet. Vnde fit ut brevi tempore hic magnæ copię cogi possint; (id luculento exemplo constitit anno cıo ıo LXXXVIII, cum Classis Hispanica expectaretur; nam præter xx mill. bellatorum per littora australia disposita, duo justi exercitus conscripti; quorum unus mille equitibus & xxxıı mill. peditum constabat; alter xxxıv millibus peditum & ıı millibus Equitum;) & quotannis multa millia peditum veluti examina apum in omnes pene partes ubi bellum ingruit emittat; maxime tamen in

Belgium, & nuper in Daniam atque Sueciam.

Tertio ex gentis fortitudine & virtute militari; nam summus Anglis est mortis contemptus, ingens erga superiores obsequium, summa patientia, & magna corporum agilitas; unde usu & disciplina in optimos milites evadunt, præsertim ubi in exteris regionibus stipendia meruerunt; nam domi mollius educati, alibi ad inedia[m] & labores indurandi sunt. non tamen æque idonei sunt ad equitatum, quam peditatum; hoc enim cæteras nationes facile superant, illo vero à quibusdam superantur.

Quarto è navium copia, quæ in hoc regno longe maxima est. nam & summa industria hic struuntur è materie quæ aut in Anglia ipsa nascitur, aut ex Hibernia vicina petitur; onerariæ magnæ juxta ac minores, celoces elegantissimæ, & omnis generis aliæ, quibus mare sulcatur.

Quinto ex bellicorum tormentorum immenso numero, quæ in ipso regno tam ex ære quam ferro funduntur: & quidem è ferro tanta copia & ea bonitate, ut magna vis Regis indulgentia ad exteris nationes evehatur.

Sexto ex eorum hominum copia qui.
navi-

navibus hisce industrie uti sciunt. nam superioribus quidem seculis Hispani & Lusitani navigandi peritia excelluerunt; sed ii hodie ab Anglis, multis modis superantur, siue artem nauticam spectes, siue fortitudinem in maritimis periculis superandis, siue dexteritatem in præliando.

Denique ob summam & absolutam Principis in hosce omnes potestatem, & promptum horum omnium erga Principem obsequium. nam licet Rex in fortunas subditorum non plus possit, quam aut Regni consuetudine stabilitum est, aut parlamentaria sanctione ipsi permittitur: tamen in corpora eorum plus potest quam fere ullus princeps Christianus; quippe qui, cum res exigit, promiscue delectus instituat, & vel invitos ad stipendia facienda cogat.

VI.

DE RE MONETARIA, ET
computandi ratione.



Angliæ moneta pluribus seculis tantum aurea fuit, aut argentea; nam sub superioris primus Regis Iacobi I regno

T 5

arei

ærei nonnulli cudi cæperunt, eique exiguo admodum numero.

Aurei autem atque argentei illi nummi, ex præstantissimo & absolutissimo auro atque argento conflantur; licet posteriori hoc seculo cusi nonnihil deteriores sint quam superiorum.

Aurei nummi varii sunt; & fere sequentes fuerunt:

Rofatus nobilis Edoardus sive vetus simplex, pendens in auro Anglicos seu Anglos v, sive grana Hollandica clx. Ejusque dimidia, & quarta pars. Item duplus, & duplum pendens.

Rofatus nobilis Henricicus, qui rofam in cimba non præfert, pendens iv Anglic. & xiv denar., grana Hollandica 142. Ejusque dimidia, & quarta pars, pendens secundum proportionem.

Angelotus vetus, pendens iv Anglicos, & x grana, sive grana Hollandica 138. Ejusque dimidia, & quarta pars.

Georgius Nobilis, pendens iii Anglicos, sive grana Hollandica 96.

Coronatus Anglicus, pendens in auro nonnunquam ii Angl. & xii grana, interdum tantum ii Anglic. & vi grana.

Henricicus, (qui *Souverain* appellatur) pendens in auro iv Anglic. sive grana Hollandica 128. Et dimidia illius pars

Ang

Angelotus cum *O*, pendens III Anglic. & x grana; five grana Holland. 106.

Rofatus nobilis Iacobæus duplex, pendens in auro VIII Anglic. & XXVIII grana, seu gran. Holl. 284.

Iacobæus five *unio*, pendens VI Angl. & dimid., five grana Holland. 195. Et partes illius.

Alter nummus, Regis caput laurea coronatum præferens, pend. v Angl. & xxv grana.

Argentei nummi sequentes :

Vsitatissimus argenteus nummus est *schillingus*, & variæ illius partes. Qui quidem integer pendet III Anglic. & xxviii grana, seu grana Holland. 1241. Et dimidia ejus pars dimidium tanti. Et ita cæteræ partes. Tertia autem illius pars appellatur *Groat*: duodecima *penning*; *penningus* autem in varias quoque partes dividitur; cujus quarta pars a *farting* dicebatur; sed minores partes *penningi* raro jam ex argento cuduntur præter dimidiam partem.

Habent & nummos argenteos, qui sex ejusmodi *schillingos* valent; aliosque qui omnes ad rationem *schillingorum* exiguntur.

In computandi vero ratione valgo utuntur libris, *schillingis* & *penningis*.
libra

libra constat viginti schillingis; schillingus duodecim penningis; quos denarios appellabamus. Atque hæc est usitatissima apud omnes computandi ratio; licet & marcas norint, & aliis nominibus in pretiis rerum venalium exigendis utantur.

VII.

REGNI REDITVS QVIBVS
rebus constet.

Primo habet Rex Angliæ patrimonium regni, quod barbari vocant *domanium*. Quod quale quantumque sit, explicare non possum: Id constat ex annalibus Camdeni, Henricum VIII, licet tres liberos haberet, multa è regio domanio profuse elargitum esse. Elizabetham vero, paucissima è domanio donasse, nec quicquam aliud fere nisi ea cautione, ut masculis deficientibus ad coronam reverteretur. Rex quoque Iacobus plurima elargitus est; & tamen anno 1607 in comitiis parlamentariis ipse viva voce declaravit, se putare, nullum principem in orbe Christiano pulchriores possessiones coronæ annexas hodie habere. Ab Ioanne Botero obser-

observatum invenio, ex Ducatibus Lancastriæ & Cornubiæ, qui Coronæ conjuncti sunt, quotannis percipi Lxxx aureorum millia.

Secundo; Quum Rex omnium pupillorum, quorum bona, aut vel minima pars bonorum, aliquo modo Coronæ obnoxia est, tutelam suscipiat, ad annum usque ætatis xx i; & durante pupillari ætate omnes redditus ipsorum percipiat, & quantum lubet in alimenta eorum expendat: & matrimoniorum eorumdem dominus sit, & ejusmodi pupillis conjuges attribuat; aut pretium pro conjugii accipiat: Ex hoc fit ut ingens summa quotannis ex hac tutela in ærarium regis inferatur: quam alii 30, alii 60 millium librarum sterlingensium faciunt. Sed Rex plerumque bonam partem aliis elargitur; aut ab agnatis certo pretio redimi patitur: qui non raro x, imo & xx millia librarum Regi numerant, ut suos ab ea tutela eximant.

Tertio, ex releviis, ut vocant, id est, pretio quod in feudis recognoscendis solvitur: quorum feudorum tanta est multitudo, ut quidam equestrium numerum Lx millia esse prodiderint.

Quarto, è portorio, quod Rex percipit ex omnibus mercibus quæ inve-
huntur.

huntur & evehuntur; sub nomine *Pondage*: Id, ne rem altius repetamus, Mariæ R. anno primo ita concessum erat, ut vigesimam partem justii pretii mercium caperet; exceptis pannis, lanis, coriis, vino & aliquot aliis mercibus: itaque indicem edi curaverat, quo pretia plerarumque mercium continebantur, secundum quæ portorium hoc solveretur. Qui index & toto regni Elisabethæ tempore obtinuit. Verum Rex Iacobus eodem tributo à Parlamento ipsi confirmato, cum animadverteret, multas merces vilius, multas carius æstimatas, quasdam etiam omnino præteritas: omnes denuo æstimari fecit, & indicem edi secundum quem deinceps portorium hoc ab indigenis atque advenis solveretur. id actum anno regni illius secundo.

Porro quia superioribus seculis maxima redituum Coronæ pars è lanis quæ evehebantur collecta fuerat, & tributum illud ob lanificium sive pannificium in ipso regno institutum multum erat imminutum, & fere ad nihilum redactum: Maria Regina ut hanc jacturam resarciret, pannis in regno textis, cum ex eodem evehuntur, certum vestigal imposuit: quod ab Elisabetha R. continuatum, Rex Iacobus quoque

quoque confirmavit. Solvunt autem indigenæ Angli pro singulis pannis, qui capiunt ulnas xxiv, sive albi sint, sive colore aliquo tincti, solidos vi, denar. viii. peregrini vero atque advenæ solidos xiv, denar. vi. cætera autem pannorum genera certa proportionem aut numero tantumdem solvunt. alii enim sex, alii quatuor, alii terni, alii denique bini pro uno panno, ut supra, sumuntur. Rex Iacobus anno regni sui sexto, portorium sive vectigal omnium mercium, nova impositione (ut vocant) auxit; excepta solum annona & iis quæ ad victum hominum pertinent; itemque apparatu omni bellico & ejusmodi rebus quæ ad fabricandas & instruendas naves sunt necessariæ; mercibus quoque exceptis quæ in Regnum importantur, eo consilio, ut rursus exportentur, aut ut inde panni linei aut serici texantur; denique auro, argento & gemmis. Sed cum impositio hæc mercatoribus gravior videretur; anno regni sui octavo merces omnes quæ è regno exportantur ab illa impositione absolvit; solum illo pannorum genere quos *hayes* vocant, plumbo, stanno exceptis. Earum vero mercium quæ importantur, impositionem aut minuit aut auxit.

Por-

Portorium porro omne quod ex omni genere mercium tam domesticarum quam peregrinarum ad superiorem modum exigitur in usum Principis; id jam certa pensitatione à Rege redimitur à publicanis tum Londini tum in cæteris portubus: quum sub longe maxima parte regni Elisabethæ, reginæ nomine colligeretur, & magna fraus vectigalibus tum fieret. Boterus hæc vectigalia centum millibus librarum æstimat; alii ducentis millibus, nisi quod fraudis hujus vitio, minora longe esse fatentur. Quo pretio sane nunc redimantur, mihi non satis constat: sed id è tabulis publicanorum testari possum; portorium sive vectigal omnium quidem mercium evectarum è regno anno 1611, ascendisse ad 93794 libr. sterling: importatarum vero ad 80657 lib. sterl. Eadem tabulæ faciunt fidem, anno 1621 vectigal mercium evectarum reddidisse publicanis 82162 libras; importatarum autem 91059 lib. sterling.

Atque hi fere sunt ordinarii Regni redditus. Quotiescunque autem Regi aut belli necessitas aut aliud quid incumbit; parlamentum indicere solent reges, & ejusdem autoritate auxilium ab omnibus subditis suis impetrare, idque

idque duplex. Prius, subsidium vocant. est autem pensitatio quædam, quam omnes omnino subditi è bonis suis omnibus, ratione quadam æstimatis, (quæ quidem levissima est,) Regi aut certis momentis sive per partes, aut simul & semel solvunt: idque semel, bis, ter, quaterve, prout parlamentum decreverit. Pro singulis autem libris, quibus bona æstimata fuerint, solvunt laici, indigenæ quidem quorum bona mobilia valent tres libras annuatim, pro singulis libris II schillingos & VIII denarios: advenæ autem V schilling. & IV denar. Dein quibus bona sunt immobilia, indigenæ quidem pro singulis libris annui antiqui redditus IV schillingos, advenæ VIII. Clerici autem sive Ecclesiastici, ex annuis suis redditibus pro singulis libr. solvunt IV schillingos. Parlamentaria auctoritate hæc limitantur, temporibusque suis & momentis circumscribuntur, & variis clausulis muniuntur; quæ hic referre longum esset. Subsidium denique ejusmodi, magnam argenti summam ærario Regis solet adferre; sed quæ pro temporum ratione multum variet. Memini autem me in Anglia audivisse subsidia singula, quæ à laicis percipiuntur, sexaginta millia aut supra librarum sterlingum

gensium Regi adferre. Quantum Ecclesiastica subsidia addant, mihi non satis constat. Alterum auxilii extraordinarii genus, quod ab eisdem Comitibus parliamentariis Regi indulgetur, dena & quindena appellatur; harum quoque binæ ternæve, interdum & plures, successive solvendæ, Regi conceduntur. Est autem quindena hæc & decima (inquit *Camden.*) taxatio certa, olim imposita singulis civitatibus, burgis & oppidis, non viritim, sed generatim, pro ratione decimæ quintæ partis facultatum locorum. Dicitur autem decima (ut *Guilielmus Lambardus* docet) quia in oppidis decima facultatum solvebatur; quindena vero, quia in pagis & rure tantum decima quinta. Posterius hoc nomine maxime in usu est. Tempore Henrici sexti sex millia librarum communi remissâ ratione quorundam oppidorum & provinciarum, quarum opes imminutæ dicebantur: quæ exceptio hodieq; in actis apponitur. Quantum una quindena valeat, certo explicare non possum per omnes provincias. De Cantio accepimus, eam ascendere ad 1553 libras. item de Cornubia, 113 libras. de Huntingdonia, 371 libras. Solet quoque interdum Rex sine Parlamenti auctoritate à locuple-

cupletioribus subsidium petere, quod *benevolentiam* vocant.

Sunt & alii tam ordinarii quam extraordinarii ærarii supplendi modi; de quibus nihil dicimus quia illorum ratio nondum satis nobis cognita est: Anglis hæc prolixius explicanda relinquo, & huic commentario addenda, si ita videbitur.

VIII.

FAMILIA REGIA.

Henrici VII familia paterna: filius Edmundi Comitis Richmondæ; nepos Oweni filii Meredith Tydor, & Cathari-
næ viduæ Henrici V Regis Angliæ & filia Caroli sexti R. Francorum. Familia materna: filius Margaretæ, nepos Ioannis Ducis Somersettensis, pronepos Ioannis Gandavenfis Ducis Lancastriæ, abnepos Eduardi III Regis Angliæ.

Elisabethæ familia paterna: filia Eduardi IV Regis Angliæ, neptis Richardi Ducis Eboracensis, proneptis Richardi Cantabrigiensis, abneptis Edmundi Ducis Eboracensis filii quinto-
geniti Eduardi III Angl. Regis. Fami-

lia materna: filia Elisabethæ, neptis Richardi V Woodvil Comitis Rivers & Iacobæ Ducissæ Bedfordiæ.

Henrico VII & Elisabethæ nati fuere:

1 Arthur, qui sine liberis obiit.

2 Henricus, qui post patrem regnavit.

3 Edmundus, qui puer obiit.

4 Margareta, nata anno 1489, nupta Iacobo IV Regi Scotiæ, anno 1503. cui peperit Iacobum V Scotiæ Regem, Arturum, & Alexandrum, & filiam. Eadem secundo nupsit Archibaldo Douglas Comiti Anguiæ, ann. 1514; illique peperit Margaretam; quæ nupsit Matthæo Lennoxii Comiti. Ex Margareta hac & Matthæo nati fuerunt Henricus, qui infans obiit; & Henricus Darlius, qui duxit in uxorem Mariam Reginam Scotiæ, & ex illa genuit Iacobum VI Scotiæ & Primum Angliæ Regem; & Carolus, Comes Lennoxii, pater Arbellæ.

5 Elisabeth, infans obiit.

6 Maria, primo uxor Ludovici Regis Franciæ, è quo nullos liberos suscepit; deinde Caroli Brandoni Ducis Suffolciæ; cui peperit Henricum, & Carolum, & Franciscam; quæ nupsit Henrico Greyo Dorcestriæ Marchioni,

ni,

ni, & illi peperit Ianam infelicem Reginam.

7 Catharina infans obiit.

Henricus VIII natus ann. 1491. qui primo duxit in uxorem Catharinam fratris Arthuri viduam. quæ illi peperit Henricum, qui infans obiit.

Mariam, quæ postea regnavit.

Priore uxore repudiata duxit Annam Bullenam. quæ illi peperit

Elisabetham, quæ postea regnavit.

Secunda obtruncata duxit tertiam uxorem Ianam Seimeram. quæ illi peperit

Eduardum VI, qui post illum regnavit.

Eduardus VI, natus anno 1537, & denatus 1553, sine prole.

Maria, nupsit Philippo Hispaniarum Regi. nata anno 1518, denata anno 1558, nullis hæredibus.

Elisabetha, nata anno 1533, felicissime innupta regnavit annos 44. obiitque anno 1602, mense Martio.

Iacobus primus, ex parte patris, filius Henrici Darlei, nepos Matthæi Lennoxiae Comitis, pronepos Archibaldi Douglassii & Margaretæ filiae primogenitæ Henrici VII. Ex parte matris, filius Mariæ Reginae Scotiae, nepos Iacobi V Regis Scotiae, pronepos Iacobi

V 3 quarti

quarti Scotorum Regis & Margaretae
filiae primogenitae Henrici VII.

Henricus VII.

Jacobus IV Scot. R.	—	Margareta fil. primo- genita.	—	Archibal- dus Dou- glassius.
---------------------------	---	-------------------------------------	---	------------------------------------

Jacobus V.		Matthæus C. Lennox.	—	Marga- reta.
---------------	--	------------------------	---	-----------------

Maria Scot. R.	—	Henricus Darley.
-------------------	---	---------------------

Iacobus VI Scotiae,
& I Angl. R.

Iacobo I Magnae Britanniae R. uxor
fuit Anna Frederici II Daniae & Nor-
uegiae Regis filia, quae illi genuit

1 Henricum, qui in flore adolescen-
tiae obiit.

2 Carolum, qui hodie regnat.

3 Elisabetham, uxorem Principis
Palatini, & jam Bohemiae Regis, nu-
merosa prole mascula felicem.

IX.

SYLLOGE DVCVM , MAR-
chionum, Comitum, Vicecomitum, &
Baronum, qui Comitibus Parlamentariis
interfuerunt anno c10 10c xxvii,
& quidem secundum ordinem
quo confederunt.

Comites.

Acobus Ley, Comes Marlo-
borough, summus Thesaura-
rius Angliæ.

Henricus Montacutus, Co-
mes Manchestræ, privati Consilii re-
gii Præses.

Georgius Villars, Dux Buckinga-
miæ, summus Angliæ Thalassiar-
cha.

VVilhelmus Pauletus, Marchio
VVintoniæ.

Robertus Bertue, Comes Lindseyæ,
summus Angliæ Camerarius.

Thomas Hovvardus, Comes Arun-
dellæ & Surreyæ, summus Angliæ Ma-
rescallus.

VVilhelmus Herbertus, Comes Pen-
brochiæ, summus familiæ regiæ Oeco-
nomus.

Philippus Herbertus, Comes Mont-
gomerii, Camerarius familiæ regiæ.

Robertus Verius , Comes Oxoniensis.

Henricus Percius, Comes Northumbriæ.

Georgius Talbotus, Comes Salopiæ.

Henricus Grayus, Cantii Comes.

VVilhelmus Stanleius , Comes Dabriæ.

Henricus Somersetensis , Comes VVigornia.

Franciscus Mannarius, Comes Rutlandia.

Franciscus Cliffordus, Comes Cumbriæ.

Robertus Ratcliffus , Sufflexia Comes.

Henricus Hastingsius , Huntingdonia Comes.

Eduardus Borchorius , Bathonia Comes.

Thomas VVrithiousleyus , Comes Southamtonia.

Franciscus Russellus , Bedfordia Comes.

VVilhelmus Scimerus , Hertfordia Comes.

Robertus Devoreux, Essexia Comes.

Theophilus Clinthonus , Lincolnia Comes.

Carolus Hovvardus , Suffolcia Comes.

Eduar. .

Eduardus Sacvillus , Dorcettiæ Comes.

VVilhelmus Cecilius, Sarisburii Comes.

VVilhelmus Cecilius , Exoniensis Comes.

Robertus Carr , Somersetti Comes.

Ioannes Egertonus , Comes Bridgwater.

Robertus Sidneius , Leicestriæ Comes.

VVilhelmus Comptonus, Northantoniæ Comes.

Robertus Rich , VVarvvici Comes.

VVilhelmus Cavendish , Devonix Comes.

Iacobus Hambledon , Cantabrigiæ Comes.

Iacobus Steovvartus , Comes Marchiæ.

Iacobus Hayus, Carleoli Comes.

VVilhelmus Fieldingh, Comes Denbighiæ.

Ioannes Digbeyus, Bristolii Comes.

Leonellus Cranfieldus, Middelfexiæ Comes.

Christophorus Villars , Angleseyæ Comes.

Henricus Rich, Comes Holandiæ.

Ioannes Hollis, Claræ Comes.

Oliverius S. Iohannis , Comes Bul-
lingbrouck.

Franciscus Fanius, VVestmorlandiæ
Comes.

VVilhelmus Cnoollius, Comes Ban-
bury.

Thomas Hovvardus , Comes Ber-
keriæ.

Thomas VVentvvorthus , Cleau-
landiæ Comes.

Edmundus Sheffeldius , Moulgravii
Comes.

Henricus Danvers, Danbii Comes.

Georgius Carue, Tornesi Comes.

Robertus Caryus , Monumuthensis
Comes.

Eduardus Denneyus , Nordovici
Comes.

Emanuel Scroopius , Sunderlandiæ
Comes.

VVilhelmus Cavendishius, NoviCa-
stelli Comes.

Henricus Caryus, Doveriæ Comes.

Iohannes Mordantius , Petroburgi
Comes.

Vicecomites.

Antonius Maria Brovvne , Viceco-
mes Montagu.

Iohannes Villars , Vicecomes Pur-
beck.

Richar-

Richardus Burck, Vicecomes Tunbridge.

VVilhelmus Fynes, Vicecomes Say & Seale.

Eduardus Cecilius, Vicecomes VVimbleton.

Thomas Savagius, Vicecomes Savage.

Eduardus Convvay, Vicecomes Convvay, principalis Secretarius.

Robertus Perpoyntius, Vicecomes Nevvarke.

Paulus Banning, Vicecomes Banning de Sudbury.

Barones.

Henricus Cliffordus, Baro Clifford.
Henricus Nevillus, Baro Aburgavény.

Maruinus Touchetus, Baro Audley.
Algernon Peccius, Baro Pecciæ.
Iacobus Stanleius, Baro Strange de Knocking.

Henricus VVest, Baro Delavvare.
Georgius Berckley, Baro Berckley.
Henricus Parkerus, Baro Morley & Monteagle.

Richardus Lennard, Baro Dacres de Herft.

N. Stafford, Baro Stafford.

Eduardus Sutton, Baro Dudley.

Eduar.

Eduardus Stourton, Baro Stourton.
Iohannes Darceius, Baro Darcei &
Mentuel.

N. Sandes, Baro Sandes.

Eduardus Vaux, Baro Vaux.

Thomas VVindfor, Baro VVindfor.

Iohannes Pauletus, Baro S. Ioannis
de Basing.

Thomas Cromvvellus, Baro Crom-
vvell.

VVilhelmus Ewre, Baro Eure.

Philippus VVharton, Baro VVhar-
ton.

VVilhelmus VVillougby, Baro VVil-
lougby de Parrham.

VVilhelmus Paget, Baro Paget.

Dudleius North, Baro North.

N. Brigges, Baro Chandois.

Spencerus Compton, Baro Comptō.

Eduardus VVottonus, Baro VVo-
ton.

Henticus Grayus, Baro Gray de
Groby.

VVilhelmus Peter, Baro Peter.

N. Gerrard, Baro Gerrard.

VVilhelmus Spencer, Baro Spencer

Carolus Stanhop, Baro Stanhop de
Haringdon.

Thomas Arundel, Baro Arundel de
VVardor.

N. Dormar, Baro Dormar de VVinge

N. Ro

N. Roper, Baro Tenham.

Philippus Stanhop, Baro Stanhop
de Shelford.

Eduardus Noell, Baro Noell.

Eduardus Montague, Baro Kimbol-
toni.

Fulco Grevillus, Baro Brooke de Bu-
chamcourt.

Eduardus Montague, Baro Mon-
tague de Boughton.

V Vilhelmus Grayus, Baro Gray de
V Vearke.

Franciscus Leake, Baro Deincourt.

Henricus Ley, Baro Ley.

Richardus Robares, Baro Robares
de Truro.

Horatius Verius, Baro Vere de Til-
bury.

Oliverius S. Ioannis, Baro Tregoze.

Dudleius Carleton, Baro Carlton
Imbercourt.

Nicolaus Tufton, Baro Tufton.

V Vilhelmus Crauon, Baro Crauon
de Hamsted Marshal.

Montioyus Blunt, Baro Montioy.

Thomas Gelassès, Baro Faulcon-
bridge de Yarum.

Richardus Lovelace, Baro Lovelace
de Hurley.

Ioannes Pauletus, Baro Paulet de
Hinton S. Georgii.

V Vilhel-

VVilhelmus Harvie, Baro Harvie de Kidbroote.

Thomas Brudnel, Baro Brudnel de Stouton.

VVilhelmus Maynard, Baro Maynard.

X.

SERIES REGVM ANGLIÆ,

Ex Henrico Sauillo, & Ioanne Speedo.

Postquam Anglo-Saxones nobilissimam Britanniaë partem invaserant, totam Angliam, ut postea dici cœpit, excepta VVallia, in septem regna diviserunt; in quibus multis annis separatim à variis regnatum fuit, donec tandem omnia regna ad unum devenerunt.

Cantii regnum complectebatur Cantium; in quo sequentes regnarunt:

an. à C. N. an. reg.

Hengistus. 455. ann. 31.

Eska Hengisti fil. 488. ann. 24.

Octa Eskæ fil. 512. ann. 20.

Ymericus Eskæ fil. 532. ann. 29.

Ethelbertus Ymerici fil. 561. ann. 56.

Hic Christianam religionem amplectitur.

Eabaldus Ethelberti fil. 617. ann. 24.

Ercombertus Eabaldi fil. 641. ann. 24.

Egber-

Egbertus Ercomberti fil.	665. ann. 9.
Lotherus Egberti frater.	673. ann. 11.
Edricus Egberti fil.	686. ann. 6.
VVithredus Edrici frat.	693. ann. 33.
Edbertus VVithredi fil.	726. ann. 23.
Edelbertus VVithredi fil.	749. ann. 11.
Alricus VVithredi fil.	760. ann. 34.
Ethelbertus Vfurpator,	794. ann. 3.
Cuthredus Vfurpator,	797. ann. 8.
Baldredus Vfurpator,	805. ann. 18.

Regnatum in Cantio annis 372.

Australium Saxonum regnum complectebatur Suffexiam & Surreyam: in quo sequentes regnarunt:

an. à C. N. an. reg.

Ella,	488. ann. 32.
Cissa Ellæ fil.	514. ann. 75.
Ethelvvolfus Christianus,	595. ann. 25.

Occidentalium Saxonum regnum complectebatur Cornubiam, Devoniam, Dorsettiam, Somersfettiam, VViltoniam, Hantoniam, Berkeriam; in quo regnarunt

an. à C. N. an. reg.

Cherdicus,	519. ann. 33.
Kenricus Cherdici fil.	534. ann. 26.
Cheaulinus Kenrici fil.	561. ann. 33.
Cearlicus Cuthvvolfi fil.	592. ann. 5.
Chelvvolfus Kenrici nep.	598. ann. 14.
Kingil Christianus,	612. ann. 31.
Kenyvaldus Kingilis fil.	643. ann. 31.
Eskyvia	

Eskvvinus, 675. ann. 2.
 Kenvvinus Kenvvaldi frat. 677. ann. 9.
 Ceadvalla Kenrici abnep. 686. ann. 2.
 Ina Kenrici pronepos, 688. ann. 37.
 Ethelardus, 726. ann. 14.
 Cuthredus Ethelardi frat. 740. ann. 14.
 Sigebertus, obscuræ famæ, 754. annum
 unum & dimidium.

Kenvvulfus, 755. ann. 29.
 Brithricus, 784. ann. 16.
 Egbertus, 802. ann. 19.

Hic postquam annos 19 in Occiden-
 tali Saxonia regnasset, primus factus
 est Anglorum monarcha absolutus.

Orientalium Saxonum Regnum
 complectebatur Essexiam & Middel-
 sexiam; in illo regnarunt

an. à C. N. an. reg

Erchenvvinus, 527. ann.
 Sledda, 587. ann. 9.
 Sebert. Sleddę fil. Christian. 596. ann. 13.
 Sex red. Sevvard. Sigebert. 616. ann. 6.
 Sigebertus parvus, 623. ann. 13.
 Sigebertus bonus, 646. ann. 16.
 Svvitelmus Sigeberti frat. 661. ann.
 Sigerus & Sebba fratres, 664. ann. 3.
 Sigehard. & Senfrid. frat. 694. ann.
 Offa Sigeri fil. 701. ann.
 Selredus Sigeberti boni fil. 709. ann. 3.
 Svvitredus, 747. ann.

Northumbrorum Regnum compl
 eteb

Atabatur Eboracensem provinciam, Dunelmensem, Lancastrensem, VVestmorlandiam, Cumbriam & Northumbriam: in illo regnarunt

an. à C. N. an. reg.

Ida,	547. ann. 12.
Ella, vel Alla,	559. ann. 30.
Edelricus Idæ fil.	589. ann. 4.
Athelfridus Edelrici fil.	593. ann. 24.
Edvvinus Ellæ fil. Christian.	617. ann. 17.
Osvvaldus Ethelfridi fil.	634. ann. 9.
Osvvius nothus,	643. ann. 28.
Egfridus Osvvii fil.	671. ann. 15.
Alfridus Osvvii nothus,	686. ann. 19.
Osredus Alfridi fil.	705. ann. 11.
Kenredus,	716. ann. 2.
Osficus,	718. ann. 11.
Ceolulfus Kenredi frat.	729. ann. 8.
Egbertus Kenredi cognat.	718. ann. 20.
Osulfus Egb. fil.	758. ann. 1.
Ethelvaldus seu Mollo,	759. ann. 6.
Alredus Invasor,	765. ann. 9.
Ethelredus Mollon. fil.	774. ann. 4.
Alfvvoldus Alredi frat.	778. ann. 11.
Osredus Alredi fil.	789. ann. 1.
Ethelredus iterum,	790. ann. 4.

Ethelredo interfecto finem accepit regnum Northumbrorum, quod post interregnum 33 annor. occupavit Egbertus VVest-Saxo, ann. 827. nominantur tamen quidam Reguli Nort-

humbroꝝ Danicis temporibus.

Merciaꝝ regnum complectebatur
Huntingdoniam, Rutlandiam, Lincol-
niam, Northamptoniam, Licesſtriam,
Darbiam, Nottingamiam, Oxonium,
Ceſtriam, Salopiam, Gloceſtriam, VVor-
ceſtriam, Staffordiam, VVarvvicum,
Buckinghamiam, Bedfordiam, Hartfor-
diam: in eo regnarunt

an. à C. N. an. reg.

Crida,	582. ann. 10.
VVibba Cridæ fil.	593. ann. 20.
Ceorl, nepos VVibb.	614. ann. 10.
Penda VVib. fil.	626. ann. 30.
Peada Pendæ fil. Chriſtian.	656. ann. 13.
VVulſherus Peadaꝝ frat.	659. ann. 16.
Athelredus Pend. fil.	675. ann. 29.
Kenredus VVulſh. fil.	704. ann. 4.
Ceolredus Ethelredi fil.	708. ann. 8.
Ethelbaldus,	716. ann. 41.
Offa,	758. ann. 38.
Egfridus Offæ fil.	796. annum
dimidium.	
Kenulphus cognatus,	797. ann. 22.
Kenelmus Kenulphi fil.	819. menſ. 5.
Ceolulſus Kenulphi frat.	820. ann. 1.
Bernulſus Invaſor,	822. ann. 3.
Ludecanus electus,	824. ann. 2.
VVitlaſus,	826. ann. 13.
Bertvvulſus,	839. ann. 13.
Burkredus,	852. ann. 22.

Tres

Tres posteriores VVest-Saxones tributarii fere fuerunt.

Orientalium Anglorum regnum cōplectebatur Suffoxiam, Norfoxiam, Cantabrigiam, & Eliensem provincias; in illo regnarunt

an. à C. N. an. reg.

Vffa,	575. ann. 7.
Tityllus Vffæ fil.	583. ann. 10.
Reddvvaldus Titylli fil.	593. ann. 31.
Eorpvvaldus Redvvaldi fil.	624. ann. 12.
Sigebertus,	636. ann. 3.
Egricus,	638. ann. 4.
Anna Eorpvvaldi nep.	624. ann. 13.
Æthelherus Annæ frat.	654. ann. 2.
Edelvvaldus Æthelheri fr.	656. ann. 9.
Aldulfus Æthelheri fil.	664. ann. 19.
Elvboldus Æthelheri fil.	683. ann. 7.
Beorna Æthelheri fil.	690. ann. 24.
Ethelredus,	714. ann. 35.
Ethelbrigtus Ethelr. fil.	749. ann. 45.

Hoc occiso ab Offa regnum Orientalium Anglorum unitum est regno Merciorum : vel, ut alii, maxima sui parte possessum à Danis : donec cum cæteris ad Egbertum VVest-Saxonie R. devolveretur.

Licet autem in superiorem modum septem regna distincta in Anglia fuerint, tamen inde à primo Anglorum & Saxonum ingressu, fere semper unus

aliquis Regum inter cæteros dignitate
& auctoritate eminebat, ita ut parum
à monarchæ conditione abesset. Ità
Speedo recensentur hoc ordine.

Hengistus, Cantii Rex.

Ella, Australium Saxonum R.

Cherdicus, VVest-Saxonum R.

Kenricus, VVest-Sax. R.

Ceolinus, VVest-Sax. R.

Ethelbertus, Cantii R.

Redvvaldus, Orientalium Angl. R.

Edvvinus, Northumbrorum R.

Ofvvaldus, Northumbrorum R.

Ofvvyus, eorumdem R.

Vlferus, Merciorum R.

Ethelredus, Merciorum R.

Kenredus, Merciorum R.

Chelredus, eorumdem R.

Ethelbaldus, eorumdem R.

Offa, eorumdem R.

Egfridus, eorumdem R.

Kenvvolfus, eorumdem R.

Post hos imperium absolute ad u-
num pervenit, cæteris regulis superatis.
Eorum autem qui toti Angliæ ex An-
glo-Saxonum sanguine præfuerunt, se-
ries ita se habet.

an. à C.N. an. reg.

Egbertus, 800. ann. 37.

Ethelvulfus Egberti fil. 837. ann. 20.

Ethelbaldus Ethelvulfi fil. 857. ann. 5.

Ethel-

Ethelbertus Ethelvvulfi fil. 862. ann. 5.
 Ethelredus Ethelvvulfi fil. 867. ann. 5.
 Alfredus Ethelvvulfi fil. 872. ann. 29.
 Eduard. senior, Alfr. fil. 901. ann. 23.
 Ethelstanus Eduard. fil. 924. ann. 16.
 Edmundus Eduardi fil. 940. ann. 6.
 Edredus Eduardi fil. 946. ann. 9.
 Edvvius Edmundi fil. 955. ann. 4.
 Eadgarus Edvvii frater, 959. ann. 16.
 Eduardus martyr, Edg. fil. 975. ann. 4.
 Ethelredus Edgari fil. 979. ann. 57.
 Edmundus ferreum latus, 1016. ann. 1.

Post hunc Dani in Anglia regnarunt:

av. a C. N. an. reg.

Canutus, 1017. ann. 19.
 Heraldus Canuti fil. 1036. ann. 4.
 Hardicnutus Canuti fil. 1040. ann. 2.

Et rursus ex Anglo-Saxonum genere
 Eduardus Confessor, 1042. ann. 24.
 Haroldus vix anno uno.

Sequuntur jam Reges è Norman-
 nica stirpe.

Vilhelmus I, Conquestor, antea
 Dux Normanniæ, regnum in Anglia
 auspiciatus fuit anno à C. N. 1066. &
 tenuit annis 20, mens. 10, dieb. 26.
 obiit anno 1087, mense Septemb.

Vilhelmus II, dictus Rufus, ter-
 tiogenitus Vilhelmi Conquestoris,
 regnum auspiciatus est ann. à C. N.
 1087. & tenuit annis 12, mensib. 10,

X 3 dieb.

diebus 22. & fortuito ictus à suis discessit ann. 1100.

Henricus I, VVilhelmi Conquestoris filius postremogenitus, regnum adiit anno à C. N. 1100; tenuitque annis 35, mens. 3. obiit anno 1135. Hic duxit in uxorem Mathildem filiam Regis Scotiæ & Margaretæ sororis Edgari Atheling è regio sanguine Anglo-Saxonum. Et Ducatum Normanniæ, superato & excæcato fratre Roberto, Coronæ Angliæ adjunxit. VVallos quoque subjugavit.

Stephanus, ex Adelia filia Guilliemi Conquestoris, Henrici cognatus, regnum invasit, exclusa Mathilde Henrici I filia & Imperatoris vidua, anno à C. N. 1135; & tenuit annis 18, mens. 9, dieb. 17. obiit anno 1154.

Henricus II, filius Mathildis Imperatricis, & Henrici I nepos, regnum adiit ann. à C. N. 1154; tenuitque annis 34, mens. 8, dieb. 12. obiitque anno 1189. Hic possedit præterea Normanniam, Aquitaniam, Andegavensem, Cænomanensem & Turonensem provincias in Gallia; duxerat quippe in uxorem Helionoram ducis Aquitanie hæredem unicam. Idem & Hiberniam domuit.

Richardus I, dictus Cor Leonis,
Hen-

Henrici II filius tertio genitus, regnum adiit anno à C. N. 1189; tenuitque ann. 9, mens. 9. obiit anno 1199, sagitta ictus in obsidione castelli in Lemovicibus.

Iohannes, filius Henrici II sextogenitus, & ab illo Dominus Hiberniæ constitutus, regnum Angliæ & cætera dominia in Gallia adiit anno à C. N. 1199; tenuitque annis 17, mens. 7. obiitque anno 1216, intoxicatus à monacho, uti creditur.

Henricus III, Ioannis filius decennis, regnum adiit anno à C. N. 1216; tenuitque annis 56, mens. 0, dieb. 27. obiitque anno 1272. Princeps toto vitæ tempore intestinis bellis & magnarum suorum factionibus & rebellionibus exercitus.

Eduardus I, Henrici III filius, regnum adiit anno à C. N. 1272; tenuitque annis 35, mensib. 7, dieb. 21. obiitque anno 1308. Hic primum Valliam perdomuit, cæso Leolino Principe. Iudæos ex Anglia emisit. Scotiam graviter afflixit, & obtinuit quandiu vixit.

Eduardus II, Eduardi I filius, regnum adiit anno à C. N. 1308; tenuitque annis 19, mens. 6, dieb. 15. anno 1327 à suis destitutus, & in carcerem conditus, filio suo regnū resignavit; & paulo

postinsigni parricidio fuit interemptus. Princeps mollis, & degener à virtutibus paternis; quare & Scotia excidit, ingenti prælio à Scotis victus.

Eduardus III, Eduardi II filius, regnum adiit, anno à C. N. 1327; tenuitque annis 50, mens. 4, dieb. 15. obiitque anno 1377. Hic ingenti clade affixit Scotos: Galliæ Regnum, ut jure hereditario sibi debitum, armis invasit, & Gallos ingentibus cladibus terrarumque affixit; cepit Caletum, unoque tempore captivos habuit Reges Franciæ & Scotiæ. Princeps omnibus numeris absolutus.

Richardus II, Eduardi III è filio primogenito Eduardo nepos, undecim annorum puer regnum adiit ann. 1377; tenuitque annis 22, mensib. 2. regnoque se abdicare coactus, anno 1399 misere periit, fame, uti quidam tradunt, enectus.

Henricus IV, Eduardi III è filio Ioanne Lancastriæ duce nepos, regnum adiit ann. 1399; tenuitque annis 13, mens. 5, dieb. 21. obiitque anno 1412.

Henricus V, Henrici IV filius, regnum adiit anno 1413, tenuitque annis 9, mens. 4, dieb. 11. obiitque anno 1422. Hic ingenti clade percussit Gallos; Rotomagum & plura Normanniæ oppida

oppida recepit, postquam jam 215 annis in potestate hostium fuerant. Deinducta in uxorem Catharina Caroli VI Franciæ R. filia, & Delphino à parente exhæredato, Coronæ Franciæ successor est declaratus; sed obiit antequam illius plene compos fieret.

Henricus VI, Henrici V filius, patri successit anno à C. N. 1422, octo mensium puer; tenuitq; varia fortuna annis 38, mens. 6. Nam puer publico præconio Francorum Rex denunciatus, & totius pene Galliæ compos, annoque 1431 Parisiis in Regem Franciæ fuit inunctus. Sed Burgundo ab ipso deficiente, & Bedfordiæ Duce ipsius patruo cedente, res in Gallia sensim pessum ivere: domi autem res turbatæ à Richardo Duce Eboracensi: anno 1449 Normannia; sequentibus Aquitania amissa: In Anglia misera rerum facies, nobilissimo quoq; vario fato extincto, & popularium seditione ægre composita: Eboracensis graviores turbas orditur; Dux Sommersettensis cæsus, ipse Rex captus & ad varia atque indigna coactus; tandem Eboracensis aperte regnum affectat; sed illo in prælio occiso anno 1460, filius illius Eduardus, redintegrato bello, Regem in boreales partes Angliæ concedere coëgit anno

1461. In quo anno Henrici VI regnum desisse creditur. nam eodem anno parlamentaria auctoritate regno fuit abdicatus: &, cum anno 1463 clam in Angliam venisset, captus & in turrem Londinensem conclusus; sed Duce Clarenceio & VVarvvicensi ab Eduardo deficientibus Henricus postliminio fuit restitutus 1470, postquam pene decennium in carcere fuisset detentus. Eduardus profugit ex Anglia, & paulo post reversus aliquot præliis Henricum superat, & rursus turri Londinensi includit; ubi à Richardo Gibboso misere fuit occisus.

Eduardus IV, Richardi Eboracensis filius, regnum adiit anno à C.N. 1460; tenuitque varia fortuna annis 22, mensib. 1. obiitque anno 1483.

Eduardus V, Eduardi IV filius, duodecim annorum puer, regnum adiit 1483: sed vix mensibus duobus & paucis diebus tenuit, ab avunculo Richardo insigni paricidio obtruncatus.

Richardus III, Richardi Ducis Eboracensis filius, regnum accepit anno à C.N. 1483; tenuitque annis 2, mense uno; in prælio occisus anno 1485.

Henricus VII, regnum Angliæ adiit anno à C.N. 1485; ductaque in uxorem Elisabethâ, Eduardi IV filia, dissidia inter Lancastrensem & Eboracensem fami.

familiam composuit; & feliciter regnavit annis 23, mens. 7. Princeps felix & numeris omnibus absolutus.

Digressio de dissidiis inter Lancastrensem & Eboracensem familias, ex Wilhelmo Lambardo.

Eduardo tertio inter alios liberos quinque fuerunt filii: primogenitus, Eduardus, vulgo Niger princeps dictus; VVilhelmus, qui puer obiit; Leonellus Dux Clarenciæ; Ioannes Dux Lancastriæ, vulgo Gandavenfis dictus; & Edmundus, primo Comes Cantabrigiensis, & mox Dux Eboracensis. Eduardus obiit ante parentem, relicto filio Richardo; qui avo successit. Huius regimen à consanguineis & aliis magnatibus, ipsius culpa an ipsorum ambitione, cum magnopere improbaretur, undecimo anno regni parliamentum vocare, & quosdam suorum exilio, alios morte punire coactus fuit, tanquam illius seductores. Ipse vindictam anhelans, primo patrum suum Thomam, sextogenitum Eduardi III, & Glocestrensem Ducem, capite plectit; & post illum Comitem Arundeliæ: Archiepiscopum vero Cantuariensem, Comitem VVarvvicensem. & alios exilio mulctat: Henricum vero, Ducem Here-

Herefordensem, Ioannis Gandavenſis filium, certis limitibus circumſcripſit, & Lancaſtriæ Ducatu ſpoliavit. Quibus actionibus magnatum ſuorum animos plane à ſe alienavit; nec minus popularium mentes à ſe avertit. Vnde Henricus ex Hibernia reverſus, armis non modo Ducatum ſuum Lancaſtrenſem recuperavit, ſed & Richardum captum in carcerem concluſit; in quo miſere periit, nullo hærede relicto. Ita Henricus, IV ejus nominis, regni compos eſt factus. Poſt quem filius & nepos, Henricus V & VI, ſucceſſive regnarunt; Lancaſtrenſes dicti, quia à Ioanne Gandavenſi deſcendebant. his inſigne erat roſa rubens. Horum æmuli Eboracenſes, quibus roſa candida pro inſigni erat, de regni jure contendere cœperunt; jurene an injuria, ſequens ſtemma faciat fidem.

Leonellus, tertio genitus Eduardi III, & Clarentiæ Dux, genuit Philip. pam hæredem, quæ nupſit Edmundo de mortuo mari, Comiti limitis VVallici; qui & Richardo vivente hæres apparens Coronæ Angliæ fuit declaratus. Ex hiſ natus Rogerus de mortuo mari; ex illo Edmundus, Rogerus, Anna & Eſlionora. Anna (nam ceteri improles deceſſere) enupſit Richardo Comiti Cantabrigiæ,

tabrigiæ, filio Edmundi, & ex illo Eduardi III nepoti. ex his natus Richardus Plantageneta Dux Eboraci; qui præter undecim alios liberos genuit Edwardum IV Angliæ regem. Ex quo apparet, post Richardi II. obitum non debuisse quemquam è domo Lancastriæ succedere, Leonelli stirpe superstite. Quod Henricus IV cum non ignoraret, jus suum altius repetendum existimavit, nimirum ab Henrico III. Huic quippe duo filii fuerant, Eduardus & Edmundus. Quorum ille sub nomine Eduardi I regnavit. Edmundus erat Dux Lancastriæ & gibbosus. Licet autem inter utriusque ætatem multum interesset; postea credi voluerunt qui jam hanc telam ordiebantur, Edmundum fuisse primogenitum, & ob corporis deformitatem posthabitu. Itaque cum Henricus Ducatum Lancastriæ à matre Blanca filia & hærede Henrici Ducis Lancastriæ accepisset; eadem ratione & sibi jus potius ad Coronam acquisisse volebat videri, & superiores reges injuria regasse.

Henricum, licet jam Regni competentem, variæ difficultates exceperunt. nam statim post Richardi exauthorationem & captivitatem, frater Richardi Dux Exoniæ, cum Duce Albæ Maritiæ,

liæ, & Comitibus Cantii, Sarisburii, & Glocestriæ; aliisque, Henricum V Vin-
desoræ pene oppresserunt: Sed palam
facti, suppliciis affecti fuerunt, & Ri-
chardus ipse paulo post submotus. Pau-
lo tamen post (anno 1400) monachi
vanis rumoribus, & Ovvenus Glendo-
rus armis in VVallia, Richardum su-
perstitem persuadere conati sunt. Et
anno 1401 Comes VVorcestriæ, Archi-
episcopusque Eboracensis, & Thomas
Mombayus, Comes Marecallus, il-
lum armis fatigarunt, anno 1405. alii
quoque postea. ita uti irrequietum re-
gnum maxima vitæ parte obtinuerit.
Hunc excepit filius Henricus V, prin-
ceps bellicis artibus clarus, sed & do-
mesticis insidiis impetitus, à Richardo
Cantabrigiensi, marito Annæ, de qua
supra; qui scelus conceptum capite luit.
Henricum quintum excepit sextus; nul-
lis primo seditionibus obnoxius, do-
nec res in Francia nutare cœperunt, &
ipse nuptias contra jus & magnatibus
suis invitis inivisset cum Regis Siciliae
filia, & Patruum suum Hunfredum
Glocestriæ Ducem neci dedisset, totus-
que esset in uxoris potestate. tunc e-
nim Richardus Eboraci Dux occasio-
nem oblatam amplectens, clam regno
illius insidiari cœpit; usus opera Jacobi
Cade,

Cade, qui se de mortuo mari ferebat: sed cum hac via parum profecisset, impetum in Ducem Somersettensem, quem maxime sibi obstare rebatur, convertit, assumpto Comite Devoniz & aliis. verum cum Rex Somersettensem tueretur, res ad prælium tandem devenit, in quo Somersettensis cæsus & Rex Henricus fuit captus; id accidit anno 1456. Richardus Regis potens, Parlamentaria autoritate se protectorem Regni decerni haud difficulter impetravit; Richardum autem Nevillum Comitem Sarisburiensem, Regni Cancellarium; & filium illius Richardum itidem Nevillum, Comitem VVarvvicensem. Margareta Regis conjux cum & Ducem Eboracensem & Comitem VVarvvicensem simul opprimere frustra conata fuisset, flammam hanc civilem magis accendit: ita ut non jam uter regnaret, sed uter viveret, inter ipsos disceptaretur. infestis armis concursum, & Rex secundo captus, Parlamentariaque autoritate Richardus proximus hæres regni declaratus fuit: verum cum hic non multo post in prælio contra Regina copias inito occubuisset; Rex rursus fuit liberatus. Actum jam de Eboracensibus videbatur, quum Eduardus Richardi fi-

di filius , Comitibus Pembrochiæ & VViltoniæ cæsis , Londinum victor adiit , & Regis titulum ultro fuit adeptus; Henricus vero in Scotiam profugus , cum clam in Angliam rediisset , tertio capitur. Eduardus jam securus , Comitem VVarvvicensem in Galliam mittit , ut sibi Bonam in uxorem peteret ; dum ipse interim Grayam in Anglia ducit. quæ res VVarvvicensem summopere offendit; qui, licet aliud simularet , nihil non post illa movit ut Henricum restitueret. quod ut tutius aggrediretur, filiam suam Georgio Duci Clarenciæ Regis fratri conjunxit : & septentrionalioribus Anglis clam concitatis , aliquot præliis certatum , & tandem Rex ipse fuit interceptus ; sed cum rursus evasisset , fratrem & VVarvvicensem tandem regno profugere & in Galliam concedere coëgit. In Gallia, Francorum rege sufflaminante , nova consilia in Regis perniciem capta : Eduardus Henrici filius cum VVarvvicensis filia conjunctus : Clarencius , VVarvvicensis, Oxoniensis, & Penbrociensis , cum copiis in Angliam redierunt; Eduardus R. à suis desertus Flandriam petiit. Henricus libertati restitutus regnum denuo auspicatur ; verum Eduardus paulo post reversus ,
(licet

(licet primo, regni spe abjecta, tantum
 Ducatum Eboracensem affectare vide-
 retur,) capto non sine perjurio Eboraco,
 & fratre Clarencio sibi reconcilia-
 to, Marchioneque Montis acuti de-
 cepto, recta Londinum petiit, & Hen-
 ricum inopinantem oppressit, & quarto
 jam carceri mancipavit. VVarvvicen-
 sem auxilio advenientem prostravit.
 Reginae quoque copias cecidit, & co-
 mites illius cepit: & jam saevitiae dedi-
 tus Henrici filium in suo conspectu ne-
 care est passus; Henricum ipsum paulo
 post in turri Londinensi Regina vitam
 pretio redemit. Penbrociensis cum ne-
 pote suo Henrico, qui postea regnavit,
 in Galliam fugit. Eduardus undecimo
 anno post in flore ætatis extinguitur;
 duobus filiis relictis, Eduardo & Ri-
 chardo. Quorum ille regnum obtinuit,
 licet nunquam fuerit coronatus; nam
 Richardus patruus utrumque sustulit,
 & semet coronari fecit: Verum re-
 gnum paricidio partum non dudum
 retinuit, ab Henrico, Comite Riche-
 mondiæ, regno pariter & vita pri-
 vatus.

Henricus VIII, Henrici VII filius, re-
 gnum adiit anno à C. N. 1509; tenuit
 que annis 37, mensib. 7. obiitque an-
 no 1546.

Y.

Eduardus

Eduardus VI, Henrici VIII filius, regnare cœpit anno à C. N. 1546; regnavitque annis 6, mens. 5. obiitque anno 1553, septemdecim annos natus.

Maria Henrici VIII filia, regnum adiit anno à C. N. 1553; tenuitque annis 5, mensib. 4. obiit anno 1558.

Elisabetha, altera Henrici VIII filia, regnum adiit anno 1558; tenuitque felicissime annis 44, mensib. 4. obiit anno 1602.

Iacobus, Scotiæ VI, Angliæ vero I, Regnum adeptus est anno à C. N. 1602; tenuitque annis 23. obiitque anno 1625.

Carolus, Iacobi filius, hodie regnat.

X I.

NOBILIORVM FAMILIA-
rum Sylloge, ex Camdeno,
& alijs.

A.



Lington : Equestris familia, quæ inde à temporibus Henrici VI enituit, connubio juncta cum Argentoniam hærede; quæ in hanc familiam intulit prædium VVimondley in Comitatu Hertfordiensi; quod honoratissimo jure tenetur,

tur, (quod Angli vocant *Grand Sergeantie*,) nimirum, ut possessor Regibus Angliæ quo die inaugurantur primum ministret scyphum, & sit quasi Regius pocillator. *Camden.*

Arondel, (quidam Latine *de Hirundine* scribunt,) familia antiqua & celebris, propinquitatis & affinitatis ramis longe diffusa: equestris familia, cujus sedes Lanheron in Cornuwallia: ob fortunas, quas habuerunt amplissimas, *Arondellii magni*, non ita pridem dicti. *Camden.* Ex eadem familia est (nisi fallor) Ioannes Arundel, quem scribit *Camdenus* à Iacobo R. Baronem de VVardour creatum, & ab Imperatore Rudolpho, ob rem præclare adversus Turcas juxta Strigonium gestam, Comitem Imperii dictum.

Ashburnham, familia vetusta admodum in Comitatu Suffexiæ. *Camden.*

Ashby, familia nobilis in Comitatu Leicestriæ. *Burton.*

Astley, clara & antiqua familia equestris, in Dorsettiæ Comitatu. *Camden.* Est & familia ejusdem nominis, nescio an originis, (de qua VVilhelmus *Burton*,) in Leicestria; qui *Astley* à *Patteshul*, & *Astley* à *Wolney* scribunt: quorum majores Astley Castrum in

VVarvvicensi provincia possederunt, connubio ad Greyorum familiam translatum.

B.

B*Acon*, clara familia, & plurimum illustrata à Nicolao Bacono sub Elisabetha R. Cancellario Angliæ; item à Francisco Bacono filio, sub Iacobo R. nuper eadem dignitate functo, & Baronis à Verulamio titulo aucto.

Bainard, clara familia, cujus possessio est Leckham in Comitatu VViltornia. *Camd.*

Bampfild, clara & perantiqua familia, cujus sedes Poltimore in Devonia. *Camd.*

Banning hæc familia inclaruit in Paulo Banning, Vicecomite Banning de Sudbury.

Barkley, nobilissima & antiqua familia; è qua plurimi Barones fuere; & Henrico VII regnante Guilielmus Marchio Barkley, Comes Nottinghamiæ & Marescallus Angliæ. *Camd.* Hodie ex illa Baro *Berkleye*.

Barrington, clarissima familia in Essexia; quam regnante Stephano Barones de Montefino possessionibus adauerunt, & patrum memoria nuptiæ cum altera filia & hærede Henrici Polidomini.

Domini Montis acuti, filii & hæredis
Margaretæ Comitissæ Sarisburiae ex
sanguine regio, clariorem reddide-
runt. *Camd.*

Basing, vide *S. Iohn*.

Baskervil, clara & vetusta familia,
virorum & Equitum auratorum olim
admodum fecunda, qui è nepti Gu-
noræ celeberrimæ illius heroinæ Nor-
mannicæ genus repetunt, & olim in
Comitatu Herefordensi & Salopiensi
floruerunt. *Camden.*

Beaumont, antiqua & nobilis fami-
lia in Comitatu Leicestriae, magnisque
dignitatibus olim perfuncta. *Camden.*
& *Burton*. Ex eadem hodieque est Vi-
cecomes Beaumont, creatus à Rege la-
cobo I, anno 1522.

Bedingfield, clara & vetusta familia
in Comitatu Suffolciae, à loco ejusdem
nominis. *Camden.*

Belasses. ex familia hac est hodie Ba-
ro Falconbridge de Yarum.

Berners, pervetusta familia in Hert-
fordiensi Comitatu. *Camden.*

Bertii, familia nobilis, materna stir-
pe à Villougbeis descendens; unde
Barones Villoughbii de Eresby: ex ea-
dem hodie Comes Lindsey.

Bingham, clara & antiqua familia
in agro Dorsettensi, è qua sub R. Elisa-

betha bellica gloria enituit Richardus Binghamus. *Camd.*

Blunt, nobilissima familia, è qua Gualterum Blunt ad Baronis Montioy dignitatem Eduardus IV evexit, cujus posterì literarum ornamentis generis claritatem adæquarunt, & inter illos præcipue Carolus Devonix Comes à Iacobo I Rege creatus. *Camden.* Ex ea hodie est Baro Montioye. Est & alia familia hujus nominis in Salopiensi Comitatu, nobilis & vetusta, cujus rami longe diffusi.

Bodley, nobilis & equestris familia, quam Thomas Bodleus, qui Bibliothecam Exoniensem locupletavit, egregie illustravit.

Bourchier, vetusta & nobilis familia, è qua Henricus VIII Ioannem Bourchier Dominum Fitzvvarin, Bathoniæ Comitem creavit; cui successit Ioannes filius, qui Ioannem Dominum Fitzvvarin suscepit ante patrem defunctum; è quo natus est Guilielmus Bathoniæ Comes, qui nunc floret. *Camden.*

Bouves, sive *de Arcubus*, præclara & equestris familia, quæ subinde difficillimis temporibus egregiam principi & patriæ operam navavit. *Camden.*

Briggs, nobilis familia; è qua hodie Baro Chandois.

Erooke,

Brooke, familia nobilis ex Comitatu Somersettensi oriunda; è qua Thomas per nuptias cum Ioanna unica filia Ioannis Braybrooke locupletem hæreditatem adiit in Cantio; à quo sextus fuit Henricus Baro Cobham, qui sub Iacobo I Regiæ majestatis fuit damnatus. Est & alia familia hujus nominis in Comitatu Cestriæ.

Broovvn, equestris familia in Comitatu Surreye, è qua cum avorum memoria Antonius Brovvn Luciam quartam Ioannis Nevilli Marchionis Montis acuti filiam cum dotali patrimonio satis amplo duxisset, ejus è filio nepotem Vicecomitis Montis acuti titulo Maria R. exornavit. *Camden.* quo posterì hodieque gaudent.

Bruges, antiqua familia, è qua Barones de Chandos extiterunt. *Camden.*

Brudnel. ex hac familia jam est Baro Brudnel de Stouton.

Bruin, sive *le Brum*, familia si qua olim in Essexia celebris: E cujus duabus hæredibus fæmellis sæpius enuptis Carolus Brandon Dux Suffolciæ, Tirelli, Bernerii, alii, descendunt. Masculi autem ex illa familia adhuc in agro Sout-hantonensi supersunt. *Camd.*

Burck. ex hac familia hodie est Vicecomes *Tunbridge.*

Burdet, antiqua & nobilis familia in Comitatu Licestriæ. *Burton*.

Burrough, sive *Burgh*, nobilissima familia, à Perciis & Atholiæ Comitibus stemma repetens, è qua superioribus annis enituit Thomas, Baro Burrough, Hiberniæ prorex. *Camden*.

Byron, sive *Buron*, vetusta familia in Comitatu Nottingamiæ, à Radulpho de Buron primis Normannorum temporibus florentissimo. *Camden*.

C.

Althrop, celebris inprimis familia. *Camden*.

Cavendish, familia illustris. E qua Guilielmum Iacobus Rex honore Baronis de Hardvvic honoravit anno 1605. *Camden*. & postea Comitem Devonix creavit. Ex eadem familia est Vicecomes Mansfield. *Burton*. hodieque VVilhelmus Cavendish Comes Novi Castellii.

Carew, familia nobilis & vetusta in Devonix: quæ originem repetit à Gualdo filio VValteri, cui Rex Henricus I Moulesford in Bercheriæ Comitatu dederat. plurimum autem splendoris illi accessit ex nuptiis cum clarissimis familiis Mohunorum & Dinhamorum, &c. *Camden*. Possident & latifundia in

in Surreya. Ex eadem est Georgius Caruuv Baro de Clopton: hodie Comes Totnes.

Carleton, vetusta & nobilis familia, quæ maxime inclaruit per Dudleium Carleton, quem Rex Carolus ex Barone de Imbercourt Vicecomitem Dorcestriæ creavit, & principalem Regni Secretarium fecit.

Carye, clarissima familia in Devonia. è qua prodiit Henricus Carye Baro Hunsdonæ & Reginae Elisabethæ à cubiculis: aliique viri magni & memorabiles. Ex eadem hodie Robertus Cary Comes Momuthi, & Henricus Cary Comes Doroverniæ.

Cecil, pernobilis familia in Comitatu Hertfordiensi. E qua summi viri enituerunt. Primo Guilielmus, qui Eduardo VI à secretis, sub Elizabetha totius Regni Thesaurarius fuit: Et Robertus illius secundo genitus, sub ejusdem Elizabethæ regno & Jacobi R. toti orbi notissimus. Frater illius major natus Thomas à Rege Jacobo Exoniæ Comes; ipse Sarisburiae Comes & Thesaurarius Angliæ renunciatus. sed hic tantum unicum filium Comitatus hæredem: ille numerosam sobolem reliquit.

Champernown, familia equestri splendore clara in Devonia, quæ plurimum

splendoris ex hærede de Valle torta accepit. *Camd.*

Chaumont, antiqua familia in Cornuwallia, cujus sedes Lancels prostraton. *Camden.*

Chetwood, familia nobilis in Comitatu Bedford. *Camd.*

de *Chichester*, nobilis & clara familia in Devon. *Camd.*

Chidley, ampla familia in Devon. *Camd.*

Cholmondley, sive *Cholmley*, equestris familia in Cestriæ Comit. *Camd.*

Clifford, antiqua & nobilissima familia; è qua Henricus ab Henrico VII primus Cumbriæ Comes creatus; qui ex Margareta filia Henrici Percii Comit. Northumbriæ genuit Henricum II; cui ex secunda uxore filia Baronis Dacre de Gillesland nati duo filii, Georgius & Franciscus. Georgius tertius, Comes navali gloria clarus, ad labores impiger, ad pericula fortis, obiit ann. c. 1510. Illi autem successit Franciscus frater, Com. quartus, in quo ardor mentis ad virtutem tantis majoribus dignus clarissime elucet. *Camden.* Est & Baro Clifford ex hac familia.

Clinton, vetusta familia, è qua Elisabetha Regina Eduardum Baronem Clinton Comitem Lincolnæ creavit; cujus

cujus posterii eodem honore gaudent.
Camden.

Compton, inclita familia in Comitatu VVarvvicensi; è qua Henricum Compton Regina Elisabetha ad Baronis dignitatem evexit anno 1572. *Camd.*
Ex hac familia VVilhelmus Comton Comes est Northamtoniæ.

Convay. ex hac Eduardus hodie est Vicecomes *Convay*.

Corbet, antiquæ in Comitatu Salopiæ nobilitatis familia. *Camden.*

Cornvvaile. familia hæc genus repetit à Richardo Cornubiæ Comite & Rege Alamannorum: ejusque prosapia ad hæc usque tempora, Baronum de Burford nomine, sed non Parlamentariorum Baronum dignitate, floruit. *Camd.*

Cotton, clara & equestris familia; quam hodie illustrat Robertus Cotton de Connington, Eques doctrina & antiquitatis cognitione illustris.

Cranfield. hanc familiam primus illustravit Leonellus Cranfield Comes Middelfexiæ.

Cravon. ex hac familia hodie est Baro *Cravon de Hamsted Marshal*.

Croft, clara & perantiqua equestris familia in Comitatu Hereford. *Camd.*

Cromwel, antiquitus equestris familia,

milia: nunc à Iacobo R. ad maiorem dignitatem eveſta: ex ea quippe Thomas Cromvvel Baro *Cromvvel*.

D.

Dacre, nobilis & antiqua familia: è qua Barones Dacre de Gillesland. *Camd.*

Danvers, jamdiu in VViltonia equeſtris familia; è qua Henricus Danvers titulum & honorem Baronis Danvers de Dantefey, gratia Regis Iacobi eſt conſecutus. *Camden*. hodie Comes *Danby*.

Darcy, inſignis familia: è qua Barones Darcy de Chich dicti, ab Eduardo VI ad hanc dignitatem eveſti. *Camd.* hodie Barones Darcie & Menthel.

le Denis, equeſtris familia in Devonia. *Camd.*

Deny, familia nobilis in Eſſexia, è qua R. Iacobus Eduardum Deny Baronem evocavit. *Camd.* qui hodie eſt Comes Norvvici.

Digby, clara & antiqua familia in Rutlandiæ Comitatu. è qua Everardus Digby ſempiternam maculam generi ſuo aſperſit, conſiliis cum horrendis illis perduellibus anno 1605 ſociatis. ſed ampliſſima familia eſt, longe lateque ſparſa; è qua hodieque eſt Comes Briſtoliz,

stoliæ, Regis superioribus annis ad Hispanum legatus.

Dimock. hæc familia in Lincolnia tenet Manerium Scrivelby, per servitium magnæ Serientix, (ut loquuntur I. C.) videlicet, quod quandocunque Rex aliquis Angliæ coronari debeat, tunc Dominus hujus Manerii, qui pro tempore fuerit, vel aliquis nomine suo, si idem impotens fuerit, veniet bene armatus pro guerra super uno bono dextrario, in præsentia Domini Regis, die coronationis suæ; & proclamari faciet, si aliquis dicere voluerit, quod dictus Dominus Rex non habet jus ad regnum suum & coronam suam, promptus erit & paratus ad defendendum jus Regis, & regni sui, & dignitatis coronæ suæ, per corpus suum, versus ipsum, & alios quoscunque. *Camd.*

Dormer; equestris familia in Comitatu Buckinghamiæ. *Camd.* è qua hodie Baro Dormar de Winge.

Drake familiæ originem & nomen dedit Franciscus ille Dracus, Eques auratus, gloria navali nostra memoria facile princeps.

Dudley, nobilissima familia. E qua Ioannes Dudley Comes VVarvvici titulum Ducis Northumbriæ occupavit, cum in tenella ætate Eduardi VI par-

tium.

tium Duces honores inter se sortirentur. sed dum Maria & Elisabetha exclusis, regnum filio suo qui Annam Grayam duxerat, asserere conatur; majestatis damnatus capitis pœnam subiit. Hujus filius Robertus Licestriæ Comes & Baro Denbigh creatus ab Elisabetha Regina anno 1564. obiit sine hæredibus anno 1588. *Camd.*

Dutton, insignis familia in Comitatu Cestriæ, qui ab Hudardo quodam Cestrensi Comitem affine genus deducunt: eorumque magna est auctoritas veteri instituto in omnes tibicinas, fidicinas & citharædos illius provinciae, ex quo R. Dutton adolescens, animo & manu promptus, collecta id genus hominum tumultuaria manu, Ranulphum ultimum Cestriæ Comitem, VVallicis-hostibus circumfusus, obfidionis periculo fortiter liberaffet. *Camden.*

E.

E *Dzcombe*, vetusta & nobilis familia in Cornuwallia. *Camd.*

Egerton, clarissima equestris familia in Comitatu Cestriæ, genus ducens à Philippo juniore, filio Davidis de Malopassu Baronis Malpas. E qua familia prodiit Thomas Egerton, quem Elisabetha

hetha Regina magni sigilli custodem sibi elegit, & Iacobus R. Cancellarium & Baronem de Ellesmer fecit. *Camd.* ex hac familia hodie est Comes de Bridgevater.

Erdesvick, nobilis familia; quæ ab Hugone de Vernon, Barone de Shipbroc, variato pro habitationis ratione nomine, primum in *Holgrave*, & postea in *Erdesvick*, recta linea mascula descendit. *Camd.*

de Essex, equestris familia, quæ genus refert ad Guilielmum de Essex thesaurarium Angliæ sub Eduardo IV. *Camd.*

d'Evreux, familia nobilissima; è qua Gualterus d'Evreux, Vicecomes Herfordiæ, ab Elisabetha Regina Comes Essexiæ dictus, filium habuit Robertum notissimum sed infelicem heroa; cujus filius Robertus hodie Comes est Essexiæ.

Evre, sive *Evers*, viculus in Buckinghamia. Quem cum Rex Ioannes Ioanni filio Roberto Domino de Claverinus dedisset; juniores ejus filii à loco nomen sibi assumerunt: Hugo scilicet, unde Barones de Evre; & Robertus, à quo familia de Evre in Axholme est propagata. *Camd.*

F.

F*Airfax*, (quod pulchram comam sonat,) familia antiqua & clara in Eboracensi provincia. *Camd.*

Fane, nobilissima familia & equestris, quæ per nuptias Mariæ Nevillæ primum Baroniam le Despencer accepit; nunc ex illa est Comes VVestmoriandiæ.

Farneham, nobilis & vetusta familia in Leicestriæ Comitatu. *Burton.*

Faunt, nobilis & clara familia equestris in Comitatu Leicestriæ: ad quam pertinet Manerium Foston. *Burton.*

Feilding. ex hac familia hodie est Comes Denbigh.

Fienes, antiqua & nobilissima familia; è qua superiore ætate fuerunt Barones Dacre; hodieque est Baro de Say & Sele: nam Rex Iacobus Richardo de Fienes sive Fenis & hæredibus de corpore, recognovit & confirmavit nomen, stilum, titulum, gradum, dignitatem & honorem Baronis de Say & Sele. *Camden.*

Fitz-Herbert, equestris familia in Comitatu Derbiæ. *Camden.*

Fitz-Williams, vetusta equestris familia, qui amplissima cognatione nobilissimos Angliæ attingunt, & è quibus

bus procreati sunt Guilielmus Fitz-VVilliams patrum memoria Southantonix Comes, & Guilielmus Fitz-VVilliams nuper Hibernix prorex. *Camd.*

Fortescue, nobilis & equestris familia in Buckinghamia. *Camd.*

Foster, equestris familia in Berkerix Comitatu. *Camden.*

G.

G*Age*, nobilis familia in Suffexia, quæ nuptiis cum altera hærede familix de S. Claro adaucta inclaruit. *Camden.*

Gerard, familia nobilissima in Staffordia; è qua Thomas Gerard, Baro Gerard de Gerards Bromley à Iacobo R. creatus.

Glemham, vetusta & celebris familia equestris in Suffolcix Comitatu, magnis connubiis illustrata.

Godolphin, nobilis & equestris familia in Cornubia, ad quam pertinet hæreditas Godolphin collis, stanni venis feracis. *Idem.*

Godvvin, equestris familia in Buckinghamia. *Idem.*

Gorges, familia nobilis in Glocestria, à Russellis oriunda. *Idem.*

Grayham, familia admodum nobilis in Cumbria. *Idem.*

Greisleley, familia nobilis in Derbia;

Z

quæ

quæ à Guilielmo filio Nigelli de Grey-
seley dicto genus repetens, ab ipsa Nor-
mannica Angliæ expugnatione adhuc
usque tempora magna dignitate flo-
ruit. *Camden.*

Grenvil, familia generis antiquitate
& claritate illustris in Cornubia: è qua
nuper Richardus, supra generis clari-
tatem, animi altitudine insignis, for-
tissime contra Hispanos ad Azoras in-
sulas dimicans, vitam profudit. *Idem.*

Grevil, nobilis & equestris familia
in VVarvvicensi Comitatu. *Camden.* è
qua hodie est Baro Brooke de Bucham-
court.

Grey, nobilissima familia, & late
propagata: è qua Marchio Dorcestriæ
fuit: & Dux Suffolciæ; cujus filia fuit
Anna Graya Regina & Comites Can-
tii: itemque Domini de Sandiacre: &
Barones Grey de Codenor; quorum
hæreditas devenit ad Zouchæos: item-
que Baro Grey de Groby, à Iacobo R.
in avitum honorem restitutus. Est &
bellicosa familia Baronum Grey de
VVilton, quæ falconem chirothecæ in-
sidentem pro symbolo usurpat. *Idem.*

Grosvenour, nunc corrupte *Grave-
nor*, celebris familia in Cestria. *Idem.*

H.

Harrington, nobilis & vetusta familia in Rutlandia; è qua Ioannem Harrington Equitem clarissimum titulo Baronis Harington de Exton Iacobus R. exornavit. *Camd.*

Haruye. ex hac familia hodie est Baro Haruye de Kilbrooke.

Hastings, antiquissima & nobilissima familia; è qua Georgius ab Henrico VIII Hundtingdoniæ Comes est creatus; cui successit Franciscus; illi itidem Henricus filius, veræ nobilitatis laudibus vir longe honoratissimus; illique sine prole defuncto Georgius ejus frater; Georgio ejus è filio nepos Henricus. *Camden.*

Hatton, familia antiqua in agro Northamptoniensi; è qua sub Regina Elisabetha inclaruit Christophorus Hattonus Regni tandem Cancellarius.

Hennigam, sive *Heveningam*, nobilis familia in Suffolcia, & equestris, quæ admodum vetustam repetit originem. *Camden.*

Herbert, antiqua & longe amplissima in VVallia familia. Equa Penbrochiæ nobilissimi Comites sub Eduardo IV, & rursus VI, creati, etiamnum per-

ennant. Ex eadem Rex Iacobus Philippum filium natu minorem Henrici Comitis Penbrochiæ ex Maria Sidneya, montis Gomerici Comitem creavit anno c10 10c v. *Camd.*

Heydon, equestris familia in Northfolcia. *Idem.*

Hobey, nobilis equestris familia in Berkeria. *Idem.*

Holcroft, nobilis familiæ agnomen in Lancaſtria. *Idem.*

Hollis. ex hac familia hodie est Comes Claræ.

Horſey, equestris familia in Dorſet. Comit. *Idem.*

Houvard, ſive *Havvard*, nobiliſſima & ampliſſima familia. Equa anno 1514 Thomas Surreiæ Comes, Northfolciæ Dux eſt factus. Eum namque titulum pater ejus Ioannes hæreditario jure conſecutus erat à Thoma de Brotherton Regis Eduardi I filio, à Segraviis & Moubraiis (qui omnes Northfolciæ Duces fuerunt) genus ducens. Sed quod in pugna Boſvvorthana (in qua cecidit) à partibus Richardi tyranni ſtetiſſet, eo honore ipſe poſterique multati erant. Thomæ, anno 1524 extincto, ſucceſſit filius Thomas. qui anno 1554 deceſſit. ex illo genitus Henricus, qui patre vivente capite truncatus fuit extremis

tremis Henrici VIII R. temporibus.
 Hic filios reliquit Thomam postre-
 mum Norfolciæ Ducem, anno 1572 se-
 curi percussum; & Henricum, quem
 Iacobus R. Northamptoniæ Comitem
 dedit. Thomæ autem tres filii fuerunt;
 Philippus, Thomas & Guilielmus. Phi-
 lippus Surreiæ, ac propter matrem A-
 rundelliæ Comes, damnatus, anno
 1589 in carcere obiit, filium relinquens
 Thomam; qui Iacobi R. beneficio in
 paternos honores successit. Thomas
 patruus illius ab eodem Rege Suffolciæ
 Comes & summus Camemarius est fa-
 ctus. Ex eadem familia est Carolus Not-
 tinghamiæ Comes, & Angliæ Thalaf-
 siarchus; ex patre Guilielmo, Thomæ
 Norfolciæ Ducis nepos, nimirum ma-
 gni illius Scotiæ Domitoris. Ex eadem
 & Thomas Havartus Vicecomes Bin-
 don, à Thoma Norfolciæ Duce per
 Thomam filium genus ducens. Me-
 moratur & à Camdeno Dominus Gui-
 lielmus Hovvard de Navvorth, Illu-
 strissimi Thomæ Ducis Nortfolciæ fi-
 lius tertio-genitus, venerandæ vetusta-
 tis cultor eximius & eruditus; qui in
 Cumbria jure uxorio latifundia possi-
 det. Ex eadem familia hodie est Comes
 Berkeriæ.

Hungerford, nobilissima familia in

Berkeria, è qua plurimi Barones eni-
tuerunt. *Camden.*

I.

IErmin, clara & equestris familia in
Suffolcia. *Camd.*

Iernegam, clara & equestris familia
in Suffolc. *Idém.*

S. Iohn, nobilis familia & illustris,
quæ olim sua virtute amplissimas in
VVallia possessiones & nostro tempore
Elisabethæ R. gratia Baronum digni-
tatem consecuta est: hodie Barones
S. Iohn de Bletso. Camd. Ex hac fami-
lia Oliverus *S. Iohn*, hodie Comes est
Bullingbrouck. Itemque Baro *Tregoze*.

K.

K*Illegrevv*, clara & vetusta familia,
cujus præcipua sedes in Cornubia.
Camden.

Knevet. Knevettorum pervetusta
est familia, & jam inde à Ioanne Kne-
vet, Angliæ sub Eduardo III Cancellar-
io, clarissima; & magnis nuptiis ho-
norata, longe ramos diffudit; in Nor-
folcia, in VViltonia, & alibi. *Camden.*
Knevet de Eserick vocatus ad Parla-
mentum anno 1607.

Knolles. nobilissima & dudum eque-
stris familia; è qua Iacobus R. Guiliel-
mum

munum Knolles aulę regię thesaurarium, titulo & honore Baronis Knolles de Rotherfeld exornavit. *Camd.* Hodie VVilhelmus Knolles Comes est *Bam-bury.*

L.

L *Acii*, nobilis familię nomen. ę qua quondam Comites Lincolnię fue-re. ex eadem clarissimi viri inter pri-mos Hibernię expugnatores enitue-runt. *Camd.*

Lascelles, vetusta & pręclara familia in provincia Eboracensi. *Camd.*

Leake. ex hac familia hodie est Baro Deincourt.

Lee, nobilissima familia in Buckin-gamia. ę qua Henricus Lee Georgiani ordinis eques longe clarissimus. *Idem.*

Lennard. ex hac familia est Baro Da-crez de *Herst.*

Ley. ex hac familia hodie Comes Marlburgi, Thesaurarius Anglię. Item-que Baro Ley.

Lisle de rubeo monte, familia vetusta & nobilis in Cantabrigiensi Comitatu. ę quę Ioannes ob virtutem bellicam in-ter primos Georgiani ordinis fundato-res ab Eduardo III recensetur: cujus pro-sapia adhuc possidet VVilberham. *Idem.*

Litton, clara familia in Comitatu Hertfordię. *Idem.*

Longavil, prisca familia in Buckin-
gamia. *Idem.*

Lovelace, ex hac familia est Baro Lo-
velace de Hurley.

Lumley, antiquissima familia in Du-
nelmensi Diocesi, è qua Barones Lum-
ley jam à tempore Richardi II longa
serie floruerunt. *Idem.*

M.

M*Arkham*, vetusta & celebris fami-
lia in Nottinghamia. *Idem.*

Mannours, nobilissima familia. E
qua hodie Comites Rutlandiæ. Hen-
ricus enim VIII Thomam Mannours
in Rutlandiæ Comitem extulit, qui
amplissimam Baronum Roos hæredi-
tatem in circumvicinis regionibus jure
Aeleonoræ aviæ creverat. Huic successit
Henricus; & illi itidem Eduardus fi-
lius; huic præmature mortuo frater
Ioannes; huic filius Rogerus.

Medcalf, numerosissima & eque-
stris familia in Richmondiæ Comita-
tu. *Idem.*

Mildmay, familia equestris. è qua
Gualterus Elisabethæ Reginæ ab intimis
consiliis, Eques, collegium Emanuelis
Cantabrigiæ instituit. *Idem.*

Mohun, equestris familia in Cornu-
bia. *Rich. Carevv.*

Moli.

Molineaux, nobilis & equestris familia in Lancastria. *Camd.*

Montagu, nobilissima familia & antiqua. E qua hodie est Comes Manchesteræ. Itemque Barones Kimbolton & Montague & Boughton.

Mordant, nobilis familia. è qua à tempore Henrici VIII Baro de Mordant in Bedfordiæ Comitatu. *idem.* hodieque Comes Petroburgi.

More, Equestris familia in Surreya. *Idem.*

Morgan, nobilissima familia, & numerosa. E qua plurimi laude bellica inclaruerunt. Est autem insignis hæc familia è Monumuthensi agro oriunda. ubi cognomine de Pencarn celebrantur.

Musgrave. ex hac familia Simon. Musgrave anno MDLXX ob fortitudinem bellicam equestri dignitate à Suffexio decoratus.

N.

N*evil*, familia summæ & vetustæ nobilitatis. E qua Radulphum Nevil Richardus II Rex primum VVestmorlandiæ Comitem creavit. cujus posterii ex priore uxore filia Comitissæ Staffordiæ eo honore floruerunt, donec Carolus impotenti animo & scelerata

conspiratione fidem in Reginam Elisabetham & patriam exuendo clarissimæ familiæ maximum dedecus impressisset, suumque ipsius splendorem nefarie maculasset: unde patria profugus vitam in Belgio miserè egit & peregit. Ex altera uxore Catharina filia Ioannis Gandavenfis Ducis Lancastriæ, adeo eximia & numerosa fuit propagatio nominis, ut uno eodemque fere tempore ex ea nati effloruerint Comes Sarrisburii, Comes VVarvvici, Comes Cantii, Marchio Montis acuti, Baro Larimer, & Baro Abergavenni. postremo hoc titulo Baronis Abergavennæ hodieque Nevilli gaudent beneficio Iacobi Regis. cæteri tituli per hæredes famellas fere ad alias familias transierunt. *Idem.*

Neutron, familia equestris, è VValia oriunda, quæ nunc in Somersettenfi Comitatu sedem habet. *Idem.*

Noël, clarissima familia è Staffordia oriunda: hodieque equestris in Licestria: è qua nuper Baro Noël enituit. *Camden. & Burton.*

Norris, nobilissima familia. E qua Regina Elisabetha Henricum Norrium Baronem de Ricot dixit; virum cum generis claritate conspicuum; (à Louellis enim, qui maximas Angliæ familias

miliæ cognatione attigerunt, genus ducit; tum bellicosissima prole, quod Belgica, Lusitania, Britannia Armorica & Hibernia contestentur, longe clarissimum. *Camden.*

North, nobilis familia in Comitatu Cantabrigiensi. è qua Eduardum North Maria Regina primum Baronem North creavit. *Idem.*

O.

O *Gle*, nobilissima familia in Northumbria. è qua Barones Ogle ab Eduardo IV ad superiora usque tempora effloruerunt. quibus mascula Baronum progenies defecit. *Idem.* supersunt tamen equestres viri hujus nominis.

Ouven, nobilis familia in VVallia; quæ hodie possidet Keimes Baroniam; in qua præter tres burgos, Nevvport, Fishgard, & S. Dogmaëlis, xx sunt feuda militaria, & parochiæ xxvi. *Idem.*

P.

P *Aget*, nobilissima familia: è qua Barones Paget de Beaudefort, postquam Guilielmus Paget ab Eduardo VI Baronis titulo est decoratus. *Idem.*

Parker, nobilissima familia; quæ paternam originem à Baronibus Morley, znater-

maternam à Calthropis celebri inprimis familia deducunt. Ex illa hodie est Baro Morley & Monteagle. *Idem.*

Parry, nobilissima familia; è qua Thomas Parry fuit Thesaurarius hospitii Reginae Elisabethæ. *Idem.*

Peilon, equestris familia in Cantabrigiensi Comitatu. *Idem.*

Pelham, nobilis familia in Suffexia. *Idem.*

Percy, nobilissima familia; quæ à Brabantia Comitibus originem repetit; è qua varia vicissitudine Northumbriae Comites enituerunt, & adhuc hodie eodem honore gaudent. Ex eadem & Baro Percy.

Perot, nobilissima familia. è qua fuit Hibernia prorex Ioannes Perot; quem post res magnas ibidem gestas, lingua procacitas evertit. *Idem.*

Perpoynt. ex hac hodie est Vicecomes *Neuuarke*.

Petre, nobilis familia; è qua Ioannem Petre equitem clarissimum Rex Iacobus Baronem Petre de VVrittle creavit, filium Henrici Petre, qui Henrico VIII, Eduardo VI, Mariae, & Elisabethæ R. R. à sacris consiliis fuit, & sæpe ad exteros Principes legatus. *Idem.*

Pigot, nobilissima familia in Bedfordia. *Idem.*

Pointz,

Pointz, familia nobilis in Glocestria.

Idem. è qua nonnulli magno splendore & equestri dignitate supersunt.

Popham, nobilissima familia & equestris in Somersèttia. *Idem.*

Povvlet, nobilissima & antiqua familia. è qua Eduardus VI Guilielmum Povvlet, Dominum S. Iohn de Basing, Marchionem VVintoniæ & summum Angliæ Quæstorem constituit; in cujus familia dignitas Marchionis etiamnum permanet. *Idem.*

Prideaux, familia antiqui nominis & nobilitatis in Cornubia & Devoniam. *Idem.*

R.

R *Alegh*, nobilis familia in Devoniam. *Idem.*

Ratclif, nobilissima familia, è Fitz-VValteris originem ducēs. Ex hac Henricus VIII Robertum Sufflexiæ Comitem creavit. cui successit Henricus; huic filius Thomas, heros longe honoratissimus; illi frater Henricus; atq; huic filius Robertus, qui hodie superest. *Idem.*

Rich, nobilissima familia. è qua tempore Eduardi VI Richardus Rich Angliæ Cancellarius enituit: cujus hæredes hodie sunt Comites VVervvici; & Holland.

Rob.

Robbarts. ex hac familia hodie est
Baro Robbarts de *Truro*.

Roper. ex hac familia est Baro *Ten-*
ham.

Rous, vetusta & nobilis familia in
Suffolcia. *Camd*.

Russel, nobilissima familia. è qua
Eduardus VI Ioannem Russel Bedfor-
dię Comitem creavit; cui successit filius
Franciscus, vir summa pietate; huic
Eduardus è filio Francisco nepos. *Idem*.
Hodie Franciscus Russel Bedfordiæ Co-
mes est.

S.

Sacvil, vetusta & nobilissima fami-
lia. è qua Iacobus Rex Thomam Sac-
vil Baronem de Buchorst, Angliæ The-
saurarium, Comitem Dorcestriæ crea-
vit; cuius posterì adhuc eo honore
gaudent.

Sadler, nobilis & dudum equestris
familia.

Sampol, sive de *S. Paulo*, familia no-
bilis in Lincolnia. *Camden*.

Sandes, nobilissima familia; è qua
Henricus VIII Guilielmum Sandes Ba-
ronem Sandes dixit. *Idem*.

Sauage, inclyta familia in Cestriæ
Comitatu. *Idem*. è qua hodie Thomas
Sauage, Vicecomes Sauage.

Sauil,

Sauil, equestris & numerosissima familia in Eboracensi provincia. *Idem*.

Scrope, sive *le Scrope*, nobilissima familia; è qua Barones enituerunt, in plures ramos divisa; Scroporum de Bolton & Scroporum de Masham, &c. *Idem*. Ex ea hodie est Emanuel Scrope, Comes Sunderlandiæ.

Seimour, sive *de S. Maro*, nobilissima familia in VViltonia: è qua Eduardus VI maternum genus duxit. Ex ea Hertfordiæ Comes superest. *Idem*.

Sheffield, nobilis familia. è qua hodie Edmundus Sheffield Comes est *Moulgrave*.

Shirley, celebris familia in Comitatu Derbiæ; è qua superioribus annis viri aliquot clari emicuerunt. *Idem*.

Sidney, nobilissima & antiquissima familia; è qua plurimi rebus præclare gestis, bello, paceque, claruerunt. Ex ea hodie est Comes Licestriæ, qui ante Baro Lisle fuit beneficio Regis Iacobi.

Somerſet, nobilissima familia, è qua Comes VVigornia.

Spenser, clara & equestris familia, quæ plurimis clarissimis familiis conjuncta est. ex hac Rex Iacobus I Robertum, virtutis & bonarum literarum cultorem eximium, titulo & honore Baro-

Baronis Spenser de VVormeleigton decoravit. *Camden.*

Stafford, vetusta & nobilissima familia; quæ olim magnis dignitatibus floruit; hodieque suum habet Baronem de Stafford. *Idem.*

Stanley, nobilissima familia. E qua Henricus VII Thomam, qui matrem regis Margaretam duxerat, Comitem Derbiæ creavit; quæ dignitas hodieque in familia permanet. Idem Comes & Manniæ regulus est. Ejus filius major natus Baro Strange de Knocking.

Stanhop, nobilis familia. E qua hodie Barones Stanhop & Shetford. Itemque Barones Stanhop de Harington.

Stourton, nobilissima familia; è qua Barones de Stourton, in Dorsettiâ. *Idem.*

Strangways, equestris familia in Dorsettiæ Comitatu.

Sutton, nobilissima familia in Staffordiæ Comitatu. è qua dudum Barones de Dudley. *Idem.*

T.

T*Albot*, celeberrima antiquissimaque familia; è qua summi heroes orti. ex ea hodieque est Comes Salopiæ.

Throckmorton, familia equestris in Comitatu VVarvviensi. *Idem.*

Tilney,

Tilney, vetus & equestris familia in Norfolcia. *Camd.*

Touchet. ex hac familia est Baro *Audley*.

Tracy, vetusta & equestris familia in Glocestrensi Comitatu.

Trafford, insignis familia in Lancastriæ Ducatu. *Camd.*

Tuſton. ex hac familia est hodie Baro *Tuſton*.

V.

Vaufor, clara & inprimis antiqua familia. *Camd.*

Vaulx, antiqua familia. è qua Henricus VIII Nicolaum *Vaulx* Baronem *Vaulx* dixit; qua dignitate posterì hodieque gaudent. *Idem*.

Vere, familia nobilissima; quæ jam multis annis Comitatu Oxoniensi posita est; plurimi autem viri summi ex illa orti; præsertim Henrico VIII regnante Ioannes, ob summas virtutes *Boni* cognomen adeptus; qui proavus fuit Henrici XVIII ex hac stirpe Comitis, & avus Francisci & Horatii *Vere* fratrum; qui singulari rerum bellicarum scientia & rebus fortissime & felicissime in Belgio gestis antiquæ nobilitati plurimum splendoris addide-

A a

ruat.

runt. *Camd.* Horatius hodie Baro Vere de Tilbury.

Villars, pervetusta & nobilis familia in Comitatu Leicestriæ; sed equestris tantum ad tempora usque Iacobi Regis, qui Georgium quartogenitum, filium Georgii Villars de Brokesby Equitis, summis honoribus extulit, & tandem Ducem Buckinghamiæ creavit: cuius gratia fratres quoque illius honoribus cumulati, Ioannes Vicecomitatus titulo Purbeck, Christoforus Comitatus Angleseyæ.

VV.

Wake, antiqua & præclara familia in Comitatu Northamptoniensi, è Baronibus de Wake orta. *Camden.*

Wallop, familia equestris insignis in Hantonia. *Idem.*

Walsingham, nobilis & equestris familia.

Wentworth, nobilis familia in Suffolcia; quæ Baronum dignitate ornata ab Henrico VIII, nunc Comitem habet Cleavelandiæ.

Vvest, nobilis & antiqua familia; quæ per hæredem domini de la VVare, Baronis titulo fuit exornata. *Idem.*

VWeston, equestris familia in Surrey. *Idem.*

VVhar-

VVharton, nobilissima familia in *VWestmerlandia*. E qua *Henricus VIII* *Thomam* Baronem *VVharton* dixit: qua dignitate posterì adhuc gaudent. *Idem.*

VViat, familia equestris in *Cantio*. *Idem.*

VVillougby, familia & nobilitate & rebus gestis illustris. è qua *Eduardus VI* *VVilhelmum* Baronis titulo ornavit. *Idem.* hodie Baro *VVillougby* de *Parrham*.

VVingsfield, familia in *Suffolcia*, equestri dignitate & antiqua nobilitate insignis. *Idem.*

VVindfore, inclyta Baronum de *VVindefore* familia, quæ originem suam refert ad *Gualterum* filium *Ocheri*, Castellani de *VVindefore* tempore *VVilhelmi* primi. *Idem.*

VVinter, nobilis & equestris familia in *Glocestria*. *Idem.*

VVotton, nobilissima familia. è qua superioribus annis effloruit *Nicolaus VVotton*, *Henrico VIII*, *Eduardo VI*, *Mariæ*, & *Elisabethæ R. R.* à sanctioribus consiliis, & crebro ad externos principes legatus: & *Eduardus VVotton* ejus è fratre pronepos; quem *Iacobus R.* Baronem *VVotton de Merlay* creavit. *Idem.*

V Vriothesley, nobilissima familia. è qua Eduardus VI Thome *V Vriothesley* Angliæ Cancellario honorem Comitis Suyd-Hantonix detulit; penes cujus posteros hodieque manet. *Idem.*

Z.

Zouch, nobilis Baronum Zouch familia, & perantiqua stirps. *Camd.*

XII.

RELATIO DE REGNO BRITANNICO, Veneti legati, uti videtur, quæ extat apud Honorium.

Britannia Insula, Serenissime Princeps (ut, quæ in universum ad illam pertinent, etiam ejus rei peritos admoneam) omnium, quas antiqui cognoverint, amplissima, in mari Oceano, quod nemo nescit, collocatur ad partem Occidentalis Europæ in gradu poli primo supra quinquagesimum: ab Oriente littoribus inferioris Germaniæ objecta: ab Occidente Insulæ ac Regno Hiberniæ: à Septentrionibus insulis Orchadibus: ab Austro Provinciæ Normandiæ & Britanniæ, quam Latini Armoricam vocant: variis nominibus vocitata, primo

mo Albion, mox Britannia, demum Anglia, diversis tamen etymis, & scriptorum sententiis, quas neque tempus, neque locus permittunt, ut describam. Ab austro ad aquilonem ejus longitudo est octingenta millia passuum, latitudo vero ubi maxima, trecenta viginti millia passuum; quumque ipsius forma triquetra sit, & Scotiæ regno comprehenso, mille septingentis millibus passuum in circuitu contineatur, patet ambitus illius paucioribus, quam Cæsar computaverat, pass. ducentis octuaginta: abundat fluviiis, ac portubus; aëris est temperationis; solum non ubique planum, sed leviter assurgens, collibus aspectu perjucundis; cunctis necessariis rebus instructa: & quam quædam magis ad commoditatem, ac delicias facientia à peregrinis comportantur, tamen longe plura ad alias nationes transmittit.

Exportantur inde, ut omnes scimus, lana, ac lanificia omnis generis, stannum, plumba, coria, carbones, carnes, & nonnunquam frugum omne genus, præter cerevisiam. Inter ea, quibus importatis utitur, numerantur præsertim aromata, sacchara, fructuum omne genus, quod advehitur ex Gallia & ex Hispania; vinum, oleum & lupulorum

flores, (*quanquam nec his ipsi carent*) quibus ad parandum cerevisiam utuntur; panni aurei & sericei, telæ, & similia, præter colores, & succos pro insectoribus. Ob has, aliasque preciosiores merces, & propter situs commoditatem ab omnibus Europæ nationibus frequentatur citra Poloniam, & postremis temporibus etiam à Moscovia, & Russia, & ab Indiis Occidentalibus, à Mexico, à Brasilia, & à littoribus Guinæ; proinde super cæteras orbis Insulas opportuna creditur, & deliciis opibusque affluentissima. In duas partes dividitur, quæ duo comprehendunt regna. Montes & flumina Solveus & Tuedus regnum Angliæ à regno Scotiæ discriminant, remanetque Scotis Septentrionalis pars in longitudine quadringentorum octuaginta milliarium, meridionalis vero Anglis ducentorum triginta. Anglorum portio tripartita est, & secundum alios quadripartita: Quatuor autem eæ provinciæ in viginti duas civitates totidemque Episcopatus cum duobus Archiepiscopatibus distribuuntur, quarum nomina & proprietates, ad vitandam memoriæ ostentationem, multoque magis ut brevitati consulam, historicis, ac geographicis, à quibus diverse scribuntur,

tur, remittam. Dicam solum, quemadmodum Provinciæ inter se moribus discrepant, ita lingua differre: nam Vallenſes aliter, quam Cornovallenses loquuntur, & utrique ab Anglorum idiomate diſſentiunt. Ad hæc duo linguarum genera additur, quod in Scotia diverſimode loquuntur agreſtes homines à cultis: hi ſiquidem Britanniæ, illi Hibernicæ linguæ ſimilem linguam in uſu habent: quæ proſecto res mirabilis eſt, una in Intûla quinque linguarum eſſe diverſitatem. Foret quoque hiſtorici ac geographi munus, ſi de locis maritimis, ac mediterraneis referrem: ſed tantum id ſufficiet, ut nonnihil referam de Vrbe Lond no, regni Metropoli, ac regia vere civitate, jure inter primarias Europæ urbes celeberrima, ſi vel agri fertilitas, omniumque rerum ad uſum vitæ humanæ facientium commoditas, vel incolarum frequentia ſpectetur; nam ſuburbii, & oppido Oſmeſtrio (VVeſtmonaſteria) computatis, trecentis quinquaginta hominum millibus eam conſtare putant. Pulcherrima quidem eſt, cum ob vias & ædificia, tum propter pontem, qui novemdecim fornicibus ex ſolido ſaxo fabrefactis utramque ripam Tamifiſis jungit, tum etiam ob Cathedra-

lem Ecclesiam S. Paulo dicatam: verum longe pulchrior est ob situm ad ripam Tamisis, à quo fluvio præter jucunditatem maximum accipit emolumentum ex frequenti navigiorum concursu, quæ trecenta & quadringenta dolia ex nostratibus ferre idonea essent: confluent autem undequaque, adjuvante fluxu maris atque refluxu, etsi civitas procul à mari sexaginta & amplius distet milliariibus: sed præ cæteris dives est, non modo propter commercia & negotiationes; verum etiam ob multa privilegia, quibus incolæ fruuntur, sine exceptione an populares sint, an mercatores, & artifices: à quorum uno, (qui ex viginti quinque Aldermannis nuncupatis eligitur,) ditior, ac nummatiores, regitur, & quasi in formam Reipublicæ gubernatur. Populares nominavi, quia Nobiles secundum morem Gallorum ac Germanorum omnes procul à civitatibus vitam degunt. (*Nihil minus; nam maxima nobilium pars bonam anni partem Londini agit.*) Utque de eorum divitiis nonnihil attingam, creduntur in duabus societatibus eorum qui vernacula Adventurieri appellantur (sunt autem ii, qui speciali-privilegio soli possunt ex Belgio in Angliam mercimonia invehere, &

viciſ-

vicissim ex Anglia in Belgium : quibus vero lanificia exportare licet , ii Stapolieri dicuntur) multi esse divites adeo, ut quinquaginta & sexaginta millia illarum librarum sterlinorum possideant singuli , & majori parte in numerata pecunia: hæc autem summa plusquam ducenta millia aureorum nostræ monetæ transcendit: præter innumeros mercatores aliarum societatum, ut sunt mercatores stanni, & aromatum , aliarumque mercium gravium, unde Grossieri dicuntur: quodque vix credibile videbitur , salsamentorum mercatores ad eandem & majorem summam pertingere solent: sic, ut pro re explorata sit habendum, eam urbem cuilibet urbi Europæ recte comparari posse.

Verum hoc argumento , uti cunctis cognito minusque necessario , prætermisso, ad alia veniam majora, & cognitione hujus Excellentissimi Senatus digniora. & antequam referam de natura principum , & eorum , qui regnum gubernant, præmittam in universum aliquid de natura regni , præsertim de ejus opibus, ac viribus: ut noscatur, an ejus sit validitatis , aut imbecillitatis , quam quisquam animo concepit. & ne tempore abutar , dico ; etsi olim

illius regni potentia, atque dominium
duplo majus, latiusque censebatur,
cum spatio trecentorum annorum
Normandiam, Britanniam, Guiennam,
Gualconiam, præcipuas Franciæ pro-
vincias, possederit, & longo tempore
sibi tributariam Scotiam fecerit, & per
annos sexdecim, & amplius, totum
Galliæ regnum penitus sub se habuerit,
(cujus Coronam publice Parisiis acce-
pit Henricus Sextus, haud ita pridem,
hoc est, anno millesimo quadringente-
simo quinquagesimo octavo,) quæ qui-
dem omnia amissa sunt, nihilque reli-
quum est præter titulos, & quædam
vicina loca, insulasque parvi momen-
ti, & alteram partem insulæ ac regni
Hiberniæ: tamen regnum illud vali-
dum adeo remansit adhuc, ut nullius
egeat ad sui tutelam: quinimo non
modo difficile & arduum opus est, sed
etiam penitus impossibile (nisi regnum
dissidia nutriat) vi illud expugnare,
quemadmodum seorsim Serenitas Ve-
stra ex relationis nostræ progressu per-
cipiet. Nam prius de viribus maritimis
sermonem instituendo, ex præcipue,
cum Regnum insulare sit, consideran-
dæ videntur. etsi hæ quoque valde di-
minutæ sunt ab eo numero, quo olim
fuerunt. quippe ducentæ aliquando
naves

naves majores illi Reges adversus hostes suos instruxerunt, præsertim Henricus Quintus adversus Carolum Sextum Regem Franciæ anno ciro cccc-xviii. Sed ne res longinquas nimium attendamus, loquemur de centenis & amplius navigiis, quæ Reges Henricus Septimus & Octavus armabant, instructa omnia cum suis administris perpetuo stipendio affectis, quo possent ad omnem occasionem ex tempore præsto esse: modo, vix quadraginta supersunt naves; siquidem vel ob negligentiam, & propter egestatem ad sumptus contrahendos aliæ divenditæ sunt, aliæ factæ innavigabiles: & nihilominus eæ paucae, quæ reliquæ sunt, cum aliis, quæ juris privatorum existunt, & quas numero ingenti Rex congregare potest, non modo ad regni defensionem sufficiunt, sed etiam si conjungerentur, ad tantum numerum atque extraordinarium ascendunt, ut multa centenaria, utque inquiunt Angli, quingentorum numerum expleant. Verum etiam si eas ad mediocrem quemlibet numerum redigamus, tot nihilominus erunt, ut, si eas militibus, tormentis, armis, omnique munitionum genere exornaverimus, certe si non aggredierentur, at saltem obsisterent

rent cuique aggressori: quandoquidem nullum regnum æque classes suas permunire valet, ut hoc Regnum Britannia. Et hæc spectant ad ejus navigia, opesque maritimas.

Quod pertinet ad terrestres copias, ac pedites, innumerabilis profecto esset hominum multitudo, si ad eos omnes respexerimus, qui in periculo publico armati consistere tenentur: nam cum novem & tringinta sint portiones, in quas regnum distribuitur, nuncupatae Porchshai, (Shires) fama est, conscriptos esse ad hanc rem septuaginta mille homines, quamvis vulgus centum mille prædicet: verum his omissis, si milites voluntarios consideraverimus, hi quoque plurimi essent, quibuscum reges illi sæpe mare trajecere, & inter recentiores Henricus Octavus anno c 1 0 1 0 xxvi trajecit propter Terracinensem expeditionem, itemque propter Bononiensem anno c 1 0 1 0 xlv; quo tempore quadraginta aut circiter quinquaginta millia Britannorum secum duxit, multoque plures conduxisset, nisi sumptibus parcere, faciendis extra regnum suum, necesse habuisset: ex hujusmodi hominum genere, usu postulante, viginti aut viginti quinque millia præsto essent, omnes ferreis loriceis induti: loquor

quor de iis quos rex instruere valet :
nam si etiam subditi Baronibus ac Do-
minis connumerarentur, longe plures
essent: illorum enim nemo est, etsi te-
nuissimæ conditionis, qui suarum o-
pum, facultatumque proportionem plu-
rimos armare nequeat, usque ad mille-
num numerum, & amplius, cujusmo-
di sunt Comites Darby, Serosberi,
VWestmerland, & præ cæteris Comes
de Pembroch: quorum milites etsi non
omnes experientia insignes, & exerci-
tati essent, qui quidem pauci sunt mili-
taribus meditamentis assueti, tamen
probis, & expertis militibus mixti (mul-
ti siquidem externa bella frequentant)
equidem egregium sui specimen præbe-
rent, plurimumque ad defensionem va-
lerent, præsertim propter indolem, at-
que aptitudinem ipsorum ad exercita-
menta militaria, & propter discipli-
nam, quam in certamine observant:
alii quoque, etsi inermes, & parum ex-
ercitati, nonnihil valerent, propterea,
quod nulla est, ut nemo ignorat, in
toto orbe natio, quæ mortis periculum
magis, quam Britanni, contemnat. Et
hæc spectant ad peditatum. Ipsorum
arma consueta arcus & sagittæ: quo-
rum armorum tantus est numerus pro-
pter communem omnium in sagittan-

do exercitationem, nulla gradus, ætatis, professionis exceptione, ut incredibilis existat: quod sit non modo eorum sponte, sed etiam Parlamenti lege, quæ jubet patribus familias, ut pueros etiam, cum ad novem annos devenerint, ea in arte exerceant, idque ut cætera otii mala removeantur. Verum id meditati in quo vires & spes omnes rei publicæ collocatæ esse videntur, ita promonent, tantaque est ejus existimatio, ut cunctis armis, etiam sclopetis, arcum præponant, magisque se hoc tutos putent, quam illis, equidem contra peritissimorum militum ducumque cæterarum nationum opinionem: tanta vi explodunt exonerantve sagittas, tantaque simul dexteritate, ut thoraces transfigere quidam posse dicantur, & nemo ipsorum est, qui vel recta, vel sursum sagittans, longius, quam palmo uno aberret à scopo. Et in hoc præcipue consistunt eorum arma offensiva.

In defensivis armis vix ullam adhibent diligentiam, vel ob incuriam, vel quia ea nihili faciunt: malunt siquidem leves & expediti posse prævenire hostem, currere, retrogradi & saltare, quam armis circumdati, etsi tutiores, impediri: nam communiter alio armorum genere non utuntur, quam ad
capitis

capitis defensam quibusdam levibus galeis, quæ vix medium obtegunt caput; loricae autem loco utuntur annulato ferreo indusio, sed frequentior est usus thoracum quorundam ex tela crassa multoties duplicata, qui adversus sagittas usitatus, & tutus est, & brachiis laminas quasdam ferreas apponunt.

Quod pertinet ad velites, innumera- biles sunt, sed minus apti: nam provincia nulla in tota Europa magis abundat equis: at cum imbecilles sint, eo quia, ut cætera omnia animalia, ob æ- ris temperiem, sub dio vivunt, herba- que sola nutriuntur, nihili fiunt: sed cum audaces sint, & generosi, præfer- tim, si ex Provincia Vallia ortum du- cant, ad explorandos atque infestan- dos hostes putantur satis valere, & lon- ge plus valerent, si nutrirentur melius.

Quod ad cataphractos, cum insula e- quos non producat aptos, nisi forte ali- quos in provincia Vallia, aut ex equi- tiis Regiis, Regnum eorum copiam ha- bere nequit. Cum tamen eorum neces- sitas indies magis cognoscatur, & pro- pterea quia Domini, & Barones, & Prælati tenentur certum eorum nume- rum alere ad Regni & Regis defensam, omnes, qui per hæc tempora possunt, curant, ut equitia nutriant. Equi igitur,
qui

qui illic conspiciuntur, importati sunt ex Flandria, cum Serenissima Regina iussisset, ut omnes suæ satisfaciant obligationi, ne ob defectum equorum boni publici cura in defuetudinem procederet.

Ex his igitur equis, additis etiam pensionariis, & aulicis, omnibusque quotquot ad militiam equestrem obligati sunt; opinantur plerique, si lustratio generalis fieret, posse componi exercitum duorum circiter millium equorum excellentis bonitatis, qui adversus quemlibet hostilem impetum tuto objicerentur.

Et hæ sunt Anglicæ militiæ vires, aptæ quidem, modo in Regno adsit concordia, ad externos hostes repellendos. quibus viribus addi quoque possent auxiliares copiæ ex Hybernia, hominum sylvestrium, qui Coronæ parent. Hi siquidem unius diei, & aliunde breviori navigatione absque ullo impedimento in insulam trajiciunt, ut quondam trajecisse dicuntur non sine regni plurimo fructu atque adjumento.

Cum hætenus opes & multitudinem terrestrium ac maritimorum militum explicaverim, non esset incongruum, ut quo ordine quoque sumptu in bello detinentur enarrarem: ut
Ælius

illius Regni mos, diversus ab eo quem
retra marique servat Serenitas vestra,
dispiciatur: verum quia hæc res ni-
mium temporis absumeret, & particu-
latim referenda esset, in aliam occasio-
nem rejiciam, ut regni situm descri-
bam, & quo pacto natura munitum
habeatur: nam in insula collocatum est
Regnū, & ejusmodi mari circumdatur,
quod à cæteris maxime differt, quum
neque in Oriente, neque usquam mare
fluxum atque refluxum tam ingentem
habeat, qui sub incremento, ac decre-
mento, altitudinem ac profunditatem
duodecim usque ad quindecim pas-
sum expleat. Quamobrem quum to-
tum Regnum quædam arx esse videat-
ur, Reges illi peculiare arces, quasi
supervacaneas, non minus adversus do-
mesticos quam externos neglexerunt:
nam adversus domesticos, qui potior
viribus est, & in campo victor consi-
stit, is Regni dominus est, semperque
erit, hostemque, qui se in arce aliqua
condiderit, acriter obsidebit, & fame
absque ullo remedio consumet. Adver-
sus externos vero tutum est regnum,
quia, cum insulare sit, classibus eo mi-
grandum est: itaque Reges curavere,
ut hostes portibus carerent, neque ad
eos appellere absque summis difficulta-

tibus ac periculis liceret : idcirco quoties adventurus hostis creditur, circum littora manent excubitores in locis eminentioribus, ut, more in Orientalibus partibus assueto, interdiu fumis, noctu ignibus indicent navium adventum, quo indicio insulares statim accurrant, quemadmodum sub pœna vitæ omnes patresfamilias, cum statuto nautarum armatorum numero, & commeatu, pro quatrIduo saltem tenentur accurrere ad ea loca defendenda ubi majus est invasionis periculum. Hoc igitur pacto littora defenduntur ab externi hostis impetu : nunquam enim defensores tam pauci esse possunt, ut, cum recentia subsidia adfutura sint, neque arma & tormenta desint, classem quamcunque arcere nequeant, præsertim cum hostes maris vicissitudines extimescere debeant : neque facile sit reperire Cæsares, aut alios Duces, qui putent, in nudis littoribus naves exponendas ventorum arbitrio, qui creberime mutantur, & periculosissimas cient tempestates.

Igitur Regnum hoc mari nunquam ex tempore offendi potest ; Terra vero nulla pars est, nisi quæ septentrionalis, nempe Scotia : à qua parte præsidarii milites detinendi sunt, alioquin Scoti
excur.

excursions facere possent, non solum
 prædæ spe adducti, cum in sylvis habi-
 tent, & pauperrimam vitam degant,
 sed etiam incitati odio, quo natura An-
 glos prosequuntur, aucto ex continuis
 bellis, præter querimonias veteres, &
 de finibus controversias. Hic Regni li-
 mes præsidio mille quingentorum mi-
 litū, qui in quatuor loca distribuuntur,
 defenditur: altera militum pars insidet
 Barvichy; quod oppidum ad Orientem
 situm est in faucibus fluvii Medi, fre-
 quens mercimoniis piscium, præsertim
 salmonum, usurpatum olim bello, ne-
 que unquam redditum Scotis. Aliud
 propugnaculum à parte Occasus Car-
 ledum dicitur: reliqua militia in duo-
 bus aliis locis detinetur: quanquam
 urbs Dunelmensis celeberrima inter An-
 glos præcipuum adversus Scotos pro-
 pugnaculum habetur, & quia frequen-
 tissima est, militibus stipendia exsol-
 vit.

Ex his igitur arcibus atque præsidiis
 Regnum tutum est: verum hæc fru-
 stranea esse possunt, si commeatus &
 pecunia defint, sine quibus Regna ab
 hostium invasionibus, & à subditorum
 defectionibus, quæ in eo Regno haud
 raræ sunt, ægre se tueri possunt: ideo
 de his etiam breviter dicam aliquid.

dupliciter igitur res pecuniaria consideratur, vel cum jam accumulata est, vel cum indies exigitur, & paulatim coacervatur.

Quo ad ordinarios redditus, ut auidi, colliguntur quinque aut sex modis regno illi peculiaribus, & nemini Regum Principumque cognitis, & usitatis. Ideo quosdam declarabo. Inter hos præcipua est tutela pupillorum: quæ est hujus regni & Scotiæ specialis prærogativa, cum à cæteris Principibus vel Christianis, vel infidelibus nullo in usu habeatur: equidem gravamen est maximum: nam omnes sive mares sive fœminæ, parenti suo superstites, minores uno & viginti annis sub tutela Regis vivunt, qui Rex omnia illorum bona, quæ Coronam recognoscunt, quantumcunque exili tributo, (sunt autem infinita) simulque alia, quæ libera sunt, occupat, fruiturque iis, ac distrahit, largitur, vel sibi, prout libet, retinere potest quoadusque pupilli unum & vigesimum attigerint annum. Hi redditus maximi essent, nisi Regis consuetudo esset illa bona passim aliis concedere; quorum plurima huic obligationi subjacent, ut Regi aliquid pendant. Quod nisi me tempus deficeret, ostenderem incommoda, quæ ex hujusmodi

modi tutelis emanant, tum quia bona pupillorum negliguntur, tum quia ipsi quoque pupilli male tractantur, quum ut plurimum tutores mercenarii sint, qui tutelam lucri causa emunt, suamque tantum utilitatem respiciunt, affinitatesque quasi vi contrahunt, filios suos filiasve, aut nepotes, aut proximos cum pupillis in matrimonium fraude conjungentes; neq; obstat, quod à parte tutorum nulla sit ad pupillos proportio vel in divitiis, vel in nobilitate: unde conjunctis nobilibus atque ignobilibus, & stirpes degenerant, & gravissima proficiscuntur odia, ac divortia frequentissima.

Simul cum tutelis etiam matrimonia intelliguntur non modo pupillorum, sed omnium eorum, qui bona possident, aliquo modo obligata Coronæ, etsi majores sint: hoc autem privilegium regni hujus & Scotiæ speciale est: neque quisquam ejusmodi bonorum possessor potest matrimonium contrahere atque concludere, nisi prius Regis beneplacitum impetraverit, utpote qui matrimoniorum dominus, hoc est, dotis tradendæ est: sed in hac quoque re liberalitatem solet exercere. Ex hujusmodi redditu antea decem aut duodecim millia librarum sterlingorum

colligebantur, at in præsens propter occupata ecclesiastica bona laicis bonis aggregata, ex quibus privati reditus adaucti sunt, intellexi, præter largitiones, quas Regina facit, inde paulo minus quam librarum 30000 deduci.

Præterea aliud reddituum genus est, quod cum pupilli, ex minori ætate egressi, hæreditatem adeunt, Coronæ solvunt quod unius anni fructus exhaurit: aliud quoque, quod *reluffum* (*relieve*) vocant, quod in recognoscendis feudis consistit: feudorum autem tanta est multitudo, ut qui tantummodo militares vocantur, ii numero sint ultra sexaginta millia: & recognoscuntur majori minorive Regis utilitate, ut feudorum dignitas requirit: hi autem reditus tanquam extraordinarii computantur, si comparentur ordinariis, qui ex patrimonio Coronæ accipiuntur, & antiqui reditus nuncupantur, qui explent sexaginta millia librarum: Cui patrimonio nunc additus est Ducatus Lancastriæ, ex quo triginta millia librarum colliguntur; cumque onera quædam amota fuerint, summa hæc plurimum augebitur. Verum ante omnia regius est proventus dignus consideratione ex portoriis rerum omnium, quæ exportantur, & importantur,

tantur, tam ab Anglis, quam à peregrinis: sed non sine aliqua differentia. nam in aliquibus quadruplo magis aggravantur peregrini quam Britanni: in quibusdam aliis omnis exceditur proportio. Hic vero proventus magnus esset, quia plurima exportantur, & importantur, si peculiares publicani iuxta cæterorum Principum morem administrarent: (*id fit hodie:*) sed cum Principis nomine exigatur, major pars consumitur in largitionibus & furtis: nam ex ducentis & amplius millibus librarum, qui putantur inde provenire, vix quarta pars Coronæ superest; cætera ministrorum & exactorum sumptibus absumuntur.

Hi fuerunt antiquitus, & in præsens habentur Coronæ reditus: præter quos computandum est emolumentum, quod ex ferri, plumbi, & stanni præcipue fodinis extrahitur, cum vix ulla insulæ pars hoc naturæ munere careat; potissimum vero Provincia Cornovalliæ mineris abundat. Sunt quoque reditus Episcopatum & Abbatiarum vacantium: & quo tempore Abbatia suo jure fruebantur (erant autem innumeræ) plurimus erat proventus: earumque distributio, quemadmodum & Episcopatum, ad Reges pertinet, qui dum

plus minusve differunt eas conferre, ita ipsarum fructus sibi acquirunt. Habent etiam ex regno 20000 librarum. Adscribunt sibi rebellium bona, præter pœnas pecuniarias, quas ex multis exigit tribunalibus, cum scilicet delicta aut Nobilium, aut Ecclesiasticorum, aut publicorum officialium, aut quorumcunque hominum indies puniuntur. Omnes huiusmodi redditus tam ordinarii quam extraordinarii credebantur tempore schismatis quotannis ascendere ad summam librarum centum quinquaginta millium, quæ sunt sexies centena millia aureorum ducatorum. Hi simul cum bonis Ecclesiasticis, quæ Rex Henricus ingenti omnium scandalo occupavit, cum ab Ecclesia sese alienavit, duplo auctiores facti sunt, quamvis data opera summam adhibuerit in ea re negligentiam, nempe permittens, ut unusquisque ex iis occupationibus fieret opulentior. Cum hoc igitur incremento credebatur Coronæ redditum annum esse trecentarum decem millium librarum, hoc est, per ea tempora millionem unum & 200000 aureorum. Nemo ambigit, cum regnum occasione dispendiorum careat, videlicet in detinendis ad sui tutelam classibus, pediatu,

ratu, equitatu, quia ex seipso securum
 est, quin possit regiis necessitatibus non
 modo cuncta suppetere, sed etiam ea
 satis superque subministrare quæ Re-
 gum libido postulat. nam exceptis,
 quæ diximus, Scotiæ præfidiis, quæ
 remoto belli periculo pro diuidio sti-
 pendio à civibus custodiuntur, item-
 que excepta trecentorum sagittario-
 rum cohorte, & quinquaginta Nobi-
 lium, qui stipendia merent utrique
 quotannis libras viginti quinque, item
 exceptis portuum & navium illarum
 præfidiarum, quas diminutas esse
 diximus, reparatione, tormentorum,
 armorum, omniumque munitionum
 renovatione, palatiorum, domuum-
 que regiarum instauratione, quarum
 numerus toto regno magnus est, præ-
 ter salaria oratorum, iudicum, alio-
 rumque publicorum ministrorum,
 quæ omnes expensæ proculdubio or-
 dinariæ sunt conservandoque regno
 necessariæ: detractis his sumptibus, qui
 non nimii sunt, reliqua pecunia tota
 ingente superfluitate, ac prodigientia
 consumitur in aula, mensis scilicet, sta-
 bulis, armamentariis, capellis, penua-
 riis, aliisque muneribus ad Reginæ ser-
 vitia destinatis, maximo ac valde su-
 perfluo officiariorum numero, quos

Clerchi vocant: siquidem nulla toto orbe gens est, quæ Britannos exsuperet in splendore domestico, famulitii multitudine, officiorum ac graduum distinctione. Adeo, ut, ne id reticeam, unde cætera conjici possunt, sola ciborum atque potionum expensa sexaginta librarum sterlinorum millia absumat singulis annis, hoc est, ducentos quinquaginta mille aureos: res quidem admirabilis, cuicunque contingit aspicere cupediarum, quæ singulis diebus parantur, multitudinem: & nihilominus vix quarta pars sumptuum fit, qui regnantibus Henrico & Odoardo hujus Reginæ præcessoribus fiebant, cum ipsa multos abusus, multasque superfluitates sustulerit, non solum moderando, sed penitus tollendo mensas plerasque.

Ex his igitur colliguntur, & in hæc insumuntur regii reditus: Pro extraordinariis autem occasionibus, ut belli, æris alieni, & similium, supersunt extraordinarii modi providendæ pecuniæ, qui profecto modi plurimi essent, ac Principi perutiles, si modo vellet partem aliquam illorum gravaminum, quæ in aliis regnis usurpantur, factaque sunt ordinaria, introducere: verum in hac parte revera mirabilis est.

est, & perrara illius regni libertas, quo nullum regnum minus oneratum est. Igitur Regnum illud extraordinarios redditus nullos habet, præter sola subsidia, quæ Parliamentorum interventu in publicis necessitatibus decernuntur: ad quæ subsidia indifferenter contribuant Britanni, ac peregrini: sed tamen plurimis dilationibus penduntur ad portionem bonorum, quæ quisque possidet, quæ bona minus rigide æstimantur, & exactio tempore dividuntur, ac plus minusve differuntur, prout urget necessitudo.

Cum satis de viribus, ac munimentis regni dixerim, reliquum foret, ut de politia nonnihil referrem, ut quam sit à cæteris diversum appareat: sed brevitatis causa sufficiet, ut significem, iustitiam ibi non, ut in cæteris regnis, & Christianis provinciis, administrari: non enim civilibus & imperialibus legibus gubernatur, sed municipalibus, ut hæc Respublica. quæ cum à Gulielmo Normando Bastardo, qui Conquæstor, quod perinde est ac tyrannus, utpote qui vi totum regnum occupavit, institutæ fuerint: admirandum non est, quod solam Principis utilitatem respiciant, subditorum vero bonum desertum esse videatur, plenæque
sint

sint tricarum, ambiguitatum, sibi que contrariæ fuerunt. siquidem excogitatæ, ac sancitæ à Normandis, quibus nulla gens magis litigiosa atque in controversiis machinandis & proferendis fallacior reperiri potest. Hæ leges in illis judiciis inviolabiliter ac rigide observantur, & in gymnasiis Londini publice idiomate Normanno præleguntur, quo idiomate paucis ante annis litigia agitabantur, & omnes iudicarii actus, & publicæ scripturæ conscribebantur, quodque novum videbitur, confertur gradus Doctoris in ea facultate, ut in Italia aliisque civitatibus conferri solet gradus in Iure Civili & Canonico. Quod si temporis angustia concederet, possem diversitates quasdam, & vere notabiles abusus, qui in forma judiciorum frequentantur, referre, præsertim in iis judiciis, quæ inquestæ dicuntur, in quibus tam civilibus quam criminalibus magna subsequuntur incommoda. Hoc iudicium constat ex duodecim viris, qui à iudice congregantur, ut ab iis sententiam suam exquirat, super re, de qua controversitur: & omnes conveniant, necesse est, alias nequit iudex ad sententiam procedere. Sed ne tædium afferam, hoc totum argumentum postpono,

no, addens tantum, in toto regno atque in omnibus consultationibus regiam solam voluntatem attendi, cum Reges absoluti Domini sint, atque Monarchæ. Quamobrem ne soli esse videantur in regimine, aut propter inertiam, & majorem commoditatem, vel ob superbiam ac pompam, instar Turcici imperii, inducere Consilium præcipuorum officialium, ac ministrorum; qui instar Bassarum congregantur; & Principem ubique sequentes, habent ad hunc effectum & mensam, & proprium in aula diversorium, ac famulitia splendida; magnaue dignitate regios labores minuunt, siquidem ad eos confugiunt plerique subditi, ac ministri publici, & Principum quoque Oratores. Adeo ut ii Principis aures & personæ dici possint, cum per totum Regnum potentiam exercent, & imperium in ministros, quos magna auctoritate tractant, illique vicissim obedientiam præstant; denique ut Rex, ita ipsi, quæcunque libet, jubere, ac decernere queunt. In hujusmodi Consilium, quod regium dicitur, ut plurimum admittuntur tria vel quatuor præcipua Regni officia, hoc est, Cancellarius, Thesaurarius, & quem vocant Privizelum, (custos privati sigilli)

&


& Amiralium , præter præstantiores Aulæ domusque Regiæ officiales, veluti Stuardum, qui simillimus est Magno Magistro in Gallia, & in Aula Cæsarea Major domus major ; omnes ut plurimum dominos nobilesque & eximios viros.

Ab his igitur regnum omnino gubernatur. Verum quoniam aliquando materiæ quædam publicæ accidunt, quæ ad bonum , sive etiam detrimentum regni ac subditorum spectant, verbi gratia , legem novam constituere, alias examinare, vel reprobare, pecuniam ad bellum aliquod iam statutum imperare, vel similia ad remp. pertinentia providere, tunc in similibus casibus consueverunt Reges modestiæ gratia antiquam consuetudinem servare, ut scilicet Parlamenta convocent, in quibus Regni status & ordines tres congregantur, hoc est, clerus, nobiles, & populares, ut ab hisce examinato negotio, quo de agitur, à Regibus deinde eorum decreta confirmentur aut reprobentur. Et quanquam antiquitus hæc Parlamenta auctoritate ac libertate potiebantur, ut Reges potius politica & civilia capita fuerint, quam Domini, & Monarchæ ; tamen ab Eduardo tertio ad hæc usque tempora
Regum

Regum auctoritas adeo munita est, ut hodie Parlamenta regiarum magis cupiditatum larvæ quædam sint, quibus in rerum dubiarum consultationibus laborem & incommoda, in periculosis autem rebus damnum subterfugiunt potius, quam ut per ea potestatem suam moderari velint; nam in iis quicquid consulitur, aut decernitur, nihil validum est, nisi regia accedat confirmatio: Quin etiam non modo quicquam decernere, aut quemcunque actum facere nequeunt, sed ne congregari quidem possunt, nisi nutu regio; solentque Reges ad ea quoslibet admittere, atque ab iisdem remove; nempe ita formidabiles cunctis facti sunt, ut nemo in Parlamenti, aut extra ipsa, audeat sese ne minimo quidem verbo regis voluntati opponere, nisi tamen sibi damnum, ac ruinam velit accersere. Adeo ut quemadmodum servi & subditi sunt ii, qui Parlamenti interfunt, ita actiones & consilia inde prodeuntia servilia esse, necesse sit.

XIII.

DE PRÆSVLIBVS- ANGLIÆ;
secundum Franciscum
Godvvinum.*Provincia Cantuariensis.*

1.  Antuariensis Archiepiscopus, Primas Angliæ. Huius redditus annui (prout censentur apud rationes fiscales) sunt 2816 lib. 17 st. 9. d. sterling. Pontifici Romano pro primitiis reddebat x mill. florenorum, (quorum singuli valebant 4 st. 6 d. monetæ Anglicanæ) ac deinde pro pallio 5000.
2. Londinensis Episcopus. Secundum rationem census fiscalis, valet hic Episcopatus annuatim 119 lib. 8 st. 4 d. & Papæ reddebat pro primitiis tria millia florenorum.
3. VVintoniensis Episcopus. Episcopatus hic secundum æstimationem Registrorū fiscalium valet hodie annuatim 2491 lib. 9 st. 8 d. Olim autem in primo ingressu Papæ reddebat xii millia ducatorum.
4. Eliensis Episcopus. Secundum rationem scaccarii aut fisci regii valet hic Episcopatus annuatim 2134 lib. 18. st. 5

18 ft. 5 d. in registro vero Pontificio ducat. 7000.

5. Lincolnienſis Epiſcopus. Ejus cenſum non invenio.

6. Coventrenſis & Lichefeldenſis Epiſcopus. In libro cenſuali fiſci regii dicitur hic Epiſcopatus valere 559 lib. 17 ft. 2 d. In registro vero Pontificio 1733 ducat. quanquam traditum etiam repperi 300, nec amplius ibidem æſtimatum.

7. Sarisburienſis Epiſcopus. Valet hic Epiſcopatus ſecundum regiftrorum fiſcalium rationem 1385 lib. 5 ſ. Pontifici Rom. conſueverat reddere ad novi Epiſcopi ingreſſum 4500 aureos.

8. Bathonienſis & VVellenſis Epiſcopus. Secundum rationem regiftrorum fiſcalium, valet annuatim hic Epiſcopatus 533 lib. & 15 d. Pontificique Rom. ad novi cujuſque Epiſcopi ingreſſum pendebat olim (quod m̃tor) floren. duntaxat 430, cum inter opulentiffimos Angliæ ea ætate cenſeretur. Magnos hodie fruſtus percipit ex plumbi fodinis, quæ frequentes in agro VVellenſi.

9. Exonienſis Epiſcopus. Hic Epiſcopatus ſecundum æſtimationem recentiorum Eduardi ſexti tempore initam valet lib. 500. Et tamen ad ingreſſum

novi præfulis, Pontifici pendere consueverat ducatorum sex millia.

10. Norvvicensis Episcopus. Valet hic Episcopatus annuatim secundū rationem registorum fiscalium 899 lib. 8 s. 7 d. censu Romano 5000 ducat.

11. VVigorniensis Episcopus. Secundum rationem fisci regii, valet annuatim hic Episcopatus 1049 lib. 17 s. 3 d. Et Pontifici Rom. pendebat pro primitiis florenor. 2000.

12. Herefordiensis Episcopus. Hic Episcopatus apud rationes fiscales censetur ad 768 lib. 10 s. 10 d. Pontifici vero Rom. pro primitiis olim pendebat floren. 1800.

13. Cicestrensis Episcopus. Valet hic Episcopatus secundum rationes fiscales 677 lib. 15 d. ac Papæ pro primitiis pendebat floren. 333.

14. Roffensis Episcopus. Valet hic Episcopatus annuatim secundum rationes fiscales 354 lib. 16 s. 3 d.

15. Oxoniensis Episcopus. Episcopatus ab Henr. VIII demum institutus. Valet annuatim secundum rationes fiscales 354 lib. 16 s.

16. Glocestrensis Episcopus. Valet annuatim hic Episcopatus secundum rationes fiscales 414 lib. 19 s. 11 d.

17. Petrobουργensis Episcopus. Novus Episco.

Episcopatus sub Henr. VIII primum institutus. Valet annuatim secundum rationes fiscales 414 lib. 19 ft. 11 d.

18. Bristolienſis Episcopus. Novus Episcopatus & anno demum 1542 institutus. annui illius census secundum registrum fiscale valent 383 lib. 8 s. 4 d.

19. Menevenſis Episcopus, apud rationes fiscales annuatim valere censetur supra 425 lib. Pontifici vero pendebat pro primitiis flor. 1500.

20. Landavenſis Episcopus. Episcopatus hic secundum rationes fiscales valet annuatim 154 lib. 14 s. 1 d. Pontifici vero Rom. pendebat pro primitiis floren. 700. quod nostra moneta (inquit author) conficit 157 lib. 10 s.

21. Bangorenſis Episcopus. Census hujus Episcopatus annuus, secundum rationes fisci Regii, est 132 lib. 16 s. 4 d. Papæ vero pro primitiis pendebat floren. tantum 126.

22. Alaphenſis Episcopus. Hujus Episcopatus census annuus, secundum fisci Regii rationes, est lib. 131, solid. 16. Papæ pro primitiis reddebat olim florenor. 126.

Provincia Eboracenſis.

23. Eboracenſis Archiepiscopus. Hic Regi pendere consuevit pro primitiis :

404 ANGLIAE DESCRIPT.

1609 lib. 19 s. 2 d. & Papæ 10 mill. ducat. præter 5000 pro pallio. Tempore Thomæ VVolsæi reditus annuos fuisse volunt 4 mill. librar. sterling.

24. Dunelmensis Episcopus. Hic Episcopatus apud rationes fiscales valere dicitur annuatim 1821 lib. 17 d. Pontifici vero pendere solebat pro primitiis floren. 9000.

25. Carleolensis Episcopus. Episcopatus hujus annui reditus secundum rationes fisci regii valent 531 lib. 4 s. 11 d. Et Papæ pro primitiis ad novi cujusque præsulis ingressum pendebat floren. 1000.

26. Cestrensis Episcopus. Novus hic Episcopatus institutus ab Henrico Octavo. Valet annuatim, secundum rationes fiscales, 420 lib.

INDEX

INDEX RERVM MEMORABILIVM, quæ hoc libello continentur.

A.

A Cademia Angliæ.	44. 45. 49
Aerarii curia.	205
Aetona oppidum.	33
S. Albani oppidum.	47
Alenus fluv.	55
Ambresburia urbs.	30
Angleſeya inſula.	83
Anglia regni opulencia & potentia.	291.
294. reditus.	300
Anglorum mores. 98. 104. leges. 100.	
167. conſuetudines & ſtudia. 101. religio.	102
Apprentihood Angl. quid.	283
Argentei nummi Angl.	299
Armigeri Angliæ quales.	154. 162
Attinctura formula.	247
Avena amnis.	30
Auſona fluv.	41. 55. 58
Avona fluv.	27. 30. 31. 54
Aurei nummi Angl.	298
Auſtraliũ Saxoꝝ Reges.	319

B.

B Alnearii equites.	151
Barones qui Angl.	144
Baronis curia.	214
Bathonia urbs.	27

INDEX.

<i>Bedfordia.</i>	47.92
<i>Bercheria comit.</i>	31.90
<i>Bernstaple oppidum.</i>	24
<i>Bervicum oppid.</i>	72
<i>Birch flu.</i>	77
<i>Blith flu.</i>	41
<i>Blodman oppidum.</i>	25
<i>Brechinia prov.</i>	77
<i>Brechnocum oppidum.</i>	ibid.
<i>Bristolias civitas.</i>	27
<i>Britannia limites. 1. ambitus.</i>	2
<i>Buckinghamia.</i>	48.92
<i>Burru Antonini.</i>	77

C.

C <i>Aerdiff oppid.</i>	75
<i>Caermardunensis com.</i>	74
<i>Caernarvonensis com.</i>	81
<i>Casarea insula.</i>	83
<i>Camalodunum oppidum.</i>	38
<i>Camborithum vetus.</i>	44
<i>Camera stellata.</i>	253
<i>Canus flu.</i>	45
<i>Cancellarius Anglie.</i>	196
<i>Candus flu.</i>	71
<i>Cantabrigiensis comit. & urbs. 44. cæli solique ratio.</i>	91
<i>Cantii reges.</i>	318
<i>Cantium comitatus. 7. 9. flumina. 8. Hundredæ. 8. Lathe. 9. portus. 8. cæli solique ratio.</i>	86
<i>Can-</i>	

INDEX.

<i>Cantuaria oppid.</i>	9
<i>Capite censi.</i>	165
<i>Cardigamia provinc.</i>	78
<i>Carleolum oppid.</i>	71
<i>Causarum capitalium judicium. 218. civilium.</i>	247
<i>Ceretica prov.</i>	78
<i>Cestria provinc.</i>	63
<i>Cicestria urbs.</i>	14
<i>Citationum forma. 257. 265. 266</i>	
<i>Clarovenoflu.</i>	77
<i>Cleri privilegium.</i>	238
<i>Cluida fluu.</i>	81
<i>Colchestria urbs.</i>	37
<i>Cole fluu.</i>	48
<i>Colnus fluu.</i>	33. 37
<i>Columbus fluu.</i>	23
<i>Comes quis Angl.</i>	143
<i>Comitatus partes.</i>	212
<i>Constabularii.</i>	216
<i>Conventus juridici.</i>	228
<i>Cornovius fluu.</i>	82
<i>Cornubiæ comit.</i>	24. 89
<i>Coventria urbs.</i>	54
<i>Crimen læsæ Majestatis.</i>	243
<i>Croylandia oppidum.</i>	59
<i>Cumbria comitatus.</i>	71
<i>Cunetio antiquorum.</i>	31
<i>Cunetio annis.</i>	32.

INDEX.

D.

D <i>Anus flu.</i>	64
<i>Darbia provinc.</i>	60.93
<i>Decemviratus iudicium.</i>	192
<i>Denbigia comitat.</i>	80
<i>Derventio flu.</i>	60.69.72
<i>Dert flu.</i>	23
<i>Deva flu.</i>	64.73
<i>Devonia comitat.</i>	21.88
<i>Dies legitimus.</i>	217
<i>Dominus Angli quis sit.</i>	57.161
<i>Dorcestria prov.</i>	19.20
<i>Dorobernia, hodie Cantuaria.</i>	9
<i>Dorsettia prov.</i>	19.88
<i>Dovius flu.</i>	78.80
<i>Dovus flu.</i>	60.61
<i>Dubris oppidum.</i>	10
<i>Ducatus curia.</i>	265
<i>Duelli iudicium.</i>	191.251
<i>Dunelmensis episcopatus.</i>	69
<i>Dunus flu.</i>	58
<i>Duodecemviri.</i>	210
<i>Dux quis Angl.</i>	141

E.

E <i>Boracum.</i>	66
<i>Ecclesiarum numerus.</i>	7
<i>Edmundiburia.</i>	40
<i>Eirenarchæ.</i>	218
<i>Elarvventus flu.</i>	78
<i>Ely</i>	

INDEX.

<i>Ely oppidum.</i>	46
<i>Emancipatio.</i>	258.265.274
<i>Episcopatum numerus.</i>	7
<i>Equites, qui ordo sit.</i>	147
<i>Essexia comitatus.</i>	37.90
<i>Exonia civitas.</i>	22

F.

F <i>Alemouth portus.</i>	25
<i>Farne insula.</i>	33
<i>Farneham oppidum.</i>	16
<i>Feudum.</i>	282
<i>Fidelitatis juramentum.</i>	281
<i>Fisci curia.</i>	205
<i>Flintensis comitat.</i>	81
<i>Fontes calidi.</i>	28
<i>Forum Ecclesiasticum.</i>	287
<i>Fromus fluu.</i>	20

G.

G <i>Allewa antiquorum.</i>	32
<i>Garines flu.</i>	41.42
<i>Garnsey insula.</i>	83
<i>Gavelkind quid sit.</i>	108
<i>Glamorgania prov.</i>	75
<i>Glocestria urbs.</i>	50.51
<i>Glocestrensis provinc.</i>	92
<i>Gobanium antiquorum.</i>	77
<i>Goitus fluu.</i>	60.64
<i>Grancestria Saxonum.</i>	44
<i>Greenuvich palatium.</i>	13
<i>Grey familia.</i>	354

Cc 5

H.Hæ.

INDEX.

H.

H <i>Areditatum jus.</i>	272.275
<i>Hamtoncourt palatium.</i>	36
<i>Hantonia comitat.</i>	17.87
<i>Herbert familia.</i>	355
<i>Herefordia comitat.</i>	52
<i>Hertfordia provinc.</i>	46
<i>Hierus fluu.</i>	41.42
<i>Ho regiuncula.</i>	11
<i>Houthya flu.</i>	77
<i>Houvard familia.</i>	356
<i>Hul oppidum.</i>	67
<i>Huntingdonia.</i>	56.93
<i>Hundredum quid.</i>	213

I.

I <i>Erseya insula.</i>	83
<i>Ipsuvich urbs.</i>	39
<i>Iruvellus flu.</i>	65
<i>Isca Ptolemai.</i>	22.77
<i>Ituna fluu.</i>	71
<i>Iudices. 200. iudicii forma. 190. partes.</i>	
192. loca.	168
<i>Iudicium parlamentarium. 190. Duelli.</i>	
191. Duodeccm viratus. 192. causarum capital.	218
<i>Iuris dicundi tempora. 196. forma.</i>	200
<i>Iuridici conventus.</i>	228

K. Ken.

INDEX.

K.

K Endale oppid.	73
Kenus fluv.	ibid.
Kirfopus fluv.	71
Knight nomen unde.	150

L.

L Ancaſtria provinc.	65
Launſton oppid.	24.25
Lea amniculus.	33.46
Legitimandi ratio.	271.274
Legu'ei Anglorum.	167
Leiceſtria.	57.58
Leuves oppid.	15
Libelloꝝ ſupplicum curia.	266
Lichfeldia oppid.	61
Lid fluv.	22
Lincolnia.	58.59
Londinum civitas.	34
Lonus fluv.	65
Lynne oppidum.	42

M.

M Almeſburia oppid.	30
Mannia inſula.	82
Maridunum oppid.	75
Meduocagus fluv.	7.9.11
Menai fretum.	83
Meſura aridorum & liquidorum.	185
Mercia Regnum.	312
Merio-	

I N D E X.

<i>Merionethensis prov.</i>	80
<i>Merseius fluu.</i>	63.65
<i>Michaëlis insula.</i>	23
<i>Middelfexia prov.</i>	33
<i>Milford portus.</i>	73
<i>Mona insula. 82. alia.</i>	83
<i>Monetaria res.</i>	297
<i>Monnovus fluu.</i>	76
<i>Montgomery comitat.</i>	79
<i>Monumethensis comitat.</i>	76
<i>Municipes.</i>	160
<i>Municipiorum numerus.</i>	7

N.

N <i>Adder amnis.</i>	30
<i>Nobiles creandi mos.</i>	158
<i>Nobilitas major. 139. quomodo judicetur.</i>	
<i>243. minor. 146. minorum gentium.</i>	
154	
<i>Nonsuch palatium.</i>	17
<i>Norfolcia comitat.</i>	41.91
<i>Northamptonia.</i>	55
<i>Northumbria.</i>	72
<i>Norwicum oppidum.</i>	41
<i>Novum-castrum oppid.</i>	72
<i>Nuptia.</i>	267

O.

O <i>Occidentalium Saxonum reges.</i>	319
<i>Ockham oppidum.</i>	57
<i>Optimatium origo.</i>	131
<i>Orevvood arena.</i>	89
<i>Orien-</i>	

INDEX.

<i>Orientalium Anglorum reges.</i>	323
<i>Osca fluv.</i>	77
<i>Otelandes palatium.</i>	17
<i>Oxford palatium.</i>	13
<i>Otterey amnis.</i>	23
<i>Ousa fluv.</i>	41.42.43.47.56
<i>Oxiney insula.</i>	12
<i>Oxonia urbs.</i>	49

P.

P arlamentum. 168. habendi modus.	
171. locus. 172.173. qua munia in illo obeantur.	170.171.172.174
Parlamentare iudicium.	190
Pedredus fluv.	29
Penbrochia comitat.	73
Peterillus fluv.	71
Plebei. 161. laudes eorum.	163.164
Plimmouth oppidum.	23
Plinus fluv.	ibid.
Pondage.	302
Perthmouth oppid.	18
Principis absoluti exemplar.	130
Primogenitus regis Ang.	188
Promontoria Britannia.	1.22.24
Provincia Angl.	3
Pupillorum curia.	258

Q.

Q uestiones forenses.	202
Quindena qua.	306
Quin-	

INDEX.

Quinque portus qui. 8. eorum castos.
 ibid. privilegia. ibid.

R.

R Adnoria provinc.	78
Readhinga oppid.	32
Renmerus fluu.	76
Regis definitio. 117. potestas. 119. 120. etymon.	123
Rerumpub. forma. 110. 112. exempla. 113. 114. compositio. 116. partes. 112. con- venientia & disidium.	189
Richmondia palatium.	17
Richmondia oppidum.	69
Riot quid.	254
Roch fluu.	65
Roffa oppid.	9
Rotherus amnis.	12. 15
Ruslandia comitat.	57

S.

S Abrina fluu.	51. 53. 63. 73
Sa'opia urbs.	62
Sanduvicum oppid.	10
Sarisburyia urbs.	30
Sarnia insula.	83
Schene palatium.	17
Servi & Servitus.	275
Servitium militare.	260
Somerfettia comitat.	16. 90
Sontis infecutio.	223
Sont-	

INDEX.

<i>Southantona oppid.</i>	18
<i>Sovvus fluv.</i>	61
<i>Staffordia.</i>	61
<i>Stoneheng quid?</i>	30
<i>Stoura fluv.</i>	12.38.39.53
<i>Subsidia regia.</i>	201.305
<i>Suffo'cia provinc.</i>	39.91
<i>Suppliciorum firma.</i>	240
<i>Surria comit.</i>	16.87
<i>Sussexia comitat.</i>	14.87

T.

T <i>Abelliones publici.</i>	167
<i>Tama fluv.</i>	62
<i>Tamara fluv.</i>	21.23.24
<i>Tamisis fluv.</i>	7.11.17.33.34.35.37.50
<i>Tanetha insula.</i>	2.7
<i>Tavus fluv.</i>	24.76
<i>Tesis fluv.</i>	66
<i>Testamentorum ratio.</i>	274
<i>Tevius fluv.</i>	74
<i>Tina fluv.</i>	72
<i>Tuvius fluv.</i>	78.79
<i>Torquendi usum ignorant Angli.</i>	241
<i>Trenta fluv.</i>	58.61
<i>Tueda fluv.</i>	2.72
<i>Tuvius fluv.</i>	79

V.

V <i>Aga fluv.</i>	76.77.78
<i>Vecta insula.</i>	17.83
<i>Verlucio antiquorum.</i>	31
<i>Vice-</i>	

INDEX.

<i>Vicecomites.</i>	205.208
<i>Vrus fluv.</i>	67.68
<i>Vsa, vide Ousa.</i>	
<i>Vxores.</i>	267

VV.

VV <i>Allia principat.</i>	73
<i>Ward, Anglis pupillus.</i>	258
<i>Warwicensis com. & urbs.</i>	54
<i>Wella urbs.</i>	27
<i>Wellandus fluv.</i>	55.57.59
<i>Wenesber fluv.</i>	72
<i>Westmonasterium.</i>	36
<i>Westmorlandia com.</i>	70
<i>Wey amnis.</i>	17
<i>Wigornia prov.</i>	52.53
<i>Wiltonia prov.</i>	29.90
<i>Windsora palatium.</i>	33
<i>Wintonia oppid.</i>	18
<i>Wirus fluv.</i>	69.70
<i>Withama fluv.</i>	59.60
<i>Wye fluv.</i>	50

Y.

Y <i>Armoutha oppid.</i>	43
<i>Teoman quis.</i>	164.

FINIS.



